

中國東方文化研究會歷史文化分會策劃  
四庫全書存目叢書補編纂委員會編纂  
北京愛如生文化交流責任有限公司鑒刻

齊魯書社出版

四庫全書存目叢書補編

中國東方文化研究會歷史文化分會策劃  
四庫全書存目叢書補編纂委員會編纂  
北京愛如生文化交流責任有限公司贊刻

齊魯書社出版

四庫全書存目叢書補編

第五七冊



# 補編第五十七冊目次

八厓集七卷

〔明〕周廷用撰  
中國科學院圖書館藏清乾隆十三年重刻本

滄漚集八卷

〔明〕張重華撰  
中國科學院圖書館藏明萬曆刻本

朱秉器詩集四卷文集四卷

〔明〕朱孟震撰  
中國科學院圖書館藏明萬曆刻本

..... 一

..... 二一八

..... 三五九

八厓集七卷

〔明〕周廷用撰

中國科學院圖書館藏清乾隆十三年重刻本

附《四庫全書總目·八厓集十

三卷》提要

八厓集原序

容城周子子賢以妙年掇  
巍科聲噪甚余時備員金  
馬始從餅餌紅綾下獲瞻  
丰度令人摹擬衛玠潘岳

序

一

於當年徐領其言論隱隱  
具憂時感事籌國裕民之  
致又賈太傅陸宣公不啻  
心凜凜異之後歷仕四遠  
若聞若渙若蜀若吳俱騰

聲政教其在貴也適余奉  
勅巡撫黔中恒出諸巨議  
佐余不逮至其乘雨夜附  
岩厂梯藤木仰破香爐山  
若生擒其賊首阿旁等于

序

二

萬峰攢天之上尤周子借  
箸力爲多緣賦性謹正弗  
屑脂膏視宵人輩如臭蛆  
然由是群小相惴惕慮其  
坐中書堂不撓法無倖逃

恒多方沮抑故周子年甫  
強仕即解組歸山以著述  
老今其子雲石宦浙鉞父  
所著八厓集數十卷謂今  
曾共舟交稱最因丐爲序

序

三

余維周子學瞻而用莫抒  
才大而位弗稱滿腔堯舜  
君民之情百未一售賈生  
之治安陸子之奏議懇款  
流涕者一一於詩歌詞賦



中發之故其音節悲壯感慨  
遙深凡寄清寓旨都足  
爲君國龜鑑匪徒搖筆染  
翰嘯月嘲風僕僕然嗜作  
雕虫小伎也觀者不得其

序

四

指歸苟徒賞其集中某某  
伯仲漢魏某某出入晉唐  
詎足知吾周子也哉至于  
古文亦復如是大都根柢  
六經咀嚼三傳渾穆奧博

當在建安黃初間目今二  
家先熾七子復倡騷壇詞  
客恭然從風周子起南楚  
遙相競爽凡足所歷目所  
到耳所及心所感情所觸

序

五

悉以詩寫之縱茶亭酒肆  
冷廟荒刹不惜淋漓揮翰  
昔江文通遇物輒賦杜子  
美到處題詩吾於周子見  
古人云嗚呼當周子歸里

時余亦以遣蔡潮詣播故  
改蒞南京都察院力薄不  
克挽脫使周子正色立朝  
當爲汲長孺靖淮南之謀  
又烏致有西江逆濠之變

序

六

我今讀八厓集尤深人景  
仰矣因漫書以應雲石請  
峕

嘉靖九年四月念八日太  
子太保戶部尚書孱陵

鄒文盛時鳴甫譔



序

七

八屋子詩序 年侄孫宜撰  
孫子曰八屋子蜀稿凡數萬餘  
首其可以置余意者敘述  
於左云其他則固皆精細言  
筆余不能贅焉爾矣

序一

峽中行十首

洞連子曰峽中行十首其  
擬梁劉嶮岨嶽峯之收似  
矣往余也遊時嘗聞蜀人  
言三峽勝類天蓬造於  
驚

聽也願自以為未獲躬履  
擊乃今讀八屋子詩序余可  
以遊已矣

巫山詩八絕句

洞連子曰巫山八詩善矣至

序二

其詞已向雙流窺石鏡更從  
三峽度巫山蒼苔翠映金  
洞瑤草青搖玉女屏者則固  
有麗崛壯意焉

八禽言



洞達子曰古人詩有假託寓言  
以觀者云姑惡之類是也八  
雀子爲禽言以章親詞貶義  
要皆親切宛曲近人情矣夫  
詩曰鳴實者也故有繪藻飾

序三

華驗詞詭語讀之大各中曉  
君子乃或亡來焉失實故也強  
余覽李長吉詩恠其言雖所  
謂中聽矣終于是則未之深  
若時人賦詩鳴乎

寄孫石礫

洞達子曰八雀子于家大夫  
也寄贈懷慕蓋數子章云獲  
惘豈素鳴思緣哀備極體範  
矣古語有之士爲知己者用

序四

八雀子所謂知己非即今世學  
士大夫帥好貴耳賤目其所  
褒敬頌述篇表稠襍往而不  
遠官顯士有之意以獻報  
効使而非在紀實也夫微以雀

子則余家大夫幾已矣後世安  
得知有是人哉

夔州秋興八首

洞連子曰夔州秋興八章紀夔  
事也其猶有少陵之遺乎夫

序五

八厓子諸作皆任志率情故其  
詞或不牽切整飾之往有跌  
宕不羈意焉至是乃獨績肅  
不苟也予謂八厓子蓋深用力  
于此云

同年孫石磯提學紫蕭書

而見寄

洞連子曰八厓子詩曰懷寶  
客賢在櫟賜環終見帝憐才  
八厓子意厚已夫

序六

國家以考績取外臣以論款付  
臺諫不稍出言往々憑藉眛為  
黜陟百年於茲殆未有以易也  
是故假念紆怨挽擯善類臺  
諫有焉聲焰燭赫已敢誰何

其以考績黜者令大貲風憲行  
若由夷終賜及蜀云而銓衡之  
曹又帥拘牽宿例不得輒有  
所品拔故士雖或膺薦被列乃  
剛明疆毅深結主知如某

李七

某公莫能稍振流弊選用一二  
借呂雪天下之憤也往  
高皇帝嘗一日悉捕吏受賕  
者數十人誅之是故賞罰殺  
生率出不測故人已所慰而

下止以容奸今報怨酬德并殆  
莫可數計而士大夫直以素  
不辜為進退夫何以云治也  
將八厘子謂予家大夫既已累  
薦矣乃復黜落不值故子以

李八

對八厘子云爾以余言為然  
寄淺谿子頽惟喬

涸遼子曰詩言涉谿子謂得異  
人術能越子禕而度九齡長往  
不返信斯言乎則神仙可以術



得而不死之藥可以力致也夫  
淺谿子之說其以逃世之託乎  
余往在獄中獲見淺谿子觀其  
言此人非今世士也余故知之云

石磯將歸丘園

序九

洞述子曰八厓子是詩白閑門  
合著歸田賦投筆休為辨謗  
書述者之論也魯恭士有言  
譽人者少毀人者多予讀之  
稱焉夫說士無鬼聽德夫

無反情彼既旁誣曲煽令黑白  
倒置矣設以自訟彼乃心知其  
枉肯曲已而人直耶是故閑  
謗而辨者謬之因也辨則愈  
激其情激其情則謗益力矣

序十

故廼有詭造巧構指辯書為  
証案者焉嗟乎可不思哉  
送舉人劉子起宗會試  
洞述子曰劉子者東山公孫  
也往余從家大夫北遊與劉

子同師友云當是音余年蓋  
未童而劉子之且少也嘉靖  
戊子余乃為讀八厘子所試刻  
子文今乃又得讀是詩余故  
知劉子矣

序立

先臺憲公八厘集稽走海內名流叙跋甚  
多旁溢襍出往之散布人間曩余見孫洞  
達先生集載公傳暨詩小序古與現偶如  
法物然今重錄是集標公傳并繕各小序  
於卷首云

重刻八厘集序

先廉憲公八厘集凡七卷慶  
齡時王父繩齋公手授云明嘉  
靖間雲石祖宦浙時梓傳已久  
板藏邑東山石龍故廬鼎革之  
際家藏圖史散佚原板亦兵燹  
無存此卷世緘枕麓中當冠氛

序

轉徙未敢遺棄余幾欲廸茲先  
緒值中年多病而汝父又以弱  
冠背殞不果今以付汝雖常絕  
帙殘而先人辨香在是當重梓  
以終吾志慶時承王父於他經  
史第徐徐口授惟此一編懇懇  
款款珍恤諄殷不置蓋重之也

爰於舉業暇手錄一部案頭行  
匣往復諷誦原本仍固緘秘櫃  
旦夕爲剗劂計癸卯試院歸振  
履舊櫺夜栩栩覺回祿熾敞廬  
時王父歿已七載彷彿在旁大  
呼急拾八厘集比慶亦恍惚笑  
入牖間持一卷從烈焰中光閃

序

二

閃出醒益震惛惶悚深墜緒茫  
茫之懼矣宰弘農之明年遣長  
子天錫南歸取原本訂正戊辰  
春始於泌署鳩工就梓竊謂古  
今詩文一道作者林立當其興  
酣寄託不必何人之傳之述之  
也即傳之述之亦弗臆計其年

之久且遠也茲籍邑先達任齋  
張先生官閩爲余言閩刻若鼓  
山等付是也賴齋王先生宦浙  
爲余言南本若王少司徒傳等  
篇是也他如鎮遠觀瀾及平香  
廬山碑等篇鄉先生之遊黔者  
爲余言石刻甚多種種海內流

序

三

傳而家藏原板反淪灰燼即慶  
先高曾亦代嗜聲律拳拳持一  
綫輾轉相屬迨王父始以重梓  
囑示而慶幸托先澤再壽梨棗  
可知前之人靈根慧業顯晦有  
時後之人薪火延續源淵有自  
冥冥中啟之迪之容或然歟至



籍中梗概樂府古體居半五七  
言近體居半七言絕句僅一首  
傳序碑志三之一悉遵原刻惟  
缺五言絕句其他脫簡及字畫  
漫滅處因之弗敢意為增損也  
史謂廉憲公性豪邁才思驟疾  
援筆千萬言立就故籍中體制

序

四

鴻備含蓋一切昔賢謂唐人之  
妙緣機觸變各適其宜具是觀  
哉然此先輩序次有言之者不  
復贅謹述先王父兢兢手授之  
意以志愼優之恩云爾

皆

乾隆十三年歲次戊辰桂月朔

署  
日商孫 敬識于 陽官



序

五

跋

蓋聞鴻文麗藻士類歆等芝蘭先澤前光人情  
感生水木矧黃絹白雪傳自大宗而碧簡青緗  
守乎奕葉倘弗精加緝校蓋能廣播藝林緬維  
先祖廉憲崛起有明正嘉骨裏片片碧玉秀聚江  
山舌飛辯辯青蓮才成錦繡髫齡名題雁塔一  
時譽重鸞臺爲尹爲守爲司苞彩咸光王國若  
聞若吳若蜀崇蔭遍覆齊民緣群小之害能投

跋

簪解組揔寸衷之寄慨弄月吟風由是賈生一  
片治安每聽悲歌而激烈因之杜老滿腔君父  
恒從韻語以流連當前水態山情粲雲霞于筆  
底到處鳥語花香吐珠璣于囊中無心摹擬漢  
魏實于漢魏獨步違意規倣燕許群推燕許化  
身將見字字譜來無量不可靡也自是篇篇度  
去有墻率皆短焉砥七子之波瀾情同鶴立傳  
荒微之碑板質重雞林逮雲石公之官浙爰八

厓集之梓行文苑爭購洛陽紙價頻增妙語流

傳長安伎歌盡識值夫大地之戴甲頓令鐫梨

以成灰遺編僅存辦香拾自劫火枕絨什襲一

綫垂諸高曾邇者家君分類以付剞劂俾余小

子校畫而正陶陰浣蓄蔽之露十指生香捧靈

蛇之珠百篇耀彩情深搗華而挾藻志速洗玉

以濯金敢竭頑鴛用成拱璧讀其書匪云能解

雌霓五結切行吾敬庶幾免誣金根云爾

跋

商孫天錫百拜識

跋

先廉憲公性明敏嗜學宗貧益力舉業暇惟詩文自娛與邑孫石磯先生暨中州何大猷王稚欽諸名士相競與頽隸仕後歷任凡六遷而至騰聲正廬陵不暇論文字時而偏以所得山川之勝車馬之富見諸吟咏間素為八厓集七卷合龍門燕公為一跋何經濟學問而美並臻歟宜國史記載同家乘一致而海內傳播到今未朽

跋八厓集

也茲位重梓是集不勝手澤之思用贅數語於簡末云

裔孫美寬百拜識

八厓周公傳

孫子曰華容古章華墟也山岳雄峙川湖襟帶談者率以為楚之鉅焉自邑東馳者概謂東山東山之秀廼又甲等一邑前代勿論已開國迄今名紳碩弁冠冕鄉土景領夷夏若樸翁忠宣者流大抵成東山產山自東復北行數百里則其勢愈益雄巍壁峭嶂疊嶺巖阜仰軋日月旁刺雲漢眎東山蓋上下幾之於是有異人生焉曰八厓公八厓

傳

者山之特也而公世居其下故稱八厓云公姓周氏名廷用字子賢父樂山翁公之孕也樂山翁方客慈利夢幢蓋儀從冉冉自天降直入其解明日而公生樂山翁以告其令令曰此貴徵也翁於是即辭歸乃公長而聰異夙達罔由師授年十八始讀書然又家貧為諸生也諸生率卑易服之凡有酒食聲妓之會輒屏避公不欲近而公傾側儼靡較遇酒食聲妓直入坐上高談闊論旁若無諸生

者諸生愈益卑易脉之會有誦公文者謂諸生曰  
若無輕周氏子其人才可得志若咸非其敵也於  
是諸生亦求公文誦之乃稍稍敬重脉公居無何  
公鄉試武昌榜欲出也戲隱其名姓謂他邑同候  
生曰今年解知之乎華容周廷用也同候生答曰  
此人中解乎公即曰此固奇才也設令試禮部策  
廷對猶當首耳已公果列第八錄其文式之明年  
正德辛未而公與家大夫舉進士出爲宣城令宣

傳

二

城者縣之壯也公爲之迎刃破節排鋒解焚焚強  
抑豪靡有遺缺又日從事文學詞翰爲山川亭閣  
之遊不三年爲陝西道監察御史按貴州夷獠帖  
息寇暴屏附文學詞翰愈益加進駸駸內遷已會  
公疏詆銓部廢辭直烈當事者怒公思有以扼之  
未一考竟陟公浙江按察僉事以去人或憤爲公  
靡平而公則坦意泊如曰此何足以困我也廼益  
自砥礪聲績日起當事者無以何也進公福建布

參議與見素林公論詩文於壺山之陽林公大喜  
奇焉爲文以贈未幾又進四川按察副使是時蜀  
亂芒部撫鎮者委公討之芒居深僻窮絕境有司  
罕至其地蓋數百年云公冒險闢阻宣德布惠綏  
懷勦撲咸有機要遂平芒部之亂又攝試科舉士  
科舉士率精實無繆即公所期許者鮮不立取高  
第列華要於是蜀有編修楊名給事中王繼宗等  
焉然公終不自耀其能征芒部也同事猥隨者聞

傳

三

得美遷而公顧三載於蜀居久之始擢爲江西按  
察使江俗故刁強弗馴其縉紳大夫罷居例日請  
託受賕累家富厚公爲按察也每痛抑其弊凡縉  
紳以書問至者令二吏於廳事公拆之以此故請  
囑皆廢不行而其居四川嚴亦若此於是毀讒交  
集咸欲椎刃公會三載入覲銓部都御史汪鉉首  
摘公黜之尙書王公瓊者知公謂汪曰此故有名  
蒙傑何可黜也汪即曰公不黜此人他日得志





天稍禪我年吾得與石磯子日以文酒過從足矣  
嗚呼公顧未久而死乎天之於豪傑嗇其位復嗇  
其年乃其身後之毀若譽虛名耳奚益乎初公既  
與家大夫為同年婚姻交會子稍長亦能以文自  
樹立有聲稱以諸時人乃咸離嫉擯陷之罔置即  
輒至親肉戚及不欲其朝暮淪入死目焉而公獨  
冒衆怨排俗紛忘年友之又播其名海內於是海  
內人聞曰華容有周八厓復有洞庭子乎嗚呼斯  
傳

六

六

亦謂國士知矣公卒不為詩一章哭之矣已又書  
其墓碑今又作周公八厓傳然予尚欲刻其歸休  
詩并序其文

論曰華容故文獻公也前哲之士若樸翁兩山率  
以文自樹植然其體類感不高乃八厓子之文則  
彬彬異焉予讀其古賦樂府及五七言詩亦庶幾  
秦漢魏晉李杜之間矣故曰八厓子於文章蓋中  
興吾邑可不謂立豪傑哉公既以遺世獨化而

原缺

八厓集目錄

卷之一

樂府

始音歌四首

雙歌行

塘上行

苦哉行

董逃行

八厓集

目錄

秋胡行

虎欲噬人不避豪賢篇

射潮引


猛虎行

從軍行

豫章行

飲馬長城窟行

門有車馬客行



君子有所思行

長安有幾斜行

長歌行

悲哉行

日出東南隅行

朱留篇

悲歌行

遊子篇

八屋集

目錄

順東西門行

駕言出北闕行

太山吟

鰕鮒篇

僊人篇

北方行

平陵東

升天行二首

白馬篇

淋池歌

黃鵠歌

招商歌

春日曲二首

七夕詠九首

有所思二首

朝時篇

八屋集

目錄

有女篇

擬古三首

青青河邊草

古意

車遥遥

燕京歌

遠別離

效古二首

君子行

閨闈篇

遠遊篇

上陵

艾如張

上之回

翁離

朱鷺

八桂集

目錄

思悲翁

戰城南

巫山高

寄遠三首

白紵歌六首

將進酒二首

浮萍篇

短歌行

四

長歌行

夜坐吟

君馬黃

苦寒行

烏夜啼

採蓮曲

塞下曲六首

芳樹

八桂集

目錄

有所思

雄子班

少年行

烈婦吟

梁甫吟

明星篇

行路難

子夜四時歌四首

五

行路難四首

卷之二

五言古詩

夜集顏惟喬宅

龍里早發

龍里道中

缺

嘆白髮

感述

八厓集

目錄

六

閒詠

春曉事隙偶作

寄工部伍思謹正郎見寓岳州督木

感交一首寄同里諸君子

春日即事二首

春懷二首

詠月

讀書

初夏雨晴二首

對酒

夏夜

平越夜坐二首

晚適二首

懷友人

夏夜有懷

池上晚坐

八厓集

目錄

七

送沈仁夫方伯四首

出師頌書鄒黃山都憲爐山圖

四圖詩

蕩省旬宣

太卿考牧

都憲巡撫

客坐

感懷

懷友人

懷親

懷二子槐栗

寄內三首

夜讀

感述

再遊聖泉二首

雜詠二首

八生集

目錄

望鄉

立秋二首

感歎二首

夏日晴眺

弔高雲翼詩五首

道輿

道器亭二首

詠月學鮑照一首

翠柏

公廳四首

園葵

雨中六首

釋悶二首

秋夜十首

思鄉二首

晨起四首

八尾集

目錄

秋懷

姚江舟中六首

日夕二首

遊天台詩七首

閒適

童子廟

別汪明府詩五首并序

京歸途滯呈顧東橋五首

九

七哀詩二首

閨情

情詩

閩中八景

驅車二首

遊僊詩七首

題王右軍籠鵝圖

同僉憲周質粹閱興化城

八厓集

目錄

十

登摘斗巖

雜詩四首

遊泉州清源南臺四首

自泉南往同安途中瞻眺

夏夜詠懷

雨齋

陟嶠

汪白泉太守收暇同石門高子丁戊傳子

遊鼓山以青天白日高山仰止行韻爲

詩詩成諸子和予因續貂八首

榜山詩篇

棣華初寄篇

冬日吟

自歎

次龍山侍御苦雨二十韻

予將考績之京於役有期慨然有述

八厓集

目錄

十一

龍山詩二首

四子詩四首

尹戶部陳正  
即二詩缺

瞻紫亭

卷之三

七言古詩

感遇篇

可友

對竹篇

吳山謠

題胡憲長家藏趙松雪蘭亭墨妙

送劉遠夫東岡賀聖誕

感舊篇

雜歌二首

思家行

去婦詞

惡風行

八里集

目錄

三

題何行人魚荷秋水卷

又沈石田卧遊西湖卷

安平鎮

鎮江別顧東橋

觀潮歌

刻遊篇

明月歌三首

赤城三章章五句

李廣射石圖

風江行

西江漁父長句

武當謠贈陸少參

驛中見梅

元夕篇

廬山謠寄舒憲長乃翁

憶昔篇寄孫世其兼憶王稚欽顏惟喬二

八里集

目錄

三

子

寄延平太守陳南望

寄翰林張石岩

對酒行三首

懷故鄉山水歌

泉州分司夜坐歌

聞笛篇

詠懷篇

懷宣歌

楊花篇

春日行二首

為陳天遊方伯題袁玉成山水歌

卜生行

苦熱行

登摘斗巖望海歌

憶西湖兼懷舊遊

八

遊泉山寄原南臺

憶兒吟

靈齋歌

憶同辛寅故之別為

懷傅原質

章臺歌

松鶴篇

夢槎篇贈林子愿聰

題飛來峯石

觀射歌

感舊篇贈王公化

南江圖為編修孫從一題

明山歌

感知篇贈李性之

吁嗟行贈戴子文整

題雲石圖為王汝相茂才

八

目錄

方臺篇

文泉行

五峯歌贈五一翁王中丞

感興吟

卷之四

五言律詩

鎮遠觀漲四首

遊鎮江寺二首



次劉南峯

四月十五日得小兒槐家齋

同郊真吾遊玄妙觀四首

夏夜

甕城河

詠松四首

會稽有感六首

送秋官王璽蒙同年二首

八厓集

目錄

六

送別駕李川甫入簾秋試二首

天姥寺二首

猥蒙欽賞絲幣白金有感二首

赤城公署板壁三首

寒夜二首

顧東橋約遊雲巖不果書來辭寄二首奉

笑

過麻坡嶺

三月出巡台州過桑州驛山茶二株盛開

予作一詩以紀十二月重臨花復開盛

有感復作二律

宿桑州驛

過桑州嶺

歲暮道中三首

端虎邱四首

觀泉

登塔

觀李都閫試射

八厓集

目錄

七

焦山

瓜州江樓眺睇二首寄趙具區

過寶應湖二首呈顧東橋

遊沃菴仲憲長園亭二首

途中雜詠六首

夜泊對月二首

舟膠

暮春

捧表慶賀之京舟發雲夢澤偶成

雙壽爲白泉汪太守父母

船行

上灘

寄劍溪鄭黃門

次富坑驛

阻漲

野水

八庫集

目錄

六

黃州投贈王穉卿二首

題貴州李少參凱旋忠愛卷

題劉典史兩觀卷

過南陽不遇同年許穉仁大參作此寄意

雨晴野望二首

曉暉

良鄉寺中納涼二首

予以福建參議捧表慶賀入京過良鄉寓

居蕭寺韓官蜀中報至因成三首

秋雨言懷

石潭卷

感慈卷

江陵晚望二首

雨晴放舟

歸州

三月八日家母誕日有懷

八庫集

目錄

七

忠州江上二首

初度

憶亡兒栗

渝江舟中二首

燕京六首

保寧錦屏山覽杜子美閭風亭故址二首

有感

登彌羅閣二首

獨酌四首

長安雜興十首

次亭谿張學士海印寺會同年韻四首

莫庭

夏山

東坡寺次韻

鎮遠江公堂 存二

寄淺溪顏惟喬二首

八屋集

目錄

偶作二首

五言律殘詩 附

卷之五

七言律詩

送朱士光侍御改南京

送孫正其使陝西

北狩二首

諸詞二首

宣夜飲何大復先生宅

雪夜同王稚欽顏惟喬飲邢孔江給事宅

原質入京夜話

聞顏惟喬外補

雪日張維楨名遊西郊詩以酬之兼有西

山之約

登真覺寺塔

汪南萬邢孔江諸鄉里夜集予宅奉謝一

八屋集

目錄

首

主

夜集世其宅

夜飲王禹弼陸興行寓兼懷舜功

送侯檢校之任

送楊晉叔先生總制兩廣代顏中丞作

洪邦正道長以副使提舉河南途中會叙

詩以贈焉

月夜舟中

臨清遇唐景之御史

重安視表挂州見懷之作因次韻

寄嚴青湖

冬日次孟浩然韻

詠牡丹

三月三日清明客中二首

平越用韻

閒適二首

八里集

目錄

三

東坡次韻

飲正郎鄧貞石公署

同鄧貞石正郎遊玄妙觀二首

遊鎮江寺二首

東巡畢將歸省城

梅嶺閣

過揚老城

晚望

新添晚愁

再過龍里

賦折下榴花

東巡畢返會城呈巡撫鄧黃山

五月十二日家君誕日有懷二首

五月十五日夜對月四首

十六日夜對月

聞鷓鴣

八里集

目錄

三

晚出公署用韻

雨後用韻二首

詠松

對雨

小亭閑坐二首

芭蕉

公會堂獨坐

夏日退食小亭有作三首

曉晴

池上

平渠察院對月

查城歸田韻遺懷二首

盤江郵亭次夏桂川

鴉園小憩

和凌溪七夕之作

見梅

八厓集

目錄

五

遊碧雲洞

春雪

雪晴

次張黃門三首

次答陳宗禹憲長二首

贈雲南胡主政

閒中用韻三首

喜胡道長將至

道中秋熱

入京與同里諸君子夜話

張維清維禎昆玉雪夜留飲雙檜亭

聞笛

駕廻紀事六首

過魏武疑塚

卽鄧呂公祠

襄陽懷古

八厓集

目錄

五

早朝次韻

月夜駕出郊祀

燕京有感

次賈光祿郊祀韻

次廖鳴吾韻二首

正月八日宴雙檜亭觀燈呈李繼伯張維

清昆玉

出京呈諸鄉里

過裕州有懷王稚欽

南陽忽聞方塘先生詩讀不勝痛戚途中

口誤挽詩用寫哀懷並謝郭計也

夜坐呈傅梅山表弟

別家臨大江有感

大行皇帝輓詩五首

除夕

元日

八里集 目錄

正月三日陪唐憲長詩公出遊

天竺

謁于太保墓

重德寺

春堂

雪霽同張都關希孟泛湖二首

元夕二首

和顧東橋登南屏絕頂之作

會稽漫興

奉呈顧東橋約遊天台

懷四明

海上

白嶠

塔嶺

蔡洲驛山茶二株盛開

遊馬蔣呈同遊顧東橋五首 入山石泉

八里集 目錄

益紫龍洲

和王大 見寄

陪祀紹興五首 禹廟 璚宮 闕題 房

紹興公署午日有感

秋日對酒有懷

炎夜雷雨

漁

樵

耕

牧

簡顧東橋提調秋試

江都園亭

送監臨入試

賀聖誕

望天姥峯

宿接台寺

八厓集

目錄

天

萬年寺二首

遊石梁華頂奇顧東橋二首

別同年葉侍御

台州公署夜坐

登台州南薰樓

至日有感二首

寄壺庵王方伯

過桐巖嶺

寧海道中微雪

寧海道中

海上

西店驛

慈谿江中阻風三首

過鑑湖

讀李川甫明川歌空寶諸作聊此寄意

除夕五首

八厓集

目錄

无

元旦試筆二首

送于雲心憲副總山東

過孟河

月夜舟泊焦山

宿金山寺二首

過揚州

飲朱凌溪園亭

過沛縣

飲顧東橋舟中

舟次天津喜雨有作二首

送張月塢還吳

入慶傳畢退朝口號二首

東橋顧先生將園歸養與子有繼別之意

詩以道意

和郎中鄭成昭同遊玉泉寺二首

中秋錢塘江對月

八厓集

目錄

三

十七夜桐廬舟中

嚴陵

舟行夜坐

富春秋泛三首

秋來

聞轉官有作

九日同方伯馬柳泉德伯尹喻三君子登

北高峯二首

奉和見素林司寇致仕留別諸老韻二首

閩中漫興五首

送江進士纂修還京

偶題五首

愁

諭祭諍臣大理寺評事林公勸贈太常丞

詠四時橘

約陳天游何石湖二方伯遊大觀樓

八厓集

目錄

三

見燕

求汪希周太守

書舍新成

登大觀樓

遊鼓山呈蒲泉諸寮長

次鄭少谷遊鼓山韻

舟中漫興

夜行



陳南華

行次王臺

延平宴集蕭少卿宅

晉雲

兩行

過新城縣兼憶舊尹蕭執夫

過康郎山謁陸忠祠

康郎山阻風

八屋集

目錄

三

午日西江觀戲龍舟有感

度鄱湖

榮澤用韻弔將軍紀信

過鄭大夫子產墓

度昆陽城

寄河南郡守蔣子雲時蔣被譏疎以奉州

黃河

經廣武城

淇縣道中夜行偶成

湯陰岳武穆祠下作

過殷太師比干墓

銅雀臺

叢臺

邯鄲呂翁祠

早行有感

過金臺

八屋集

目錄

三

白溝河

涿鹿道中

涿州贈同年領叔養

望燕都

七夕漫成

旅寓言懷

次朱子直侍御與孫從一太史夜坐韻二

首

得鶴坡朱士光侍御寄來詩喜答二首

夜同江南雋朱晴川孫南江集鄭士鳳地

官宅

聖誕慶賀禮成

送孫從一僉憲浙中

中秋長安對月

次文徵仲待詔南江圖韻

寓京寄內

八厓集

目錄

書

九日鄭州

贈南陽同年李元任別駕李以德安太守

謫官

過襄陽不遇鄭鹿門吏部悵然有懷

宣城會同年郭舉人席上投贈

鎮雄次同年鄭野泉韻二首

初度

明山王畏菴少司徒入鄉賢祠有作

謁孔廟有述

板橋雨中

席上食涪州荔枝有感唐貴妃事

別鄭野泉

岳武穆王墓

湖上偶成

次安陸

錢塘懷古

八厓集

目錄

書

次白崖

次朱凌溪登岳陽樓望洞庭二韻

大江晚渡

夜泊岳陽樓

奉送大中丞梅田顧光先生還朝

過墨山悼亡友李本齋舉人

洞庭舟中聞雁

與龍尾李性之語

性之東堂對菊西園看竹二首

重遊仙鶴寺二首

哭亡友彈峯譙服政二首

視三弟廷臣墓

贈次泉傅原介表弟

訪東塘易時振

四弟廷表山莊有作三首

冬至二首

目錄

贈戴子文整并其兄文宿兼憶尊翁竹坡

君二首

翫菊

贈李芹軒大尹九年考滿子乃李秋闈所

舉士

過方塘魏尊師宅有懷

贈魏時臣時享昆玉

示四弟廷表

寄孫石磯

漫興

次流店驛

過松滋悼年友謝侍御

枝江雨中

白陽驛偶成

次韻味齋學士奉致仕鄒黃山尚書

保定院中次涿涯中丞弔古二韻

燕京中山

八厓集

目錄

三

池上閒眺二首

閑題

七言絕句

夏日宮中行樂詞四首

卷之六

頌

存世文

廣賚篇

碑

平香爐山

銘

明故叅政兩山嚴先生墓誌銘

傳

明故戶部左侍郎明山王公傳

邢節婦小傳

序

八厘集

目錄

三

顏惟喬補許州序

曹建獻按廣西序

送胡汝青按應天序

吳文傑籍瞿塘舉進士序

石泉居士序

送李總戎歸留都序

周氏世壽序

三山言行錄後序

贈別序

送中丞黃山鄒先生還朝序

劉賈太傅新舊序

丁安人執詩序

都閩張希孟進表如京序

鼎山卷後序

食憲李邦泰歸養序

唐氏求懷冊後序

八厘集

目錄

三

陳都閩赴留都擢兵序

送鹽庵王方伯起西江序

贈提學黃筠溪遠廣東叅政序

八厘集後序

少谷子詩集序

許軒亭集九載集滿序

割百戰詩法序

補完蘇文忠公集序

卷之七

賦

釋愁賦

懷歸賦

喜歸賦

柏賦

秋夜賦

完節賦

八桂集

目錄

擬招隱士

戎王出獵賦

姑射仙賦

釋遊賦

渡江賦

白鷺賦

遠遊賦

沙燕賦

遠覽賦

慕玄賦


魄女賦

呂梁賦

行思賦

扇賦

感知賦



八厘集卷之一

華容周廷用著

商孫慶增男

待天

錫重梓

樂府

始音歌四首

詳見呂氏春秋

其一破斧之歌

屬東音

夏后曰兮黃山址大風晦兮民間止主人乳子吉

曰山帝命育之為己子斧斲足兮為守門鳴呼有

八厘集

卷之一

疾命也矣帝庸作為破斧歌東方之音斯有以

其二侯人之歌

屬南音

昔有禹兮巡南土見聖女兮覬欲輔塗山女兮感

聖心乃命妾侍山之姑天地作合應昌期賢故生

之篤聖枯侯人之歌女所作周召取為南音祖

其三長公之歌

屬西音

周有辛餘強國臣膂力壯兮武且洵昭王行兮乃

北濟蔡公之隕亦能振西河之反離西翟原厥心

今思舊民長公之歌繆公風西音由此流乎秦

其四燕燕之歌

屬北音

九成臺兮高造天有娥女兮登其巔曰飲食兮必

以鼓帝令燕兮往視焉二女愛兮玉筐覆燕遺邠

兮如翩翩女遂吞兮歌燕燕北方之音乃始傳

艷歌行

皎皎月當牕盈盈上銀缸銀缸火明滅照影不成

雙解一高樓臨大道垂楊夾通溝上有愁思婦悲鳴

八厘集

卷之一

求故儔解二芙蓉花始開枝枝自相對花下紫鴛鴦

雌雄亦求配解三

塘上行

桂樹生南山花枝自纏糾采掇向中疊聊以為君

壽解一蒲生水中央離離泛深澱豈不愛繁華蒲生

挺孤節解二鴻鵠摩天飛中路澹忘歸燕燕羽毛短

蔚蒼療苦饑解三樂日何苦短憂日何苦長今日樂

相樂飲酒莫相忘解四

苦哉行

北風凜凜吹塞垣，塞垣旌旗凍不翻。  
三軍飲馬下平原，窟冷水凝馬骨攢。  
渡瀘毒涇苦六月，那知十月多霜雪。  
朝斫堅冰煮糜啜，夜擐金甲聽寒戰。  
萬里從軍憚遠別，思鄉何啻肝腸裂。

董逃行

驅車陟彼北邙佳城，鬱鬱蒼蒼白楊衰草。  
茫茫中有狐兔行藏，樵童牧豎往來歌唱。  
叶遙望我心增

八厓集

卷之一

三

傷解一人生如夢富貴何勤，簡書自有前聞。  
孟軻視

如傲解二徒宣尼等若浮雲，城中甲第如山。  
椒房壁

妃班解三爛歌鐘喧喧白日蘭膏，永夜盤桓。  
可惜歡娛

未竟解四須臾池館凋殘，華堂羅綺紛紜。  
樂人絲管

咽啾解五奉觴笑引名謳，寧知千秋萬歲空遺。  
黃土一

杯解六扶光皓魄日西馳，濛汜未開若木空期。  
形容

老醜堪悲，館舍一捐萬事罔知。  
嗟哉胡不已而

秋胡行

楚庭實棄胡為卜氏空悲，鄭朴周璞自古有之。  
我

今何敢必真偽，落落浮沉世所宜。  
明察淵魚人情

反見解一唯亭亭山上松，朴質勁且堅。  
執柯欲伐之

將扶大厦顛，爾雖成其名悲爾。  
喪厥生豈知社櫟

寅緣得求保無算，天年解二道大固難容。  
行高亦招

纓仲尼日月明，叔孫乃輕擬。  
周公聖人流言不已

君子皇皇修之，則是解三太潔為世忌。  
盡言獨危機

王道日蕩蕩，履之猶險。  
讒責人易我自修為責已

八厓集

卷之一

四

難人莫我敢非解四

虎欲噬人不避豪賢篇

吾觀讒人貌恭心詭，劒棘攢胸傷殘善士。  
譬彼虎

狼咆哮自恃鋸爪磨牙，百獸辟易何物申椒。  
靈均

自屠亦有無極子胥，逃吳牛缺因賢為盜。  
所殺孟

賁裂眦船人斯，握君子以心小人以面。  
鮑魚芝蘭

近之即變，古人有言可以為化母。  
養乳虎將傷天

下

射潮引

浙江八月濤水發蛟龍走水水涵涵天摧地折萬  
山飢素車白馬來倉卒聞道子胥擅靈越乾坤精  
氣恒砭砭僵尸抉眼視東門濤乘赫怒如雷奔至  
今秋來浩呼洶強弩射之勢更勇楚中野客坐觀  
此冥心獨會鴟夷子潮水年年常不迴忠魂浩蕩  
無窮已君不見湘纍楚些弔汨羅蒼梧雲夢空烟  
波萬年孤憤誰云多

八厓集

卷之一

五

猛虎行

虎狼居深山豪悍未可群日短途路遠志士多苦  
辛杖策祇行役飄飄遠從軍夜行青海月朝度太  
行雲斫水晨煮糜卒歲受遠迤長城風草枯黃沙  
晝紛紛帶甲眠霜雪負戈逐羗獫黠業不克建歲  
月徒遄巡掩淚瞻故鄉嗚咽懷舊英峻坂無停車  
滿波鮮縱鱗人生如蓬轉此節難爲真春我平生  
念惻愴何由陳

從軍行

寒風厲冬節我軍當遠征揚旌下幽谷陳卒被遇  
坳資糧如山峙甲冑耀月明撫劍登高陴志若無  
長城拓地建勲業開邊振威名師直氣亦壯人驍  
馬自鳴豈無親戚念違命有常刑秉羽聽金鼓拔  
幟登陣營匪惟希厚賞即此效忠貞嗟哉從軍人  
茲理誠所經

豫章行

八厓集

卷之一

六

遠望南浦橋泛舟涉難越洪河灌巨川傾雲霧坐  
闕疎轡芴嶺頭飲馬長城窟惻愴遠別離綿綿  
山月曩馭無停輪光景坐超忽前途既坎坷末路  
還奮發日晏會有中潮來漸成沒曷爲理若茲盤  
虛數恍惚雅節慶芳時暮齒傷華髮人壽僅百  
年浮榮易衰歇

飲馬長城窟行

長城限胡虜胡虜隔幽燕驅馬赴北征所向無不



吐青哇冶色難久恃青春易爲過邀哉草王士爲  
生詎有涯鉛槧握不停金匱期無瑕行矣嗣嘉猷  
無爲葵藿嗟

長安有扶斜行

長安遠路廣遠路瞰城闔炫服光照地朱輪碍芳  
塵出入何烜赫徒御影華茵朝會王侯館夜過七  
里津使酒即罵坐投轄久留賓爲歡日不足結綬  
方及晨余本窮巷士抱拙視終身塊若井中鮒遺  
八厓集 卷之一  
如爨下薪甘心遠路側投足無由遵五人垂規矩  
此道良可循

長歌行

長天奔紫駟洪川逝清波驅車下隴坂建瓶俯蒼  
義急節導年往勁絃控時過局塗慨偏側末路傷  
蹉跎藻蘋坐自零玄髮忽成歸俟河久當清人壽  
能幾何由來非金石茲物豈難磨天命信自然中  
心諒匪他及時勗勗業竹帛照光華長歌惜末日

慷慨遂忘家

悲哉行

遊客值炎夏赫羲當晝蒸凱風厲清響油雲蔽高  
陵朱榴吐芳艷蕙草搖翠莖浦荷饒靚莊簾鳥多  
飛鳴庭木振長條修篁蔓幽藤蔭隆日已退爽氣  
亦漸澄我行彌數載結念常撫膺懿親曠沙漠門  
閤靜伶俜叩恩如有失緬然若無憑願托南飛鳥  
八厓集 卷之一

日出東南隅行

日出東南隅光輝照洞房洞房清且麗淑貌含清  
揚烏鵲雜雜造體澤行自香繡裾曳羅縠珠玑錯  
琳琅膚色映芙蓉腰肢潤條柔懸瑱耀朝日佩五  
辟寒光孰禮結綢繆貞心守淒涼鄙哉芳藥味咄  
爾幽蘭章芳情淥寒氷勁節厲林霜霽霽彼姝子  
懿德流芬芳日高垂藻服携瑟坐中堂金環約皓  
腕素手揮鳴璫一彈心自樂再撥意猶傷攬衣仙

仙舞遙遙鸞鳳翔長笑播蘭蕙悲歌協宮商妻清  
秋風肅婉轉春和長變態本機迅妍姿無比量願  
聆遠光彩綽約君之旁令顏何可希承筐須遠將  
關雎求淑女母爲葑菲戕

朱榴篇

朱榴來異國不及艷陽天艷陽桃李俱飄蕩朱榴  
吐焰何嫣然秋來結實色沃若金盤剖獻珠錯落

悲歌行

八厓集

卷之一

十

籠中鸚鵡言水中鴛鴦答女雖能言繫金鎖豈如  
我雙雙挾頸眠晴沙浴浦唼藻隨所止舌端肆巧

胡爲爾

遊子篇

遊子遠行遊高堂親獨守年去春又來折斷門前  
柳折抑莫攀條攀條恐傷手骨肉來纏綿所願壽  
長久

順東西門行

日出西門望東瀛沃焦已沒扶桑傾峻島壁頗鬼  
升曜靈代謝無留停薜蘿華蕊結鳴百年光景真  
浮生漂飄賦髮芳年榮珍殺隨醴清具呈素楚萍  
承素華長絕繫日終歡情

駕言出北關行

駕言出北關白楊莽颼颼邱隴交回互狐兔宵中  
遊借問此何地賢愚共一坵念彼玄關杳悠悠載  
月道人生如夢幻金石豈能求勞勞百年內大暮  
入荒陬親戚徒爾泣金寶靡我收不見神仙侶朝  
翔駕雲此盛時多取樂共爲身後憂

太山吟

太山高五嶽巍巍上層城鷄鳴凌日觀鬱鬱祥雲  
興中有鬼神宅冥寂含精靈辰象迭明滅日月互  
經行載想東封禮長吟激深情

鯢組篇

潢汙積鯢組沈滯遂所加安知江海大中有鯨與

觀君子貴遠識小人偷閑居極目營一世私心鄙  
衡廬仗劍越千里猛氣干穹虛一舉英雄賊再舉  
夷奸諷九州寧以謚皇極端天居俯觀塵寰士役  
役爲身軀

儂人篇

神僊紫海島蓬萊正天居玄濤鼓黑水碧浪吹文  
魚六龍驟雲漢八駿超天衢湘娥驚水蓋微女馳  
雲車四海遊如環九州安足驅洪崖與韓衆並舉

八厓集

卷之一

十一

凌空虛飄飄逐汎景翔若無軀仙人放玉手要  
我雲間超逍遙臨紫闕下昇長生符白榆夾道路  
玉樹生門樞瑤池宴王母方朔造其盛歲星五百  
載歟見居清都下視浮世人真若虫與蛆吞腥與  
啄腐與俗口越超寧知九霄上萬古恒須臾

北方行

北方古幽朔風氣實寒苦病哉此居民茅茨翳環  
堵夜眠蘆蓆席朝坐不離土家家拾斷蓬近邊煮

盟鹵

平陵東

三山路遙九州駕我白鶴與蒼虬會群仙結網矰  
乘風直上雲霄遊雲霄之遊樂無數靈芝紫檢胎

朝夕

升天行

寧仙墜五嶽遠上金銀臺瑤池傾桂酒青白異  
喜玉妃顧我笑湘靈進我杯不見黃梁熟飄飄遊

八厓集

卷之一

十二

九坡

其二

靈鰲爲鉅物乃在海之間四足柱八柱元首戴  
山天網藉融結坤維賴撐拄靈氣棲乘日月東西恒  
往還

白馬篇

白馬誰家子生長在幽燕黃金兼寶劍白玉鍊  
駿少小已爲家俠馳騁過人先左手執馬鞭若

龍淵挺身赴沙漠長驅上天山猛氣揚濁世雄聲  
蓋少年厲馬入匈奴控弦摧左賢勇如奔電激烈  
若流光旋鶻關期必勝龍驤空赫然五侯交結譽  
四姓並揚鞭鴻毛輕性命身軀誓無全報誓周誓  
急妻子尚灰燼名在遊俠傳英風流簡編翩翩播  
意氣功名何足言

淋池歌

湖林池今泛清流芙蓉藻今微風游美人倚棹發

八厓集

卷之一

十四

長謡玉璫影射扶光浮後宮之樂胡可休

黃鵠歌

黃鵠飛今下丹墀爾羽翰兮昭文儀啄君食兮療

我饑朝遊禁籞夜宿龍池愧非鸞鳳瑞世奚爲

招商歌

清颺起兮湛露瀼絲荷捲葉搖金塘靚粧浴罷歌

清商波間鳧鷖森成行千秋萬歲樂難量

春日曲

山嶠開秀色春日媚妖姿乳燕飄風亂游絲率地  
垂王孫騁遊俠飛鞚越山基平原青草短落日下  
輕羈醉菴崖前歇翩翩意氣馳

其二

三月春風暖烟光草際垂珠英綉簾箔翠羽漾采  
暈春蠶將欲起少婦下堂基命儔携舊篋含笑焚  
高枝莫遇秋胡子捐金損玉姿

七夕詠

八厓集

卷之一

十五

牽牛與織女渺渺隔天津盈盈一水間迢迢通心  
神睨彼千里途風波迫離塵服箱不我顧好仇空  
爾珍珮玖且自守託夢遊蒼旻

其二

睨曉周歲律寒暑相背馳靈妃沃我德黃姑修我  
儀澡水弄機好臨河浣素絲姮娥握妙質瑤華斂  
芳姿美哉天媛懿淑景亮云移

其三

持葦憂將交聯息秋又格金抵蕩涼颺火曜寢炎  
煥青鳥附遙音蒼龍導行役雲暝結層霄靈駕傍  
文石戒徒恒相依行路在今夕

其四

天孫內自惡含羞不忍征姮娥爲勸駕二妃亦從  
行瑤光啟遐路龍燭交光明循彼大梁道凝露沾  
衣裳素懷何所布七襄有報章

其五

八厓集

卷之一

六

茫茫涉清波婉婉會靈匹遙裔翠龍銚銚詩鳳  
律良人感嘉辰燕息情何暱舉肱約金環信誓明  
朝日表情未及素相將就居室

其六

昔別秋已兩今來夕如一音形雖未殊情義苦不  
容此歡未可終天地無窮畢相顧對華寢苦調鳴  
琴瑟惟願蘭夜長相携永無失

其七

長庚流末光纖阿促歸駕高節難久居雙袂從此  
謝雖曰會有期歲月未易假苦心息荼堇真意噉  
都蔗且復話斯須臨風共悲咤

其八

幽懷不能言會難別更速恩意固綢繆吁嗟命不  
淑歲歲赴佳期年年遵舊軸銀河流不乾白榆森  
似簇何事令人心進退常維谷

其九

八厓集

卷之一

十七

執手悲更啼反顧形與影悠悠行路難五髮已變  
鬢古來貴君子聲色務塵盡情以理相防欲以道  
爲準子其偕爾心良緣何未軫

有所思

感感弗能寐尋君不見之清颺響幽室明月窺寒  
帷空持秦嘉鏡莫畫張公眉攷涕就孤枕綿綿不  
盡思

其二

綿綿不盡思會君在何時案有文君琴庭無相如  
綦山海不渝矢直心良自持且休撫雲鏡鏡中雲  
欲絲

朝時篇

瑤琴撫清風素帷鑑明月與君偕夙緣少小爲結  
髮一旦兩分携山川阻且越行路霑衣裳遼遼遠  
且潤顧影不成雙音聲鬱無達長夜倚孤床悲響  
中宵發哀絃感促柱淒淒不可遏邈爾易三霜涼  
八屋集 卷之一 大

有女篇

有女蕙蘭芳緩步拖沅湘膏沐豔姿容婉婉清且  
揚綢繆結文佩玉璫錯清瑋衆美藹然萃諸工不  
可詳人間無可麗西施與毛嬙藻翹搖金雀珊瑚

間瓊璫照曜垂玉髮采已留精光異香辟諸惡蘭  
氣熏重裳明眸炯秋水素節凜寒霜粲粲彼妹子  
盛名傳四方康公豈可要允宜獻君王豈但合法  
相淑行未可量冥應求君子百兩臨中堂登降作  
嬪室宛若神龍翔貞心誓諧老母爲圓扇傷

擬古

少小學游俠平明事馳逐錦臂懸雕弓象韃絳  
服酒酣遇勍敵揚鞭走平陸結交羽林兒夜入娼  
樓宿殺氣隘戰場黃沙蔽人目咆哮瀚海蹴蹴四  
天山覆歸來素元黥欲聲南山竹

其二

長安輕薄兒佩玉被紉素數言荷主恩一笑榮天  
顏賓從日盈門朱輪照當路素手握天符誰云石  
錢慕勢盛位益危威偏君亦懼李斯古聞人富貴  
亦迷誤安得居東門牽犬獵黃兔

其三

我年近四十世務苦不通矯迹承嘉運幸厠奉主  
宮奉身歷邊使下采民間風結刀持一制淬礪秋  
水鋒握瑜願自實完璧嗟無功器非魏絳議安能  
遠和茂才非終童妙無由奉廬弓矢心竭忠誼茲  
以奉始終

青青河邊草

青青河邊草行子在遠道遠道無歸時秋月當何  
期秋草繁堦生促織鳴幽聲焜黃木葉下令我疑

八厓集

卷之一

三

私情雙燕遊雕梁徘徊簾間翔送離別主人不忘  
巢君堂鴛鴦茂芳時凄涼浮文錢暖三交飲啄相  
將死君池崔嵬東峙嶽浩蕩西流水嶽峙年年安  
水去無窮已長鷗吐空穴誰是忍聞者扶光下虞  
淵倏如隙中馬惻惻復悽悽對此淚空墮裂帛寫  
詩篇南雁雲間下

古意

縹緲綠素練裁縫作君襦自君之去矣萬里常相

思明月照空房哀絃思不平推枕不成寐落葉鳴  
空城空城本故鄉穴觸無別端嗟嗟吏人婦憎恒  
亂天君庭樹漸銷落林蟬號日暮豈不凜中情宵  
行畏多露多露何瀼瀼商飈秋欲晚諒子駕言旋  
雕弧具晨飯

車遥遥

車遥遥今馬甸甸追思君今不可見君遠遊今入  
幽燕形單影隻今我自憐願君廣被日月德照妾

八厓集

卷之一

三

薄暮將殘年

燕京歌

燕京女兒顏色佳光照秋水映層崖文軒熠燿銀  
鞍馬兩兩三三戲蘭野扶歸情定意有止盛鬢雲  
髮從頭理

遠別離

自我歷隴阪奄忽三年期家慶彌在念欸睵當何  
時朱顏改舊儀素節諒自持久要還自慰弄藻摘

情詩靖共古人論不貴於煩辭

効古

至人要我同行直上玄虛太清蘭桂棟嶢嶢清  
池華沼澄仰睇文龍騰雲俯看神魚躍鱗玉妃  
傍徨啓齒洛靈徒倚通神

其二

扶光漾汜西藏湘娥拊琴蘭房日出東南隅光華  
采瑩若條桑相與合坐飛觴通朝新夕盤桓樂方

八屋集

卷之一

三

雜進無端哀絲急管闌干呈奇逞態齊顏男女雜  
坐喜歡歌聲笑語飛蘭僊僊妙舞含情共誇飛燕  
體輕滿堂珠履華纓長袖級纔咸呈美人跟跂傳  
顏迎風蹈節節盤徘徊遠賓難珊瑚簪應現環  
坐客無不嗟歎陳飢進爵君傍齊聲曲度飛梁辟  
邪珂珰異香蘊萼行者庶姜深恩此夕難忘賓從  
燕婉無私酒行無算遲遲出門星宿已滿花上塗  
塗露晞

君子行

世途局險艱人事乘乖忤山川峻而深波瀾翻且  
驚笑語伏危機密言潛隱盡食桃竟亦冤投袂欲  
何訴齊君暗未聞吉甫死方悟二叔諫周公風雷  
始驚懼叔孫毀仲尼日月斯難妬苟非大聖人忠  
信安所遇躡冰當識寒噤蔡自知苦吉凶兆人爲  
禍福千天數假鏡燭衣冠鑒往昭善惡提徑妨規  
行康莊肆矩步智哉君子人隱心恒自慕

八屋集

卷之一

三

閭閻篇

黃道開閭閻爭紫金馬門甘泉紛玉樹佳氣正含  
溫奚元堯閭迎驂驛羽騎屯威靈嚴帝闕星宿近  
天閭但願明君壽千秋仰至尊

遠遊篇

蹢躅厭薄俗吾行將遠遊遠遊欲何之四海并九  
州搏颺上圓囂被羽凌丹垓玉樹燦瓊藥滄波鼓  
玄流葳蕤蓬萊閣照曜金銀樓神嶽儼居上仙人



四五儔招要入其室顧視皆靈修仰食沆瀣露俯  
蔭若木穆玉女從我戲洪崖爲我游輕舉超絕島  
長笑升靈洲下視塵土上漠如此與天地同末  
久歲月安足憂

上陵

上陵者躋雲端手翳紫芝跨青鸞被服纖麗隨風  
環飄飄浮影去無極赤鴻白雁來翩翩紫庭縹緲  
日月邊五色照耀雲霞鮮黃金白玉錯其間下視

八厓集

卷之一

三

塵世如瑱璚齊君晏子徒願願上陵者誠難攀

艾如張

黃雀兒頭如顆絲身如綿朝起擔榆暮林邊羅家  
結網艾蘭側飛飛不得爲科軀我聞鯨鯢能作顛  
吹波吐滂喧長天有時漁翁投巨牂雙鉤羣落紅  
鮮鮮如山骨肉卒凋朽鷹刀剝落神遊釜願爾性  
命各各安毋令網罟遺時苦

上之回

霓旌畫舉虹旗飛雙龍八駿何時歸雙龍舞八駿  
馳璫臺之曲瑤水涓周王夏后心何私漢帝入回  
中月支萬國爭相迎百官服諸夏從淫樂及時戒  
千秋當令終

翁離

汝不聽枚乘言汝胡納左吳策逆謀一動翁已離  
國破家亡何足悲縱令鷄犬升天去可奈丹徒白  
刃隨

八厓集

卷之一

三

朱鷺

聖王出放天閣張廣樂奏雲門鼓田田朱鷺翔朱  
鷺之朱誰可方素衣純采明滄浪遨遊茹下日飲  
啄性專靜心安詳輕颺起微波揚天子坐廣殿韶  
箴聲琅琅鳴鸞和鳳同翔翔清絲繁響紛鏗鏘天  
路殿帝庭昌仁風威振被八荒炎精缺靈之祥我  
皇神廣運不願流詩章

思悲翁

思悲翁懷聖明風雲忽時感代邸神龍飛騰驚其  
始潛靈妙玄德地非王氣安能鍾此乾坤精道不  
有違於天意義能有感於人心坐令閭閻開黃道  
乘乾秉玉敷綸音我翁我翁其能振起於楚郢之  
墟去讒尚德混一車書禮樂明備頌聲滿區方將  
協和萬國巍然與堯舜同驅

戰城南

玉門閉西關銅柱標南紀寧知華夷限隔難經年

八厓集

卷之一

三

戰鬪無窮已將軍勤出師士卒罹寒苦橫海樓船  
搖鼓殷交河白日羅魏虎古來匈奴好殺戮僇師  
百萬遺平陸年年烽火照西秦金繒歲帛翻貽辱  
安得漢嫖姚唐子儀坐令群寇皆驅逐

巫山高

遠望乎危哉駭人巫山之高高入蒼穹三峽空  
地底群峰出雲中蛾眉與碣石盤據峭且雄東  
雲夢經相漢劍門玉壘環龍旋龍蹕虎踞天鍾美

然後削出一十二朵青芙蓉上有楊枝拂拂無影

之木下有陰崖若若清冷之風羲和日馭馳不能  
及夸父欲負難爲功黃牛灩澦飛流淙洪波迅瀨  
摧鴻龐溢胸決昔入峻極奔流側注聲鏗鏗千尋  
萬仞不可到登高遠望非吾邦但聞禽鳥相喧聒  
黃熊青兕啼巖砦又見瀑布飛遠壑注長江巫山  
之高高入蒼穹令人對此心憧憧窮天極地孟  
門險一夫當關萬夫遠古來竊據稱侯王公孫劉  
備皆龍驤其高也如此嗟爾神女焉得而徜徉空  
山草木而荒涼朝何雲興暮何雨祥高唐信聞寂  
陽臺亦渺茫空悲宋玉徒慕楚襄風流淫靡萬古  
荒唐詩人遙託夢麗賦誇以張巫山之高高入  
蒼穹泰華衡嶽誰低昂

寄遠三首

妾初嫁來綠髮被兩肩見郎埋頭羞不言兩情膠  
漆方歡愛何憶三年忽棄捐三年棄捐不回首獨

坐單眠甘自守春風紫燕怨雕梁秋風哀蟬悲翠  
柳人苦愁出苦愁但把貞心比良玉不將濁水換  
清流

其二

郎在家時笑滿堂郎去家時懶下牀青樓粉壁俱  
無色羅襦繡幌不聞香只倚珊瑚枕常盤錦帶囊  
迢迢明月夕更漏與愁長

其三

八厓集 卷之一

天

想郎顏如舜菲膚如雪婉孌何時能再得感郎節  
如松柏心如金百年恩愛情尤深象牀錦茵方在  
寢玉盤綺食猶遺鬻蹉跎一別已踰歲令我愁思  
日夜尋日夜尋寸腸斷悲風顛顛吹寒幔紉素盈  
箱不忍開寶琴握腕心猶亂可惜春光已過半飛  
來白骨真成伴郎乎郎乎及早歸莫使賤妾歲歲  
守空閨

白紵歌

烹龍炮鳳華筵開吳姬楚女鸞鳳迴輕桂飛舞  
芳埃二八並舞微風借清揚恍兮往復回嘉賓在  
御樂未衰還延一轉燈前來

其二

瓊宮玉館蘭桂香瑤瑤玳瑁雲霞裳美人雙袂齊  
飛揚抗聲高歌進樂方激楚結風流清光綽約閑  
靡蘭膏傍曲赴君前樂未忘

其三

八厓集 卷之一

天

三星爛夜天河白鮮飈激烈華燈煖瑤席徘徊坐  
佳客合場促節光如射白日行天駒過隙鞅鞅魂  
姿難久借今宵之樂當無斁

其四

春燕秋鳩時序遷苦寒一曲流水瀟瀟爲君長袖舞  
踟躕轉盼留情私自憐百年之命係所天傾城絕  
世誰能全盛時不樂空悲酸

其五

停吳歌息楚語且觀遊前舞白紵秦箏弄瑟紛如  
許七盤蹈節風中舉纖腰嫋嫋揚抑柔羅鞋徐轉  
力愈道衆賓歡樂切可休

其六

深夜沉沉明月光蘭膏熠燿凝華堂美人一笑千  
金價整裝再舞行清觴含情對君莫忘君莫忘未  
相憶千秋萬歲樂無極

將進酒二首

八厓集

卷之一

三

將進酒慶良辰朋僚滿座咸嘉賓珍饈膠濃清具  
陳緩帶結綬情似親賓稱千金謝主人主人三爵  
義所申上起酬日未夕且盡樽中斗十千月明  
散還城邑

其二

置酒高堂命懿親烹羊炮羔樂無垠秦箏趙瑟奏  
奇響鼓鐘饌玉何足云白日忽西逝光景難留停  
難留停髮變髮君今不飲徒愁殞

浮萍篇

方塘瀾瀾生爾浮萍隨風澹蕩東南交便便彼與  
葉韻芳吐紫植根墜固依倚則馨上蔭嘉樹下淨  
靈鷗有美一士氣色充盈日弄雲藻相與偕盟

短歌行

夏序已邁秋節忽遷芳泉吐溜綠樹鳴蟬行雲  
北落日傾西昞彼松柏荆棘勾連雖則勾連其五  
參天孤雄別雌翩翩翩翩隨風上下飲啄其間朝

八厓集

卷之一

三

遊沆瀣日夕來歸悠悠自適繞樹三飛曠哉六合  
孰云無依日月恒曜天地罔摧良緣偶值雌雄並  
栖相顧得意順適徘徊哺雛育穀瓜瓞綿綿取樂  
百歲我心益憐

長歌行

靜寂坐虛室綠竹閒無鳴啾啾起房闔無乃帝  
聲高揚多積窗頽垣荒草生我心懷惻惻屣履下  
庭仰視天漢習繁星一何明北辰居中極太微

春光榮明彼生女在華河守華通波隔淺清來  
頭那能成對此空悵望喟然傷我情邈哉懷土念  
攀涕空盈盈安能駕飛轡爲渠結長纒

夜坐吟

燦燦三星夜未央寒燈熠燿月光金雞鳴城墮天  
地涼樹木挂吟風悲鳴戾妾悽悽受空房深情結  
意蘭膏傍念君何爲客他鄉憂懷百結空斷腸脉  
脉悲啼淚承承半半負此情箱箠織女虛相

八厘集

卷之一

三

望含愁入寢登我狀錦衾枕飄餘香翻來覆去  
怨更長起視天漢何微茫

君馬黃

君馬黃臣馬白二馬皆臣馬金鞍玉勒青雙  
輪朝朝遊戲長安陌並轡雙嘶噴玉行四蹄鑿鑿  
清風生瑰姿逸態不可得辟驪顏白空爭紫騎來  
購景恣遊冶高冠長劍真飄灑真飄灑意氣赫千  
空之豪五陵客平生重然諾不顧自家私大義凜

然白豈肯趨危機寧令伯樂今不識莫使王良身  
後悲

苦寒行

朝度桑乾水暮入青海彎白日晡晚忽西墜惟有  
北風凜冽生祈寒一聲吹裂黃龍塞同時人馬俱  
凋殘幽州健兒盡喪氣生封不願玉門關故鄉妻  
子摧心肝憐爾荷戈執戈無時閑別時只道三月  
去那知一載猶漫漫身上寒衣已裁製題封欲寄

八厘集

卷之一

三

空長嘆空長嘆迢迢遠路真險艱惟願關山靜將  
軍奏凱還不然一死黃河側化石江頭我亦安

烏夜啼

妾家門前烏栖樹夜夜烏栖上頭住幾度爭棲月  
下啼停梭不織翠眉低遠人一去無音信學涕虛  
將錦字題

採蓮曲

春風嫋嫋吹荷葉葉底蓮花紅勝顏溪上女兒來

採花曉起唱歌雙渡楫波間素手浮萍開朱唇玉  
臉風吹來迎舟一水香無已蜂蝶爭隨鷗鷺猜

塞下曲六首

昨日馳秦阪今朝度塞雲口人時犯順高鼻剪成  
群漠漠邊塵擾湔隴水聞夜來窺漢月寶劍耀  
星文

其二

朝過玉菟城夜宿黃龍塞朗月照寒旌清霜明畫

八屋集

卷之一

五

鎧貔虎擁王師天驕誰與對封侯儻有期金印亦  
可佩

其三

將軍橫意氣不數霍嫖姚直搗羗胡穴長驅海外  
妖金貂明日月駿馬連風颭奏凱歸來日麒麟閣  
早標

其四

關塞紛驕子幽并戍健兒烏號張漢月赤羽耀朝

曠逐虜凌天險旋師波隴遲剋門桑葉落合是念  
家時

其五

漢室兵符動羗胡戎馬強龍沙橫戰陣虎帳肅風  
霜要斬休屠將何愁昆莫王功成須早隱辟穀有  
仙方

其六

烽火連青塞胡塵暗玉關聖主勞按劍大將喜登  
八屋集

卷之一

五

壇雪重旌竿墜水深馬骨殘妖氛須盡洗萬里獻  
俘還

芳樹

栽樹莫栽桃種樹莫種柳惟有庭前芳桂枝歲幾  
倚旋森瓊玖淮南小山上八公侍雍容載誦詩人  
傳佳氣驚青葱日坐理瑤瑟惠心婉以融美人勞  
正三池香且穠翠顏曜朝日瓊葩揚緒風  
翔其上哀音激之哀嘉時頗長保無令怨飛蓬

有所思

我所思兮在遠人金屏綉閣空綈絢錦書磨未滅  
翠蛾愁且顰孤負容華暗中折車輪夜轉腸空結  
至此於乎命勦絕昔時遺我玳瑁釵虎文鳳質香  
塵埋明月兮明月何不流光入我懷入懷諒無乖  
君有他心何日諧

雉子班

雉子班遊原澤耿介厲貞心悲鳴雖香陌五色漾

八厓集

卷之一

五

名器雙翹關翕赫高堂邪伎鼓吹鳴曲中雅調音  
韻清多雄誓必死決志無偷生君不見虞人之心  
介如石丹旌一羽非其役抗節入青雲崇名傳自  
昔由來志士多耿光功名富貴真如劇

少年行

君不見長安少年輕薄子意氣豪華更粗鄙乘馬  
鳴珂執玉鞭渾身被服皆羅綺娼家酒樓高插天  
綠槐夾道垂青帘朝朝遊行停軒蓋夜夜酣歌醉

管絃平生豪富甲都市金張許史倖奢侈呼盧百

萬不論錢一笑千金頻擲妓醉來耳熱眼中花忽

然想起仇讐家堂前即召千銖斧馬上頻揮雙莫

邪使氣并吞江共海殺人不同蒿與蕪秦庭劍客

不敢企扶風豪士皆爭避自言財貨無與論銅山

金穴能通神自言豪俠無與比迴天轉日能順指

那知此日當衰命閉門白首甘長病庭前車馬不

復來雀羅蔓草無人屏古來富貴本由天百年滄

八厓集

卷之一

五

海成桑田秦王漢武俱塵土瑣瑣聲華何足賢

烈婦吟

清風嶺巋然烈婦之祠宇乃是臨海之裔王氏之

女宋朝末運元兵興妾身不幸罹斯苦犬羊紛紛

黃塵昏豺虎嗾兮白日怒我縱存兮身為虜皇天

曷不鑒予之精誠江浩浩兮雲縷縷聖賢值之何

所主死若得之重泰山生或失之輕毛羽嘗聞人

水亡赴火死援刀截耳無疑似顛崖濺血心方已

烈婦泣兮心轉悲隨風落兮無還期心安兮璧碎  
誓不與異類兮相隨剡山可陵水可竭石上之詩  
昭日月

梁甫吟

振衣梁甫岑聽我梁甫吟君不見魯國累臣未死  
時謳歌赴道心何悲桓公郊迎設壇拜名尊仲父  
超倫夷一時功業覆九有葵邱盟會良多辭至今  
匡合人受賜聖言煒燁長相垂又不見曲逆當年  
八厓集 卷之一 三

困楚中奇謀秘計無人從一朝召見漢天子千金  
付託何其隆雲夢白登笑談解安劉一策真雍容  
英雄得志每如此況復汲引俱名公當時若無范  
與魏無乃埋沒隨蒿蓬我今落拓年四十不悟承  
明已三入上書徒抱逆鱗心憂時恒切枯魚泣天  
門九關羅虎豹禁庭掖府人難到機籌滿目稽穹  
天梟獍成群恣貪冒雄鷄斲尾憚爲饑食苗碩鼠  
何須疑劍分合辯中台圻乾沒嗚呼無已時安仁

不守閑居志金谷甘爲白首期梁甫吟聲正哀梁  
生適越歌五噫淵明拂衣歸去來眼前聲利無足  
貴達人知命何榮哉

明星篇

中天無雲月華靜長門闔寂嚴宮令明星出地  
餘輝照微未央光轉盛銅龍漏滴聲沉沉依微漸  
轉牆花陰聯珠正影椒風殿合璧重凝蘭蕙林椒  
風蘭蕙俱昭灼羊車忽聰開金鑰衛后髮髮弄綈  
八厓集 卷之一 三

婷趙女輕身志騰綽蘭膏華燭明如畫清謳妙舞  
飛羅綺合歡臺前八寶粧增城盒裏千金壽可憐  
綠錢生內宮百花歲歲啼春風星輝月朗看行跡  
惟有號狐穴草叢

行路難

吁嗟世徑多更改不獨桑田易滄海行路難舉足  
毋投艱去年翠華搖碧水今年玉鉉歸青山君不  
見眼前卿相不足數昔時富貴今爲虜何如白首



甘賤貧枉用黃金入鄆塢又不見當今威柄不足  
親一時依附成灰塵早知膏液潤斧鑕悔不從前  
作隸人行路難天道有循環設隄豈知埋獄苦殺  
身方覺散財安古來太行殊險絕不似人心真叵  
測前車既覆後車仍安得康莊完爾轍

子夜四時歌 春

春日媚驕陽春花錦繡香采桑岐路側窈窕曳羅  
裳獨恨秋胡子歸心誤舊粧

八厓集

卷之一

夏

蠶桑事已畢華屋貯清風郎贈蒲葵扇合歡心更  
濃笑採芙蓉並相看並蒂紅

秋

秋月照羅幃蘭香拂綺衣臨風揮玉杵涼夜心如  
飛惟願邊塵息良人及早歸

冬

素霰覆重陰悲風響故林良人千里戍何處寄歸

音蘭衣迢迢求清寒襲我衾

行路難四首

贈君雌雄之寶劍追風躡影之驂騑五綵葳蕤之  
錦帳千金貴重之貂裘白日行天急西沒朱顏銷  
鑠何可求眼前爲樂居華屋身後榮名終土邱一  
歎牛山千古笑莊門何必淚雙流

其二

白日如奔駟義和之轡無停轍人生僅百歲焉能  
八厓集 卷之一 望

矯翼翔雲端把酒酌君前聽我高歌行路難不見  
北邙荆棘裏佳城千古復燐炣

其三

舉步欲登天青天無梯不可緣我昔揚蛾入宮禁  
傾城絕世人皆憐自言恩寵如山嶽鸞膠未續瑤  
琴絃豈知白璧遭微汙求巷長門忽棄捐團扇忍  
將題素月黃金何用買新篇

其四

勸君長安坐莫唱行路吟人生富貴本由命經營  
覬覦空勞心孟軻尼父本賢聖坎坷一世無知音  
對酒聊自適百年光景隨浮沉

八厓集卷之二

華容周廷用著

商孫慶增男侍

五言古詩

夜集顏惟喬宅

短景下長坂玄象淪幽都悲風感林薄寒商思  
鵬百感倏幽閒獨坐成遽渠美人住西舍交光照  
懸燕拉我二三子躑躅文應攝衣侈言笑晨履

八厓集卷之二

煩招呼璿琤隱簾幕曉璋吟增除明星低在丸行  
析哀通衡主人敬愛客庖制分兵厨繁俎列廣席  
羽爵飛清醕剽論入今昔拔藻握瑤璣金蘭感意  
氣歲月傷居諸事業良不饒世境終何如嗟嗟復  
役役叱馭躑躅仙路圻玄圃靈樞眇天吳何當  
遊海澨共與鴈夷俱

龍里早發

宛轡指東路駕言又徂征浮踪無定轅原野烟雲

平日出東方白悠悠我心驚丈夫志四海株守非  
常經王事既艱難戎馬復縱橫愧無埋輪志慰彼  
都亭情豺狼向我遁孤狸對我迎擾擾風塵裡何  
時得常寧咄此游宦客零淚沾餘纓

龍里道中 缺

嘆白髮

我年三十七方臨強仕時何爲抄秋色星星異鬢  
垂如雲傷昔盛飄蓬歎今危撫鏡情彌烈握捥心  
八屋集 卷之二 二

愈悲縱觀天地間萬物各有宜松柏隆冬勁蒲柳  
先秋萎金石永無泐青蘭坐自虧咨予生本直冲  
養日勉爲培厚不爲薄韶光不外施奈何逐風塵  
荏苒成素絲願言謝塵軌稅駕登山基擔簦訪五  
嶽植杖采三芝不作善鳴雁甘爲曲木枝悠悠百  
歲景端可以爲期

感述

清夜列華燭四座熺炎光仙飈激幽戶流輝歸閑

房曰予守岑寂撫景增悲傷起觀宸宇間慶霄霄  
蒼蒼繁星麗遙漢辰極居中央冥冥紫薇側璚璩  
耀機槍悲哉蘭蕙質驛驛吐芬芳願得開陰暄靈  
曜湛光芒迴身入孤寢怛怛何時忘

閒詠

寂寂抱空虛暇日阻游豫散帙散餘清沈瑟銷遺  
慮纖葉吐芳辰弱華衰清曙丹葩曜春曦綠楊號  
日暮層空翳歸雲修岑暖行霧引領洞庭涯徘徊  
八屋集 卷之二 三

不能去借問此何爲嬰以世網故柱下徒栖栖功  
業未由樹悵哉攬轡途漠爾埋輪路休澣循子躬  
且誦閒居賦

春晚事隙偶作

吏道謝迫束凝神悅閑敞縱步緣堦除流目歸林  
莽荃蕀吐芳豳山泉發幽響風聲寒開帷月華洞  
虛幌伊予奉王命閱歲居邊壤簪筆忝所荷鼎食  
親厚辜英達久睽携謫薄愈迷罔且自飲丹經聊

以遲促仰

寄工部伍思謹正郎見寓岳州督木

往歲客行邁弭棹城陵渚與子邂逅逢日夕竟席  
語朝攬岳陽樓夕瞰君山渚綢繆不忍去款耶情  
無已無已心惛勞佇減臨江且執手聊致言傾蓋  
在一朝凱風揚微旆旅思何搖搖君策荆臺駕我  
揚靈洛鑣揚鑣越萬里二載彌年紀薄遊嘆睽離  
遙懷傷飢縷繁翰渺鴻軒佳人隔蘭芷渺然夢寐  
八厓集 卷之二 四  
遊曉暖風塵滯風塵日悠悠扶桑忽我道豈不念  
朋友王事益淹留湘江蕙草綠洞庭桂枝樛何當  
共攀掇并坐聆清謳

感交一首寄王諸君子

楚人抱良璞本自荆山奇多士被畚顧出入聯金  
鷄矯迹承嘉運排翫凌輕颺調笑偕歡宴并坐塵  
光儀匪惟鄉曲誼義要欽所私曰子邇交服契濶  
傷離思貞心困孤介弱質潛幽姿友朋良獨畏姻

構成所宜感念情彌感愴况天之涯慨彼古時人

交道亦可悲款言竟朝夕流俗固相嗤結綬勞牽

縲隙末終何爲太行與孟門此道多嶮巖寄言二

三子白首同所期

春日即事二首

芳春倦遊目時鳥下高林嚶鳴弄和響暫留傳好  
音願得閑游行策杖一追尋羈棲不能去佇立傷  
我心丘中感結構白雲橫古今

八厓集 卷之二

五

其二

獨坐春堂上誰可與言者綠草繁高山日暮牛羊  
下鮮雲抱石生乳竇綠崖瀉條風駘蕩來陳叔咸  
有假淑景正明熙遐瞻聊滿瀝

春懷二首

乘驄凌絕徼暇日阻芳遊偃仰淹歲月寂寥安春  
秋蘭生洞庭篴燕度楚江樓美人隔南浦瓊草紫  
芳洲瑤琴欣自拂綠水惜長流一曲相思調淒然

淚莫收還嗟太行道漠漠使人愁

其二

墻下碧桃花嫣然隔修竹雜英綴散金采采不盈  
掬爛熳此春華何事闔幽獨白鶴雲霄來向我  
端宿樂道日悠然歲事何須卜小往豈云迤大來  
須自復人情感盛衰世事多翻覆長嘯揖孫登高  
卧蘇門熟

詠月

八厓集

卷之二

六

銀漢亘遙夕金波蕩纖埃神飈激戶響華采承空  
來竊藥豈凡婦浮槎真異才阿閣照綺席金闕映  
綠苔渺渺客行子沉思何悠哉

讀書

啟明坐虛窓開軒掩春服剛持古人書拂几焚香  
讀疊疊道心清營營塵思逐立德固有基本仁恒  
在熟澹乎聖人言四達皆平躅日月耀中天燭火  
收螢煜陶情竹素園令我甘嚙肉

初夏雨晴二首

節蕩喧濁稍稍溪天曉飛泉溢流湍浮嵐暖林  
杪山明洞遠目萬壑俱心了起步循廣除坤維一  
何小凱風自南來茂育群生表青錢疊新荷綠簾  
包嫩篠黃鳥絨嚶鳴玳瑁謝紛擾人生大塊間豈  
云壽與天龜鶴填山谿矜翬曷云眇所以蒙莊子  
無使心悄悄坐詠秋水篇忘機逐鷗鳥悲哉當世  
人名利徒纏繞

八厓集

卷之二

七

其二

清旦宿雨簪綠苔綠苔侵庭前芳歲幾今已彌敷  
季游目入無倪飄飄諧我心香塵紛漾漾清流浩  
沉沉春華方念昔夏景復至今呼童具醇酎向我  
一重斟匪爲解鬱溫聊以蕩氛陰寥寥金石韻淒  
淒跼踈吟託身文憲職寄辭翰墨林空懷綠水奏  
誰能知我音

對酒

悅愉脫塵累從容命綠樽非爲愛狂藥聊滌中心  
煩已春復至夏時序異涼暄輕颺蕩絳絳神爽清  
餘溫俛睇階下樹宿楚何其繁巡簷舒一笑寂歷  
真忘言盡醉歸觴醒瑤花隱芳蕓邀哉同心人路  
遠勞思存

夏夜

月出照綺牕星羅浮阿閣群蟄寂以靜涼風動纖  
葛沉思坐幽窓轉盼傷遼索驚鴻響冰漬悲猿啼

八厓集

卷之二

八

林壑淒淒泉溜鳴黯黯陰雲合閣閣喧池蛙淒淒  
啖江鶴側聽增悲辛還視盈喧濁遙夕坐含情中  
心竟何樂

平越夜坐二首

假裝戒味旦駕言陟崇巒涼風吹素襟俯入深筵  
寒幽花傍屋與聊以觸我看栖栖感物念惻惻行  
路難徒旅苦疲憊鞍馬傷凋殘星駕日未旭夜次  
露已漙行行且三月起坐兼悲歡執紙弄柔翰長

歌心自寬

其二

寂歷坐虛室萬籟息以收奇葩玉露泥素紫金螢  
流我行良三月感感傷遠遊遠遊心歷亂奔波苦  
淹留休沐迂行署將上西南州王事被我身曠放  
難自由故鄉日已遠游子日以憂緇塵爲我染浮  
光爲我道安得瓊瑤草以解飢渴愁撫衿成獨詠  
氣結不能誣

八厓集

卷之二

九

晚適二首

去日開群甍歸時榮宿草夕陰曖荒坵行子在遠  
道自奉金石軀風霜苦難保呼酒列芳樽誰與共  
傾倒獨酌強開顏積思紆懷抱達人本大觀謀身  
貴及早紫燕雜鶯駘安能辨醜好圯下卧黃石南  
山隱綺皓何如問奇訣壽命以終老

其二

行客惜流景落日留餘輝王事嬰我身休惕安敢

遠勅躬曾有役其能達機微迷鳥失故侶翩翩傍  
我飛豈曰無中路故鄉當念歸黃鵠摩蒼穹霄漢  
將焉依我行曠歲月私心念重關撫几情彌眷誰  
能測所非

懷友人

我有綠綺琴常共知音彈客行感離絕玉軫因凋  
殘安得碧雲合撫弄成新懽萍蓬越萬里此志良  
獨難望望巫山渚悠悠淚難乾何當寄瑤翰啟我

八厓集

卷之二

十

憂思攢

夏夜有懷

怫鬱抱塵慮蘊隆拘世紛以茲耿耿懷空堂坐夜  
分明月鏡靜沼層霄薄纖雲高花浥露墜叢篁鳴  
颼聞松柏播幽韻芝蘭含遠芬宵宵哀角吽悽悽  
聲鼓殷我歌空慷慨寥寥不成文

池上晚坐

皎鏡靜方塘月波涵空碧激灩照修篁風聲鳴淅

瑟愛此淡忘歸呼童卷湘帙清簾動我衣微露潤  
我幘繁星燦以羅群翳靜復寂冲曠得所怡稅駕  
將何適

送沈仁夫方伯

至人慕端操大德忘廉隅騏驎越千里舉鬣無長  
塗咄彼宵人志甘同轅下駒翩翩沈夫子翰墨時  
流濡剛風吹弱羽負澤敷璫作宦事文憲潔白  
如瓊瑜直道罔不然安事空名沽

八厓集

卷之二

十

其二

弱植弄書翰數腴皆奇言出入咸髦士能爲時所  
尊信分照肝膈詞義清心魂乘驄歷關隴種德益  
以繁總憲蒞滇臬改服遷蜀藩結軫幸邂逅判袂  
徒紆煩

其三

夫君髮未素腰綬光陸離騁轡入蜀道聯翩琴鶴  
隨堂堂峽中陣擒縱今在茲疆場復得人坐令安

西陸卓哉孔明心千古人臣師辭贊廟堂柏歲長  
甘棠枝

其四

丈夫志弧矢四海皆蒼生王命日以被星駕過行  
程要令薄海肅宜爲好爵榮澤波擅佳詠琴臺幅  
餘聲嗣是著令作琅琅大雅名因風倘能寄或以  
慰離情

出師頌書鄒黃山都憲爐山圖

即香爐山黃  
誌載苗有書

八厓集

卷之二

三

同烈等叛公與  
鄒莊簡公平之

嶺嶺爐山雲慘霧黠豺虎肆克降蠱聚毒塵熒腥  
靈氣飛遠服赫矣皇明憂心如搗乃命憲臣是征  
是討喻以威德訓以來庭有苗不順謂曰弗克據  
險嘯呼七旬罔格請振武勇於山之陽甲冑重襲  
弓珣開張雲梯機械智士奮揚虔劉所向叛渙罔  
當執俘獻馘威肅八荒凱歌旋旆日月重明提書  
上奏疏爵有章吾聞先零充國討平楊雄獻頌漢

績用銘亦有淮蔡裴公克定宗元素雅唐事用振  
況我憲臣恢拓窮邊於鏖功斯掀揭雲天齊趙之  
武匹裴之賢顧予小子躬逢盛日匪言不彰匪文  
無識力鑽屈軼心涼漢幟瑣瑣燕辭用詞德音言  
念憲臣寵眷駸駸顯顯令聞昭古昭今

四圖詩

季子使諸國觀風知樂音子僑得鑒賞沒世爲知  
心職方吾鄉彥價重承華南聯翩使山陝綸綍垂

八厓集

卷之二

三

詞林攬轡晉陽域結軫關河陰王事靡勞役風俗  
亦已彝美哉僑札頌千古意何深若人雖已遠嗣  
德君能任

藩省旬宣

中州古帝域改服今藩宣天子重民威簡命惟君  
賢解劍辭銅華驅車向河堤旬行歷三道儲餉周  
九年操心既清亮立政無頗偏悠悠大梁道桑柘  
含晴烟觀風崇大雅合入周南篇



太卿考收

伯同崇周命信公著駟篇古人重馬政簡用皆良  
賢何侯體明德清風揚九筵超擢蒞太僕秉心實  
塞淵慎僚侶群牧園皂感精專天閑既充勿房星  
耀且連師行國有急雲錦蕃三邊材官藉驍勇夷  
虜逃穹旃請續詩書傳罔俾專美前

都憲巡撫

黔中古滇域夷獠鬼且機彈壓匪頑德使旆復厥

八庫集

卷之二

古

機中丞卿命至授纓肅霜威痼疾在四體覃恩溥  
無遺枯朽悉回化姦宄咸距遠立憲準大體敷政  
却浮辭邊氓仰仰淹朝堂欽子儀玄髮未改素功  
勲何啻期

露坐

承露坐前除矯首睇雲漢華星燦以繁浮雲聚復  
散烏鵲向南翔隨風隨羽翰皓月耀前林纖纖起  
清光如歷凌虛臺似登望僊觀紅蕖紛華池鯉鯉

驚歷亂逸思暖如飛彷彿層霄半褰裳出修篁徙

倚凌曲岸傲睨折殘葵迴迴撫修翰妙響煥颺吹

清文靄霞爛隻影顧自拘孤遊成屢歎悠哉歲月

淹聊憇琴書畔

感懷

感感彌年歲憂懷弗能豫離心眷鄉畿一日千百

慮創聞司晨鷄鼓翼迎天曙又聞隨陽鳥來賓識

歲暮吳楚逸風塵遙遙替雲霧渺渺目愁于躊躇

八庫集

卷之二

五

將何去王事勅我躬敢曰賢勞與長夜戀桑梓終

日念嘉樹悵空洞庭涵咫尺悲沮洳寒帷鑑明月

且誦幽玄賦

懷友人

江山千里閩彌歲阻佳期佳期日已遠望望紆悲

思羽翮弗我長道遠將焉之桂枝躋嘉樹芳訊若

在茲冲想眷遙夕晤言當何時夢中空失路覺後

涕承頤

懷親

結髮事聖君身世遭明兩駕言巡貴州風塵浩漭  
潏朝雲夢澤飛曉日君山上愁焉懷二親山川異  
且廣渺邈越起居撫躬勸心賞受恩顧不貴飲德  
空浩蕩白首倚門閭望望兒歸鞅

懷二子槐栗

羈客滯蠻荒愛子居鄉縣彌年不相親音形眇難  
見緬想膝下儀豫章氣已銜大者或知書小者或

八厓集

卷之二

六

識練翁姑日抱持恩情自迷戀逃哉父子情婉孌  
涕如霰祖德亮未衰南山看豹變

寄內三首

與爾爲婚姻弱植多屯蹇耕饁早治生菁華豈云  
晚奉身千里役遙遙日隔遠眇邈三年期園田尙  
未返慘悽故幽思朝夕忘吟飯惻惻不能寐愁言  
誰與勉寒飈吹長音孤情良輾轉清池上蓮心

苦葉裳卷

其二

結髮羅單寒立年荷微祿離別恒苦多子然傷  
獨聚居怨頗多遠別會亦足流光日漸移沉思結  
妾曲局塗歷險艱驚駟赴長陸良夜視三星對此  
空鄰蜀鵲鳴幽林風颺響深谷一日九延思寸  
心千轉較悠悠百年期雙美應難數慙慙持門戶  
慎勿傷拘促

其三

八厓集

卷之二

七

簪仕尹宣邑大江揚去船復命業荒穢長途邊馬  
鳴偕爾携子女相顧影逐形涼風始言別感感恒  
不寧征途負羈況假夢通藉誠金環約盟誓寶鏡  
涵光明錦衾閒瑤席玉軫流清聲小星有儔侶蘭  
蕙比珠璣婦人貴名教此事夫爲輕屬箴女史傳  
斧藻其情

夜讀

激俗厭功名讀書閱神理滿帙卷清塵積案堆遺

更善誘欽宜尼服膺美顏子寧越夜不眠勤勤望  
十紀大則則聖賢次則隸名士不學日將逝甘與  
齊民齒適聘問具敦范輟有遺恥測海貴知方瞻  
途寧越里尚早就早汚曠望無涯溪吁嗟名利徒  
聖甲日中市羅綺畏塵埃驛坐金門裡安知道德  
場出入寧步趾我開夢覺因進修從此始

敬進

猶植慕詩書壯年法文陸未虛賈生席孰酌穆生

八厓集

卷之二

太

醴誤蒙聖主恩遷官特憲體素節比松筠清流貫  
淮沂厭俗苦如荼味道甘猶薺殷憂固聖達克念  
奉天啓倪育天王旂御愁鵲思口吟麗南村音未  
識東封程江漢亮無波風塵亦昭洒武將耀軍威  
聖臣事文蔡餘艱塞石城長流浩清泚行樂日方  
殷歸則歲酒泥望望恨若親懷懷念兄弟窮途自  
有痛素絲寧無涕安得剪荆榛歸樓絕戶底

再遊聖泉二首

絕徼乘雲應霜蹄極蹇蹇真越林坵探奇賞  
辯每蒞聖泉阿煩襟日云緬瑟緒返千尋迴旋通  
萬轉侵雲頰復浴漾月清而澶澶注粳稻肥泥漸  
菰蒲淺懸溜澁風端瀉寶洞霜梗混漾攢水衣澄  
清絕苦辭暇日陪元戎沙島同遊行欲野駐旌旗  
夙心諒已展茲弱倦攀緣崖領苦登踐淮南桂欲  
森西嶺芝堪寒我生愛山水塵軌思未免勝蹟今  
已遭嘉月誰能選鑒賞全古人畢趣斯爲善

八厓集

卷之二

九

其二

清泉陶嘉境出縮祝盈缺彼美擅精靈分明天所  
設情與日月合氣諧潮汐絕雲液周山流芳潤瑩  
潭澈謝絕珠貝光曠朗雲霞瑤鄧哉銅乳源咄爾  
丹砂穴奇花轉蒙籠嘉木就虧蔽文錦昭咄密水  
碧浮沙洳因茲觴幽懷川上嗟長逝駐馬酌綠醴  
擊節歌白雪志意覺冲虛羽翮經寥泬別蘇摩穹  
碑千年字不滅即此區中緣何必游海澨長謠我

意申匪爲衆人說

雜詠三首

燥燥園中花離離  
堦下草芳意戀春榮  
悲心怨秋早  
中有本寂人悠悠  
傷遠道惟願拓繩關  
養生以終老

其二

朝見花開好夕見花開  
鮮花花有顏色本性無由  
堅灼灼青春女對此鳴哀絃  
艷姿不久留撫鏡傷

八庫集

卷之二

三

流年

其三

蒼蒼臺中柏鬱鬱虬龍枝  
託根幸得所不讓西崑  
涯勁節摩霄漢好鳥從鳴悲  
廣庭求楨榦大匠或來斯  
知士懷苦心比操終不移

望鄉

落日迫西汜逍遙步中遠  
徘徊望永路綿邈思鄉  
纖負羈淹二載何日當言歸  
志士懷君念達人炳

先機悵望非我土私心念親闈  
春草秋已沒曉月

夕尤輝貞松秉孤操嘉樹列歲  
莖美人不我見經由語清微  
平生握玄璧此志詎能遠蓬窓  
坐超忽浩興倏如飛大江元渺  
渺峻嶺亦巍巍極目杳無際  
令我心顏喪撫膺再三嘆此  
愁常訴誰

立秋二首

羣收啟秋至金風蕩雲高山  
川變時序孤客奈長語  
銀牀墜梧井火曜流屑霄清  
聲入夜響械械居

八庫集

卷之二

三

林條松筠堅晚操蒲柳望風凋  
季鷹感尊鱸解組辭中朝澹  
乎至人念冥契誰云遙

其二

天時變物態人爭感年華高  
殿入林樾庭樹無寧柯  
帝盤激哀響理房繞曲阿  
芙蓉寒木末呈彩發丹葩  
澤蘭塗白露渚蓮散紅霞  
寒潭靜黃潦冰壺湛清波  
悠悠志士心慨懷何其多

感歎二首

邊隅靜烽烟中原絕羅霧祥龍際亨嘉豺虎失雄  
據天子重巡行鑾輿方馳騁鄧通歎奇逢韓嫣喜  
嘉遇何物李夫人輒乃遭所舉吳王楚其身無乃  
汰虐故木石被軒冕誰云美無度反覆爭端倪  
徘徊中路財方公室匱政以私門樹忠誠安感傷  
恒抱憂天慮尙方未可借深衷溢毫素祖澤亮昌  
隆克終會有數

其二

八庫集

卷之二

三

嗟予本凡材實非清廟器謬蒙聖主私得膺風紀  
位許身勵令猷期與古人匹世路日迫遄嗟豈  
但一攬轡未澄清竭忠焉所恤天王正南巡撫膺  
志如失幸哉海宇寧况值疆場溢梁王既獻俘莖  
憲無能出區區芹曝忱誠爲聖明質參差雖云美  
無乃異竽瑟天生周公旦庶幾陳無逸勦心懷百  
慮何以副斯實

夏日晴眺

積雨滯陰霾天霽縱開眺爽籟入雲林清趣灑炎  
微文虹鏡清溪紺霞施層嶠睥睨淨芳塵杳思蓄  
清照尺波激寒冷隙駟奔靈曜烏雀下頽垣牛羊  
上奔峭美葉挹清流采菱歌絕妙梗楠藉棹餘芻  
蕘助焚燎步簷起還瀉開顏發微笑彌歲甘栖遯  
積德苦未劬末世徵先達異代本同調寧戚飯肥  
牛三望把長釣尹尹負鼎俎方期待典詔梅福竟  
高蹈孫登付長嘯勗哉美前躅無令後世誚咄彼  
匪徒徒何爲據津要天閭從此開或可排雲斗

八庫集

卷之二

三

弔高雲翼詩

有序

澧州高雲翼余同年友也建義秉德懷忠  
尚潔不合屢黜聲華彌烈今之寡儔古之  
遺行也藏舟已遠式念未忘茲以微君罹  
堯佐過貴深言處變之高得悉平生之要  
益懷宿草無任悲蘭愴然有情聊成短述  
雖因有激罹子實以申悲高子云爾

執手高誼盡銘心舊交缺蘭刈香并銷膏焚簪已  
絕烹鮮理三邦馴維繼先哲清徽四海流淪化千  
年滅電夢何日藏素車苦過商平生道誼心嗟此  
長夜逝

其二

泣子遭伶條途窮道亦窮金聲閔幽戶玄關誰與  
通玉樹埋荒壟行人恨莫終楚翁蘭折玉吳子劍  
凌風墳塹今閨寂人事坐成空

八厓集

卷之二

五

其三

治政和且嚴天才俊而逸名已通金閨心常住蓬  
草踞翼寶遠方奔凌無暇日世俗尚浮沉背棄王  
門瑟神理諒攸存曷想予言客

其四

芝蘭契芳訊金玉秉清塵子今成異物吾更重何  
人王折窺華瑱幣裂負絲綸瑤臺長有夜幽戶寂  
無春尚悲撒瑟日或是龍蛇辰玄雲翳澧水鳥雀

揆荆榛何時策素騎馳逸去途遠

其五

過閭稅塵執念子苦心魂清標逸已遠端範暖猶  
存荒山過宿草婆娑翳墓門鄰人忽吹笛嘹亮起  
西園素交元白璧舊誼亦清樽夜臺倘有覺茲事  
或相論

遣興

迂踈歎寡合謗薄嗟微尚坎塲長沙傳崎嶇江都

八厓集

卷之二

五

相誰薦雲中守孰封貳師將聖明日洞啟臣畏或  
能諒矢心眷忠勤撫志慙才望年華富強仕筋力  
方精壯竭哉苦奮偶不欲多人上觀海華安瀾陟  
山擬層障蓄廣藉心虛光尊由德讓秉迪日奉齒  
焉敢輕譴浪古今榮辱累於我須開放

道器亭二首

弱冠亭詩書刻意修明德苦心去私智中和固不  
識徑路多紛紜厥途多迷惑大哉宣聖人堂堂屏

發賊內以恬天君外以合天則一氣自冲融兩儀  
爲充塞千年振墜緒孟軻起鄒國布帛人所衣菽  
粟人所食叔世苦紛華空虛并玄默雖生宋世儒  
無乃加潤色

其二

我愛周夫子學道超常倫精通太極圖造化元無  
垠續出程明道析理破比鄰賢哉二大儒高會泗  
水濱人文負龍馬妙理煥龜鱗時人歆聲蹟萬古

八庫集

卷之二

五

恒相珍紫陽有朱氏學富不患貧微言析至隱破  
俗鳴大鈞荒谿開蕪蕪垣寒布陽春諸儒咸總括  
聖境或凝神只今有疑難後人未通津傷哉訓詁  
業致力亮無因何時生素王一爲洗凡塵

詠月學鮑照一首

纖纖上東岫迴塘散紈素宛宛照西林戶牖凝寒  
金寒金葉重惟紈素榮絺衣柔紙耀一色千里同  
光輝山河影共瀉衡漢照常依清商灝氣爽金並

玉露微旅客悲蹉跎舉首問短檠何如飯夫壻干  
戟守空柯開樽酌醪醑搗管成商歌酒酣氣益振  
褰裳望銀河毋爲煩所思良夜歡情多

翠柏

培塿森翠柏秋夏發丹榮上枝歲寒色下枝金玉  
馨照耀御史臺清風揚縹青與爾偕盟好羽儀日  
克庭百年注靈藥取之制頽齡

公廳四首

八庫集

卷之二

五

夕霽拘塵帛愁思何湯湯邊圉舊塵霧繫此日月  
光醜虜方構難戎旅浩縱橫局塗倦停策河廣嗟  
無航抱株守兔免惟我實無良林塘忽改夏颯颯  
勁金商幽人苦羈思云胡不憐傷楸梧泥異域尊  
醢美故鄉去馬鳴蕭蕭何時臨朔方未能弛負擔  
聊以息太康悲彼七月詩撫膺詠其章

其二

層樓蔽遠戍民舍踈空城朝無炊爨烟夜無砧杵

聲衰揚乏顏色腐草失光榮中有饒婦女抱子草  
間嗚良人征遠塞越歲未歸程採薇絕勛力何以  
聊其生長波不可挽涸鮒寧自傾驅車不忍聽惻  
怛傷衷情

其三

越自戊寅歲駕言向貴征登途陟險阻度嶺踰峰  
嵒觀風歷所矚神思固不營君子傷遠道志意無  
弛傾邀哉義和轡冉冉無暫停雀雉固有化龜龍  
八厓集 卷之二 天  
迺長生有美臺中柏四季恒青青霜霰日薄蝕柯  
葉終不零謫才每自勵深惟周孔情

其四

人心感盛衰世事逐浮沉曲高和彌寡誰能知我  
音嗟彼雍門泣回回傷舊心琴聲一以末夙念回  
已深鄙哉景公歎千古牛山陰

園葵

葵生町畦地綠葉繁萋萋朝霞日未斂夕露夜何

晞堦堦紛紛婀娜庭牖羅光輝素心向陽翹不逐風  
颺飛溫溫惠雲氣昭洒炎歊威小亭日閑翫玄醴  
蔭朱梁深根願久固勿爲清霜衰慨彼小臣嚙令  
我心顏悲

雨中六首

寂寂坐亭宇有弁興南林長雷驅驟雨眸息溝渚  
深負羈越三載憂思實難任黃葉過庭落玄蟬擁  
條吟安得尺素書爲報平安音皦皦隱孤几何以

八厓集

卷之二

元

慰真心

其二

浮萍寄流水浩蕩引長風忽遇衝波急送爾泥淤  
中潢潦日灌注我心念何窮飄飄遊宦子仗節蒞  
遠戍途長力慚短位重才不克戚戚無所道殷憂  
歲月老

其三

亭皋有叢樹葉落何紛紛輕烟冒嶺出迴波激激



文肅霖注簪鬢長夜浮玄雲聖明日神武投筆願  
從軍奈何嬰王事一往即三春東山嗟又別西河  
嘆離群表情浩如結何以紓吾君

其四

新秋海暑仍酌酒陳瓜李佳人不我逢遙遙隔蘭  
汀慘感變朱顏無由啟玉齒松筠亮有盟歲月良  
可恃

其五

八厓集

卷之二

三

輕裝已久飭何日駕言遊闕闕詠睢烏君子亦好  
仇三年儻爾別私心安可由譬彼水上萍東西隨  
風流天長苦無翼漢廣嗟無舟悠哉志士慮憫憫  
窮途憂

其六

坐久油雲變微雨灑檻軒清風鳴遠樹黃沙起平  
原甘心爲國慮衆牘無時閑瘡痍日成痼何以惠  
元元愧彼倖僥士凜然倚水山撫劍君門下慷慨

將何言

釋悶二首

燕雀無遠志翔翔籬落間鴻鵠摩天遊中路懷辛  
酸昔有太公望清渭獨持竿又有管夷吾綠綬增  
長嘆朝唱漁人語寢對囚人餐吁嗟天降才嘉運  
當來還文王方出狩鮑叔言諸官兆熊拜仲父遠  
乃離其患三分一匡績汗簡猶紛紛我生木落拓  
投足輒不安戎虜日方命無能封一丸

八厓集

卷之二

三

其二

閒寂坐幽室翺翺有所思撫劍發浩氣愕然心不  
怡歷觀古時人成就俱有時功業固華美德意爲  
根基譬如三春花光色俱熙熙秋風不垂實榮耀  
將何之哀彼浮名徒齷齪當何期高門日騁馳此  
疾誰爲醫宵人固所慕豪士往見嗤奔駒速百年  
秉燭無能治我因矯世弊援筆著此詩寄言同懷  
士鑒戒不在辭

秋夜十首

金祇屆首秋淥暑尚煩濁清夜坐幽房呼童剪華  
燭金聲振寒籟城下喬木草虫鳴以悲苦逕行  
且綠烽火明戍樓砧聲動鄰屋慙慙感時序沉思  
浩中曲

其二

秋梧墜金井火吳流西陸白露洒園葵金甌響池  
竹南淮結桂枝東籬茁叢菊悲聲叩哀壑天宇一

八厓集

卷之二

三

何肅凜此松柏姿纖彼蕙蘭馥回盼三春柳婀娜  
那在日兀兀歲寒盟矢心從此勗

其三

蓐收却炎暑金商扇涼期清波澄素鏡玉露浮網  
絲荒庭綠草滿幽逕碧苔滋憂人抱羈慮感物懷  
所思起坐不寧處閒庭步履綦仰瞻天漢遠遷立  
登高基美人隔千里望望傷心時

其四

懸溜下水涯清商吐幽谷旁眺興未娛側聽歡不  
足南枝驚鵲飛栖栖繞林木楚國有佳人寄書無  
一束節往物固遷憂來心更促端策筮行藏人謀  
協天卜

其五

平生業冠履操此適諸越越人既蹠足况乃又蓬  
髮愧此屠龍術於人何所設長夜不能言含嬉就  
明月造化固有然人情徒爾別南客吹參差離離  
爲擊節沉浮我亦然何事淵魚察

八厓集

卷之二

三

其六

東南限華裔峻峭山河深盤石據萬仞流泉響  
爭晨昏翳日月烟霧霾長林猿獠畢且聒鸛鶴悲  
復吟我來淹時序荏苒傷中心驅車上長坂捉轡  
下飛岑壯懷凌嶽嶽浩思摧嶢嶢中夜忽成歎  
此示來今

其七

秋聲發灝氣颯颯鳴空城忽聽黃葉下悠悠捲心  
旌迴身入幽閨四壁哀蛩聲倦哉遊客子星駕何  
時征烽烟滿村戍違馬交山亭羽檄日雜沓無由  
頓長纓竊觀時昔志險阻多所經操觚弄翰墨卷  
秩頌甲兵一言定勝負不遠賓主極所希贊聖德  
敢曰垂功名

其八

羈人負邊思崩迫三載間終有望行月悵悵光景

八厓集

卷之二

書

圓餘露濕瑤瑤香霧浮芳園坐久不能寐鳴泉響  
空山南雲覆遠楚北斗低幽燕感時懷故國人情  
胡不然

其九

簾櫳透清爽書幌斂微陰喟哉靖朔韻幽思亦何  
深披衣拓遙戶明月上東岑樓雲斂幽岫荒榛結  
餘霖有鳥下東廂向予一悲吟清聲生感激浩思  
忽蕭森土風非所適南冠有遺音倬彼千年事因

之傷我心饑雌感舊侶翩翮日浮沉安得南飛雁  
爲我翔前林

其十

深夜遡銀漢迢迢步中庭流螢亂雪慙疾鶴號雲  
并火羅下西極銀蟾上東溟傷哉遠道子顧此思  
遠齡養真日高尚保素終平生披星紛華域割念  
新羣情肆意汾水遊沆瀣餐金蓮大器寧晚就至  
藥方無聲形客比霜雪身世貴瑤瓊懷此徑寸念  
無愧堅與貞敢爲取樂計違恤身後名至人成賢  
戒丹青著誓盟

思鄉二首

綿邈去途遠曠望憂思動昔衣紆長纒今邁薄行  
軍偃仰苦索居三年久離羣茫茫洞庭游東路安  
可分空林戀舊鳥故嶺懷歸雲朝睎江漢城夜聽  
星宿文何如背里關遠去此坐墳塋哉氣佛鬱爲  
念親與君河魚音不達尺素竟無聞遙夕坐不寐

憂心益殷殷

其二

假裝候旦夕詰曲歸路艱眇默尋故躅遙裔望層  
山瓜期不獲代踟躕空堂間去去辰沅路遲遲下  
長川弔湘欽賈懿懷沙仰屈賢盛事具竹帛廟貌  
存餘祿我行諒八月瞻美及茲年涼風清遠野歸  
雲斂穹天摧蘭心欲展攀桂意何言旌旆徐游淥  
歲月無多戀飛蓬諒此定家慶罔不然

八崖集

卷之二

美

晨起四首

歸心紫如織晨起望南楚白水莽微茫青山浩容  
與既覺厲商飈頗已忘淠暑短翮倦飛翻真心良  
自許曰予聞山嶠安得凌風舉蕭蕭林中鳥朝夕  
命儔侶翩翩雲間雁連群戲淺渚行雲日遠還溟  
濛依宿嶼咄此浮萍流逆浪常相拒綿邈懷親聞  
神交戀知遇風雲四海飛何處鄉閭所悵望淚如  
糜默然不能語

其二

骨肉異鄉域彌歲弗能同我從今歲來咄咄常書  
空開花已結實落葉更辭風苦心悲惡素屑淚歎  
途窮愁見荒原外清霜漫飛蓬撫膺悵如失繫此  
樊籠中

其三

方朔隱金馬王喬飛鳧舄曠哉萬里鴻高飛影單  
隻窘步自踈慵安能慕嗜甘青考越龜龍庶幾舞

八崖集

卷之二

美

金石碌碌塵埃間於身亦何益

其四

端居慕冲寂曠然超神理直道不外求真心惟自  
矢何意王事嬰局促三年裡思鄉萬慮盈憂國千  
愁起萍蓬倦飛雲散月空流水

秋懷

清秋已踰月飄氣益蕭爽沉遠簿領餘飄泊風雲  
上側聞玉鶴音忽聽哀鴻聲河漢清且明却維聯

復廣仁子負思勸躬慈心賞狹路賦傾舟局途  
遙想停轍倦孤遊疎傳將長往彌歲藉琴書中  
心愈涵養孤矢託四方百年徐浩蕩初服或可旋  
聊以脫塵網

姚江舟中六首

揚舠出江口江水何湯湯凱風東南至中心悲未

央拊劍倚天末浩氣故難量參辰低北斗孤矢燦

光芒遠遊嘆無侶中夜起傍徨安軒凌雲翼飛

八厓集 卷之二

五

歸故鄉

其二

浮萍植根淺遙歷東西流一遇長廔舉薦若孤蓬

游孤蓬逐流水去去安所求嗟哉遊宦子於冬客

他州朔鴻思舊旅歸雲戀故邱願報瓊草依依

忘我憂

其三

冠鳥巢高樹悲鳴入青雲清晨厲幽聲日夕不離

群下有南冠士幽思何紛紜土風採楚曲雅調真  
魚鱸一朝出幽繫若披春氛丈夫貴得志榮耀  
安足問願垂徑寸翰千載流芳芬

其四

楚國有芝蘭沅湘隔千里桂樹洞庭涯斑竹湘江  
沚重華渺難攀湘累從此已日暮愛浮雲望望空  
流水

其五

八厓集 卷之二

五

嚴程戒昧旦日夕未停車王事被維繫東西安所  
如仰首視天漢虹霓干太虛君子重行義小人偷  
閑居聖賢著明誓丹青今不渝仗劍奉君命甘心  
致微軀

其六

飛流百餘尺漂沫激洄渦清風自南來鵲首向清  
波俯視周千里江海連山阿遙心眷魏闕思欲赴  
國家但恐持所獻寶氣魯隨和念我平生志慷慨

聊此歌

日夕二首

浮雲翳歸日翔鳥還高林輕風飄素景遠樹澄微  
陰眇眇客行子方舟任浮沉昔去炎燭熾今來顯  
氣侵祗役奉王命日夕操貞心被服孔公訓安事  
榮華簪

其二

江流沂大海浩浩無留波華星出雲端微霜霑太

八庫集

卷之二

聖

阿仰瞻古越郡飛觀高嵯峨霸圖日以息王化舍  
醇和屬念風塵哀千秋常奈何

遊天台詩七首

桂嶺

天台實嘉境峻峭連群山崩嵯擁石徑懸泉注深  
湍斷崖駭勅敵絕壁危躋攀仙洞眇閒寂天路邈  
險難遂登八桂嶺四顧羅峯帶皚皚霜雪積颯颯  
陰風寒坐冒垂堂誠飄移人子歎莫盡好奇興安  
知行路難且申叱馭意躡步陵嶺屹因風振羽翰

宛在青雲端

其二

步出楸溪路遙上天台岑華源通窈窕傍巖登岵  
嶺朱英停白雪絳樹紫青林綺風流洞響旭日傾  
岸陰善遊欽往昔勝覽嗟自今聖德慙莫企孤遊  
力所任賞心歡未極撫事悲已深藉草振芒屨蒼  
松開素襟與公久已沒誰能知我心

其三

龍潭

八庫集

卷之二

聖

高峯矗太虛深潭下無底百丈瀉連漪千仞注清  
泚曉映朝日暎夕沒陰霧起下有蛟龍潛白日行  
王鮪傾耳濤風雷側聽魑魅兇噴薄崑崙墟簸蕩  
滄溟水遊客暫窺臨歸期昧行止眇邈無端倪變  
幻多奇詭滄浪固濯纓箕顙聊洗耳渥潤報嘉年  
和惠屬仁里地德諒無窮仙靈應擅美

其四

萬年寺

名山閱勝蹟福地資仙靈八峯隱雲表雙洞迴林

炯香爐眇烟霧浩劫推雷霆天儀降宋渥地志刊  
唐經古剎傍巖居飛觀層霄倚堪巖屢經奇泉石  
紛幽詭靈越構坤精牛宿鍾乾美氣同華嶽分勢  
與荆衡比具瞻既遐怪登眺亦殊觀東標華頂木  
斷陰洞森微寒中有青囊士脫塵隱蘭若四日驗  
輪迴三花恒照灼瑤源本天津玄關虛啟鑰綠池  
方石明琪樹低枝萌即止會群趨飄然出冥筌俯  
八厓集 卷之二 望

其五 華頂

曉發萬年寺晝登千仞峯拄杖搘日域屬翻凌天  
風奇標冠喬嶽絕頂摩蒼穹仰瞻衆山眇俯聆萬  
壑通側徑眈眈峻奔崖亦龍從桐林棲鸞鶴喬木  
攀援拔赤城遙隱見雙闕迴迷濛秀穎拔靈越奇  
天封瑤草瑤花密碧洞森玲瓏人寰日遠隔

僊境路彌重淹留極遐瞻居處恒從容歲月苟有  
待登臨諒無窮何必握石髓駕鴻翔遠空

其六 石梁

山嶠紫成紆石梁莽回互巖華漾瑤溪祗林挺珠  
樹躑躅偃死虹噴薄垂陰霧天巧象人爲靈秘洩  
神姬雲瀑洞層崖石壁注甘澍淅雨聲爭銳晨颺  
勢馳驚龍彩煥葳蕤組練昭文素朝聞猿鶴鳴夜  
聽麝麝聚玲瓏發地奇遶迴蘊天趣佇立駭所觀  
八厓集 卷之二 望

愕眙不能度幸此物外遊冀與神人遇五秀終未  
攀三芝竟誰若微茫迴銀河彷彿聆韶韻畢聚當  
何時稅駕同遲暮

其七 赤城

遙望赤城山爛然起霞色雉堞翼翠如金湯永無  
仆藹藹滄海標杳杳雲霄逼丹嶽伏林端清泉噴  
石側仰視高有餘俯看下難測早見滌陰濛晚眺  
傾曦仄落落金松垂亭亭琪樹直造化構精靈天

然去修飾古稱多神仙即此是其域結念屬孤遊  
含情屢相憶感往事已遠撫今心益感安得再生  
徒招要共棲息

閒適

倦遊值良時休沐仰暇豫修途漸寡鞅峻轡恥長  
馭兀坐協幽期超然息塵慮驚斯起槍榆天風期  
爾御情哉九萬程翩短不能去亭伯困殷憂敬通  
鮮名譽踐勝慙予心聲華何所與

八里集

卷之二

置

董子廟

揚舲發丹邑結軫滯江都輕雲翼故漂浮埃揚修  
途含情訪古蹟送目眺平蕪猗歟董生廟巋然壯  
雄圖眷言懷夙德稽首欽良模曰惟肇漢運羸秦  
亂吾儒利興道淵塞誼枉行卑汚崎嶇黃老習慨  
慨天人謨醇非賈生雜正與公孫殊平生仰若人  
聖門亦良徒墻仞阻窺淺德音恒未徂清風隨往  
化盛業流寰區豹變遭時阨麟傷徒爾吁舉聲獻

長詠洒淚沾松梧

別汪明府詩并序

正德末予時爲御史旅寓長安日與同里  
諸君子朝遊夕譙究愉樂之極後出補浙  
省二三俊彥多以事去斯文零落晤言莫  
適良可惋歎嘉靖二年予會慶至京師同  
年汪子以駕部郎出守閩郡感往愴今予  
心慙焉是日也獲與汪子執手言別效古

八里集

卷之二

置

體作詩七章爲贈撰言寫意辭不逮情企  
佇之餘曷勝徂歎辭曰

假裝發王邑駕言適南疆浮颺揚鵲首去去臨江  
湘江湘廣且深東路何茫茫擊汰凌巨澤閩樹薛  
蒼蒼引領睇京關含情戀君王

其二

君王御神寓軫念惠元元夫子懋嘉德改服蒞名  
藩伐鼓行滄海揚帆并大川慷慨矢言志徘徊願



焦原

其三

焦原入雲漢民品端在茲在茲端何爲哲人垂令  
儀嘉樂古所譽愷悌今尤推化蜀有遺則潤河亦  
良規舒慢允宜糾原憲無勞施政成報佳績循良  
諒無訛

其四

無疵夫君操良時昭令譽激論吐芳訊剛方元不  
八星集 卷之二 哭  
如出入偕時髦道誼素能處忤俗志殊群毀方非  
所慮茲行乃民收延駕勞長御

其五

長御欲何期直操循良規一麾守令職勸躬其能  
遺古人候承明茲心端不欺汲黯薄淮揚帝乃譏  
其私良哉二千石榮名與身隨金石照千古馨香  
道難追燭理宜昭晰無爲薄俗囑 後集

京師途滯足頓東橋五首

我行當夏初夏盡尚滯留揚舫顧有期當軫蹇難  
逝奈此亢陽灾偶與修途值含情聯焦原引領躬  
甘澍

其二

此離感歲月紆軫凝幽情蒞隆炎煇熾浩渺陰霏  
生局塗靡投足大道無由經憫憫即長夜寢與何  
時寧

其三

八星集 卷之二 哭  
恥黜悲長途佗條罹溽暑食荼苦自甘握麻欲誰  
語感感復躊躇望望空延佇嗟哉行路難悲此故  
鄉阻

其四

氛陰屯廣野霖霖灑平原枯葦集墳壠傾礎卧田  
園豐隆驚雨澤川后靜波源膠舟不能濟駐蹇空  
煩冤

其五

河水絕涓滴黃埃擁飛流迤靡結愁思曠懷起嗟  
尤家慶日綿邈王事歲紛紜安得瓊瑤草共解飢  
渴愁

七哀詩

燕京古帝城宮闕遊蟻吮蕪沒昭王殿黃金已摧  
殘劇辛與樂毅此輩無由攀叔季王沙漠胡虜塞  
其間亂華一百載真人起龍璫車書同文軌嘉運  
欣未還河山斯帶礪金甌永無刊西山峙陵寢佳  
八屏集 卷之二 三

其二

我本荆南士崎嶇燕趙間黃埃羅磧石白骨蔽榛  
菅清興翳流景重陰翳平原飄風揚紛緜暑蒸  
絕草末夜對明月徘徊發浩歎玄鶴解我意哀鳴  
自往還寂寂不能寐彌成幽恨端

閨情

落日下幽戶閨房何寂清薄帷鏤素用遺通步闥  
庭起視銀河表華星燦以明皋蘭塗白露鶴鶴  
橫鳴良人客異域衰暮今已更遙思向遠道感感  
心難并恩愛苟不棄伉儷誓平生但恐朱顏變桃  
李失春榮百年有盟誓山嶽不折傾惟願車輪還  
悠悠紆我情君懷倘能念賤妾當自銘

情詩

涼風蕩煩暑零雨澆平原青楊夾廣路朱華服行  
八屏集 卷之二 四  
軒墜哉遊宦子終歲曠邱園昔出陽春照今來  
海還駢駢苦遊行綠服未言旋眇眇盼鄉國惻惻  
懷悲酸

閨中八景 挖海樓

樓觀俯滄溟傑構雄天峙清霽霽三山沈瀛紫  
里風迴白鷺濤日轉扶桑汜清眺極遠觀沉瀛通  
別里神仙渺何居下睇難爲水

其二 凌霄臺

崗巒鬱森翠石路莽回互天外直金莖林端流彩  
霧空曲迴高臺盤旋折修步瀚海盪飛雲高山洞  
靈照從倚倦冥投鑒賞誰云屢

其三 劍池

昔人鑄劍地寶氣凌紫雲雌雄遠未合星斗徒橫  
文至今地蕪浸臺榭復氤氲不見歐冶子千秋志  
若焚霜刃願重礪爲君靖妖氛

其四 紫峯

八厓集

卷之二

平

茲峯信靈造鰲足柱三山高標揭雲表巨首撐人  
寰傍眺雲霞絕俯臨泉壑遠視極滄海近觀周  
市闌薄遊願探討且寢牛山嘆

其五 西園

西園地森爽綺錯環阡陌錦石流烟雲奇卉躍丹  
碧修竹映檀欒清泉注靈液主人愛奇賞日夕延  
佳客金谷豈足誇玄圃諒無數

其六 北園

林壑綠城隅佳麗擬天造傍厓綠瑤葩藉石垂靈  
草珍木集高禽文魚躍芳藻野趣極宸區幽期入  
蓬島末議叨瓊筵憂來豁懷抱

其七 蓮湖

霽雨洗煩濁平湖正澄鮮靚莊發茁茁秀色真天  
然雲光浮素渚霞景耀長川榜人理畫楫上客開  
筵筵憇此娛心賞清歌入采蓮

其八 苔泉

八厓集

卷之二

至

步出西郭門寒泉耀朝日苔光凝碧滋花氣動幽  
闕雲霞極塊莽林木具蕭瑟掃石坐傾觴身心曠  
而逸願酌清冷波滌吾塵垢質

驅車二首

驅車出東郭遙望北邙陬北邙何閑寂高墳鬱離  
婁樊隅帶荆棘白日鳴鶻鷂不見舊碑碣但覩新  
松楸城中霽華屋冠蓋羅王侯歌鐘喧鼎食羅綺  
明莊尤爲歎竟日夕此志將無休微軀靡金石焉

得保千秋

其二

芳年難再得榮名不可期  
俛仰居人世落落當何  
爲願得展勲業竹帛垂  
光儀鄙志竟淪沒握瑜  
因茅茨流光急西逝奄  
忽秋草衰孔公有遺訓  
無聞良足嗟豈不愛樹  
立才力僅如斯恪遵老  
氏教空谷長守雌

遊僊詩七首

八厓集

卷之二

五

九州非我居我思在丹  
垓榮名何所志託身常  
遠遊矯首凌雲觀東下  
扶桑洲攀條摘玉蕊臨  
滄海玄流遺物曠一世  
睥睨經千秋去與安期  
往歸隨玄洛休飄飄謝  
人世永與三靈傳

其二

步出會稽門偶逢一僊  
士奕奕鸞鶴姿翩翩乘  
雲起擔簦負藥囊云是  
梅福子淵默忘形骸長  
嘯遺口耳昔爲漢世臣  
今出人間市變彼向紫  
微倏忽

即千里我欲奮翮飛諒  
哉能脫屣

其三

巨鰲戴蓬萊水府深無  
極扶桑結高枝踞烏鵲  
且息上有神仙居往來  
忘服食餐霞沆瀣傍嚼  
藥金莖側在陰跡無踪  
即陽景難測揮霧縠丹  
霄御風凌上國神顙合  
在茲仰彼雲霄翼

其四

靈曜苦急節逝水無停  
波修齡止百歲人壽能  
幾

八厓集

卷之二

五

何吾身匪金石安能久  
無磨王喬有雲舄安期  
留棗瓜雖欲并得之雲  
璫避難過還顧授真秘  
勢乎凌紫霞

其五

勁節傲嚴霜浮榮殞朝  
日趾璫糾纖資龜龍奮  
異質搏泥尾可成背風  
燭少堅秀麥夏不榮奇  
花春未實理數有短長  
君子修之吉

其六

交甫感佩環羊郎悅條脫茫昧語弗經蒼瑤志噫  
聒神仙金銀臺敞朗排天末青松映石闕玄濤鼓  
丹沫金母宴瑤池姮娥臨紫闥倏忽東西遊乘龍  
坐超越遙裔桃源舟瞻迴遼陽鶴安得長房壺藏  
身入遼澗

其七

義和馭長轡頓纓建木下烏兔入虞淵迅駛猶奔  
馬時序遞循環人生真若假春花忽已榮秋草漸

八厓集

卷之二

五

如赭西山產丹藥負嶠駐雲駕劉安茹靈葩大容  
勢玉竿回首謝塵區願神入嵩華

題王右軍籠鵝圖

王公人倫表深情託毫素卷帙寫道經籠鵝還舊  
路英英海鶴姿玄風契真悟千古炳丹青超然出  
塵窟

同舍憲周質粹閱興化城

逍遙乘凱風登城極遊豫衍漾觀平時瞻迴顧周

路擺程綠參差崗嶺翠橫鶯萬井塞通衢炊烟逐  
曉霧良嶽揭高標符采洞靈煦遙裔步周垣逃想  
增遐慕遠思經國人能存保障務豈徒繁鑿勞致  
使金湯固大易著設險力守斯弗懼春秋謹復隍  
傾危無所慮建都過百雉尾大恐難御謬以朽鈍  
委參藩冀所預子今飭兵政多方衛群庶苟能輯  
衆心何事安民舉清風修城郭春揭如水赴營壘  
定方中土功於此足古人有至言使民民自訥鄙

八厓集

卷之二

五

登摘斗巖

晨登摘斗巖徒旅苦奔峭彷彿蓬池吟想像蘇門  
嘯逶迤青雲梯璨爛紫芝笑烏匿開煩襟曛朗結  
遐眺初晰洞虛空漂雲凝海微對嶺蓮花森抗蕊  
仙掌俏攢翠陰長松積陰媚幽照飛瀑駭雷奔驚  
湍起龍躍側視既精靈環觀亦清妙豈殊華子崗  
絕類臨海嶠古人耽勝遊異代實同調恣樂日夕

還安事東山詩

雜詩四首

列列階下泉深淥泚而沸銀潢上可通江海屬經  
綿下有瑤龍居采色虛雲氣井滌今不食君子心  
佛惛

其二

女蘿附喬木青青蔽霜雪木亦爲纏綿貞心欲決  
絕匠石一朝過抹木登藻安女蘿竟何言甘心付

八厓集

卷之二

其

灰滅

其三

汎汎水上萍漂浮無定止君子操柔弧此志良未  
已豈無高蹈心偃息坵園裡聖人貽謨訓齊治乃  
終始

其四

青青垂檻竹解箨成龍蛇琅玕翠拂天嫋嫋舒瑤  
葩結實燦明珠符采揚朝霞鳳凰今不來宣尼空

爾差

遊泉州清源南臺四首

康樂刊險還安石乘遠遊堪嚙嚙協嘉越山水揚清  
眸身往事已謝名存迹仍留伊予實閩劣覽勝心  
夷猶薄遊泉州郡聊上清源幽石洞舍餘清泉瀑  
緣澗流熒熒松篁月悽悽烟靄秋隱淪欽昔賢肥  
遯慕前修捫蘿申獨往扣石發長謳撫今增末戚  
懷古悵深憂緬思繫塵軼驅馳怨道周披拂暢今

八厓集

卷之二

其

樂憚豫聊且休眷茲山川美喟焉感林邱

其二

攀松陟琬巖仄徑遞行邁積磔擁崩槎清泉瀉岩  
瀨藤蘿雲構垂石室靈關對中有一裴仙云是宋  
年代簪花既瀟灑飲酒匪沉汰道以冥寂超詮以  
幽衷會閱世彌歲年游世極無外變幻藉精靈尸  
解非茫昧寂歷冰雪客掩映蒼林蒼碑版半磨滅  
羽人多倚賴遂登群峯顛瀛壖況清媚抗手謝人

容相携弄雲霞

其三

晨策訪名山午憩南臺寺傍崖眺烟嵐停輿覽蒼  
翠嵒竇萬尋垂泉溜千仞墜海島迴環天宇極  
清如陽林鳥雀喧披衣坐石雲倚松避炎熾仰視  
早霏收俯觀朝靄萃感物芳時淹鑒賞浮生寄况  
此遠行遊孤踪曠無累迴泉石心惻愴風塵躓

其四

八厓集

卷之二

五

林密嵐氣霏洞幽日光顯蘿霧濕征袍松露潤行  
憶高視薄海垂曠望九州緬探討意象雄旁搜目  
力展念彼巖棲人冥心石不轉風飄文蘿衣電颺  
青苔卷瑤草協幽奇青雲息勞倦鴻退罷丹霄臥  
潛媚翠巘理愜情自舒物輕道乃助杳杳若人蹤  
追攀愈跋蹇探懷寫長韻聊與智者辯

自泉南往同安途中瞻眺

巡歷過泉南清晨恣行邁混朗石壁瞰滄渚滄渚

濯洞霞映光輝峯雲靜靈霽觸物感微棕凝神入  
真界竹樹莽芊綿梗稻勞灌溉亂疊青山濤橫鋪  
翠雲靄展眺極區中遐觀入無內即此協幽期何  
用發深慨曰予日踈慵山水性不沫吸此良時遊  
天路諒無閼悵望洞庭涯邐迴困孤介誓將探名  
奇無令等伯儼

夏夜詠懷

時雨洗煩濁凱風殊夕涼高瞻入戶牖華星澹無

八厓集

卷之二

五

光靜坐寂物役塵慮俱銷忘忽揮瑤琴軫握筆奏  
新章嘆彼行旅苦慨茲歲月長曰予抱幽癖沉思  
浩中腸中宵思鴈翩萬里期舞翔

雨霽

微雨忽沾灑清波湛澄鮮祛炎爽愈迥入霽景自  
妍方池草色秀草秀媚嬋娟紫翠映山明雲水含  
清連蘊奇物各美幽賞難爲言且追喜霽唱莫枉  
愁霖篇我懷殊昭曠外物其能遷

陟嶠

海邊陟孤嶠孤嶠頗峻絕枝水繞千迴蔓峰環萬  
轉與危葛可捫石滑苔難踐虛竇洞幽岩貞松橫  
絕巘草霧潤猶鮮花露滴仍泣水衣浮苔泉鮮飛  
揚蘭坂雲根坐匪移山葉摘長卷滅踪謝人徒孤  
悵良可遣疊疊冲情興茗茗逸興展緬想嘉遜賢  
雲霞遙在眼撫心亦何深循跡量夫晚桂樹行已  
叢歲暮將遊行

八厓集

卷之二

李

汪白泉太守政暇同石門高子丁戊傅子遊

鼓山以青天白日高山仰止行韻爲詩詩

成請予和予因續貂

鼓山秘靈氣岌嶮橫滄溟咸池蕩初晰景逼扶桑  
青若華與水碧符彩揚精爽我行聊徙倚如向泰  
華登

其二

茲嶺真閩服光光凌蒼天建標滄海側結根太古

前中有冥棲士采秀餐雲烟臂然與之遇授我長  
生篇

其三

燦燦金鵝蕨英英雲間白玉蓋引天風靈籟頽日  
夕攀松上丹崖寒蘿坐玉石香言悟心期遲爾延  
名客

其四

削方敞高峰晴空屹自立緒風散清夢朱華冒白

八厓集

卷之二

王

日昔有真仙居伐毛鍊五汁鬱彼蓬萊宮宵宵風  
雲集

其五

重圓莽迴互閭閻丹青高中有金銀臺三山瑤巨  
壑仙人遊海上照耀雲霞袍因過阜鄉侶乘桴鼓  
玄游

其六

淹留佇日夕延覽窮茲山靈符肇太始佳氣乃鬱



置我因歎玄秘蹤步青雲間長嘯殄石髓日暮當  
束還

其七

風吹雲錦裳窈窕丹梯上黃鵠噴蓬池乘巖肆沆  
瀣桂樹挺崇岡歲日長  
瞻茲謝冥筌聊以遂  
低仰

其八

春日寡塵務覽觀及茲始采芳入雲峰散髮臨溪

八厓集

卷之二

三

水天行恣所如泉石歷獲止心賞秘天機沉冥得  
吾理

榜山壽篇

榜山有居士偃息棲巖扉手把古苔篇坐拂雲錦  
衣竭來驅汗漫翩翩與世違行年踰六十眉宇凝  
青芝葆真尚玄素元元無所非百年榮枯期暫將

爾同歸

棣華初壽篇

翩翩棠棣華結藻明浚谷花下有幽人懷姝坐雲  
屋眉壽屆芳辰春酒盈樽綠伯也把瓊枝仲兮約  
英穀高歌協塤箎日暮勸林木

冬日吟

玄象忽已周萬化俱零落陰結不流密霰察如  
昨朝乘愛日暄夜苦嚴霜薄枯木伏愁鴟荒庭揚  
暎鶴凍溜凝虛簷冰漸洞幽壑美人遊天涯曠皇  
之然諾欲折芳樹枝聊以伸獨

八厓集

卷之二

三

自歎

生平昧遠算達思亂懷抱攀龍愧不前附驥嗟未  
早人生大塊間百年詎能保金石亦云弊龜龍豈  
無老灼灼浮榮花春風顏自好颺颺復颺傷飄零  
隨蔓草爲樂須及時何患生悲口

次龍山侍御苦雨二十韻

戊子建酉月雲霾翳空林白日不到地四野垂長  
陰先時四月旱直至秋始霖流潦成巨浸浩海失

溪澤沉綿連晝夜令人不安衾窮民居破屋囊儲  
無半金張哺如雀穀露肘乏完襟壯者散他縣弱  
者守故岑踰跼岐路間相顧皆涕淋豈無故鄉念  
言採西山苓况復討蠻寇徵兵耀朱綬羽檄雷靈  
急筆楚日呻吟遙遙觀風使持節來相臨濡毫申  
短疏端委積精謚帝曰真御史爲朕拔陰侵罷兵  
發內帑大賚安民心良材歸藥囊豈曰苓與參肉  
食慙我輩尸素慙愈深濟時無片術思欲投華簪

八厓集

卷之二

寄

題贈我公德袞職真能經

子將考績之京於役有期慨然有述

繫纜渝江郡瀟湘真咫尺王事泥客程彌旬未能  
去客邸何蕭蕭東風淨柳條江山如畫盡何日聚  
星輶故國花爭發洞庭春正饒我今遠道歸泛爾  
木蘭橈戲鷁巫山渚聽鶯魚復橋白鷗飛復下浴  
露漾風颺慨昔楚襄王一夢向山椒至今雲雨至  
仙風若飄飄時清關不守三峽路迢迢感此臥龍

氣虛成王氣謠寂寞清江上惟聞歌採樵我今引  
行役豚豚衷情遙欲行情靡託回首劍閣標三年  
守邊商靖共居乃職浩歌類楚王世人都下識素  
手提玉龍笑倚岷峨側摩挲黃鶴遊不共鷗鷺  
遙天浩蕩開白日照萬國青陽二月回草木生顏  
色予今下巴峽早晚過荆臺仙人岳陽樓爲我洗  
樽罍君山擁蒼翠萬頃青螺堆恍惚雲中君笑挹  
紫霞杯鸞鶴踟躕舞欲往猶徘徊去去凌閬闔黃

八厓集

卷之二

奎

金臺未摧長歌燕市中駿骨高崔嵬男兒守時命  
榮華終復來何必怨坎廴撫劍空悲哀

龍山詩二首

緬彼高人室結構象天成幽棕契浚谷道化一與  
并曜靈秘玄景膚寸雲自興琪樹發丹華清泉奮  
瑤瓊手中握氣機霖雨敷蒼生龍德自中正萬感  
無遁形至樂匪醇樸安寧馳浮榮俯首高峰側元  
天與齊名

其二

矯矯龍山君棲遲恣所欲所欲將何之振衣千仞  
麓竹樹青葱間猿猴時踴躍清音激泉石宮商扣  
哀玉款款白雲車寥寥紫芝曲長嘯動鸞鳳浩歌  
響林木放浪入青霄此志良亦淑歸來覽終始薄  
言反初服

四子詩

四子者俱宦於京子庚午同年鄉舉也廷用以副使考績來合觴於陳氏館因感舊誼冀新歡於是作四子詩尹戶部元夫陳正郎子廷詩俱缺

八厓集

卷之二

亥

彭國子東升

彭生本英傑豪氣凌雲颺壯年起健翮意欲無丹  
霄一朝蹕其翼託志棲蘭若獻書學韓愈笥經類  
邊韶橋門萃衣冠泮水鳴笙箭行藏踐素履歌詠  
還清朝以茲天馬步八極隨飄飄

王中翰望之

英英萬夫特少年預名選駉驎本天骨何事遭跛  
蹇清廟激朱絃白日持彤管輜軒方譯呈華袞文

章見瀟灑上蓬萊沉冥依翰苑抗志在雲霄成身  
豈軒冕勲業藉吾儕伊人徒纂纂

瞻紫亭

我峩紫帽峯西倚壺公嶽赤壁熨丹霞青岬蔚文  
蘇松柏結蒙茸泉石瑩清淺秀色若何殫勝地時  
能選名公卜貞宅良玉於茲寔石馬鬱雲高龜跌  
留日眩佳氣益葱蘢靈異真幽緬哀哀孝子心陟  
屺恒在念結構欲孤亭同匝視墳衍縹緲太行旌  
悠悠何日轉觸目思自縈感形情莫展渺邈重泉  
人惻愴淚空泣

八厓集

卷之二

亥



八厘集卷之三

華容周廷用著

裔孫慶增男待天

七言古詩

感遇篇

周郎月下婆娑聊自舞酒酣擊劍歌今古曲長調

急心轉悲鬱鬱胸中氣吞吐憶昔長安騎馬行比

隣每過開樽俎樽前三五偕歡謔歲夕迢迢不知

八厘集卷之三

苦翠華歲歲幸南北二百年來目方觀朝廷威福

歸權奸政言寥廓三三三三三三三三三三三三

翻覆生風雲今歲重長駕時聖三統統府昌期

有明麗天百弊正金鷄咄咄我天聖漢官威儀日

濟濟司隸新章復見之臺臣口口口口口口口口

脫衣冠患弘治淳風此際還攀龍附鳳人爭宦我

今淪落外臺中追懷往事心中忡河東每切吹塵

望建禮徒傷諫獵工歌殘月落空回首眼看北斗

躊躇久却笑顏郎老見君低徊偃仰陳表醜

寄友

燕京臺殿麗雲霄燕京臺外馳霜輶去歲邊夷饒

瘴厲今年浙水聽鳴潮憶昔群英競馳逐尚憐司

馬遙臨蜀宿契那堪更遠分沉思日日憂衷曲我

從臘月凌霜霰春風二月更鄉甸綠柳重傷諸友

情絲衣却對雙親面此行不是厭承明寸心長戀

君王殿翠華日向雲邊思紫氣霄從天外見乘驄

八厘集卷之三

自分飲深恩簪筆無由侍華宴感今念舊重回顧

都門何日歡如故安仁獨苦西征吟仲宣不免登

樓賦人生離合會有常愁愁感感憑誰訴翻雲覆

雨非所期投漆投膠聊自固古來道義人所重肯

從薄俗輕移動微瑕解道污連城滋液曾聞損危

棟千金得瓊且自持曲木何須資世用我聞時道

多蚩蚩眼前交誼俱淪夷九原可起朱公叔試與

重論謝鮑辭

對竹篇

家有瀟湘洞庭竹，畫閣未盡天然巧。今日虛堂對  
北窗，渭川淇澳人間少。籊籊百丈龍鳳垂，篠簜千  
尋烟霧渺。我來官居得此堂，堂前日日聞笙簧。會  
看六月無炎暑，玉壺寒露青如許。

吳山謠

名山高，高壓吳中參天峙。地何龍從根連蓬，烏金  
銀闕影射扶桑日。月宮沆瀣朝看東，海湄陽湖晚

八厓集

卷之三

三

拭清琉璃憑軒指點東南勝，浩歌一曲吳越詞。

題胡憲長家藏趙松雪蘭亭墨妙

憶昔右軍作字法，來禽青李珍希奇。擅場翰墨誇  
絕妙，蔡衡鍾李遠過之一自唐初失真蹟，蘭亭秘  
寶無人識。後代宸聰復再尋，千金妙墨重逢世。偉  
哉趙客真英豪，四百年來心獨遣。平生辛苦非一  
日，却與羲之神始交。遂令文藻肆精絕，筆法不數  
山陰詠學士。應誇晉永和詞人，謾道元松雪君家。

何處得此本，我忽見之心凜凜。鼠毫蘭紙描晶光，  
商銘周鼎潛飛遁。西垣主人愛奇者，百金購之猶  
弗舍。我云此本真英靈，鬼神呵護如有情。君不見  
峯山之文并詛楚，千秋萬歲騰芳聲。

送劉遠夫東岡賀聖誕

聞君儼裝此日發，鵲首搖搖指燕月。炎天煩鬱住  
樓船，行囊冷落猶冰雪。我聞聖帝開九闕，殿前日  
月舒天顏。香浮龍袞依宸極，聲動鸞和趨玉班。人

八厓集

卷之三

四

臣上壽，瞻天表。朝廷禮數應非小，華封祝願自古  
然。唐朝金鑑由來少，此日維新百辟時。兩階鹵簿  
生光儀，西貢瑤桃堆露實。果來天馬藉龍騎，鳳飄  
律呂下鈞天。聰之綵綃雲霞邊，含毫合撰岡陵頌。  
虛席宜歌聖德篇，君歸若得金莖露。一勺令予渴  
病痊。

感舊篇

公堂簿領餘清幽，塵囂昭洗心優游。階前獨鶴向

人舞羽翮似欲凌丹垓我從今年春正月已向燕  
京別故儔世途莽莽不可說號狐點鼠紛喧啾長  
安貴豪傾意氣星奔電騫誇所求黃金通神錢使  
鬼上下沉迷不自由我自轉官忤人意飄飄直下  
東南州白頭遠出湓城浪綵鷁高飛浙水舟十年  
薄宦資身策數畝腴田爲郭謀顧今東奔復西走  
山行水宿恒多憂長卿論蜀心猶壯遷史浮湘意  
未休漢陽元淑徒成賦薛縣田文空淚流人生素

八厓集

卷之三

五

志本孤矢身經汗漫俱良遊何爲獨守衡門下寂  
寂甘爲有道羞

雜歌二首

天涯客子往復嘆春草秋花虛爛熳眼前富貴俱  
時流我獨胡爲空白頭長安紅日渺燕薊薄暮不  
管羈人愁君不見蒼梧白雲野帝王一逝空悠悠

其二

美人雲緝菱荷衣夏月披行江水曲流觴笑倚美

蕙香嘯歌獨伴漁郎宿白鷗遊濛東西浮我欲從  
之心即休舉頭黃鵠飛無極藩籬燕雀空啾唧

思家行

我來終日念鄉閭翹首荆南萬里山山色壓雲晴  
黯黯水光浮影盡潯潯桑弧萬里長年去夢魂恒  
迷江東樹浪迹徒憐悵望時馬蹄常憶經行處洞  
庭茫茫落日斜湘娥廟口開奇花長風日日吹歸  
艇遊子何年始到家五雲渺渺隨燕甸承恩未入

八厓集

卷之三

六

黃金殿五園諸郎聊賦詩鄴城七子空開讌歲歲  
東南復西北青山隨處催行色即看弔古昭王臺  
又見探奇會稽側金陵南下眺秦淮揚子江頭鴈  
又來問君何日衡陽去爲帶高堂錦字回

去婦詞

憶年結髮二八當媚行烟視起君堂合歡屏開雙  
孔雀同心帶綰兩鴛鴦孔雀鴛鴦情眷眷飛來飛  
去常相見只道相知滄海深那知更有桑田變采

葑采菲本人情纖纖纖素殊恩怨看來萬事本由  
天薄命須知自古然無鹽却受齊宮寵班女翻爲  
長信捐當年却羨邢美人嬈好尹氏相知真低頭  
不敢仰面視况復寒熱無精神自從關雎日淪蝕  
黃金白玉無顏色容華自遠鳬鵠群糟糠漸棄薪  
勢側可憐昔時金屋貯今日風波無路去可憐昔  
時玳瑁釵今日并隨塵土埋落花徒戀相思樹逝  
水空傷舊流處朱顏易盡白頭新來從何來去何

八厓集

卷之三

七

去焚香早晚祝蒼天故婦新婦期相堅上山有路  
莫重踐薜蘿蔓草方黃緣

### 惡風行

烟漠漠雲冥冥飛廉拔幟超天閭黃狐跳梁赤狐  
走二儀瀕洞無朝昏紅光燦爛日色赭有如烽火  
連山屯我舟過此心魂驚蓬牕獨掩空屏營或疑  
坤維西北開恍若天柱東南摧長江魚龍失故所  
深山鳥獸俱嗥哀漕河泉甘水流血來船去航紛

如埤長年對此色凋喪欲語吞聲猶哽咽我聞蒼  
梁前數年縱橫賊寇鳴戈鉞塵埃簸蕩白日暗千  
村萬落無人烟至今號咷無宴笑戶役丁男無老  
少官司苦迫遁逃征朝廷枉下哀矜詔今年此惡  
風已發兩三次砂礫聚如山民居半不治長老前  
致辭此兆何爲致嗚呼正德間事理恐相類廟堂  
至計有夔龍小臣徒下憂天淚君不見巨鰲藏忽  
然妖氣成嘉祥風不鳴雨濕塊坐令四海樂時康

八厓集

卷之三

八

### 題柯行人魚荷秋水卷

君家古圖重瓊玖中年散失神靈守今晨劍氣合  
延平紫氣隱隱藏斗斗鳴呼此圖非世有筆力纖  
纖誇妙手慘淡風雲毫素間空濛烟水群魚走荷  
葉田田縈翠藻鯢鮪潑潑魴鰭翔滿湘掩映洞庭  
君濛梁失却蒙莊叟東南水國真逶迤丹青採掇  
生英奇想當盤礴思超忽意氣飄飄凌八陸虎頭  
蒼洲不足數王宰山水空支離虛堂拂拭波濤色

白日恐有蛟龍隨石莊夫子閨中餘胸次汪汪千頃  
陂覽圖日坐蓬萊閣搦管豪吟秋水辭

又沈石田卧遊西湖卷

西湖地與蓬瀛通南屏直接滄溟東丹崖素壁構  
鬱律珠宮寶刹森玲瓏孤山路入棲霞島九里松  
迴碧樹風天生鷺嶺標奇工盡傳絕域飛來峯星  
虹石鏡眇何所玄圃滄洲在眼中畫船鼙鼓紛逢  
逢六橋搖漾芙蓉紅幽人貴客恣遊行挾勝搜奇

八厓集

卷之三

九

歡不窮上有煙霞石屋宮雙峰對削金芙蓉苔篇  
烏書不可讀羽人先此留遺跡我官浙水好奇勝  
公餘幾度聊從容扣舷擊楫浩思發恍如天上騎  
飛龍今來一逐風塵旅夢魂嘗與孤雲從畫圖指  
點卧遊客云是姑蘇沈石翁石翁妙手誇天美江  
情海思凌颺起今晨展卷一開顏宛然坐我西湖  
裏武夷山水稱清新丹陵碧海浮嶙峋君歸若得  
良工畫莫惜瓊瑤遠寄人

安平鎮

憶昔張秋河水決怪底洪濤恣吞泄空城白晝行  
魚龍九州漕輓歸幽穴居民甚徬徨運道亦阻絕  
孝皇日夜憂選士盡朝列東山劉公吾里人平生  
體國多經綸叩命出都省辛勤遂忘身夢思神禹  
有所授玉書金簡光嶙峋倉皇即遣運河使龍門  
遠探靈源出如山鐵石四方至數載一防成屨負  
豈如秦人鞭石勞却似蜀國稱神治一時盡殺懷

八厓集

卷之三

十

襄勢茲方永享安平利行人舉手歎元勳道傍綠  
柳甘棠比劉公績甫成謙虛不自恃朝廷使載臨  
因人遂成事中官立豐碑分明照耀穹窿裏憲臣  
揭巨文茂功自叙良無已君不見鄴城臨岷山淚  
至今獨訟劉夫子嗚呼公論當歸史

鎮江別顧東橋

三春花柳榮聯翩趣上京五月江濤發長風捲旆  
旌君今飛棹過揚子子亦開帆凌浙水千里傷心



此別離一樽浩蕩情何已  
麋鹿深林未足群北山  
應許再移文他日招隱重尋日天上麒麟已書君

觀潮歌

錢塘江上潮聲湧橫奔百里雷霆動吁嗟此奇詭  
天地何爲開倒吞日母捲太白湏臾噴薄金銀臺  
忽焉弭節伍子廟扶桑日黑天吳哀去年此日停  
素舸蛟龍魚鼈空中墮今年今日更重來攬衣獨  
對青天坐海門月上練痕齊白鷺素鷁飛向我龜

八厓集

卷之三

十一

鼉坼岬胥門折遙看龜赭真如玦寒風吹雪下蓬  
萊洒然毛骨殊清絕金杯激灑雲霞明青山霹靂  
芙蓉列君不見此潮歷萬年二儀元氣恒周旋黃  
河直接崑崙頂瀚海遙隨星宿源對此不湏苦探  
索會湏一飲心陶然

剡遊篇

春風上會稽秦山禹穴勞攀躋玄冬到剡縣那知  
絕境非人見層峯疊嶂雲霓蒸衆壑爭流二水經

天台萬丈柱半壁四明窈窕通金庭我因泛舟過

其下崖光水色爭相逐新興勃然發停橈試一行

謝公宿處松蘿潤子猷亭下波瀾明赭日上海嶠

紺霞縈赤城石鼓空中響天鷄雲外鳴千騎萬詭

眇應接忽然天姥經眉睫晉宋風流幾百年至今

勝事空遺牒昨夜風飄鸞鶴音遙天浩蕩滄溟深

緬思子晉吹簫地振衣一上凌千尋登高望遠形

神豁青潭盡洗區中心我觀此地臨蓬島三花爛

八厓集

卷之三

十二

燭開滄溟白雲明月滿清輝時有仙人把瑤草瑤

草滿青苔洪厓韓衆何年來安得揮斤向八極湏

臾直上金銀臺可憐王謝空泥土我思其人心更

苦覆卮山老墨池荒詩篇翰采流晶光平生瀟灑

風塵表遂令聲名千古揚高風緬邈真無滓慙予

潦倒人寰裡願騎白鹿遊名山飄然笑掇金鸞蓋

明月歎三首

海天茫茫露華白海上明月升雲端桂花斜倚白

玉兔冰輪忽轉黃金盤二八三五如輪換一盈一缺元無算可笑姮娥爲叛夫偷偷清夜含悽惋

其二

明星寥寥夜未央明月皎皎出東方如玳似鏡形若幻方圓復虧理則常征夫塞上關山別戍婦閨中幽思結夜夜清光伴搗衣幾回擘涕看圓缺

其三

長安吏人時齟齬終日崩奔愁逆旅強半風塵攬

八里集

卷之三

三

轡遲清光每照經行處此日俄驚缺又圓天涯兒女歲時遷百年未了桑弧志深夜勞歌明月篇

赤城三章章五句

明霞冠嶺赤城標濤水翻波滄海潮白日風雷城郭搖估客輕身覓魚利青天一舸坐浮漂

其二

台州志元臨海天濶風高波浪匯瓊蛇山鬼今仍在雲裏三山正渺茫巨鰲何處將身藏

其三

蚶田鮎嶺海門圍苦霧黃塵濁浪飛赤城風景眼中稀更聽棹歌移小艇捕魚採蚌月明歸

李廣射石圖

林昏野陰天地黑星河慘淡無顏色將軍深夜度山關紫駟蹀足當荆棘怪石巉巖如虎踞一時赫怒開丹極據鞍發矢蹴咆哮雙翎迸石無遺力雲霧宵冥山鬼愁風霜凜冽猿獠側將軍重來試舊

八里集

卷之三

四

石象孤白馬兜鍪鏖鋒寧知精思不如前決拾徘徊空嘆息可憐猿臂稱驍雄單于膽落匈奴匿敦奇不偶天何嗇君不見雲中太守亦輟軒姓名猶得君王識

風江行

長年挾柁開船遲荒荒日落陰山垂朔雲慘淡忽異色波濤呼洶長風吹風吹雨脚黑不斷橋鳥錯莫輕帆亂得勢蛟龍出海門失時鷗鷺群沙嶼我

在舟中顏色摧舟人憔悴倚蓬隈白頭好似滄城  
過銀漢遙從溟渤迴蘭橈桂楫施不得百丈牽江  
徒爾力浩蕩盤渦倒復迴迂徐遠岸傾猶仄十里  
之中大海洋連天白雪蔽穹蒼泰山遠在孤雲際  
雲竇遙看一水傍此時天吳正逶迤鯨鯢作橫  
隨隨銀臺仙闕渺何所寂寞蓬萊空復奇歸途但  
願川侯定晴光霽景開幽牕歲暮悠悠可奈何空  
懷桂樹南山阿

八厓集

卷之三

五

西江漁父長句

十年青瑣黃門客竭來歛見勲名赫平生取適獨  
觀魚夢魂常繞江天碧憐君十五二十餘意氣豪  
雄無與俱文章往往出翠釜虹霓隱見蛟龍趨興  
來浪迹西江上烟雲漠漠隨所向咲掣赤霓碧水  
中龍門峯巔憑虛逞五洲善釣何足論淄泉盛業  
從此伸眼中鮒鱖真瑣碎任公龍伯爭嶢峣西江  
一別非俄頃給收釣決徒馳騁避世過從金馬門

旬宜却枉香爐省日觀滄海闊風潮曉渡吳山緩  
錦鱗飄然忽動江關思心神幾欲凌長庚知君晚  
節歸湖海鼓擢聲中歌歎乃青草灘頭寄所思紫  
薇花下頻相待滄浪漁父本天真緞菜志歸豈爲  
貧釣竿直拂青天外取醉乘流無定巡先生思奪  
沉冥理已視榮名猶敝屣扁舟何日下匡廬從君  
再訪鴟夷子

武當謠贈陸少叅

八厓集

卷之三

十六

吾楚荆襄地名山隨處多上有衡岳之峭嶭下有  
武當之嵯峨三門洞敞窺石鏡五峯秀拔森雲蘿  
霞光絢爛照素壁紫氣縹緲騰崇阿神皋直聳雅  
梁道窮奇極詭緣天造盤迴蜿蜒半青霄靈芝異  
草彌幽壩中有琳宮倚石梁白玉爲苑黃金堂蓬  
萊日影神仙宅海岳雲浮帝子鄉千年雄鎮真神  
州泰華形勝真相侔星辰晝夜遞明滅鸞鶴往來  
翔丹丘四時氣候每不一天上人間元異流此中

風景最奇絕，秘符靈籙藏。丹穴振衣一上，孤高舉  
長飈。萬里神飛裂我君昔在燕京遊，昭王臺下鳴  
吳鉤。文章每訝出翠釜，廊廟已見登天球。只今芳  
年未四十，揚旌擁蓋爲藩侯。英名煒燁本殊常，秋  
濤滾滾起浮湘。相如遷史蘭臺彥，異代風流各擅  
長。尋知暇豫遊茲山，搜奇獵秘當無間。清泉碧嶂  
關心顏，峴西舊有羊公石。下馬當爲墮淚看。

驛中見梅

八厓集

卷之三

七

去年我到天台寺，玉樹英英伴我遊。今年今日閭  
中道，獨折寒枝心倍愁。含風裊雪偏凝晚，弄蕊  
條不奈秋。東閣題詩徒有興，廣陵對酒孰爲倚。更  
憐驛使斜陽裏，無奈征人隴水頭。月夜夢魂禁不  
得，何人吹笛倚高樓。

元夕篇

元夕欣嘉節，人文際盛時。三山鬱蔥舊，萬戶足光  
儀。鶉居端北極，烽火靖南陲。翠嶺浮佳氣，青陽布

德私星光分照耀，霽色轉歲筵。樓前火樹臨空發，  
天上祥烟向晚披。裊裊流蘇啣鳳咮，翩翩羽蓋出  
龍池。遠移絳樹崑崙側，遙望金莖漢水涯。蹀躞飛  
花迷彩霧，鵲迎芳霰度璇堤。九微月映長春夜，萬  
歲峯連不老枝。嘉靖正逢熙治日，普天咸詠太平  
詩。甘泉雍時無勞慕，幽頌衢樽信可期。農扈漸看  
興稼穡，省耕行見恤惇嫜。小臣願舉南山宴，引領  
長歌聖德辭。

八厓集

卷之二

六

廬山謠壽舒憲長乃翁

我從東南覽形勝，青猊秀出匡廬山。九江五老互  
盤據，高標巨揭叅人寰。紫氣縹緲豫章動，白浪閃  
爍湓城寒。洞中瑤草日馥郁，峯上赤霞時往還。生  
神發秀出人世，舒翁靈秘鍾千歲。雲構我義柱石  
梁，星岩隱隱懸蘿薜。緌領鳳迴翠竹棲，遶東鶴下  
青田泱。翁家高堂開壽域，香爐石鏡生顏石。盧敖  
玉杖倚天行，王母蟠桃和露食。寶籙重耀玕珞筵，

畫圖長展丹青幅翁家有兒富書詩花明牙繡行  
春危膝前跪進長生辭尊翁眉宇映紫芝柱頤日  
對南山垂坐見登台踐斗時

憶昔篇寄孫世其兼憶王稚欽顏惟喬二子  
東風爛熳梅花開行人欲折心轉哀徘徊岐路側  
俯仰懷吾儕吾儕渺何所令我終日心顏催我昔  
抱策叩天闕同年孫子相追攀紫駟嘶驤裘玉轡  
搖金環綺構瑤軒斜抱闕璿源碧水曲通關鷄鳴

八厓集

卷之三

九

隨御仗日盱對龍顏五侯七貴俱不識黃金素壁  
無人看君從西省日含香我向花封天一方鳴鞭  
過汴水換舵轉湖湘太行山色徒回首九曲河流  
枉斷腸南北日分勢相思無盡時鴻雁冥冥燕塞  
外龍蛇蜿蜒洞庭涯青春驚代謝華髮嘆棲遲君  
纔謝病還金扉我亦長安著繡衣王顏二子日相  
過劇談往往風濤飛蹉跎忽二年意氣轉相憐按  
節叨邊徼臨岐空惘然青門折柳心長綰綠筆題

詩賦自率風塵隨去鷗霜節照行軒上書未竟觀  
風事啣命因過浙水船自言雲雨未相乖那知京  
洛獨重來嘉靖再瞻新日月明時重覩舊蓬萊群  
龍濟濟趨丹陛列宿輝輝照上台金張許史俱淪  
沒黃髮纔給日自裁黃圖應永覽紫極正崔嵬回  
思正德艱虞日豈意今朝泰運更難三與顏蒙  
氣邁人寰明珠投劍人不識楚庭三鳳何悲酸古  
今得失乃如此緬懷無奈摧心肝君不見揚執戟  
貧賤能安貴不榮盛年身未達白首太玄經當時  
鼠坻詆著述後來金匱流芳聲又不見馬相如時  
來貧弩誰前驅茂林病消渴王孫徒發千黃金  
才家制作萬古長留封禪書由來盛名天亦忌爵  
祿榮華非所議宣尼厄塞世難容至今道德高無  
類孫夫子爾修青雲業出入蘭臺由許身矍鑿思  
比隆文章不欲詞藻工我今仰望追其蹤塵埃落  
拓久不振覲面低頭居下風楚山有衡岳石室安

八厓集

卷之三

三

高崇名賢瓊玉笈萬代藏靈宮我今欲拉王顏輩  
棲息同爲不朽功

寄延平太守陳南舉

憶昔太清淪日月風塵瀕洞迷宮闕子居粉署我  
繡衣奔走長安心勃勃天開昌運泰階平挽搶盡  
掃無餘腥我觀浙水奉新政榮光佐氣騰瑤京寧  
知君出延平守紫蓋金章懸肘右鴻雁冥冥天一  
方相逢那得論杯酒昨日忽爲閩海遊薇花遠迓

八厓集

卷之三

三

三山頭武夷九曲看奇勝惡灘無數驚鄉愁千里  
寤言來遠道秉燭通宵盡傾倒雲天披朗宿懷平  
惜別無端恨草草草草復離分相思戀故群回雁  
共瞻銜嶽月行雲遙挹洞庭霧風霜歲歲應隨我  
簿領年年獨繞君萬意于心何所欲故鄉山水明  
遐矚不然擔簦負笈入仙關七十二峯共盤桓直  
隨韓衆洪厓輩搏壁凌崖燒大丹何爲跼蹐浮埃  
裡天路無階空自歎

寄翰林張石岩

我昔抱奇策從君叩天闕九重邀迴盼墮落風塵  
間三年作宰占名郭敬亭疊嶂頻躋攀高仙潭  
控赤鯉黃鶴瑤空呼子安陵陽山人與我友便欲  
相隨翼鳳鸞天子臨軒求諫臣紫泥遙下收沉綸  
太液花邊明牙繡長安陌上行麒麟爾時翰林縱  
文采瑤編玉笈窺前代金馬常承供奉恩銀魚敲  
入經帷待琉璃硯水常不乾鴻詞驅筆雲霞端臺

八厓集

卷之三

三

閣文章異俗構往往人從玉版看我今寂寞居閩  
海回首青霄幾人在孫子黔陽萬里行王顏抱璞  
沉光彩君今獨在五雲樓彤庭出入多光儀龍樓  
畫擁烟花詠鳳沼時留春草辭日邊倘有藏書寄  
千里池塘入夢思

對酒行三首

燕京馬何煌煌訶呼道路生輝光坐令虹電吹鼻  
息千將虎士羅千行男兒功勳貴彝鼎豈爲齷齪

空齋張有時壯心思擊劍匣中星彩生光芒登高  
邱望遠海水平邱尚在暮顏賦髮少年榮倏忽  
霜毫鏡中改

其二

滿酌金屈卮且須飲數斗世間甌詭明月紫燕  
器驢誰認行笑擊墜壺歌楚聲眼前富貴何須營  
相如豈愧文園吏李廣何慚霸上行君不見昔日  
顏郎老見君言辭悽惋若能聞少年賈誼耻絳灌  
八屋集 卷之三

其三

有足莫上公侯門有手莫扳權貴駕抱元執一守  
衡門何必趨趨干笑罵吾觀世網日沉埋虛名益  
世真堪哀馬謖何如蜀將勇賈生符似漢臣才白  
起徒聞坑卒妄深源那繫蒼生望銳頭送死已云  
遲咄咄書空真孟浪君不見子雲閉門空草玄十

年不調心怡然一日誤投天祿閣至今青簡未稱  
賢

懷故鄉山水歌

楚山高楚水清鍾靈孕秘華容城東峯巔屹出霄  
漢青冥天倪霞色爛我家住在八屋前清沙錦石  
照潺湲章臺樹色連雲夢沱水波光繞漢川憶初  
結髮秉微尚抱書講屋蒼崖上窮年學道冀修藏  
羨茲被褐孤茅傍偶來布衣見天子重瞳白日回  
八屋集 卷之三

清光迄今薄富窮東路回首茫如隨烟霧惜別長  
吟湘文篇愁來只誦高唐賦山遥峰水長流我今  
騁皇徒懷憂生神發秀今幾秋前有黎公後有劉  
地靈人傑理則有嶽降生申天所優龍峯東山應  
不朽千古香名滿人口後有羣公能繼之英名藉  
藉皆瓊玖我嘗弔古靈王宮昔堦石徑俱蒙茸離  
庭別殿渺何所落花流水隨東風可憐客華今已  
矣花封歲歲開桃李當年浩蕩五湖船至今人道

鷗夷子思山水望故邱迢迢之心安可休我今獨  
放扁舟去鯁菜相隨范蠡遊

泉州分司夜坐歌

荔枝梢梢當庭樹風撼枝柯聲晝度鳴雨瀟瀟晚  
更多含悽獨對傷憂素明星爛爛泛河車光彩盈  
盈照碧紗此夜迢迢動春酌與誰同詠刺桐花

聞笛篇

笛聲細細起空林側聽龍吟水上音折柳隨風過

八厓集

卷之三

三

隴上落梅帶雪度山陰我聞悽清愴心骨下帷不  
敢彈鳴琴起來試玩寒庭月碧空雁斷音書絕逐  
臣羈客恐相聞憂端盡向中宵發

詠懷篇

少小負豪氣挾策干明君西望長安發大笑傍人  
嗤語若無聞三年上天攬日月丹書屢把流清芬  
九重一日失顏色飄若孤蓬天外分那知去年遊  
浙水今年猶滯閩關裡明月元登和氏塲效顰却

訝非西子平生覽萬卷振筆如飛雲漢皇當年專

事武却怪相如日論文文園聊偃息倚鏡對文君

匣藏太人賦塵掩封禪書丈夫流聲期不朽肯與

爵祿爭區區倚天仗孤劍揮手凌雲衢

懷宣歌

子昔宰宣城宣之佳山水探歷遍矣  
別去十年飄飄然恒有凌霄飛鳥之

想情不能已乃作  
短歌以寄意云

昔在凌陽釣白龍白龍今已升虛空雙溪水靜明

千練疊嶂雲橫擁萬松敬亭山下一爲別麻姑音

八厓集

卷之三

三

信經年絕何日琴高控鯉來故人倘有貽予札

楊花篇

憶昔金明池上游雲間嵯峨十二樓盤龍曲鳳青  
甍裡烟花二月開皇州皇州豪富紛如蟻甲第如  
山連城里清曉沉沉魚鎖開千門萬戶歌鐘起平  
明車馬向誰家陌頭楊柳搖春花黃金嫩葉白玉  
葩輕盈飄上九華帳娉娜還遮七寶車璧房錦席  
流丹雪綫閣瑤臺貯綠霞是時五陵意氣盈呼鷹



扶彈來芳垌猿肱燕額騎白馬直繞楊花紫轡行  
彎弓直射雲天烏箭落雙鶴聞幾聲歌舞遊絲繞  
樹合牽情嬌鳥翔烟巡紛紛落葢撲金罍年年一  
陣踏春來雨散星離不終日可惜此地生塵埃別  
有青樓迤大道弱柳當門環碧草朱甍繡戶狹途  
通嬋娟娥眉人美好誰家浪子跨青虬珊瑚寶劍  
鳴吳鉤停鞭繫馬楊柳下踏絮來尋買酒樓東園  
可惜片時春桃李無言花自肥我今見此楊樹花

八厘集

卷之三

三

漫天白雪相依依當年富貴知何處此日紅粧與  
昔遠可羨韶華競艷色流燕語鶯慶時芳魯陽豈  
駐西鳥影后羿難推東海桑蹉跎不覺生髮白花  
隄歲歲滿園香共醉一觴花亦開有時春光殊未  
極感時爲賦楊花篇坐對雲山空歎息

春日行

荔枝搖青龍眼綠麥芒如雲滿平陸鳴鳩拂羽戴  
勝飛秧針刺水平湖曲雖雉草下日頻來雙角曉

曉眼若猜虞人已列且早去勒爾深藏莫逐媒

其二

春光澹澹日色煖鶯燕交交沙草短陌頭楊柳態  
輕盈金縷盈搖傳玉腕誰家少婦着流黃手携瑤  
琴坐中堂不言不語彈一曲強作羅敷陌上桑

爲陳天遊方伯題袁玉成山水

袁生胸中富機軸天然妙發丹青幅筆底濛濛烟  
霧飛縮出清江抱林麓蒼松古根蟠徠懸蘿掛

八厘集

卷之三

三

薛臨蒼崖近山遠勢益峭拔意匠鑿天天爲開細  
觀疑是羅浮峰丹陵若水凝芙蓉閑雲澹蒨秋色  
暝花溪草徑搖春風江邊更著蓮葉艇艇中老人  
意孤迥布袍短幘倚篷牕紫芝眉宇雙瞳炯癯然  
好似君山翁手捫鐵笛閑從容九疑山高石漠漠  
悵望萬里來飛鴻主人愛畫情無邪覽圖願結烟  
霞果功成他日返坵園攬衣便向仙舟坐

卞生行

卞生抱玉獻楚國楚王不識經三刖精靈至寶人  
莫知可憐臙足甘嚴罰古今真賈殊可笑千塲博  
戲皆同調南昌仙尉稱達生山中巢父空頭掉

苦熱行

朱方毒熱真煇熯山鳥雲蒸砂礫爛鳥飛不度獸  
不行路人喘噤衣霑汗祝融南嶽尊威權蒼梧浩  
淼瀟湘連此焉清暑反不熱嗟我炎海胡熬煎

登摘斗巖望海歌

八厓集

卷之三

无

楓亭之旁摘斗巖上有怪石如虎踞鳥道捫蘿試  
一登屈曲穿緣上天去是誰高起讀書臺青松掩  
映花香來山靈似與遊人契須臾雲盡風塵開東  
冥浩浩山前流波濤呼洶長空浮徙倚闌干一悵  
望心惔神悸增煩憂我思去年官兩浙錢塘潮水  
乘秋決萬弩射之勢不回奔騰百折歸幽穴今年  
迢遞入閩闔見此令人心愈酸天吳罔象倏出沒  
熬宮蛟室空噴坑青霄渺渺浮光怪喬山洞見靈

仙派我欲乘嶠過阜鄉直上玉清餐沆瀣愧無羽  
翩起高翔朱厓析木天微茫今朝且盡奇觀去何  
日重來瞰八荒

憶西湖魚懷舊遊

我昔宦兩浙醉賞西湖中波開金潋灩山擁玉芙  
蓉政閒曾約李膺仙往來湖上開瓊筵千峰萬峰  
落杯底大魚小魚行避船林逋宅邊梅正發水光  
雪色含清漣白甃青袍上雲氣翩翩似欲凌遙天

八厓集

卷之三

三

回裾東拂扶桑樹冥冥仙路通玄圃搏壁幽探禹  
穴奇玉書金簡光乃露去歲還官閭越來武夷九  
曲浮蓬萊幔亭花覆烟霄麗玉女腮搖紫鳳回綰  
懷昔日同遊侶停雲佇想登高臺人間離合胡爲  
哉百年願託金蘭契此日真成雲雨乖感昔遊思  
舊誼可憐流落仲宣才建安遊樂今誰嗣請擊玉  
唾壺載歌求友詩且盡伐木篇莫作離群悲不知  
平生盛會當何時我今幾欲奮飛去塵海茫茫無

所之

遊泉州清源南臺

爲慕名山作勝遊清源洞古臺之幽仙人脫形去  
不迓崖花溪草空悠悠我問何年煉金骨山中聞  
寂經春秋吹簫晝引縵山鶴曳帔朝驅西谷牛林  
外紫芝歌一曲涼風颯颯樹颼颼

憶兒吟

八歲聰慧兒如何背我速五歲入書堂孝經論語

八厓集

卷之三

三

從頭讀讀罷夜歸來兄則立弟則隨庭前雙雙瓊  
樹枝爾今物化無形聲膝下筑筑獨爾兄嗚呼蘭  
桂何時榮

雪齋歌

鄭夫子年未四十餘名登華省官大夫解龜辭疾  
歸故里日向茅齋理舊書此齋乃是先人遺素編  
滿案光陸離牙籤照室雪色爛鄰侯萬軸仍魚之  
爾時挾策見天子三百人中最奇士赤鯁發水動

滄溟驛騎勢多空泥滓那知重遺生迤邐逐逐中

州渡河水聖王入統收沉淪紫泥再拜秋曹使平

生素志已遺紫歸來且問青山雲月下設關聖賢

卷窓前復編東西銘書麓李邕真腹笥五車惠子

多芳名此齋合是修藏宅衙門畫掩生虛白後輩

爭誇堂構成前人合有箕裘澤景時再書鄭公卿

青藜願借窺東壁

憶同年賈啓之別駕

八厓集

卷之三

三

天人離絕心辭迂武林晤語多權娛清夜連床夢  
芳草場來把袂遊西湖對君舉酒喜欲狂掀髯調  
笑湖中央遊魚出水聽歌舞遠山紫翠淨清觴秋  
風旌旆指吳越燕山日照黃金關繡衣顏面帶風  
霜此行不計功名舉君今別駕佐黃堂神龍變化  
終騰驤我有佩刀遙寄贈等閒拭拂莫相忘

懷傅原質

遷官憐爾往黔陽何似當年在帝鄉白日碧雞雲

外唱清風攪轡點蒼茫千巖萬壑猿聲發對此懷  
人合斷腸此日越中饒瘴癘武夷風景若爲傷

### 章臺歌

十年讀書章華臺四時花卉臺邊開今日飛騰棄  
童去落花歲歲荒蒼苔楚王昔當全盛日選妓徵  
歌列琴瑟紛紛羅綺細腰宮達旦酣歌俟清蹕浮  
雲一去已千秋瓦礫空遺麋鹿遊夢澤迷烟如往  
日沱江逝水竟長流可憐朝市互相變百里桑麻

### 八厓集

#### 卷之三

三

今赤縣東山掩映豫章枝西江零

後缺

### 松鶴篇

君家素壁生松樹白晝濛濛起烟霧晚風颯颯氣  
漠漠孤雲暝落飛輕雨細觀絹素開丹青淋漓墨  
色何晶瑩坐中指顧如有失濤光激射香花零松  
前對睡青田鶴埃頸盤旋拳兩脚蓬海三山迴不  
驚雲中二客那能約上有銀蟾掛古枝照見虬龍  
光逶迤此時鶴夢清無極霞堂雲閣天之涯茫茫

迹水去何日渺渺縹緲山歸有期嘗聞變蜀資靈藥  
累累幾歎殊城郭羽客庭前慣久留漢王堂上曾  
騰躍可憐二鶴殊寂寞依倚青松望碧落恍惚聞  
蕭入太清依稀化履翔寥廓借問此圖畫者誰王  
君筆力真天姿左塗右抹多變態意匠鑿鑿生英  
奇嗟哉此鶴與此松精靈已斷塵埃蹤會須詣秘  
莫輕展恐致霹靂隨長風

### 夢槎篇贈林子應聰

### 八厓集

#### 卷之三

三

閩中奇士偶相得精靈才力永霜標天球隱隱出  
東序翩然威鳳和鳴詔問之乃是金閨職慷慨上  
書辭切直鍊石因成五色文補天巧費千鈞力千  
鈞力欲挽天回逆鱗無乃孤忠催九關虎豹畫呵  
護殿庭叱咤生風雷以茲遷逐適旣越嶺表烟塵  
時滅沒神奇浩蕩泛星槎身世伶俜入窮髮古人  
千里恣遊盤今人何事空悲咄萊公昔日居雷州  
蘇公渡海無嗟尤二賢勲業冠今古聲華磊落當

無休爾今遠涉凌海江山物色猶相待掛席迢  
車牛斗墟銀潢箕尾森光彩尋知細讀磨崖碑載  
瞻銅柱臨南陲芳詞高詠不可遏歸來大雅流聲  
詩君此行非阨塞海色中三三三三三三變化應  
無極

題飛來峯石

誰人鑿開混沌竅剖出巨靈光照耀焚霞溢日流  
雲烟玲瓏拔出三山嶠主人置向青桂叢瑤花炯

八厓集

卷之三

重

娜明孤峭傳道支機河漢陰紫皇玉女同懽笑何  
日重停博望槎三三三三三三三三

觀之

王君猿臂驍且雄手挽五尺高麗弓虹光迸裂奇  
石鏃猛氣似欲凌蒼穹酒酣展肘垂楊下談笑翻  
翩來步射控弦豈止百斛力彎弧解使千年柘霜  
鵬白日盤秋雲側身仰視開其群須臾軍吏忽  
賀五色雜披笄語聞壯哉王君好身手幽并健

亦何有左揮右霍神益揚獵獵風生青兕吼方今  
四海雖攸同虜營白晝吹狼烽朝廷出師擁大纛  
歸來連璽昭勲庸更有珥貂食千邑高馬緋衣金  
滿室天生王君乃丈夫何不留之西擊胡

感舊篇贈王公化

黃河下搗崑崙中九曲縈迴日月宮海桑自古多  
變幻惟有萬水俱流東君不見王夫子結髮爲文  
儒置身萬里青雲衢十載南宮不得意歸來坎廩

八厓集

卷之三

美

增煩紆北行風沙苦偃蹇鳳凰失勢鴟鴞搏擊筑  
徒歌易水吟懸金未預燕臺選憶昔君遊璧水時  
長身玉立冰霜姿下帷萬卷恒破的作賦千篇久  
自奇數奇不免貳師屈抱璞翻遭楚國嗤豐城龍  
劍鬱紫氣豫章古木蟠虬枝王夫子汝無傷日月  
逝汝無作老大憂神龍騰踏風雲起簸揚滄溟烟  
霧收非熊兆夢應名世有人物色來相求

南江圖爲編修孫從一題

君不見吾楚江湖天地開洞庭雲夢爭紫迴千沱  
萬穴潏蕩涵中涵日月奔風雷荆門闕竦上雲漢  
南江中斷平如案萬里朝宗赴海東精靈會聚虹  
光爛主人結屋江邊居青松掩映烟霞廬扁舟掛  
席昨來往振荷繼芰爲襟裾自從挾策凌烟閣帝  
遣金門時奉謁已簪白璧布風霜更向璿源依日  
月竭來飄飛霄漢間便乘驄馬下吳關平生壯觀  
事非小踰蜀浮湘與自開長風颭颭吹南紀東望  
八厓集 卷之三 三  
滄波浩無已舟楫常懸濟世心江湖解識澄清理  
鵝塘張生筆力精此圖畫出真天成玉堂展玩興  
自發空使中原海宇清

明山歌

君不見明山之高連洞庭雲樓石鼓相紫蜉龍蛇  
墮地走琬琰蛟躡鼉圻無時停仰觀翼軫環列星  
下視齊州九點如烟青上有仙都君後天而不老  
餐霞食玉三千春有時忽啟元命秘九域汗漫脰

風塵瑤花冬不死朱草秋常新青田老鶴時來往  
白雲孤鳳還飄揚若山衡岳渺虛無滿湘夢澤如  
立盡孕靈五百年秀出明山老娟娟燭寒素青輝  
映懷抱司徒起家秋官郎雞香身服食君王孤忠  
寒雲冠露已望立萬仞青霄傍平生抱此經綸志  
西蜀忠州多撫字陝郊舊著甘棠篇齊都尙服神  
明治歸來故里今十年萬山野服明山前採芝行  
峻谷拾水臨清泉玄猿白鹿已馴服幽蘭老桂相  
八厓集 卷之三 三  
新鮮吁嗟乎明山信勝地鍾奇毓秘無窮已翁今  
出處何泥滓功成莫謂返柴桑瑞文合俟明時起  
感知篇贈李性之

君不見龍厓十五二十時芝蘭秀發青雲安乎握  
靈珠挺身出波瀾浪倒蛟龍隨竭來四十居汴水  
不才忝預同時士朝揮聯筆驅文詞夜續青燈理  
經史意氣豪邁人共羨祇謂搏風同鸚鵡豈知在  
甌反登堂領使明珠麟按劍龍厓傳襄今何爲釣

竿立拂珊瑚枝穗已見兒孫盛道屈終看福履  
綴他年倘結束山社與爾同傾北海卮

吁嗟行贈戴子文登

吁嗟下和割奇璞精宜行采光輝煜可憐三獻楚  
王宮反取嚴刑甘則是世人耳目多失真明月白  
虹俱現珉時衰感風反顛豈運至璠龍自有神自  
若挾策遊南楚意氣干霄人共許祇擬龍門迴自  
如亦知踴路難多阻雖云紫燕會騰驤解使驚駘  
八厓集 卷之三 五

却先去君不見馬卿滌器時未工楊雄識字甘困  
窮一朝題柱食天祿凌雲詞賦呈英風男兒有才  
合世用未必寂寞同蒿蓬君家積書勝鄴侯筆花  
豈簡瑩先浮且自理名理舊業會看一舉橫高秋  
題雲石圖爲王汝相茂才

誰畫此雲石圖峰巒峭拔山之隅元氣淋漓墨黑  
色林木倒影猿猱呼長風盡撼孤光動層崖暗濕  
脂嵐重座上頻看空翠來簷前時聽清商弄山間

誰華白茆居屋裡幽人真自如手持瑤草擊白石  
日與山雲同卷舒卷舒復舒卷興來心自展花香  
暗散芰荷清竹石清分泉石遠結構由來世所奇  
採芝拾髓當何時洞深或有蛟龍蟄地秘寧無  
鶴隨開圖攬筆情舒慢坐玩天真思無限安得携  
樽對此雲與爾同歌白石爛

方臺篇

方臺高倚墨山側蔚藍秀色瑤天碧熨霞盪日爲  
八厓集 卷之三 甲

玲瓏寶氣光含雲母石百代精靈擅楚中瀟湘七  
澤映虛空異才往往出人世金鐘翠釜俱宗工王  
君少年歸上國結屋讀書傍林隙已看健翮奮滄  
池會見排風起朝夕君不見方臺之山山更高瑞  
文間氣行相遭

文泉行

王君結斗室巋然孔廟傍列列寒泉出地脉中天  
文宿垂光芒主人乃是愛泉者手翻周易窺精舍

井深食之心自怡跳珠薄壁簷前瀉中有後缺

五峯歌贈五一翁王中丞

吾聞蜀山之勝當胃妻龍蛇琬琰傾九州五峯秀  
擁青蓮出媚媚迴立青坡頭天開地設自古藏靈  
修數百年來元會合然後鍾奇孕珍安識我翁  
家在峯前住生神無乃天所傑世人安敢當其倚  
玄文起白日俊節昭清秋平生寒窗孤忠正魚頭  
奉帝帝乃休閨中舊種甘棠德陝右常懷白石謳  
八屋集 卷之三 聖

一笑萬象其中收

感興吟

去年遊天台海水弄雲色今年過武夷烟霞渺無  
處八屋山人性頗耽夢中每憶冰霜顏何日青門

掛冠共洞庭千里弄潺湲

八屋集

卷之三

聖



八厓集卷之四

華容周廷用著

商孫慶增男天錫重梓

五言律詩

鎮遠觀漲四首

大水趨遙嶼驚濤觸巨峯千溪流不盡萬水去能  
容遠埕鳴飛鶴深山起卧龍出門看不厭煩慮盪  
心胸

八厓集

卷之四

一

其二

水勢連山白嵐光帶雨青龍堆晨起沒鶴夢夜生  
醒伏浪浮雲閣滄波上草庭人生無住着泛泛此  
浮萍

其三

沸浪傾天來狂瀾溢石灘奔騰千嶂合噴薄一溪  
寒過客招船渡行人立馬看滔滔晨不已泯泯日  
將闌

其四

側耳聽高浪控頭沒達沙山巔懸落鷺樹杪動歸  
鴉鄰屋泥墻墮江村草樹斜銀河下平地思欲泛  
仙槎

遊鎮江寺二首

並馬遶江岸緣厓入寺門天花簾外落水月鏡中  
聽風雨聽青梵雲霄見世尊超然破塵想三昧欲  
何言

八厓集

卷之四

二

其二

地僻山門古江深石塔危雲根盤曲磴月色浸通  
池鉢靜龍棲水香薰鶴避枝諸天真自在八解有  
誰知

次劉南峯

泥塗添淨草樹翳萋迷傍嶼行猿躡依山立馬  
嘶懸旌下長谷去憶入深溪回首南雲外翩翩過  
鳥低

四月十五日得小兒槐家書

嬌兒非驥子汗血豈塵埃忽作一年別能書片紙  
來盡言家務事真覺宿懷開此日應牽弟雙雙步  
綠苔

同鄧真吾遊玄妙觀四首

聯鑣遊勝地正值雨初晴殿角歸雲淨簷牙舞鳥  
鳴瑤花香艷重仙鶴羽衣輕千古鴻濛處今朝眼  
獨明

八厘集

卷之四

三

其二

再約金蘭伴重尋羽客門窓虛明溜色巖古種雲  
根浴鷺浮舟牖清猿戲綠樽飄飄追薊子天路隔  
重關

其三

覽勝過琳宇重遊不厭常羽人真地主宦侶果仙  
郎雪浪翻簷影風花度檻香蓬萊應不遠秘籙此  
中藏

其四

避宦漸無地遊仙嘆少緣未遑躋五岳且共覽諸  
天入隴求顏闔臨風想偃佺追陪聊求日清興出  
冥筌

夏夜

碧月窺閑牖蒼苔映古庭清風揚吟鶴遠水渡流  
螢旣馬喧槽檻燈蛾打畫屏憑軒望弧矢光近北  
辰星

八厘集

卷之四

四

甕城河

渺渺清江頭淥淥大壑通浪花翻白馬橋影見青  
龍練色涵清鏡藍光映彩虹神魚如入楚尺素可  
能容

詠松四首

星眸高松長芳莢照樽樞風清吟獨鶴霜重集群  
鳥共我六真士看君五大夫晨昏相倚薄端爲歲  
寒圖

其二

羣歷堂楹下居然見此松清陰行去日高節晚來  
風服食宜仙侶封章惡祖龍後凋應不改心與竹  
梅同

其三

五松誰手植亭下儼成行苓結神仙藥枝合御史  
霜蒼龍鱗甲見玄鶴羽毛長知爾千年器高心抱  
棟梁

八厓集

卷之四

五

其四

屈曲竄虬態離奇異物身靈光通晚景神采照芳  
春結侶依修竹齊名並大椿許身堅白壁敢自沈  
清塵

會稽有感六首

吳越緣名地山川勝往時疏峯長競秀環島亦爭  
奇草翳秦王石雲深大禹祠停舟一悵望今昔使  
人悲

其二

觀風臨越嶠勝槩實殊常劍冶星辰耀龍山草木  
光人文皆磊落碑版幾淪亡翹首胥門下空歌小  
海章

其三

宋帝南巡日歸然藉壯圖百年非燕翼一旦失龍  
珠陵墓登孤鬼烟雲暗海鳧寂寥明月下如聽翠  
華趨

八厓集

卷之四

六

其四

停策勞遐睎峯巒面新地奇名自勝事往迹空  
陳圖霸因棲越亡珪失望秦一聞莊舄詠楚客欲  
誰親

其五

緬想興王地于今迹尚微浣沙呈越艷鞭石走秦  
威梅福真成隱買臣何必歸向來誇絕郡文物果  
光輝

其六

惆悵蘭亭會常懷晉逸人流觴非外事翰墨本天真  
真山水名增勝風雲思入神後來追軼駕更許賀  
虞倫

送秋官王三蒙同年二首

詔移丹鳳閣人出白雲司帝運維新日生靈棄穢  
時清風生肺石涼雨洗瘡痍聖德勞欽恤時應問  
釋之

八厓集

卷之四

七

其二

十載同懷客山城得並驅清樽深月夜高誼溢雲  
區林籟生新爽庭春剪舊蕪明朝分手去天遠鴈  
聲孤

送別駕李川甫入簾秋試二首

聖代希麟鳳秋郊正網羅文章歸藻鑑勲業重賢  
科霄漢奎星見東南竹箭多春風桃李盛承聽  
人歌

其二

有美中州士秋闈此日行古堂看秘寶大雅屢希  
聲鸞薦羞群鸞鵬飛駭衆鯨百年文運復吾道屬  
昌明

天姥寺二首

古寺名天姥五冬試一登松風清萬壑石溜瀉層  
冰日影青蓮座珠輝寶樹燈仙源應不遠健翮欲  
暮居

八厓集

卷之四

八

其二

寂寞名山寺微茫烟霧深松篁森晚翠澗壑暝秋  
陰四日飛天鏡三花布地金蒲仙當日夢應不負  
高吟

猥蒙教賞綵幣白金布感二首

先帝南巡日微臣按貴陽乘驄行歲月持斧肅風  
霜荒憬多遺化玉璽大啟疆獨慚無寸補殊錫下  
人星

其二

白金緣帝濟綠幣自天來睿旨題溫語使臣領外  
臺歸昭憐幣袵郭隗恐非才此志慙爲礪空勞補  
衮衣

赤城公署夜坐三首

入夜燒官燭空堂坐悄。魚繞城聞擊柝。鼓棹聽江。  
船簿領嗟清畫功名惜壯年更添聊把劍寒氣欲

冲天

八厓集

卷之四

九

其二

坐對華燭色遙聞清漏音月明烏鵲迴冬盡蟄龍  
深故國南天影長安北土陰親恩與帝德回首一  
沾襟

其三

歲暮巡行日思鄉念有餘江山遙對汝鄉國渺然  
予漫藝蟲微光難憑火寄書白頭當此際望望倚  
門閭

寒夜二首

寒風起天末故故向人吹  
硯影驕餘凍窓橫翠羽  
蓬窗臨頽壁字把酒未成詩  
深夜悲搖落勞歌九

其二

信省台州館常聞海上風  
辭憐虛室白坐愛國花紅  
梅蕊仍含雪松枝獨倚空  
天涯過春日及此悠遊

八  
馬  
集

卷之四

41

顧東橋約道雪竇不果寄來辭寄二首奉答  
仙遊能不許予登雪竇峯丹山浮若水青壁削芙蓉  
入洞迷幽躅尋源探異踪獨憐塵熱客愁絕紫  
微香



不共長康約名山得獨來寒盟入薇省風敗德世  
業未識蘭若性虛將石髓猜登臨揮八極飄飄似  
仙才

過麻嶼嶺

峻嶺名麻嶼飛飛細雨過斷崖羅石磧缺岸補藤  
蘿雲徑愁仍往風林鳥自歌未須悲隴阪愁鬢已  
成皤

三月出巡台州過桑州驛山茶二株盛開予

作一詩以紀十二月重臨花復開盛有感

復作二律

三月桑州驛山茶開已殘玄冬駐征騎紫萼滿朱

八厓集

卷之四

十

欄把燭香空艷移牀色轉丹坐來悲歲月對汝強

顏看

其二

名花如有約我到即能開燒燭看青夜停杯步綠  
苔三時金作屋十丈錦成堆洛水真堪賦愧非子  
建才

宿桑州驛

驛舍即停馭孤懷未有涯霜前凋石菊雪裏綻山

柴對月情殊感親風興頗賒重來嗟老大奔走趨  
年華

過桑州嶺

曾度桑州嶺今來雨亦晴雲光生海嶠山色隱蓬  
瀛洞裏金光草崖前赤石英結廬當日小山水稱  
心盟

歲暮道中三首

天涯當歲暮羈旅獨淒然晚宿依公署朝行信馬

八厓集

卷之四

三

鞭一冬無雨雪萬里少風烟寂寞家鄉地今宵月

未闌

其二

翹首衡陽雁冬深尚未迴梅花開仔細桂樹鬱崔  
嵬吟苦悲行路愁多懶上臺此生隨物役投露且  
傾杯

其三

歲極玄冬月重陰日漸消闔山心杳杳時存思觀

飄碧紆癰梅蕊青懸秀竹標艱難悲世慙遲暮且  
行錄

遊虎邱四首

客路淹良晷乘舟過虎邱劍池青鏡合寶殿碧雲  
流石上題詩徧山中生事幽閑閑空老墓廩鹿幾  
經遊

其二 觀泉

亭下擁芳泉淙淙自歲年青光縈鏡靜素沫噴珠  
八厓集 卷之四 三

圓長日龍聽法臨流鶴避禪因風吹茜苔香滿佛

蓮首

其三 登塔

拾級躡芙蓉丹梯上七重浮屠扶沼雁舍利隱龕  
龍人近中天日風傳下界鐘三吳跨壯觀萬井逼  
春容

其四 劍池

寶劍歸何處空山尚有池虹光迷日月龍氣隱雄

雌飛景干時命精靈護伯基吳王藏玉地銀海事  
堪疑

觀李都閫試射

千里沙原靜將軍綠鵠過控弦鳴玉鐃落日下  
龍滿月飛天步奔星拂水波平生猿臂健勲業著  
嗟峨

焦山

水國周千里江心山獨幽波光搖佛頂殿影過中  
八厓集 卷之四 十四

流清梵潛龍得遺銘瘞鶴留隱君歸海島玄墨秘

丹邱

瓜州江樓眺晚二首寄趙具區

已餘蕭寺興更上望江樓臺殿棲江島帆檣散湧  
鷗乾坤空老眼今古合深愁邂逅文章伯樽俎且  
唱酬

其二

登樓嘉譙集入望暮愁生浪蹴金山寺雲流鐵

城晚風漁子艇春水棹歌聲爛熳追宵樂依稀傍  
斗行

過寶應湖二首呈顧東橋

碧水湖光淨高帆曉日征護堤新柳遠浴浪白鷗  
明清眺開春眼奔波悵客情同行有佳士許與契  
平生

其二

晚解高郵纜來經寶應湖天虛雲物遠風激浪聲  
八里集 卷之四 五

輸祗役趨王事勞心問客途日斜聊繫纜樽酒足  
秋娛

遊沃巷仲憲長園亭二首

勝日名園集芳春綺席移柳垂金縷娜花綻錦歲  
徒徒履行幽徑笙歌度曲池主人能愛客百憂敢  
深辭

其二

宰相山中宅來遊趣不凡池通河漢水花滿竹松

巖春色初浮酒雲光細撲衫高峰環磴榭相對玉  
峴巉

途中雜詠六首

東風吹彩鷁野泊獨遲迴莽莽孤城濶蕭蕭古戍  
推夕陽遶鳥下春水度雲來浩浩情無極風塵悵  
未開

其二

驛道來千里緇塵滿素衣黃雲時蹀躞白日少光  
八里集 卷之四 六

輝衰颯客顏變經綸歲月遒江關迷楚望何處雁  
南飛

其三

漠漠沙原靜民居寄此鄉矮簷茅蓋屋窄室土爲  
牀吠犬驚清晝饑鳥啁夕陽村翁無一事曝背向  
東墻

其四

皎皎羅星月舟行入夜分暝含秋樹色波動白鷗



群眇眇征途遠  
喧喧去棹分  
百年蓬矢志  
書傳有前聞

其五

未息征車苦  
空悲行路難  
柳陰含夕暝  
月色動江寒  
不寐看船放  
臨風羨鳥還  
年來踈慵意  
轉覺世途艱

其六

漢主歌風地  
蕭蕭草樹分  
雄辭昭白日  
猛士失青

八屋集

卷之四

七

雲月冷粉榆  
社苦行麋鹿  
群市朝今幾  
變覽涕對

斜壁

夜泊對月二首

綠鷗浮春水  
綠波耿夜光  
感時懷故國  
流影自他鄉  
岸夾桃花艷  
風生桂子香  
同君看不厭  
遙夕倚危檣

其二

登壇揚玉汰  
倚棹詭冰輪  
此夜齊州景  
遙分浙水

春鷗鳬驚影  
亂鳥鵲遶枝  
馴一望關山  
遠迢迢旅思新

舟膠

客舟紛若積  
水涸未能行  
京國三千路  
風霜十月程  
沙乾鷗失侶  
林深鳥無聲  
何日商羊舞  
飄飄去鷗輕

暮春

旅食當春暮  
傷心野思孤  
風花依水鳥  
江柳蔽檣

八屋集

卷之四

六

烏齒髮嗟年  
減功名愧後  
圖白鷗真自  
在愛爾伴吾艫

其二

荏苒三春暮  
端居百慮盈  
落花沙尾見  
浴鷗水邊明  
未學嵇康瀨  
空憐漁父清  
我生今老大  
踪跡一浮萍

其三

風色春江暮  
年光曉髮催  
岸花飛更舞  
檣燕去還

來懶慢藏書帙狂歌送酒杯撫躬慚薄劣那有濟

川才

其四

春盡江天豁征人已倦遊流波行落絮驚浪亂飛  
鷗米色憐民病花枝減客愁君親恩未報身世愧  
蓬浮

捧表慶賀之京舟發雲夢澤偶成

玉冊開藩府瑤函照上京朝宗江海會獻納野人

八星集

卷之四

九

情短劍黃塵靜孤懷白日明中原正多難回首涕

盈盈

雙壽爲白泉汪太守父母

海外黃堂客山中紫詰人雲移湘水曉花發越江  
春未夜少微動長年寶婺新吳鄉有衡嶽翹首並  
嶙峋

船行

風定蘭橈歇波明山色幽青天雙過鳥白石半藏

鷗謬比李居士笑登蓮葉舟江湖且乘興廊廟漫  
深憂

上灘

東風揚鷁首鼓柁上溪灘日映江流翠波吹石壁  
寒垂堂書有戒晏坐我何安獨愛忘機鳥沙邊照  
羽翰

寄劍溪鄭黃門

給舍青雲器長歌白雪詞雲霄行諫草江海動襟

八星集

卷之四

十

期心豈承明厭才因羽獵知佇看騰踏起丹穴有  
光儀

次富坑驛

無程來遠道薄暮過林坵野渡泊漁艇夕陽明水  
樓清風到面好白月映空浮夜靜圓杯尊妻孥共  
散愁

阻漲

潑溪船莫渡過客慘無顏已覺前程定方知行路

難雲愁蒼水使波撼白龍山對此成乖隔長吟砥

柱間

野水

野水平如席無風舟自行鶯飛修竹裏魚躍細濤  
生素壁雲光薄青林雨意明白鷗真浩蕩將汝結  
深盟

黃州投贈王穉卿二首

爲念王夫子雲霄早致身青天橫意氣丹穴偃經

八屋集

卷之四

三

論海外崔廷伯山中鄭子真著書應曉事抱道念

甘貧

其二

十載青雲侶相逢意更親素交元契濶雅志未沉  
淪坐拂龍泉氣談飛玉塵塵百年吾道在爲爾一  
傷麟

題貴州李少參凱旋忠愛卷

旋師日趨朝上壽年風烟馳傳馬江海發

知春動萊衣喜花明漢錄鮮懸知家慶後金鑑上  
瑞編

題劉典史雨觀卷

使君爲縣尉兩度觀明堂花動青霄色雲垂翠幕  
涼未湏悲枳棘終見起鸞鳳攪轡風塵裏憂民意  
未忘

過南陽不遇同年許澤仁大叅作此寄意

不見許夫子風塵念未忘十年青鎖闥一命紫薇

八屋集

卷之四

三

堂開府羊公舊籌邊葛亮長何時一尊酒同醉卧

龍岡

雨晴野望二首

晚來鳴雨歇秋還靜無泥水散平沙出雲開落日  
低山田搖黍稷野澗卧虹霓隊隊牛羊下漁樵路  
不迷

其二

一雨忽開霽乘涼眺晚臺水光凝綠定山色送青

東翔鳥還高樹清蟬響近槐倚筇斜日暝何聲處角聲催

晚蟬

日暮繁星出孤蟬何處鳴吟長心較切韻遠致何清抱葉愁沾污棲枝劇惡真旅人秋月夜為爾轉關情

良鄉寺中納涼二首

古殿含風暮秋臺送雨寒晨襟知盡豁晚興浩無端白羽揮明月金杯動翠瀾可能謝書劍終日此

八厓集

卷之四

七

盤桓

其二

樹客房中跳枝高几席拈花明蜂亂響雲靜鶴雙留爽逼清商動星移大火流披襟無限意不向楚宮求

予以福建叅議捧表慶賀入京過良鄉寓居

蕭寺轉官蜀中報至因成二首

我從閩海至蕭寺暫投安忽報薇花客還為驄馬

官貂裘虛已賦寶劍月初寒吾楚三川接何嗟蜀道難

其二

兩載敬省客重看轉柏臺憂時君有命濟世我無才劍閣天應闢巴江錦自裁待看諸葛廟歲久自崔嵬

其三

搏擊憐高斗騰驤愧老龍遠從三蜀去那負一琴

八厓集

卷之四

五

從春轉瞿塘峽秋登云安峽峽今已定從容

秋雨言懷

驟夜秋風裏淒涼暮雨間菊花無艷色柳亦衰顏梅髮通晨帙開門對晚山所嗟遠二仲三經

石潭卷

石潭高世士龍德本幽潛挑色春醜浪雲光秋度

簾風塵天地迴蘭正歲時淹不羨中流柱臣民獨具瞻

感慈卷

萱草何年沒荒庭雨露晡苦吟潘岳賦淚黑孟郊衣竹筍盤猶在江魚饌亦稀高原看馬鬣日暮淚將歸

江陵晚望二首

南州形勝地過客幾登臨草碧沙初靜桃紅浪正

八厓集

卷之四

五

深三分遺伯業一統屬人心對此聊成句多作路上吟

其二

日落渚宮夕風生郢樹秋孔明曾啟漢王粲此依劉吹浪豚魚怒吟風木葉愁鴟夷何處覓來往只扁舟

雨晴放舟

萬里天初霽片帆舟自行平沙收雨意細浪隱江

聲謗集黃金鑠時清寶劍平白鷗飛不去應謙道人情

歸州

高城霄漢上下引大江長窟穴魚龍穩風生鷗鷺翔波濤掀宇宙日月割陰陽過此心猶悸何如上呂梁

三月八日家母誕日有懷

未上萱闈壽斚為蜀道嗟白雲迷楚望綠服異天

八厓集

卷之四

三

涯衣線真成淚緘書每念家晨昏誰問候棣萼正春華

忠州江上二首

斜日清江上江清更可憐奔灘長激石巨浪更熒淵去楫嗟吾往回車仰昔賢莫言朱紱誤蹤跡半山川

其二

去歲閩中迓今年蜀道來所嗟風俗異莫訝世情

平欲上雲根望虛疑迴瀝迴白頭當此日家訊笑

顏開是日計家書括家

初度

去歲燕京往今年蜀道親初度日江漢未歸身笑指白雲遠貪看朱紱新庭開當此際應念遠

鄉人

憶亡兒栗

栗兒真汗血去我四年係草騎驥骨銀橫玉樹

八厓集

四卷之四

毛

柯百金難續汝萬事且由他積善昭昭報天公知也座

渝江舟中二首

曾聽渝州曲渝州今又來已變牽纜去津吏候船

開水泛江吞石山空雲出崖白鷗休笑我王事敢

辭哉

其二

落日渝江上空憐蜀道長人皆居樂土我獨在殊

方鵲鶴雲邊度鼓龍水面翔漢皇今尚武無意念

顏郎

燕京六首

燕京形勝地樓閣五雲間龍虎懸相抱星辰繞更環金盤承露氣綠仗近天顏弱水三千大蓬萊尚

可攀

其二

昔聽燕京曲春來與夏高衣冠三重黃馬五陵

八厓集

四卷之四

天

豪衛霍薰天勢金張列地叨鼎湖今寂寞風日亂雲濤

其三

緬想錢劉輩當年勢赫然終身列地貴長日水衡

錢豈料彌天骨翻爲蔓草纏至今談虎處顏色尚

悽然

其四

昔日燕臺駿工金骨尚傳國家榮盛事夢寐總高

賢鳳鳥應難窮麒麟不用鞭吾生焉今日翹首太  
平年

其五

禮樂諸生短狂言將虎鬚可憐忌謹後不得近鄉  
都欲效秦庭哭深恐漢法誅何時天浩蕩雷雨一  
時蘇

其六

長安吾不至時忌又三年陸海雲塵變雲素志  
八厓集 卷之四 无

牽應期生聖主名世輔才賢我欲投簪去長景白  
石篇

保寧錦屏山覽杜子美詩思亭故址二首

窈窕攢峯下青天立錦屏活潑社陵耆獨上聞風  
亭詩與山爭勝人因地亦靈丹樓臺絕頂呼駭仰  
天庭

其二

塵鞅勞行役高亭更息機沙灘斜日澗石壁亂雲

飛杜老身應往詩篇興不遺生山千古嘆爲一  
沾衣

有感

勲業丹青遠人今與未休發憂心豈晚鐘白雲先  
秋道在猶還孔文興獨仰周望賢今已沒努力繼  
前修

登瀛閣二首

勝地標珠閣丹梯鬱紫雲河山通氣日月下高  
八厓集 卷之四 辛

是鐸響使龍語鐘爲鼓鳥群憑虛一以望吾微也  
清寔

其二

條榜微三天登臨洞八極紺雲紫雲極白鶴勝丹  
田高棟星文麗虛窓錦綺懸生來渾不厭深日竟  
談玄

獨酌四首

滿眼塵沙道長歌與獨能風雲需著歐化洽大明

朝韓鳳今當出河山信不搖我生真有幸獨酌更長謔

其二

幸際唐虞治欣逢稷契臣一杯燕市酒百歲太平身屈軼無時發蒲輪盡日賓從茲沿牒去酩酊何需真

其三

莽莽乾坤濶悠悠日月移難危誰獨任經濟我何八厓集

卷之四

圭一

知申酌能陶性長吟頗費辭何時出門去騎馬任馳驅

其四

化國偏長日幽居弄筆牀呼童沽市酒背客醉山房不寐添華燭無言索錦囊經綸吾未有那補弄衣裳

長安雜興十首

不到長安道於今又六年五雲常拱極萬象獨朝

天政洽華夷服時清禮樂全百年嘉會日香亦荷陶甄

其二

遠方沿牒使帝里暫時留花柳開郡甸風烟散五樓袞衣春色麗仙仗日光浮無限雲霄侶遲明結駟遊

其三

勝境藏琳宇春郊興屢承燕歌饒白雪楚曲動朱八厓集

卷之四

圭

絕遠覽躋孤閣豪吟展五陵異時松柏句歌罷思猶增

其四

跼蹐登金殿迢迢望紫薇花迎漢吏詔春上楚臣衣北闕情何限南山興欲歸馮唐今漸老推轂信音稀

其五

帝臣奏日好花柳正春妍野鶴盤雲起林鶯出谷



遷仙人金壁闕羽客紫霞篇  
利有探奇興慚無太史編

其六

紫陌仙塵遠青門御柳齊  
花玲沾濕雨芹燕落有泥  
貴客喧車憶遊人雜馬蹄  
野臣思謁帝不寐聽朝鷄

其七

陸海遠遊地重來感慨篇  
衣冠霄漢侶禮樂太平

八生集

卷之四

三

年乾象算天表台階正斗經  
南山吾欲去賦詠有

新編

其八

羨爾登仙侶年年奉聖人  
質明遊玉署日旰下楓宸  
奏啟承明草花勢禁苑春  
邊臣遙望幸不厭泥塗

其九

憶昔瞻天日清晨立九重  
花明金殿身奉勳宸浮

龍去去巡邊報悠悠想上宮  
十年天路迥芹曝但孤忠

其十

上林春色麗燕國我來遊  
臺榭黃金蝕江山紫氣浮  
獻書無路達投璧欲誰收  
稽首明天子千年此帝州

次亭溪張學士海印寺會同年韻四首

碧海俯珠林雲涼氣陰廿年天上會  
今日北中

八生集

卷之四

三

臨綴席行文酒停杯聽梵音  
所嗟行役苦直欲泥塗襟

其十一

曲江春宴日梵宇集賢年  
度冰雲流席搏風鶴下田  
金臺含返照珠闕結祥烟  
萬里馳驅日翻爲國士憐

其十二

地接蓬萊境林藏海嶽園  
珠光浮古佛鏡影落明

湖萍水今相聚壺觴不用呼登臨同繾綣天遠客情舒

其四

丹闕青天外祗林碧水涯衣冠成燕會鐘鼓合僧家未盡三生話真成百歲嗟坐來情轉洽高日注流霞

莫庭

緬想趨庭日嚴君獨立餘德音恒在耳手澤竟遺八庫集卷之四

書勉義惟終若交朋慎友于九原知有子含笑自怡如

夏山

地隱藏山書山連戮將臺聖人多過化祠屋鬱然開間氣通嵩嶽靈光徹斗台清明須碩輔五馬雙逡迥

東坡寺次韻

石壁芙蓉纈雲崖雨雪流松門丹籙靜草徑碧苔

幽象教元清境禪心遠俗愁仙源應絕境野鶴散林樾

鎮遠江四首存二

楚服通長路蠻荒見此江清風吹組練白日進舟航商載鹽鐵貨官聞稅課傷祖宗招邊境風俗合醇康

其二

數載淹荒徼今朝見楚船好風輕五兩去路合八庫集卷之四

年飄泊傷萍泛翺翺想鳳騫臨波羨鳬鵲羽何鮮寄淺溪顏惟喬二首

淺溪吾益友時命太差池環堵原思至檀弓子矣辭白麟信衆犬黃鵠嘯群鴟何日滄州道相期拾紫芝

其二

全楚多佳士如君更絕倫可憐清廟器長作碧山人驥足應難展龍姿豈易馴我生真瓠落爲爾特

情親

偶作二首

遠地風花異殊方歲月淹畏途頻滯馬長日幾按  
髯謝傳東山卧正符北固潛歲星吾豈敢吏隱亦  
相兼

其二

愛爾青陽好狂吟向玉壺避時金馬客高卧碧山  
徒髮短心猶壯途長力未徂醉來彈寶鏡光彩耀

八厓集

卷之四

三

昆吾

五言律殘詩附

其六

吾楚多佳士看君志獨殊飛騰那假翼咳唾總成  
珠入奏陳三禮登歌賦兩都聖明時顧問端向殿  
中趨

其七

一代名賢出千年泰運嘉人文真有象主德正無

遐羨爾金爲礪慚予玉倚葭相逢一樽酒取樂浩  
靡涯

其八

琳宇同君到華筵敬夕暉放歌吾豈敢健筆爾能  
揮竹塢涼風進花蹊宿霧飛綢繆不忍到薄暮始  
言歸

其二又

峭嶺掠天斜懸崖綴野花絳桃風散萼翠竹雨生

八厓集

卷之四

三

芽偈仄愁蛇逕遠迴怯驚車乘風舒遠眺暮靄碧  
雲賒

其三

騷屑忘塵慮虛窓覺獨醒江湖憐羽翰歲月惜蓬  
萍砌草留春蘂塢花散晚馨笑渠金谷侶歌舞倒  
銀餅

其四

雨過遊龍去天空宿鳥來棲雲浮樹頂落日照桃

腮夜散閒庭寂塵虛宿抱閑楚江原我土慢

望且非但

其三

步簷聊悵望舉趾復徘徊翠鳥高下卿雲駕去  
來陽葩迎旭日陰蟄起風雷渺渺情何極春光把  
酒杯

其四

萬里邊塵迴三春卉木遲苦吟勞歎且漫賦  
時曲水懷高詠巴渝愧蕪詞燕雲常極目渺渺故  
八厓集

卷之四

五

人思

十二首 其一

喬木邊山路春光馬首微水湔山骨瘦草茁澆茅  
肥喜漾行驄色怒傳擊鵲聲輕雲外鳥羨

兩自高飛

其二

星河明靜夜深露滿清朝花卉含春媚松篁固晚  
凋我家雲夢澤何處赤城標竊食慚無補燕臺目  
月遙

其三

邊庭春景麗旅館未荒涼萬古牂牁域千年銅柱  
鄉雲蘿常黠黠日月少晶光獨有臺前柏青青晚  
晚莊

其四

山色藏春媚嵐光蕩夕曛鵲鳴白首鷺鳥映清  
雲地隔三台位窓橫列宿文心同閑塞月虛夜招  
行軍

八厓集卷之五

華容周廷用著

商孫慶增男

七言律詩

送朱士光侍御改南京



莫羨冥鴻渺入雲南都此去亦離群才華已向詞  
鋒露忠悃能於諫草聞廬阜行馳凌楚嶠石城看  
月隔燕瀆兩京風采當年事好爲朱雲續舊文

八厓集

卷之五

送孫世其使陝西

漢寢唐陵錦繡中西秦形勢古今雄雲邊大路連  
潼水天外終南倚華峰出使謾誇蘇武節壯遊誰  
繼馬遷風闕前遥指甘州路腸斷當年謫戍翁

北狩

羽蓋翩翩隨翠輦朔雲擾擾亂羌胡三關弗道行  
人阻千里風號戰馬呼天駟何年飛入駿撓搶此  
日競群狐六宮深夜思清蹕獨對長門月影孤

其二

羽葆忽圍青海月金風先動玉關塵傳宣人是黃  
頭使扈從原非紫禁臣百費已虛中帑積六軍先  
倒太倉陳雲霄日日迴空節塞草淒淒楊柳新

諸將

絳節旌旗護九旂兵符入策動遐陬月明砂磧妖  
氛逼雲續陰山殺氣浮漢將威名真虎豹唐軍巧  
健意驍驍歸來試獻明光奏意氣薰蒸說壯猷

八厓集

卷之五

其二

君王扈從勦天驕大將親隨下碧霄肘上錦囊瑤  
虎印帳前雲耀綵蹕貂望風挑戰能擒鼠背日彎  
弧但落鵰已是封侯專賜姓更希列土擅分茅

雪夜飲何太復先生宅

海內風流真舊侶天涯雪夜此清樽詞賦郢調寒  
商遠賦入江梅春思繁雲外征旗連紫塞月中鳴  
笛近黃昏芳隣喜接何休宅日久詞園許共論

雪夜同王稚欽顏惟喬飲邢孔江給事宅

五夜遙天向霽景六街清鐸動宵聞謾呼傳侶過

清鎖浪說仙居隔綠雲四瓶金蘭元契合百年萍

水惜難分古堂鄭璞隣同寶珍重同遊迴不群

原質入京夜話

秋深望汝常懸榻歲晏誰君獨逆槎三載風烟還

異域百年骨肉本通家燈前綠生春色座上霜

毛感歲華世路荆榛堪扼腕或圖松菊誤容嗟

八厓集

卷之五

三

聞顏惟喬外補

掄才已惜遺中秘分署今看屬外移清廟主璋應

有數公門桃李亦何私千金未解操竿意一笑能

忘抱璞悲此去風流數善政於民監定好爐

雪日張維楨台遊西郊詩以酬之魚有西山

之約

琪園幾度恣閒遊白石橋邊水亂流雪下王孫尋

舊約風前京洛出名謳金狔笑促飛花飲錦句奇

飄落絮收回首東風芳草綠西湖應許踏驂驄

登真覺寺塔

城上平臨懸五塔百年心賞稱閑登隙光遠近開

靈竅虛杪高低見梵燈雁沼波濤雲裏湧芙蓉花

華日邊凝明珠絕頂琉璃佛知在丹霄第幾層

汪南鵠邢孔江諸鄉里夜集子宅恭謝一首

經句抱病遠傳侶此日登堂荷俊英綠醕謾行依

月檻瑤徽重拭傍雲樞百年風土同疆域四海衣

八厓集

卷之五

四

冠亦弟兄謾道楚聲非越調悲歌長繞鳳凰城

夜集世其宅

長安地接省郎廬月下同遊思不孤塞上風雲愁

北狩天邊羽翮競南園倚看寶劍衝霄氣笑握靈

蛇照夜珠回首楚墟分翌軫興來直欲泛星桴

夜飲王禹弼舜典行寓魚懷舜功

宛陵舊憶遊荒憇燕地重過見竹林江海逢人雙

淚盡歲時憂我二毛侵分闌不厭行盃促投轄何

妨坐夜深更想水陽王給事倚梧高鎖白雲岑

送侯檢校之任

錦江千里接荆湘此去無歌蜀道難路入黃牛通  
馬嶼舟迴白馬上魚灘天依南斗層城迴月傍東  
堂幕府寒回首看雲遙憶弟燕臺春草正漫漫  
送楊晉叔先生總制兩廣代顏中丞作

司徒舊屬分邦教憲節新看重帝釐斧鉞風霜驅  
漳瀉旌旗日月閃葳蕤高標萬里瞻銅柱芳鼎三

八庫集

卷之五

五

朝薦羽儀回首漢庭重鎖鑰百年身已繫安危  
洪邦正道長以副使提學河南途中會叙詩  
以贈焉

已看時雨流京洛又見奎星下澗渥中輔文衡真  
我輩內臺風采更誰賢津河對月聊今夕嵩少瞻  
雲忽一天潦倒世途成獨往不堪揮涕向風烟

月夜舟中

千里華轡行月夜三更疊鼓下寒潭悠悠萍梗嗟

王事寂寂星燈照客談腸斷風塵燕塞北心回桑  
梓楚天南躊躇忝竊清時署慚愧空承白華簪

臨清遇唐景之御史

楚江畫鷁青驄使千里相看月下逢喜汝北來同  
折柳憐子南去獨飄蓬星辰夜半中臺見烟霧春  
深塞外重此去雲霄鳴彩鳳幾時書札託冥鴻

重安觀夏桂州見懷之作因次韻

月夜長安憶共陴秋風重上李膺船金函遠下蠻

八庫集

卷之五

六

庭詔錦纜遙牽楚澤烟司馬文章新諭蜀伏波銅  
柱舊留邊相思此夜知何在悵望雲山萬里前

寄嚴青湖

秋容未改鬢毛蒼葉裏書裝興味長綠草盡榮揚  
子宅黃鸝春響謝家庄酒傾湘水葡萄色飯煮青  
湖菰米香誰謂斗岡嚴法部窮終日卧羲皇

冬日次孟浩然韻

向曉憑高望楚鄉白雲紅樹入微茫雙揮不盡窮

荒淚九轉空回故國腸天遠未由護翠羣歲除無  
乃逼青陽悠悠萬里南征道不見衡陽旅雁行

詠牡丹

翠剪輕羅長秀枝香分惠帳吐芳蕤毛施艷麗誰  
爭長姚魏風流今在茲丹簾夜涼露濯露朱欄素  
院藉柔莢我來見爾風霜地坐對嫣然獨賦詩

三月三日清明客中二首

十里孤身真逆旅百年今日又清明雲橫水固愁

八厓集

卷之五

七

南楚月傍關山憶上京到處丘墳張歲祭幾家歌  
管送春聲乞餘莫道播間祭後稷應懷曲水英

其二

清明天氣正三陽愁殺悲風攬白楊南國莊危爭  
短服北圻丘壘悵飛旄綿山有客甘焚玉蘭泥何  
人泛曲觴直北風塵空悵望國南心事轉淒涼

平越用韻

未討一還帶荒城紛縹緲歲月更野鳥向幾飛

歷亂山樓臨水映分明清江鷺浴平沙暖絕鷺雲  
開遠樹清謗薄未忘孤矢志風塵終日事宵征

閒適一首

爰業高峯對柏臺扶疎嘉樹照寒盃傷心露藎曉  
風淚刺眼藤花映日開江海豺狼紛戰鬪風塵聽  
馬獨遲迴天邊斷雁無消息那有親朋歲往來

東坡次韻

岩巖古剎見山中惟石支撐上碧穹樹覆多羅曉

八厓集

卷之五

八

玉界泉流水月蕊珠宮停鑣上客閑題竹披衲高  
僧老種松閑道塵緣超上乘金沙脫屣可相通

飲正郎鄧貞石公署

風塵千里滯殊方此日高情亦收鄉起調竟無莊  
馬賦蜀琴應共伯牙張馳乘看解黃金勒鷄舌猶  
聞粉署香莫向窮途悲阮籍君恩一飯可能忘

同鄧貞石正郎遊玄妙觀二首

並馬來遊玄妙觀快登高閣倚江山灣灣綠水流



清淀面面青山擁翠巒白鶴松烟丹竈冷石壇瑤  
草紫霄寒移樽試傍靈巖飲乳竇玲瓏不盡觀

其二

翠微虛閣敞朱扉此日登臨願不違日月仙壇紅  
樹護風雷福地紫雲依天邊鶴鶴凌窓度江上蛟  
龍入牖飛酌酢謾勞東道主宦情鄉思共霑衣

遊鎮江寺二首

傍巖誰結青蓮宇古貌蒼然照碧苔佛頂寶珠明

八厓集

卷之五

九

日月江心慈石吼風雷輕舸謾訝浮盃度仄徑那  
堪結駟來欲向四禪叅往事却慚身世繫浮埃

其二

清虛古寺憑江阜白晝同君到上頭龍象似聞天  
上泣慈航真在水中浮拂衣共折三花樹脫屣平  
臨十步洲昨夜雨添風浪湧興來直欲泛輕舟

東巡畢將歸省城

青驄蹀躞行邊疆炎天何處飛風霜平生材力非

杞梓安能斲削成棟梁苦心但保宋人石別足敢  
登和氏場清臆爲我蕩煩熱炯然冰壺置玉堂

梅嶺閣

梅嶺閣前緩轡行青山雨過正分明垂簾暗接溪  
橋斷積溜清分野壑傾吐馭獨憐馳坂客請纓真  
羨棄繻生薄遊此日乘高興謾道觀風不盡情

過楊老城

荒城漠漠帶清江萬壑千峰勢若降波面吼鼉浮

八厓集

卷之五

十

箇箇沙心浴鷺對雙雙征鑣影裏羅青幕戍鼓聲  
中樹絳幢白晝風塵那可定欲將書劍謝窮邦

晚望

雨收雲斂氣清和碧樹幽幽鳥自歌地入炎荒大  
熱早山開晴景夕陽多未瞻朱斗臨辰極忽聽銀  
蟾瀉流波無限晴光掠我意呼童試問夜如何

新添晚愁

紛紛燕雀入簾飛似喜遊人休沐歸黃鵠風搏雲

甯近綠萍水泛菱荷衣郊原雨足收春旱潤壑泉  
明蕩夕暉馬上緇庭隨處着山花如解笑人非

再過龍里

初去牡丹才發蕊再來柳實又垂叢若爲一見必  
多感況復重經恨轉濃素領每經風雨裡青春忽  
過道途中森森獨有臺前柏光色常如接我容

賦折下榴花

丹萼分明映故園是誰攀掇下高垣祇憑勺水留

八厓集

卷之五

士

光艷不惜孤枝離本根悲扇自憐傷玉貌墮樓空  
訝損卿魂此生莫怨紅顏累千古昭君尚有村

東巡畢返會城呈巡撫鄒黃山

出巡三月向東行按轡今看返會城三窟却憐民  
有靈二天應識我無情草間菌露分明見林下珠  
繁浩蕩生多是老成能彈壓鄙人千里藉威聲

五月十二日家君誕日有懷二首

椿庭去歲當生日我共妻孥千里歸京醞雲開羞

楚歌繡袍風舞護班衣一年又作瑤桃宴兩地遙  
憶春日暉夜向碧天空拜祝極星高並歲星輝

其二

主事艱危寄此身親闈蕩浩進長春神仙會上同  
雙老姊妹行中少一人天貺擬看龍諾下雲初今  
見耳孫觀明年取道還家便笑捧天書拜六旬

五月十五日夜對月四首

碧空如水露華薄宛宛金波湧玉盤清思頓回姑

八厓集

卷之五

士

射冷焦烟盡洗沸涼寒星長影動行邊急戍馬塵  
飛去路難安得才如漢司馬片文能諭蜀人安

其二

月色稊稊夜景新清光如畫可憐人懶從虛榻安  
筭算喜向高軒詎桂輪庭杏落時枝嫩柝池魚躍  
處水粼粼平生疎拙憐吾性披豁無如此夜真

其三

寂寂空虛萬景清瑤光掩映月華明青山對我渾

疑畫角驚人欲起更風入高松搖宿鳥露滋漫  
草濕流螢遙憶更憶雲霄侶何日長安作夜行

其四

碧宵月色自年年今見離家十度圓良夜獨憐  
簾寂流光翻訝尺波旋蕭條鄉國遠千里浩蕩  
以滯一天此夜鑒與幸何處曼姬野調合凄然

十六日夜對月

愛爾昨宵圓更靜清光今夜復如何桂輪遙傍  
姮娥轉藥臼頻看玉兔磨江海豈無人涕泗風塵惟

八厓集

卷之五

七

是我吟哦西樓誰放江南笛坐看梅花落楚歌

聞鷓鴣

苦竹青青蔓草陰高山忽聽鷓鴣音佳人拾翠情  
何極遊子霜寒恨莫禁行路正臨蜀道險離家况  
別洞庭深無由命酒呼倚侶寫入清商綠綺琴

晚出公署用韻

退食常憐出署遲無端世路苦多岐悠悠病體漸

無補莽莽窮途悵所之文案日煩紛霧重野池風  
定結冰漸迤西况是于戈阻食貨空填虎豹饑

雨後用韻二首

一雨清涼發興新遙遙天末起青蘋蓬飛萬里家  
應遠日落孤雲鳥自親燕霧朔風胡塞冷湘花潭  
草楚江春年來金石同心侶已結堂前松柏隣

其二

坐對堦前嘉樹林白雲晴繞碧山岑清消几案政

八厓集

卷之五

古

蠅亂愁劇堂搢燕雀吟廊廟已疏金鑑入闕山遙  
指翠華臨官若旅食身何補總關思家恨轉深

詠松

百尺高松御史堂清安勁節豈尋常秋風鵬起拔  
晨露夜月鳥飛帶早霜龍甲稜稜金葉爛兔絲隱  
隱玉脂光棟梁合是千年用藥劑能令四海康

對雨

鳴雨飛飛入曉來誰人對此萬愁迴堦前爛杏松

不得院裏殘葵故自開白豔未逢拍珮浦黃昏獨  
立望鄉臺洞庭春色明年盛含笑相花待我回

小亭閒坐

疎簾密柳暎深陴坐對青青有所思骨相豈綠屯  
俗議鬢髦先已入秋絲得時高隼搏遙翮背面幽  
花媚故交世事自今堪痛哭微軀此外欲何爲

其二

獨坐閑庭百慮闕不禁風霧滿空山浪聞青鳥能

八厓集

卷之五

五

傳信豈有丹砂可駐顏蘋藻水清魚出食松杉雲  
藍鶴飛還匣中喜有雌雄劍夜夜清氛見斗間

芭蕉

芳塢深覆芭蕉葉盡日閑看酒半釀瑞日光分青  
錦段香雲細綴綠羅紋偏於故樹鳴秋雨慣向深  
閨隱夕曛安得裁爲合歡扇直從闔塞獻夫君

公會堂獨坐

御史臺前松柏森孤游真稱百年心當門簾餘自

青色隔水笙簧更好音白晝午陰開薄領清風時  
韻盪煩襟鑒與鳳輦無消息悵望孤臣淚滿襟

夏日退食小亭有作三首

洞庭雲夢烟波渺綠樹紅葉色可憐得意風亭上  
客榜忘歸蝦菜趁魚船青雲眇邈非千里丹墀分  
明帶一天獨愧巡行成汗漫更無籌策招窮邊

其二

日浮草樹千山碧風捲雲羅四塞黃醜虜又遠王

八厓集

卷之五

六

室令官家重調羽林郎威名敢望邊人懾憲節空  
持歲月長文案獨憐諸務積鄉音那得一相將

其三

退食公堂暫掩扉午風燕雀入簾微厨人盤內行  
新菜游子樽前感舊衣莫訝滄江魚未上須知邊  
落雁來稀茂陵作賦年來少河朔行觴日久違

曉晴

東方新晴日出遲飛飛鳥鵲噪簷枝雲隱山頭佳

嵐氣波行水面含風漪得時田父操豚酒趁食  
民采蕨黃萬里沈途今始出行行驄馬任吾之

池上

小沼澄澄竹簾開晚涼天外獨徘徊悠悠水色清  
波動閃閃鷗鷺落照回樹杪忽移星采下松林待  
作雨聲來十千美酒憑誰飲愁向閒庭歌莫哀

平堤祭院對月

冬月良宵當十五索居無地寄遊遨三天月色開

八厓集

卷之五

七

臺殿萬里雲霄見羽毛冷逼水壺昭夜景光凝玉  
兔長秋毫姮娥誤竊長生藥寥落蟾宮苦自遭

查城驛用韻遣懷二首

衡嶽高標見遠山隔年旌節未南還天開蘭露  
蒼見風靜奴氛嶺樹閉南使不來愁問訊北書頻  
至喜開顏幸琛綵服過閭里日照庭前錦樹斑

其二

艱時無用託榮名王事多勞問客程道上豺狼應

辟易雲邊驄馬各長行東山遠畧珍安石南微紆  
謨憶孔明歲晏有懷追伏臘白雲虛切望鄉情

盤江郭亭次夏桂州

礙日重峯雲半掩橫查古路水偏尋亦知貴筑皆  
蠻服不似盤江多毒淫南去可教三窟靜西來容  
許二毛侵天涯歲月堪遲暮俯仰龍蛇愧此心

鴉關少甜

肩輿忍上鴉關險去路重嗟鳥道難嵐氣霏炎接

八厓集

卷之五

六

村杪泉聲鳴咽下風湍清分醪飲妨山渴飽嚼橫  
柳却內寒笑解霜威醺自詫從教風采著諸蠻

和凌溪七夕之作

天上良宵當七夕人間樂事說相知嬌痴獨憐痴  
殊巧茫昧真看烏鵲期碧水迢迢迷舊路白榆歷  
歷長新枝歡娛未畢天開曙泣最傷興話別離

見梅

去年按節看梅發此日行邊又見之風骨不移還

舊賢苦蓄如綴露新安姑山有夢思瓊樹隴水無  
媒寄玉枝遙想洞庭春色早傍崖臨壑盡歲徒

遊碧雲洞

山腰十里勢崇迴徹底河流裂地開白晝龍吟迷  
霧雨青天岸折走風雷雲牙乳虎撐丹壑月竇星  
隱照碧崖佇覽不堪新興發悶風吹下半空來

春雪

卧聽虛窓折竹聲曉來飛絮正崢嶸烟雲匝地迷

八厓集

卷之五

九

歸路花夢迎春接遠城墻戶已開知復閉來年新  
長壁還生夜來獨擁青綾被苦覺思鄉夢不成

雪晴

衝霄飛雪寒無極曉日新晴春可憐欲飲龍蛇迷  
悔吝得時花柳放殘鮮苑囿載筆方回馭瑞水驅  
車欲罷仙楚客有懷消不得土風一曲播南絃

次張黃門三首

紉蘭獨愛出風塵不分當年桃李新梁園一書今

見于楚庭三則更何人長沙路杳思宣室潮海雲  
橫隔遠秦莫似古人嗟去國屈騷吏苦勞神

其二

孤臣回首思無涯浩蕩烟塵沒遠沙天上泛槎迷  
曉日斗間仗劍泮寒花夢回宸極宵衣迴愁極闕  
山戍鼓迴廊廟祇今堪痛哭鵲頭何止墨封斜

其三

萬里仙郎謫遠州可堪宦海繫人愁虞卿著述緣

八厓集

卷之五

十

多病司馬風流合壯遊銅柱好標南紀作丹書須  
爲北山留丈夫慷慨憑孤劍肯作當年統指羞

次答陳宗禹憲長

殊方懸榻久生埃忽有雲霄上客來白壁勞君數  
我贈青山對爾亦顏開乘驄暫借遊南徼製錦還  
應補內臺萬里萍蓬嗟共轉不妨清話入深盃

其二

坐聽清談沃俗塵茂陵殊覺渴生春西河離索慙

子輩北海風流美丈人玉案飛霜豺虎伏碧鷄春  
入雄鳩馴貴陽况是經行地笑看棠陰滿路新

贈雲南胡王政

少年文雅富風騷綠髮朱顏照錦袍玉樹蒼蒼凌  
漢上鳳毛隱隱入雲高西征已著潘郎賦南去真  
成謝客豪回首鏡山頻送目天涯歲暮合同鑣

閒中用韻三首

十上秦庭歎傲裘歸來蓬髮欲蒙頭曜靈迅速重

八屋集

卷之五

三

流景風物依稀三度秋高樹閑雲歸鳥雀半山落  
日下羊牛無端拘促淹荒商鎮日書空不盡憂

其二

點點黃雲擁雉城中芳草荷生成蘭浮水砌凝  
心翠泉溜冰渠照膽明夢想翠華愁轉劇情牽絲  
股骨偏驚父官獨愧無成績敢向荒隅怨不平

其三

零雨瀟瀟近早秋風霜滿柳志難酬女牛驚駕遙

相待烏鵲浮橋莫漫憂客夢幾時凌楚嶠吏情終  
日繫滄洲年來頗覺疎慵甚心計須從李主謀

喜胡道長將至

九峰持節已臨邊周子將歸飭舊驕秋月况今當  
十五王程何止去三千故人舊已盟心契今爾何  
妨話宿緣薄薄未能宣上力西南何幸得君賢

道中秋熟

殘暑薰人風不涼征途無計避炎荒山猿挾子緣

八屋集

卷之五

三

崖嘯野葛開花帶雨香侯吏郵亭停茗盞僕夫溪  
側飲寒漿西遊我亦凌窮髮笑殺相如滯遠方

入京與同里諸君子夜話

十旦風塵會面難相逢渾作異鄉看停鑣况是經  
年暮促膝何妨坐夜闌天外孤琴張月靜斗間雙  
劍淬波寒匆匆又起河梁思越水燕山合愴觀

張維清維禎昆玉雪夜留飲雙檜亭

偶偕二妙看雙檜舞雪回風忽夜來頓覺金樽生

灝氣不容瑤席蕩浮埃笑渠不植空名位羨爾機  
雲有俊才珍重此宵難再得歲寒心事爲君裁

問笛

古寺長廊月半陰新腸何處遠傳音閨房忽起離  
人思關塞徒傷遠戍心夢裏梅花香細細曲中楊  
柳影沉沉可憐翠牀交河外桑葉紛紛落故林

駕迴紀事六首

千官扈從擁龍輅五月經行樂未休萬里王師歸

八厓集

卷之五

三

建業一時京觀表神州天門宿衛羅熊豹間道逢  
迴望斗牛玉石可憐今已矣幾人談笑覓封侯

其二

咫尺驚輿歸未期潞河新宿漢官儀天顏嘉際雲  
龍會羽衛高懸綠鳳銜江水波澄蛟影沒崑崙霧  
暗馬蹄遲月明回首南征地紫蓋黃旗色尚遺

其三

張旃原隰蒞王師日暮城頭鼓角悲天遣赤燄燭

庶草風回翠羽護昭儀黃金內府儲新貢盡鷁南  
江載重鎬十六年來無一事太平天子合遊嬉

其四

經旬大駕駐通州回首觚稜一望愁赤族幾家收  
孽類丹雘一夜滅奸尤大臣孰思登相上將紛  
紛覲拜侯灰燼可憐沉白骨河山重見覆金甌

其五

鎮國將軍威武殊南歸喜氣溢堪與群臣道上傳

八厓集

卷之五

四

綰帶太后宮中降璽書萬里旌旗飛露布五雲臺  
殿隱停車從今奏凱旋師後端堂垂衣正御居

其六

漢家世德衍靈圖何事吳王欲矯誣纔見金戈鳴  
建業已開赤刃陷丹徒惹龍佳氣元無損首惡奸  
雄已盡屠從此京城無太叔廟廊須合壯謀謨

過魏武疑塚

買履分香事已聞關天一木可藏君生平大盜潛



如鬼死後餘奸見此墳閔位合歸司馬統遺言空  
誦陸機文西風倚馬漳河水愁見荒臺日暮雲

邯鄲呂公祠

東風吹夢入邯鄲笑殺仙翁睡未安青鳥忽傳三  
度信黃梁真見一炊難翻身迴出紅塵外矯首高  
臨白日端回首世途真夢幻紛紛車馬亦何難

襄陽懷古

百尺巖城倚石危江邊宛轡起遐思名山勝槩長

八厓集

卷之五

五

如此前輩風流不見之斷蘇畫封羊祐石荒臺春  
滿習家池專城太守須民牧莫設沉碑起後疑

早朝次韻

鳳城隱隱月猶輝天漢澄澄影漸稀扈從忽傳新  
駐輦翠華遙想舊垂衣彤樓拂曙祥雲見禁樹藏  
春渥露微幾度瞻光綵辨色曳裾空向午門歸

月夜駕出郊祀

臺殿霏微夜正昏鳴鶴初出大明門南郊地迴感

靈鼎北極星高太乙尊雲傍袞衣隨月去馬叩金  
轡向風奔燭柴奠玉年年事朔日寒廳合愴魂

燕京有感

漠漠窮途疲復奔北來重得故人論迢迢歲月看  
時變浩蕩風塵亂客魂七校已蘇麻廟思萬方重  
覩聖明尊可憐玄兔城中月尚照三軍虎豹門

次賈光祿郊祀韻

閭道遙遙翠輦回郊壇隱隱廟璇臺禮陳天地分

八厓集

卷之五

五

靈時春育陽和到草萊隔歲儀文應感格新年犧  
象或重來侍臣亦有顏光祿不數班揚騁駿才

次廖鳴吾韻二首

羨爾金明池上遊禁林春色射衣裘斗間紫氣分  
龍劍天上文虹暎玉鈎五鳳樓高紅入曙一峯江  
淡碧凝秋雲門合上甘泉奏詞賦誇君第一流

其二

漢君才藻擅青年大雅登堂愧未然策就謾誇多

士冠賦成驚見兩都傳球琳色映文峯峙砥柱孤  
鶩學海顛曉起爲君占瑞氣虹光星彩正黃綠

正月八日宴雙檜亭觀燈呈李繼伯張維清

昆玉

新春人日喜纔過勝裏張燈景色多月度熬山星  
彩亂風迴貝闕樂聲和醉中羅綺傷心麗望裡烟  
雲入眼差試想至尊還大內此宵樂事定如何

出京呈諸鄉里

八厓集

卷之五

五

京洛風塵解故羈都門重餞幾相知眼看楊柳腸  
空斷心繫場苗願已遲華髮可憐初變鬢素衣無  
奈却成緇長途歲歲虛奔走未信終南有路歧

過裕州有懷王稚欽

裕州才行真殊絕郡縣勞形豈爾居鄒子竟淹梁  
國獄江生空上建平書雲羅四布應憐汝世路多  
端却愴予當道何人能拭目陽春好布雪霜餘

南陽忽聞方塘先生訃報不勝痛感途中口

誤挽詩用寫哀悰出語弗計也

我師何處訃音來長路驚聞骨已摧隔歲危病牋  
玉體幾時清夢入瓊瑰失聲有道思廬塚屑淚無  
從到夜臺十載門牆恩義重春風桃李不勝哀

其二

天厚先生經濟才何緣五十遽領頽空懷故老香  
蘭泣不盡行人玉樹哀南海怒濤吞下澤洞庭衝  
浪駭荆臺可憐千百身難贖望衡衡湘瘴霧霾

八厓集

卷之五

五

夜坐呈傅梅山表弟

夢中幾度笑相違此日登堂萬事非千里風塵初  
改素十年冠服未成緋滄江水濶魚龍冷魏闕天  
高鴻雁稀百歲有緣重結社未應空老故山薇

別家臨大江有感

昔年換舵向南洲此日重看下浙舟去國易禁心  
九折思親無奈淚雙流雲邊金馬皆新絡海上青  
門有故侯極目大江空浩浩白蘋閒殺白鷗遊

大行皇帝輓詩五首

東玉乘乾十六年太平景象故依然翠華尚憶闕  
河外玉帳纔臨寢廟前鼎水雲深龍已逝瑤臺月  
映馬猶旋小臣試抱烏號泣淚盡燕山越水邊

其二

十年行樂建瓴臺北代南畿得暫回雲滿瑤池龍  
有路星沉少海月無媒青宮已擬藩王立黃閣新  
持詔旨來從此鑒興消息斷渭橋風雨不勝哀

八厓集

卷之五

三

其三

聖主臨朝作辟年恭陵恩德正巍然渡江曾記看  
沉璧入海空勞覓故仙顧命幾時憑玉几攀髯無  
地仰鈞天金羈翠眊知何處日與遊童上下旋

其四

八駿飄飄凌魏闕祈招正誦穆王詩白雲此日環  
新蓋瑤水當年滿舊池天外安期歸有日海中徐  
福去無時六宮風雨增悲慘亦有琵琶擁故姬

其五

翠輦遙同遠道回萬方重覩聖顏開可憐拂袖乘  
龍去不見輿金輦璧來江總幾時幽寢室韓嫣終  
日泣陽臺從知代邸升潛後天日重舒到草萊

除夕

天涯歲暮愴無端入夜開樽聚所懽稚子避人燒  
爆竹瘦妻倚席辨椒盤空憐薄命淪驕餌太息流  
年急逝端何處隴梅青可折高堂遙爲報平安

八厓集

卷之五

三

元日

聖王初復起春工此日風光滿禁中雪霽鳳池迎  
瑞旭天開閭闔起飛龍周文燕翼重光協漢武需  
初奕世同謏薄獨慚無所報載歌聖德翊堯封

正月三日陪唐憲長諸公出遊

春明載酒喜同鑣四美相并樂事饒湖上榮光遶  
藻翰山中空翠滴瓊瑤腊客欲盡梅全破陽氣潛  
孚柳半騎憲使乘春宣德意未應汗漫到山椒

天竺

天竺先生邀我來青池白石定塵埃松回九里天  
風爽雲斂雙峯霽景開法象晝懸飛錫地鉢龍夜  
繞雨花臺貪看寶花天欲暮何處高僧戴酒回

謁于太保墓

太保祠前古木深西湖湖水澹秋陰明時俎豆綿  
長祀昭代衣冠痛自今社稷綴旒真有死虞淵取  
日豈無心平生仰止名臣傳淚灑靈園不忍吟

八厓集

卷之五

三

靈隱寺

東來天竺通靈隱寺外諸峯亦太奇乳柱雲牙撐  
古洞竒花錦石照青池鳴鶴忽下巢松鶴入院驚  
看獻果麋設道金沙能脫屣眼中八解有誰知

春雪

楊柳依然雨雪來滿城花卉悵難開蘇郎坐困羶  
裘餓穆滿行歌黃竹哀詞客乘春翻郢曲邊人入  
夜奏羌梅苑園好集鄒枚勝不惜狂吟醉百杯

雪霽同張都閫希孟泛湖二首

霽日遊湖湖水清千峯萬峯皆雪明鷗鳥戲暖波  
文亂花柳衝寒淑氣輕魚向鏡中吹浪出人疑盡  
裏棹歌行仙舟未必能勝此欲賦瑤華愧未成

其二

雪霽西湖青可憐平明載酒上湖船龍宮日射天  
花散鸞嶺露開鵲鵲懸色借千峯留晚照聲流萬  
壑滋寒泉分明閬苑移東海玉柱冰坼紫翠連

八厓集

卷之五

三

元夕二首

良夜觀燈星宿閣華筵高敞漫風流烟迷火樹騰  
空起月湧金波滿地浮萬井喧闐聞笑語群公劇  
飲雜歌謳歸來列象通明晝不數乘槎下斗牛

其二

高閣岩堯倚海隅坐看燈火滿通衢星纏漸覺低  
銀漢日月分明墮玉壺瑞氣暖含朱鳳珠祥光夜  
吐彩龍珠遙思宋帝齋山戲翠管金娥知有無

和顧東橋登南屏絕頂之作

南屏高峙海東隅石磴盤空峭壁歌縱日忽看雲  
起處決肯頻見鳥來時色開蓬島三山見影入扶  
桑獨幹垂吳越從來誇壯觀憑君指點畫圖奇

會稽漫興

禹穴塗山接渺漫聖王曾此會衣冠淒涼舊代多  
遺事浩蕩清朝一俯觀珥市河流斜抱郭帶城樹  
色曲通灣風流俊逸知何在帳望遙天紫翠寒

八厓集

卷之五

五

奉呈顧東橋約遊天台

人物江東數傾榮解舟今喜續重盟每開東閣聆  
吳語不厭南冠作楚聲白擬含毫陪侍從設勞倒  
屣致逢迎東風携我天台去直向雲霄頂上行

懷四明

仙人昔隱四明峯萬丈丹梯一逕通王烈此中尋  
石髓洪崖何處控雲鴻塵心不盡區中意天路徒  
誇象外踪何日長颺吹我去解衣磅礴亦從容

海上

海霧逢逢旭日微海上盤礴路依依金莖夜食魚  
龍氣丹壑風行虎豹威舟子遠從蓬島過漁人間  
采石華歸平生膽有張騫興欲放孤槎傍斗飛

白嶠

白嶠青山紫翠圍曉烟斜日轉霏微雲隨去鳥無  
心度花習遊絲作意飛設道崔嵬官不遇獨憐向  
子志多違滿湘咫尺蒼梧路知是何年謁帝歸

八厓集

卷之五

五

塔嶺

塔嶺春深草木紛馬蹄隨意破氤氳長旌閃日遙  
通谷翠蓋乘風欲切雲牧豎習臨窺虎穴真仙託  
隱避人群故鄉衡嶽頻招我未肯重移石上文

桑洲驛山茶二株盛開

桑洲驛裡山茶發待我來時色更妍暎日含風香  
細細遊蜂浪蝶意拳拳獨憐珍幹成連理未許嬌  
枝笑獨眠昨夜虛堂先有夢分明洛水見神仙

遊雁蕩呈同遊顧東橋五首 八

雁蕩高標日月傍從君起忽入穹蒼諸峯巧削仙人掌衆壑清分玉女湯鸞鶴往來叅秘異禪宮與廢記靈光雲中咫尺三山路更許重來斲石腸

其二 石梁

探奇遙入雁山陽忽忽遶迴迴石梁碧洞秋陰流乳竇丹崖晴口墮雲光仙人下食黃精餌海客來飛薜荔裳到此不勝新興發欲令羽翮起高翔

八厓集 卷之五

其三

靈風洞

三

古洞寒雲濕不流暉暉斜日照丹邱山棲瑤草留朱夏穴轉靈風逼素秋羽客靜依泉石伴壺人清與鶴猿倚薄遊此日乘高興何處深藏夜壑舟

其四

壺漿

梵宇陰陰灌木秋肩輿扶我款來遊峯前玉女停倦馭雲裡雙鸞戲綠虬水噴石淙龍鼻濕烟迷霞嶂雁行悠茲行乞得盧敖杖便欲乘風到十洲

其五 龍泉

銀河仙馭欲雲扉地擁靈泉絕壑飛白日凌風披組練青天行雨濕龍衣冥心自許幽人契靈謙從來識者稀坐聽樵歌深相應想松聊欲息塵機

和王大 見寄

使星光照夏王臺萬里通天玉節近越國封侯今一見漢庭禮數或重來看山不問君多學觀樂翁風子最才與愛詩篇珠璣燦爛會稽山水亦顏開

八厓集

卷之五

三

陪祀紹興五首

禹廟

臺殿沉沉灌木深塗山千古亦嶙峋鬼神夜守金甌穴風雨時來玉帛臣格母精靈欲化石防風遺骨父飛塵聖朝具禮崇祀歲歲分官薦綠蘋

其二

寶宮

宋家陵墓滿空山北望嵩邱路險難數代龍蛇逢末運百年鳬雁出塵寰空聞玉柳金城返不見旌旗瀚海還無限昂湖湘水悠白雲班竹淚潺湲

其五 閑題

浮烟常憶古人遊  
此日真探禹穴幽  
浙水紫迴通越服  
稽山高拱奠神州  
金泥剝落空岷石  
玉簡光芒射斗牛  
安得思如封禪手  
復從清世振琳瑯

其四 陽明洞

山環禹穴鬱崔嵬  
石隱陽明洞不開  
安得五丁神斧力  
直搜千古巨靈胎  
冥藏帝籙星文秘  
烏篆秦碑玉筋摧  
自愧平生少仙骨  
未能駭鶴下蓬萊

八厓集

卷之五

三

其五

登卧龍山星宿閣

卧龍高閣倚雲平  
野樹春沙粉堞橫  
天柱月來滄海靜  
蓬萊霞起鏡湖明  
回回青矧秧初種  
活活平溪雨正晴  
拍手欄干喧酒力  
微茫星宿下高城

紹興公署午日有感

五月五日山陰道  
葵葉榴花開滿前  
亦知越俗俱懸艾  
不似楚江空闌船  
爛熳蒲觴愧佳節  
蕭搔蓬髮嗟流年  
親闈帝里渺何許  
側身悵望心茫然

秋日對酒有懷

懷抱秋來強不開  
思鄉頻上越王臺  
風塵衮衮千山隔  
江漢悠悠一雁來  
歡劇幾時娛綵服  
愁深此日怨金罍  
太行南下衙陽道  
雲白山青鳥自回

炎夜雷雨

白日行天火欲流  
江南毒熱使人愁  
五更雷雨衙風至  
萬里蛟龍出海遊  
野外田疇應得歲  
水邊樓閣已生秋  
明朝洗眼看新漲  
擬辦清樽對白鷗

八厓集

卷之五

三

漁

萬頃烟波水國春  
雨餘菱苧尚隨身  
青簑月上看魚食  
白日風輕理釣綸  
蝦米有心忘敵國  
羊裘何事避真人  
相逢漫道江湖樂  
大海鯨鯢正有神

樵

漫漫深谷薜蘿隈  
眇眇樵夫一逕來  
尊食無心妨虎豹  
息肩隨意坐莓苔  
山猿擲果曾相識  
仙子彈碁已不猜  
聞道忽逢顏閭使  
白雲流水洞門開

耕

背郭人家江遠村青青水竹滿平原黃昏帶子牛  
羊入白晝當簷鳥雀喧婦去鹽耕隨老稚翁來泥  
飲閑兒孫清平贏得豐年樂有吏何愁夜打門

牧

水碧沙明草正生牧兒騎犢弄歌聲林深霧雨縱  
橫度月黑豺狼辟易行心事祇憑羌笛語浮名爭  
及草叢榮當年若遇夷吾相解識平生扣角情

八厓集

卷之五

五

簡顧東橋提調秋試

秋日瑯開戰戟紛筆鋒飛動鶴鵝軍百年景象初  
開運四海文章亦有君天上虹光流武庫斗間劍  
氣貴清氛江東健翮知多少會待吹簫送入雲

江都閭闔亭

江侯亭館鬱嵯峨暇日躋攀幾度過晴樹鳥傳瑤  
琴調畫牕人倚白雲歌奇花錦石流煙霧麗藻文  
魚照水波更喜家藏三萬軸大郎心已薄金戈

送監臨入試

長風細雨颺絲飛御史乘驄到棘闈高鳥度雲翻  
羽翮潛蛟得水長神威文章自古惟衡鑑桃李當  
年有是非回首雲霄傷往事江湖魏闕思依依

賀聖誕

萬壽初逢嘉靖歲千官拜舞此時同龍顏想像瞻  
南極綠仗分明出上宮漢室真符占瑞石帝廷光  
采耀文虹懸知倦侶雲霄上鳴玉飄飄侍禁中

八厓集

卷之五

早

望天姥峯

群峭摩空出上方下通天姥接微茫迴風撼日溪  
光迴積溜生雲海氣涼上帝空中朝絳節仙人霧  
裏舞霓裳桃源咫尺瀛州路何處吹簫引鳳凰

宿接台寺

歲暮天涯嘆遠征明星猶傍翠微行平生叱馭者  
何意此日攀山我更情旌旆飛揚孤寺泊袈裟掩  
映一僧迎明朝我欲尋仙境金闕銀臺路杳冥



萬年寺

群山接峭上天台百轉層臺古寺來  
蘭若倚空蒼玉起香爐凝日紫煙開  
登臨已極雲霄眼去住難消澗壑哀  
莫道褰帳非賸客壯遊今已出塵埃

其二

吳越精靈妙此山萬年禪宇獨臨闕  
松杉色古風雷護鸞鶴音高歲月閑  
塔初尚存梁日構金書猶記宋時頒  
道林他日重經處物色還留豁壯顏

八厓集

卷之五

聖

遊石梁華頂奇觀東橋二首

曇花亭下石梁深百道飛泉瀉碧岑  
日照龍文凝五色風吹細練舞千尋  
光搖佛頂珠全濕影射祇林氣轉陰  
此日笑君簪組累獨傾流沫洗塵心

其二

平生性僻耽山水得到名山興自便  
華頂雲深芒屨濕天封日轉鶴袍鮮  
千年古籟鳴仙樂六月飛霜灑佛筵  
不有長康來共賞千巖萬壑愧黃緣

別同年葉侍御

往年簪筆蓬萊殿慚愧蒹葭倚玉枝  
已見雲霓成興路忽看鷄黍赴深期  
高山流水鍾期意渭北江東子美辭  
更聽君廬今二載墓前新見長靈芝

台州公署夜坐

渺邈長途嘆異征寂寥深夜旅情生  
星河影動連滄海潮水聲高撼赤城  
射虎終年傷格鬪朝廷此日際昇平  
明時按察知虛竊何處青天攬轡行

八厓集

卷之五

聖

登台州南薰樓

郭國樓成對海門威神猷與赤城尊  
龍臺盡擁青山圻濤浪晴翻白日吞  
浩蕩四溟頻送目風流千古亦憑軒  
孤遊縹緲江塵外徑仄峯尖欲斷魂

至日有感二首

去年至日金華郡今歲棲遑寓赤城  
正想江關成遠別不堪奔走過平生  
五更鶴立從群吏萬歲蒿呼祝聖明  
雲物不遮天氣好宮中一線若爲情

其二

曾隨先帝引朝儀紫閣瓊樓路迤邐辨色旌旗森  
玉殿明星鵝鷺下丹墀茲辰引領瞻辰極到處  
心仰聖慈直北浮雲空曉靄孤城斜日不勝悲

寄疊巷王方伯

岳顛才臨越海尊西江又赴紫微垣秋風彩鷁過  
吳水朔雪旌旗度禹門獨抱葵弧能遠志更期  
水得重論徵卿拜相當年事莫望平生道義言

八厓集

卷之五

望

過桐廬嶺

山尖壁削之桐巖大峯小峯擁翠藍上有烏窺  
石鏡下多魚行青水潭誤疑雲霄已直上頓覺  
翼思圖南路難客子仰天息欲扣重關何用驂

寧海道中微雪

玄冬奔走向天涯嶺嶠縱橫歲月賒迢迢照出山  
雪片狂風剗地捲寒沙氣蒸海上黃雲黑棠結林  
間碧樹華此日艱難悲道路百年俯仰愧龍蛇

寧海道中

海上雲遮嶺嶠橫我來既雨得新晴重巖身出笑  
蓉麗籠竹煙消鳳羽明沙洲蜃文開錦色溪勢會  
語帶幽聲天涯故國催時暮白雁玄猿感慨生

海上

旌旆翩翩拂海濱海風浩浩起青嶺山峯積雪明  
千里水府靈鼉戴八垠縹緲扶桑搖日域氣血  
壯隔天津漁翁估客頻來往濁浪黃塵愁殺人

八厓集

卷之五

望

西店驛

寒山慄烈海風涼驛舍蕭條道路長白雲有詩堪  
遣興青春無伴共還鄉飯炊雲碓霜稅軟肴煮  
潭玉細香好似杜陵耽野趣郢筒丙穴擅詩場

慈谿江中阻風三首

今朝臘月十五日慈谿江中風怒狂一聲激浪令  
人惡百丈牽船徒爾忙楚客情懷當歲暮越山風  
景似家鄉天涯兒女催歸急梅蕊椒花合斷腸

其二

同窗黯黯連溪黑，濁浪滔滔帶霧黃。何處路迷神女夢，此時心折楚人腸。滄江一草風烟濶，禹穴頻探歲月長。萬里遙天鴻雁沒，尺書那得遠相將。

其三

即看清浪擁江流，豈有蛟龍出海遊。故故打頭風不歇，蕭蕭聽雨夜何休。流雲集霰鵝兒濕，急響微鴻燕燕愁。歲暮政憐爲客久，窮途何事滯歸舟。

八里集

卷之五

吳

過鑑湖

明湖一鏡秋雲光，荷花五月生微涼。怪爾謾停朱雀舫，與誰同剪碧霞裳。四明狂客今千載，一曲清流自故鄉。無限往來垂釣者，扁舟應許聽滄浪。

讀李川甫明州歌靈寶諸作聊此寄意

洛陽才子李明州，爲政風流百不憂。靈寶興來飛鳥鳥，鑑湖吟動上蓮舟。巨琴自在隨流水，樽酒何孤對白鷗。稍待春風花日麗，與君同賦碧山遊。

除夕五首

長夜脩脩劇幕陰，虛堂守歲坐更深。椒盤柏酒芳年意，去燕來鴻故國心。點檢行藏惟白首，逍遙歲月一瑤琴。醉餘緩步巡簷立，星漢遙應接上林。

其二

歌管喧喧入夜分，隔鄰爆竹坐來聞。吳歛越艷淡時態，翠篠紅梅闌歲芬。月白雲鴻連去陣，風清野鶴獨爲群。孤臣寂寞愁羈旅，萬里遙回憶聖君。

八里集

卷之五

吳

其三

芳夜堂開烟叢生，天涯兒女總歡情。棲遑獨對杯盤慘，老大徒悲歲月驚。入檻酒傾當夜盡，臨堦花發隔年榮。故鄉回首親闈杳，却向東風淚滿纓。

其四

除夜淒涼祇自憂，鄉闈迢遞暮雲愁。樽中酒滿花猶並，案上書翻螢欲流。髮短心長悲更苦，流波逝景去難留。壯圖萬里驚時序，慷慨高歌意未休。

其五

嘉靖聖主初御極履端明日又逢年三江水靜飛  
鴻雁四海天空息暮烟冉冉素絲孤鏡畔蕭蕭清  
思一燈前吳花澤草偷春意轉換新愁到客邊

元旦試筆

元旦輕將彩筆拈青春素髮減猶添隔年臘意仍  
浮酒大地風光半入簾得意柳梅迎早旭向人鳥  
鵲開虛簷平明禮數聊隨俗怪爾官曹例頗嚴

八厓集

卷之五

其二

老大年華事可悲楚山越嶠更天涯江湖漸放魚  
龍蟄霜雪初回木石安梅弄曉風舒凍蕊柳迎暄  
日劇寒枝遭逢况值昇平歲且領椒盤送酒卮  
送于雲心憲副總山東

瑯琊古郡一豪英執憲明廷舊有聲常怪隔年淹  
寵命忽看新歲重榮行雲霄岱嶽尊東魯孔孟文  
章逼上京若去會應凌日觀秦封漢禪正崢嶸

過孟河

孟河南望疑滄溟濁浪洪濤似洞庭舸舫得風今  
欲放江山何地不宜經蛟鼉圻岸潮流湧鵲鶴橫  
空霧雨冥回首十年奔走地浮名未已鬢星星

月夜舟泊焦山

青春素舸下吳舟海濶天空暮景愁千里雲帆風  
已順滿江月色夜同流漁燈細細波間出野樹濛  
濛天際浮何處焦山聊繫纜半空鐘鼓起寒鷗

八厓集

卷之五

哭

宿金山寺

遠樹微茫曉日開名山浩蕩泛舟回樓臺隱隱中  
流見江漢滔滔南國來月傍龍宮雲氣濕風傳州  
笛笛聲夜乘槎欲訪金銀闕星斗過應接上台

其二

江心獨寺巒岩堯盡日孤雲鎖寂寥常怪十年成  
寤想那知今日得逍遙濤聲入樹烟光失月色隨  
潮海氣銷坐久欲尋奇絕處龍門回首費招搖

過揚州

仙舟遙下廣陵行日暮魂傷旅客情越嶠烟雲迷  
海色秦淮風雨渡江聲錦帆盡艦流波逝御柳瑋  
花蔓草榮此日維揚開上郡未須明遠賦燕城

飲朱凌溪園亭

五畝新開綠野園四山遙護白雲軒芳春盡見諸  
花發長日能逃市井諠歲月著書今滿帙尋常觀  
化欲忘言問奇日有高賢過不厭清樽入夜論

八厓集

卷之五

哭

過沛縣

遠道孤城獨繫舟荒阡古戍夕陽愁岸花漸見春  
水發水鳥群看晚出遊戲馬臺空青草後歌風人  
去紫雲浮還思武帝南巡日此地分明見九旒

飲顧東橋舟中

紫薇高興動江寒錦席淹留落日殘乘月並船時  
共往分闌促膝晚投歡肉巾雅稱王恭整靈調清  
分屈子蘭李郭仙遊真忝竊明河欲賦夜漫漫

舟次天津喜雨有作二首

春月風霾苦太晴客卿真切望雲情長雷驅雨聲  
何急秀麥緣波眼忽明鶯繞綠楊沾濕好鷗飛新  
照掠波輕興來沽酒隨漁父欲抱長竿向海行

其二

幾聽風塵動地哀忽看雷雨洗天來帝鄉綠柳猶  
春色旅次青樽合曉開白鷗弄波臨水劇長虹截  
海抱雲迴燕山紫氣浮宮闕何處榮光澈上台

八厓集

卷之五

辛

送張月塢還滇

滇南萬里去天遙燕市行歌子興饒日下星文明  
佩劍花邊雲綵動歸軺昂藏學閤昆明月浩蕩詞  
源洱海潮君去合修廊廟業山中未許伴漁樵

入慶傳畢退朝口號二首

依依弱柳俯宮牆冉冉輕雲繞殿香日下鳳凰  
五色風前羽衛翼千行皇朝禮數遵堯典藩省衣  
冠擁漢章錫宴忽傳天語下戴恩何啻海山長

其二

冠冕忽看通萬國拜瞻今喜從千官氤氲日晏爐  
烟細縹緲天居齋座安已許詞官親奉引設勞溫  
語賜傳餐小三六有場誰賦蹤足金門再獻難

東橋顧先生將區歸參與子有離別之嗟詩

以道意

慷慨燕京共壯遊淒涼易水倍離憂十年岐路理  
長馭此日風塵攬敝裘天恩雲移鐘阜動秦淮月

八厓集

卷之五

五

湧石城流自綠綵服遠新命豈傍青門學故侯

和郎中鄭成詔同遊玉泉寺二首

國其二

西湖細雨玉泉來擁蓋鳴榔猿鶴猜花並斑斑雲  
煙麗文魚潑潑水衣開故人旌節雲霄至此日樽  
罍野寺陪最是同遊奇絕處欲投詞賦愧無才

中秋錢塘江對月

江上長風萬里來天邊浩月一輪開百年時序同  
流水此夜江山共舉杯再穴光涵龍隱見芥門懸

激浪奔催尋知旅食漸無補况復悲秋意轉衰

十七夜桐廬舟中

十五對月錢塘江此夜桐廬聽晚涼東下浪聲如  
有激南來山勢若爲降一天星濤搖波影五兩風  
輕快客艤回首嚴陵高北斗欲將書劍謝名邦

嚴陵

日暮桐江幾度來客星臺畔得徘徊蕭蕭棟宇嚴  
陵像裊裊絲綸漢世才鷹隼高秋嗟遠逝龍輿添

八厓集

卷之五

五

夜憶重廻空山寂寞烟霞麗張望遙天紫翠開

舟行夜坐

水靜沙虛江色清天開雲斂月華明櫓聲細細驚  
鷗睡漁火輝輝逐浪生排難欲爲經國計平居那  
有出群名起於此日風烟息却戴千年荷聖情

富春秋泛三首

水亂沙崩石擁川小舟吟坐向江天孤帆杳杳依  
山出百丈遙遙下瀨牽碧草經秋愁暮雨蒼崖碧

日領寒烟客星炯炯明如許夜對儻然興欲審

其二

綠鵲翩翩度富春閑雲裊裊傍絲綸高帆月照影  
隨水細路槎橫險駭人傲世欲隨丹穴隱忘機心  
與白鷗親獨憐叱馭過清晝敢謂垂堂戒此身

其三

孤燈閒寂坐扁舟長路飄蓬客子愁萬里天空帆  
影遠一江風細櫓聲柔上林白雁應隨日故園黃

八厓集

卷之五

五

花已報秋回首洞庭迷野樹不堪揮涕向江流

秋來

秋來灝氣豁金天水雲波色相澄鮮長颺吹日渡  
海島細雨灑霧流沙塹季鷹尊鱸感故國范蠡取  
棗盈歸船嚴陵灘高客星迴訪古欲和清風篇

聞轉官有作

三載乘驄古越城轉官今赴八閩行轍勞霜節  
天憲又見薇花引客旌四海萍蓬元具跡百年流

坎亦深清明時廩祿直虛竊薄劣深慚漢郅生

九日同方伯馬柳泉憲伯尹喻三君子登北

高峯二首

丹梯遙上北高峯萬里天開紫翠重樹隱滄溟迷  
浩蕩山臨城郭逼春容紫萸黃菊樽前雨落帽吹  
衣海上風莫謾登臨倍惆悵碧空回首送歸鴻

其二

翠微高閣敞巖扉此日登臨興不遠落木飛雲頻

八厓集

卷之五

五

送目水香花氣遞沾衣醉攀黃菊簪烏帽笑爾金  
杯對紫薇塵土十年諸世路故園三徑事全非

奉和兄紫林司寇致仕留別諸老韻二首

獨抱蒼生四海悲丹心曾許孝皇時重來司馬身  
初健歸去淵明世不疑綠野堂中新釀酒黃花徑  
畔舊題詩桑田此去同高卧清夢無勞接舜夔

其二

笑解朝衣結綠蓑得歸無奈別離何鼎彝勲業三

朝重琬琰文章四海多是處杖藜堪獨樂朋來  
餌足天和謾勞麋鹿驚長往已與烟霞覓舊窩

閩中漫興五首

古閩形勝俯丹青萬井連閭帶市橋天外三峯通  
作鎮城中一水曲通潮蠻夷貢篚歸滄海昭代衣  
冠拱聖朝聞道有人曾到據當年伯氣已全銷

其二

此日句宣過勝地百年山水若爲親風來瀟海黃

八厓集

卷之五

五

塵靜日出壺闌紫氣新禮樂人文鄒魯俗瑤花金

草武夷春盛世冠劍豪遊處莫謾周南感慨頻

其三

閩州風物異諸州凝目躋攀興轉幽爛熳荔枝新  
及夏蕭條老樹老宜秋星分疊嶂盤龍虎劍隱明  
池射斗牛莫道此行成汗漫百年何幸及茲遊

其四

廢殿離宮草莽紛霸國曾此展奇勲山橫石鼓圖

青嶂峰擁蓮花抱白雲閩海幾年勞鎖鑰乾坤千  
載佑明君靈源古洞知無數何日重摩玉檢文

其五

奇探禹穴過錢塘又逕行旌入荔鄉山與會稽爭  
地勝水同滄海識源長扶桑日出烟霞屨絕孽雲  
開草木香安得思如司馬妙壯遊重續紀行章

送江進士纂修還京

仙山雨過靜塵沙天闕雲移曉露餘千望輶軒隨

八厓集

卷之五

五

漢使九霄文采動仙槎長卿諭蜀辭偏壯遷史浮  
湘志豈誇此去金門應有奏甘泉玉樹正春華

偶題五首

日午風生問閭秋坐深涼院若爲愁蒼龍晚脫泥  
沙辱黃鵠原非燕雀謀阮籍傲時服青白老聃營  
世志沉浮人生不朽非金石何用區區嘆白頭

其二

壯遊曾記昔年同武閣文樓在眼中簪筆雲端丹



鳳下退朝花底皂囊封筵開東閣英賢聚徑入西園市井通莫道華貂元不足至今金紫被凡庸

其三

武帝當年南北遊連綬接聯豈公侯黃衫罩甲紫龍袞紫塞離宮敞鳳樓少女金陵啼玉飭驛駟沙苑踏青秋緬思舊日回天疏無限忠心逝水流

其四

夏日堂開細雨樽荔枝蓉葉翠當門綺鏡日結果

八厓集

卷之五

五

恩靜玉虎晴牽井水渾撫鏡安仁方變髮登樓王榮獨銷魂蓬萊方丈無由到此日忘言道亦存

其五

竹樹蕭蕭夏亦秋坐來深覺夜堂幽星光散彩露螢度薤葉生香翠簟浮刺繡倚門元異適探珠採玉本同謀桃源咫尺無多路欲擬秦花不自由

愁

無限春愁泥到今萍蓬飄轉目猶深青春歎鵬才

何病白髮悲菰老來侵願學啓期甘已貴懶從季主問天心高齋日暮攤書坐蘿月松雲伴醉吟

諭祭諍臣大理寺評事林公黼贈太常丞

兩間正氣藉吾人羨爾名登汗簡新故里青山空下世當年黃蓋竟南巡清朝却往褒忠禮嶽省今叨諭祭臣田野拭磨多氣象書生應不負終身

詠四時橘

三月橘花開滿林累累春實綻黃金摘來綺席香

八厓集

卷之五

五

仍逸饌罷芳醪味轉深珍樹豈慙曹植賦娥皇先得屈原心四時此品南州盛北土何人屬賞音

約陳天游何石湖二方伯遊大觀樓

一春簡懶少郊遊俗慮縈心苦未休此日欲携樽市酒與君同上大觀樓溪山送目接臺迥節物驚心江海流明枉旌旗出城府龍門端遣並仙騎

見燕

去年見燕浙之濱今歲群看飛八閩江海愧予重

作客風塵憐爾遠，超人穿花巧與山。蜂並結壘頻於夏屋親，楚嶠越溪千萬里。春愁秋思倍沾巾。

東汪希周太守、

抱病懷懣春月深，江山無意共登臨。閉門欲作素安卧，束帶應嫌叔夜心。美爾寒帷時露冕，憐予懷土益沾襟。郡齋咫尺隣薇省，接席無由理素琴。

書舍新成

郭外新構讀書亭，面面軒窓洞八溟。萬卷今開吾

八屋集

卷之五

五

豈敢三餘須惜我，曾聆短牆樹色留鳴鳥。細雨榕陰濕度螢，愛殺焚魚柏學士。碧山何日並橫經。

登大觀樓

春明雨徑淨無泥，約伴看山過日西。江海每隨鴻雁度，風塵長傍鷓鴣啼。笑開天畔登樓眼，醉愛雲邊拂石題。此去桃源真不遠，歸途應恐具茨迷。

遊鼓山呈諸泉諸寮長

天擁名山奠越州，英豪乘暇作清遊。芝田朱嶺雲

間出，金屑瑤華地上浮。落落高松龍偃蹇，冷冷修澗瀑懸流。我來欲覓仙人杖，笑拍洪崖過十洲。

次鄒少谷遊鼓山韻

雨霽山明鳥出飛，水香嵐翠並沾衣。雲邊勝槩元天設，海上風光入眼稀。千里應高身渺渺，萬方多難思依依。龍門禹穴頻探歷，太息當年願已非。

舟中漫興

日午放船風色便，鶚冠野服意翩翩。江山到處詩

八屋集

卷之五

辛

人興，歲月空懷作者賢。古木閑雲高自睨，清沙碧石迴相憐。停橈且挽鷗鳬住，試誦南華秋水篇。

夜行

良夜休嗟行路難，得歸千里意猶懽。天連滄海星長濕，雲近青山鳥雀寒。弧矢未忘經國計，江湖應有釣魚竿。乾坤我亦負奇好，撫劍高歌興未闌。

陳南寧

未盡玄堂雷雨幽，坐深轉覺石林秋。麟符美爾更

新化蓬鬆憐子感舊遊劍水南來龍氣躍衡陽東  
下雁聲愁知君露冕揚旌意興在瀟湘杜若洲

行次王臺

溪上人家住翠微溪邊漁艇傍柴扉清沙錦石寒  
相照細雨桐花落未稀永夜灘聲江自闊半汀風  
色鷺群飛年來賸有逃名意欲向滄浪把釣歸

延平宴集蕭少卿宅

主人瑤席開華堂永晝簾垂風日涼酒泛金樽春  
八屋集 卷之五 空

色惱吹回朱瑟漏聲長爲邀二仲開三徑却望中  
朝阻一方自是巢雲有真意庭前花萼爛生光

看雲

石上風吹雲到嶺看雲翻長愛山情有時虎豹英  
英見無數樓臺出成弄影護勞瘁白日爲霖須  
要遍蒼生可憐神女高唐夢娉娉仙衣濕自行

雨行

山頂濕雲吹不休聞風伏雨苦蕭蕭江翻白鳥影

乍見村轉鳥棲青可招隔岸鷓鴣聲轉急衝波  
馬路還遙分羽峻反堪回駁况復風塵天地駭

過新城縣兼憶舊尹蕭執夫

新城小邑隱山廬城上一峯高掃天水淨清江石  
可數岸回白板屋相連吾鄉蕭子曾爲宰舊日  
歌今尚傳萬里長途遙憶汝風塵回首各茫然

過康郎山謁旌忠祠

康郎古廟鬱岩堯草昧忠臣表聖朝節配江河流  
八屋集 卷之五 空

萬古鼎開日月麗重霄愁雲盡並江雲湧殺氣時  
乘海氣飄近喜上游俱設險不聞金甲戍魚樵

康郎山阻風

鄱陽湖上風可憐康郎祠下繫歸船白鳬弄雨波  
濤急黑浪橫空魚鼈還湖海已忘青瑣夢風塵須  
結碧山綠鵲鵲鵲歡情性相對忘機愛雨賢

午日西江觀戲龍舟有感

清江白日龍舟闌楚客遙聽歲歲時細雨新蒲綠

對酒清霜縹髮自成絲三湘水遠魚龍濶六幕天  
高鴻雁遲四十行藏成底事鹿門顏水有幽期

度鄱湖

放船遠度鄱湖陰鄱水悠悠波浪吟魚龍偃卧風  
雨暗鷗鷺翻飛蒲稗深舟師把舵巧猶捷客子推  
篷愁莫禁明發揚帆出益浦赤壁黃鶴遲登臨

榮澤用韻弔將軍紀信

楚漢爭雄百戰休空遺廣武此山丘曾聞英主神

八厓集

卷之五

奎

驅鹿更見將軍氣食牛一代勲名昭宇宙百年俎  
豆自春秋濁河古岸斜陽暮愁聽征笳起戍樓

過鄭六夫子產墓

陘山高起鬱嵯峨公子荒墳翳薜蘿惠政一方遺  
墨文典刑千古淑人多辭章有象昭東里乘輿無  
人渡清河下馬幾回瞻拜處令人回首一高歌

度昆陽城

明星遙度昆陽城一雨初收潦正橫閣閣蛙聲

水劇輝輝螢火傍人明壯心已覺中年減險路何  
堪入夜行更苦安仁秋興早西征先已二毛生

寄河南郡守蔣子雲時蔣被讒棄以奉樹

少年守郡握麟符竹馬喧聲滿道途何事入宮譴  
玉貌有人按劍視明珠蘇門石髓青苔滑少室金  
花碧樹數熊軾幾回登攬去笑他天地一蘧廬

黃河

騎馬釣州過鄭州黃河波浪灌眼中浮宋臺梁苑遺

八厓集

卷之五

奎

墟在洛水嵩山王氣收地底魚龍潛積石天邊日  
月接崑丘平生擊楫中流志極目烟塵萬里愁

經廣武城

廣武城邊草樹青濁河波浪盡冥冥天呼垓下真  
龍起事異鴻溝白馬刑日晚沙場留返照秋風燐  
火亂殘星英雄自古功無敵阮籍狂言未可聽

淇縣道中夜行偶成

下荒原月色微太行路見亂雲飛風塵笑拂黃

金劍歲月空懷白坂扉消渴杜陵家未定思歸張  
翰願多違何時得解朝衣去獨抱綸竿坐釣磯

湯陰岳武穆祠下作

百戰功收大將權坐令強虜遁寧旃可憐痛哭金  
牌日正是潛移玉帛年嵇紹有心空衛主萑弘無  
計可支天秋風罷飲黃龍府洛水嵩山共黯然

過殷太師比干墓

太師遺墓古城隈山登黃河天地迴賴有孤忠懸  
八星集 卷之五 臺

日月不辭七竅異形骸離離禾黍秋風悲颯颯松  
杉夜雨哀遺像儼然霄漢上令人瞻拜幾回來

銅雀臺

鄴城東畔有荒臺昔日崔嵬今草萊玉座可憐蒼  
靡沒總惟不見絲雲來行人尚指陵前樹墨客重  
磨瓦上苔伯業彫園俱已矣漳河流水暮空哀

叢臺

趙王宮殿古邯鄲百尺叢臺空翠寒人世幾經滄

海變容華一去紫雲殘翩翩白馬王孫草杳杳黃  
梁仙子丹眼底劫灰飛不盡雍門何事淚沈瀾

邯鄲呂翁祠

一月馳驅馬上塵呂翁祠下暫怡神飛飛燕雀猶  
新羽颯颯松杉皆老鱗一夢遽應真世幻百年甞  
辭豈吾身青絲白髮愁無那何處金丹可遇人

早行有感

曉風吹霧濕征裾天帶星河一望餘鄉土漸遠人  
八星集 卷之五 突

已遠兼陵欲落雁來初扁舟滄海心長往短劍黃  
塵氣未蹶何似幽人南郭好白雲一枕滿牀書

過金臺

西北雄都控海涯漢家畿輔自天開燕臺尚飢黃  
金氣易水猶聞七首哀四塞河山環帝里萬年樓  
殿隱蓬萊風塵楚客頻回首慙愧當年駿骨才

白溝河

千里白溝遙度車黑雲吹霧濕征裾當年風雨龍

驢過此地烟塵戰伐餘城堞遠連天府國雲霞常  
護帝王居臨流側想文星日佳氣金陵知有無

涿鹿道中

涿鹿黃雲草樹深燕京風物盡陰陰河山尚擁軒  
皇陣臺榭虛憐郭隗金雨過涼生高鳥與天低日  
落暮蟬吟腐儒未有干時策敢向泥塗嘆陸沉

涿州贈同年頓叔養

十載雲霄接俊髦仙郎詞賦動仙曹風塵忽訝來

八厓集

卷之五

空

千里鬢髮應憐改二毛夜雨燈花談劍術秋風蘭  
茝詠離騷百年勲業須時出莫倚青山與自豪

望燕都

雨過青沙塵不起燕京臺殿正分明上林作賦偏  
多興北關草疏差有情背日孤鴻愁獨往隔雲高  
鶴劇長征蓬萊紫氣遙相接更喜飄飄散鳳城

七夕漫成

河漢迢迢隱白榆金風颯颯動秋梧天邊牛女真

良會雲裏鵲橋知有無莫笑嬌癡頻乞巧却憐珠  
網亦成設憑誰欲問支磯石千古君平事若誣

旅寓言懷

楚國輶車暫息勞燕臺回首入雲高平生却負雲  
霄志怪爾常隨燕雀席上明珠還照乘腰間寶  
劍欲吹毛出門一笑有真意那用悲秋賦綠毫

次朱子直侍御與孫從一太史夜坐韻二首

帝京宮闕遠相望燕地風雲引興長去雁嗷嗷歸

八厓集

卷之五

突

絕塞鳴蛩細細語閒房金樽影動星辰濕雪簡光  
生几席涼笑把里言賡郢曲忽看明月傍東牆

其二

雲霄每憶別君時千里重諧慰所思笑倚翠屏遮  
說劍坐依芳樹覆彈棋共憐鬢髮逢秋改却喜燈  
花與夜宜世故眼前渾忘却玉瓶倒盡得歸遲

得鶴坡朱士光侍御寄來詩喜答二首

不見高賢已八年書來千里意拳拳青春數負傷

離句白雪重勞寐和篇西北干戈愁日月東南豺  
虎淨風烟向來攬轡如君幾回首都亭羨爾賢

其二

乘驄何日下吳門麗藻傳來墨尚溫鐵甕文章真  
不愧金山靈蹟宛然存未諺江鮑流傳體却並王  
盧正始尊日暮閉門吟詠處忽驚風雨亂黃昏

夜同汪南鵠朱晴川孫南江集鄭士鳳地官宅

八厓集

卷之五

完

省郎地接五雲端良夜開樽聚所懽細弄瑤琴揮  
玉軫高燒瓊炬爛銅盤明星影動合香舍清露光  
生種藥欄盡醉豪吟忘爾汝愧無英穀報琅玕

聖誕慶賀禮成

綵雲晴度玉關橋金水秋澄太液潮雉扇忽開丹  
鳳闕鵷班先接紫宸朝仙桃色醉天顏喜玉漏聲  
催晝刻遙聖壽自今同海嶽華封齊祝並唐堯

送孫從一僉憲浙中

青春猶服乘驄去越草吳花攬轡中禹穴不妨尋  
太史會稽端可候仙翁文章自古山川助日月從  
來江海同爲語西湖曾着我幾迴長嘯入雲峯

中秋長安對月

五雲臺殿麗晴霄萬里秋空月色饒玉兔影含鵲  
鵲晶桂花香裊廣寒遍誰家搗練鳴桐杵何處憑  
欄弄玉簫獨倚西風聽過雁天涯落木正蕭蕭

次文徵仲待詔南江圖

八厓集

卷之五

辛

漢江東下碧天涯郢曲南通一線斜  
夜涵滄海月龍宮春泛橘洲花百川好吃中流柱萬里休  
隨犯斗槎驄馬此行臨絕嶠蒼鳥今已候清沙

寓京寄內

永夜孤燈思不眠稱心勸業尙茫然攬衣忍聽將  
雛曲是夜思亡兒栗有感撫鏡勞歌結髮篇遠別設勞占喜  
鵲得歸那用卜金錢明年蜀道移官去錦字迴文  
莫浪傳

九日鄭州

去年九日登峯宴

龜峯福州三山之一

今歲馳驅汝鄭間世

短風塵雙鬢改秋清江漢一舟還白衣未許携佳

夢朝班

贈南陽同年李元任別駕李以德安太守謫

官

憶並先朝對策年赤霄千里共登仙場來滿服風

八厓集

卷之五

七

雲變無限傷心涕淚懸柳惠心知因道黜黜妻義

過襄陽不遇鄭鹿門吏部悵然有懷

襄陽石路轉崔嵬楚客風塵苦漸開朱紱已臨冠

蓋里白雲猶繞望鄉臺鹿門何事龐公去蔣徑虛

勞羊仲回日暮峴山雲樹杳習池何日更重來

宣城會同年郭舉人席上投贈

山城今雨會同袍夜月開樽破濁醪往事劇談情

屢極新詩立就興偏豪光回寶劍雄氣思入瑤

琴山水操明發孤舟千里別碧霄何日並遊遨

鎮雄次同年鄭野泉韻二首

鑿城天鑿石爲垣是處雕題語亂喧赤子可憐甘

戰伐皇天無意讓羌蕃營門我欲銷金甲劍術誰

能問白猿千古武侯名未滅路人指點說高原

其二

柳營終日笑彈棋鈴閣陰陰覆綠橙已遣風雷驅

八厓集

卷之五

七

戰陣敢將時日論千支妖氛盡洗黃金劍首惡高

初度

客裏生辰四十春得歸今喜遇生辰門前楊柳還

如昨籬下菊花應傍人綠酒未招朱履客綠衣先

慰白頭親東山回首真憐汝可是蒼生屬望新

明山王畏庵少司徒入鄉賢祠有作

一出明山四十年歸來高卧白雲邊朝廷禮數卑



耆德鄉里衣冠拜後生  
綠野尚遺裴相跡若生  
應仰謝公賢百年勲業昭青史  
幾望丹青願執鞭

謁孔廟有述

儒宮肅肅背林坵  
沱水章臺拱上游  
傍日風雲遙接地  
往時松桂獨凌秋  
英英金石傳清響  
濟濟衣冠錫勝遊  
俎豆十年聆大雅  
勲名此日愧前修

板橋雨中

黯黯雲生秋氣深  
荒村荆杞盡陰陰  
林間惡鳥鳴  
八屋集 卷之五 五

不下水上得時聲  
自吟滿口流亡堪墮淚  
一生奔走獨驚心  
停車夜泊臨江驛  
卧聽虛堂風雨音

席上食唐川荔枝有感唐賢妃事

曾聽涪州貢荔枝  
忍看天寶麗人辭  
千年尤物知何在此  
日清樽嘆已遲  
數顆勻圓紅玉潤  
萬行啼濕翠眉垂  
馬嵬香骨埋黃土  
一騎飛塵何處馳

別鄧野泉

賊中辛苦喜逢君  
此日分携嘆索群  
仗劍已除天

外侵倚節遙見斗間氛  
巴江學字流山月  
楚雁傳書隔水雲  
後缺

岳武穆王墓 存一首

精忠武穆宋時聞  
此日空山峙古墳  
羆虎旌旗虛夜月  
犬羊殺氣動秋雲  
高梧寂寂藏神宇  
大樹蕭蕭散鳥群  
白日行天殊未已  
豐碑千古照元勲

湖上偶成

洞庭湖上岳陽樓  
秋水蒹葭散晚洲  
財賦萬年通北貢  
帆檣千里赴中流  
湘江紅樹秦王赭  
澄水芳蘭屈子愁  
回首可憐雲夢地  
楚王車騎更誰遊

八屋集 卷之五 五

次安陸

楚邦亦是興王地  
衡嶽高居紫蓋傍  
南望五雲通御極  
東來一水透清湘  
鴻飛影見江光失  
龍起聲流漢派長  
立石已看興邸代  
貴人那敢顧南陽

錢塘懷古

湖上行雲弄晚暉  
湖邊樓閣相依微  
文鴈銀鴻輕

難滿素壁青峰古寺圖覽勝未知康樂興賞心真  
與向平遠請看山下錢王廟忠觀碑前鳥自飛

次白堽

按部當年屬舊遊重來無奈素毛秋荒山落日千  
家靜古木橫塘一澗流憲節臨空高鳥避金戈照  
日野夷愁玉門信有人間路浪說班生是虎頭

次朱凌谿登岳陽樓望洞庭二韻

勝槩千年雄楚都君山真與洞庭俱山迴樓間路

八厓集

卷之五

圭

南服雲擁池隍壯上隅魚鳥翩翩凌氣勢畫圖隱  
隱見規模平生剩有瑤夷興却少扁舟泛五湖

其二

獨坐高樓瞰洞庭眼前波浪畫冥冥雨來湘漢兼  
天黑雲去衡巫擁地青仙子傳書孤鶴下山人吹  
笛老龍聽葉葭零落芙蓉冷誰采香蘭弔屈靈

大江晚渡

洞庭湖邊吹晚風孤雲殘日隱長空一群鴻雁落

浦裏無數人家蘆葦中傍水酒漿那可覓隔溪魚  
蟹孰能供茫茫江海關舟楫何處滄浪有釣翁

夜泊岳陽樓

水動沙虛月色浮維舟夜傍岳陽樓天空避繳雁  
來渡浪靜抱珠龍出遊湖海放歌聊對酒鄉閭聞  
笛易生愁君山縹緲虛無裏欲躡飛雲到上頭

奉送大中丞梅田顏老先生往還朝

南部重還席未溫北臺獨選近天關三朝官重盛

八厓集

卷之五

圭

名舊四海人推德業尊元氣酌來歸變理風霜行  
處抱仁恩不才國士叨知遇撫劍高歌意氣存

過墨山悼亡友李本喬舉人

荒荒寒日下山陽雲物淒涼事可傷江海傳書知  
病劇屋梁月落想人亡廣陵一去無新譜剡水重  
過失舊航隣笛夜聞心更切幾時絮酒到君堂

洞庭舟中聞雁

滿浦雁來今幾時洞庭雲水鎮相宜傳書列字征

心急殘常折荷歸思遲度月關山應獨苦唧蘆鴛  
繳已先知呼雲政爾彈聲切吹笛高樓何處悲

與龍厓李性之話舊

青雲常憶結交年今尚重來話舊緣主饋對憐人  
已逝性之內已登堂應喜子皆賢山林鍾鼎原無  
異麟閣雲臺豈偶然風雨夜堂情耿耿謾勞山水  
播朱絃

性之東堂對菊西園看竹二首

八厓集

卷之五

七

黃菊花開風雨晴坐深偏愛主人情入簾香氣風  
前逸照眼容光酒後明錦石最宜高處暎綠雲應  
喜靜中行歲寒心事真憐汝三徑何羊合有盟

其二

昔愛君家秋滿林往來長夏坐偏深雲騰蒼翠玄  
氣濕月散清輝水石陰勁節獨憐淇澳興高情誰  
識丁鉢心明年春雨兒孫盛試聽蛟龍出谷音

重遊仙鷲寺二首

祇樹蕭蕭隱翠微茲山靈異世應稀鷲池水碧澄  
秋鑑龍藏雲青護石衣卻下洗杯魚出聽岸頭振  
錫鶴來歸十年閉戶藏修地駟馬重臨願不違用  
未第時讀  
書寺中

其二

一別靈山十六秋重來不假報鳴騶青山入座曾  
相識綠水澄潭台散愁舊館淒涼餘斷構老僧寂  
寞半荒坵同遊舊是同心侶坐嘯崖頭興未休

八厓集

卷之五

七

哭亡友彈峯譙服政二首

數載思君望碧霄重臨門館意蕭蕭傷心不盡憐  
孤嫠灑淚何從賦大招寶劍幾年懸墓木素裾不  
里到山椒楊雄門下侯芭在玄業相傳未寂寥

其二

十年壯志迴超群詞賦翩翩五色紛何事文星淪  
碧落頓令玉樹失青雲秋風門巷誰爲客夜雨燈  
花我夢君懸榻更憐高士誼抱琴那忍俗人聞

視三弟廷臣墓

蓬科馬鬣白雲連骨肉傷心萬事捐原上鶴鴒孤  
影沒天邊鴻雁幾聲傳夢回池草孤燈後思繞庭  
荆落照前獨立荒原情倍切人間忍賦上留田

贈次泉傳原介表弟

泉田數頃傍雲莊堂構新成燕雀忙庭下松篁今  
老大天邊花萼有輝光碧山不數銀魚貴錦里應  
耽野服香回首滇南人萬里碧霄歸雁幾書將

八厓集

卷之五

七

訪東塘易時振

十里松蘿一逕斜乘驄來訪故侯家高梧日照荀  
門鳳舊檻雲間濯水驕護葺短牆遮晚菊好存喬  
木護春花百年我有東山社相過何妨醉碧霞

四弟廷表山莊有作三首

小關山居遠市廛栽花種秫自年年庭前桂子方  
成樹池裏鯉魚將上天睦族合蓮教本誼交鄰須  
誦卜居篇我來笑見荆花盛坐奏埴篴協管絃

其二

修竹檀欒老樹蒼幽居何異浣花鄉當門不種釣  
衣草隔歲能儲造酒釀敬子可能終舊業寧親時  
復拜高堂他年駟馬重臨地會見槐陰覆院牆

其三

舍南舍北總春花密竹青青覆淺沙淮水自緣遶  
世澤佩刀今已屬吾家風清日暎琴書敞月麗樓  
閒松桂華良夜夢回池草思惠連清興正無涯

八厓集

卷之五

八

冬至二首

幾年冬至客他鄉帝里親聞思渺茫桑梓忽看經  
節鉞山城應共列冠裳龍顏想像丹青迴宮綵依  
稀玉漏長我欲登臺望雲物中原氛祲若爲傷

其二

千里綵衣歸故國百年小至此登臺江山不逐流  
亡盡歲月偏驚老大催三蜀樓船何日去八閩旌  
節隔秋回天時人事嗟流轉不厭風塵笑舉杯

贈戴子文整并其兄文宿兼憶尊翁竹坡君

二首

秋風莫謾嘆飄蓬夜雨真憐此夜逢  
萬里雲霄達路迴十年江海信音通  
神龍去水魚難測天驥乘風馬自空  
幾度登堂能側聽令人長憶竹坡翁

其二

款款虛堂笑語溫十年何幸此相論  
岑家兄弟能延客謝氏賓朋半在門  
山水琴中偏得趣風塵物

八厓集

卷之五

全

外更何言高情不用深投轄一醉何辭倒百樽

託菊

堂下翩翩菊亂開玉杯錦席軟浮埃  
黃英爛熳搖朱檻綠葉扶疎映碧苔  
仲携壺宜就飲淵明策杖好歸來  
百年晚節憑誰語松竹交情合自裁

贈李芹軒大尹九年考滿予乃李秋闈所舉

士

九載甘棠種滿林賢聲先已動朝簪  
楚材共入千

金選燕驥真勞一顧深  
花苑瑤琴秋月迴雪堂文  
酒暮雲沉年來獨鶴朝天去  
肯負沙頭候鳥心

過方塘魏尊師宅有懷

獨上高陵望九京東山辭爵起佳城  
傷心門徑蒼苔積入眼園林丹桂明  
羊子豈勝西路哭彭生無復後堂情  
猶憐桃李春風地空聽蕭蕭夜雨聲

贈魏時臣時亭昆玉

方塘門下昔年遊萬里青雲意氣投  
兩宋文章真

八厓集

卷之五

全

自得二蘇勲業待時酬空群合並千金駿  
破浪應乘萬斛舟我有佩刀聊拂拭贈君聯步上瀛洲

示四弟廷表

嘉靖五年仲春月予以副使赴蜀之任四弟廷表送至荆南臨別詩以與之

別詩以與之

十年骨肉幾相離惆悵真成遊子悲  
滿眼榮華疑自阻無端貝錦欲何爲  
章臺日暖荆花盛巫峽天高鴻雁遲  
歸去庭闈俟甘旨相思莫誦春令詩

寄孫石磯

雲南提學憲副孫石磯予同年友也植德勵行世罕與儔以謫謫職

人皆惋惜嗚呼事人國之紀也今已  
矣予何言哉舟次荆南作詩寄意

盛年射策憐同汝此日行藏亦愧吾星隕豈教隨

燕石瓦全猶復傍泥途

予時亦被言者  
誣論故云云

浮雲滿眼

形多變白日行天照獨孤此夜渚宮遙憶處滇南

雲樹正模糊

### 漫興

萬里出門何所之風波渺渺信無期可堪蜀道銷

魂地無那秦庭痛哭時何處微辭銷白骨比來素

八里集

卷之五

金

髮易青絲碧翹首風雲氣謾倚青萍意自奇

### 次流店驛

挂席遙從荊口來晚烟斜日望中開劍門道阻人

初去湘浦雲青雁未回鐘鼎山林元取意湖鴈野

影幾疑猜風前自點成孤笑回首高歌惜俊才

### 過松滋倬年友謝侍御

往年簪筆侍承明美尚溫溫玉樹清海上傳書應

涕淚越中聞計轉傷情三年諫疏遺新草五嶺風

霜凜舊聲尚憶淇園相晤處夜堂風雨叙心盟

### 枝江雨中

沂流又轉枝江路天險分明在眼前風雨行踪誰

借問波濤山峽重紫牽蜀魂啼殺思親夢貝錦吟

成寄內牋沙浦日斜聊繫纜猿聲食故下三川

### 二陽驛偶成

楚岸千里接長煙蜀道重巖上九天碧苔波濤驚

浴鷺青林風雨喚啼鵲東山小草因誰出北海深

八里集

卷之五

金

杯且謾傳自詫平生多浪跡混無勲業續瑤編

### 次顧味齋學士奉致仕鄭黃山尚書

憶上星辰聽履年玉階環珮振珊珊漢庭錫杖頒

靈壽跪氏華軒照祖筵萬里鴻逵乘日度九天崑

崑隔江懸配顏鶴髮人如畫麟閣雲臺紫府邊

### 保定院中次泚涯中丞弔古二韻

燕京

昭王圖伯欲誰償卜築高臺底事忙樂毅東來金

未盡荆卿西去劍何長青天不見妖虹氛白晝誰

聞駿骨香此日聖明弼一統河山四塞寢疆場

其二 中山

戰地金元此挽弓中原無計定和戎還都幾失燕  
爲北捧口徒勞越海東秦世可憐降軼道漢家無  
復夢新豐燕山易水俱無恙悵望難離禾黍天

池上閒眺二首

誰向庭前鑿小池晴光一碧蕩淪漪孤遊日月勞  
遐矚獨立風塵廢遠思兩部清蛙留鼓吹四圍嘉  
八庫集 卷之五 金

樹結綺旎試將纓綆頻頻濯一掬滄浪信所宜

其二

閑向林塘緩步行颺風面面豁人情銀魚白白衝  
萍荇錦石斑斑照蕙蘅六月炎天宜掃邇百年風  
口合飛觥乾坤若我常爲客耐可羈縻過此生

關題

楚邦地下元卑濕蜀道山多轉傳蒸盡日攷蠅紛  
不散閑門苔蘚亂相仍露衣最苦流珠汗放脚安

能踏玉冰西望太華真不遠蓮花十丈碧稜層

七言絕句

夏日宮中行樂詞四首

金屋沉沉六月寒萬年枝簇綠雲盤楚宮美女花  
相似贏得大顏帶笑看

其二

內宴傳宣出大官銀冰千片照金盤君王欲鼓南  
薰調被袵先教二女觀

八庫集 卷之五 金

其三

長日宮中樂事奇內家親領美人隨未歌漢主之  
回曲已納班姬止輦辭

其四

天柳毵毵拂禁闌捲簾台閣火雲飛君王避暑如  
娥殿秦女如花笑卷衣



八厓集卷之六


華容周廷用著

荷孫慶增男

待天

頌

存芒文 有序



明興一百五十餘載中國有統四夷有長甚恩厚  
德固不率被方外之屬貢賦納贊世世臣服四川  
芒部鬼區也正德年酋長以弟兄讓官有司弗治

八厓集

卷之六

一

日等干戈積有歲年議者昧華裔之分憤其悛化  
即絕其世俾馭流官夷怖計出無聊廼縛我郡牧  
焚我城治弗安其政守臣議當征征即服報曰苗  
無辭惟欲復後耳事聞命未下隣邦同事者假他  
寇招狂尋復賣奏逃勞重臣謀動大衆群小醜言  
交相雜選雖聰者弗審焉嘉靖七年漢陽龍山戴  
君侍御來按西蜀造諸吏而問曰芒之兵三年於  
茲而伐未克士卒罷疲百姓弗贍徵兵餽糧相繼

於道吾誠不忍也曷往賓之必若不悛則是德不

能化而威不能懾也然後討焉僉曰俞哉具以事

請諸鈞衡詔下如議維時吾楚六亭唐中丞以巡

撫仗鉞而至二公以楚士同德驩然共事利若新

金群言滑亂百折不易語曰三軍可奪帥也匹夫

不可奪志也二公誠然矣未幾夷長愷澤交臂效

順惟哀憐請後公皆順導其意淑之使昌固之使

長建官捍衛區畫詳密慎終惟始乃罔後艱迹此

八厓集

卷之六

二

而觀豈不為非常之大觀哉然詳其所自事則同  
乎斷業則尚於和耳故興威絕絕往軌也招携懷  
遠遺則也沛德申威著憲也息兵省的綏衆也是  
以功懋於生民心昭於王室一舉而動數善咸集  
巡聽選考未有能齊其美者也方今聖天子體乾  
好德率坤存仁往賓不懌樂育來庭最爾小夷翕  
然大定斯蓋苞精誕神發祥流祉然後君臣胥慶  
將以啟珍符成至治云爾夫君能昭敷明德守在



四夷臣能對揚休命安定九服一人尊榮萬世永賴遐方絕域懿鑠覆冒汪汪乎一時之偉績灼奕而有顯也廷用獲贍鉅鉞之末先以不假號師奮麾得諸酋伏正歸義特以二賢宏謀遠慮採掇其事鋪揚其實俾世之君子觀焉頌曰

遂古之初夷有君長攝其族類臣服來享有芒者酋兄弟構讐處者黷武用華是謀既戮殺之又世絕之非詭遇之又職兢羅之物極泰至民苦治思

八厓集

卷之六

三

英英碩輔吾楚二賢先後蒞治秉德惟虔交交者旗來止邊裔同心斷金群象莫易蠢茲小侮屈膝來賓首惡湮沒微瑣皆春二公共謀交章上呈帝曰臣哉爲朕干城閱其奏疏嘉嘆有聲憂邊思職真得其人一勞永逸萬世能聞古稱定天下大事決天下之大疑二公琅琳身實備之我揚斯績靡有飾辭

廣養篇 有序

嘉靖七年戊子西蜀遭天之大荒歲杪無儲儲食莫給人民徬徨孤寡將廢所至聞如也吾楚六亭唐中丞以巡撫龍山戴侍御以巡按俱臨是邦目擊斯病痼瘵切身乃進藩臬諸吏問曰吾聞之小人無兼年之食遇天饑妻子非其有也大夫無兼年之食遇天饑臣妾與馬非其有也今歲荐饑民將殆矣且平昔無積聚之務臨事無賑濟之術其如天命何哉僉曰水旱不時吾有司不能以備罪

八厓集

卷之六

四

也今茲開闢絕糧外食不通分助無匡不能緩衆罪亦甚矣奈何二公曰烏謂此耶救災恤患自古有之然剪爪及膚削髮及體時弗可失諸司惶懼而退即以困倉儲待郡邑積貯頓請規畫二公曰數年之殖一歲病焉曠古之災其能瘳也於是協心秉志申章達愬爲斯民告故至誠感乎物實意動乎天疏入天子乃召冢宰六卿諸執事之人朝於大廷問救民之策自質明以至日旰不遑食遂

減膳徹樂蠲租禁舍亟發內府金數十萬令二臣從宜賑濟命下二公精思滌慮對越祇宣罔敢違越乃命藩臣監司統諸吏之賢者分地施舍越拘學之見破常行之格計口以食驗黼以給民之就養者曳踵以赴殆若枯旱之得雨萎者起而盤者興壯夫反業餘于務藝俾有司無修刑罰由是津濟道路所至如歸熙熙然鮮不浮於天時也遐邇胥匡有生成若不亦安乎夫救民於溝壑祇一人

八厓集

卷之六

五

之佐命疆場使之寧靈賊使之屏斯乃今日之不得已也臣工雖勞又焉可諉哉嗟乎周行荒政以致太平漢減田租以成至治此人主之所宜動心而人臣之所宜奔走也豈徒然哉今者二公之來值此凶歲痛自貶損克有成算荒政聿舉喜無動容其奉至尊而悲民瘼也嗚呼至矣廷用預聞乃作頌一篇以侈其事俾史氏採焉頌曰

粵惟西蜀罹此大饑我民無告徬徨疇依麓崖鳬

野無地不赤憲臣惶遽憂心孔棘開誠上章稽首聖皇蠲租祈賑雨我封疆天子厘慮發金內帑使者遠勞期會弗爽爰命守臣施舍是急督彼有司協心賑濟周有大賚漢惟賑卹蓋聞其仁今見其寔古人有言垂範未休年不順成措祭罔酬若王貶損大夫殷憂嗟嗟憲臣遭此孔疚滋液一方何生不育紛紛藉藉恩覃澤流道路加額慶彼洪庥仁人之利天道運行於傳有之鑿鑿可徵賢哉憲

八厓集

卷之六

六

甫曰珪曰璋千人之傑萬夫之望我揚斯頌以肯大匡

碑

平香爐山碑

貴陽清平東北四十里有山曰香爐巉巖岌業高出萬仞詣山環列若戈鉞相向連亘三四層鳥道攀緣而上上可容百萬人烟雲出沒蕩漾繚繞不可名狀望之者皆以為窮地之峻極天之高有一

人荷戟萬夫趙趙之勢劍閣孟門靡曰固鎮我明  
正統間苗有言同烈者憑阻作皆以張狼戾朝  
命徂征七月弗克勉以撫順班師正德丙子春  
苗阿傍阿肉阿皆阿義諸黨扇行妖孽復據舊巢  
列柵數十里掠集粟稻堅利鋒刃以拒大順意  
誅或可逃也守臣以事聞天子憂焉乃下司馬  
識當剿上臨軒授鈞曰爾巡撫右副都御史鄭文  
盛往即乃任總任調度維撫維剿以生貴人爾鎮  
八厓集 卷之六 七  
守太監李鎮固爾城守協心翊輔區或誕假以負  
朕心爾總兵官李昂暨湖廣副總兵官李瑾張皇  
六師振耀邊鄙用命者賞弗用命者戮以成厥勲  
爾巡按御史周文光紀驗倖譖簡閱必實毋濫以  
啟冒毋刻以茂功命下諸臣受性謹巡撫公曰難  
哉武不可究宜撫之衆如譖迺命參議蔡潮都指  
揮潘勲王麟先後往諭苗方怙恃憑陵殺我軍士  
部指揮權繼武死焉烈燄熾蹂躪衛邑睢肝呬

盟背辭僭號進言蒙弗能改已皆曰醜類之不我  
命罪當誅諸公因普衆曰惟朝廷昇茲重任予  
人予數人何敢不力况文武諸司罔敢不從志曰  
左布政使趙文奎按察使林長繁汝二人暨茲城  
社以贊戎理予等登事事者咸往焉九月二十一  
日諸公往蒞軍在合示方畧分布營壘曰參將洛  
忠汝隸前壘軍兵六千有奇皆統之曰都指揮劉  
麟陶霖汝二人隸右壘軍兵五千五百有奇皆統  
八厓集 卷之六 八  
之曰都指揮祝鎮王壘隸左壘軍兵五千五百人  
汝共統之有前前壘軍兵六千四百人有右壘  
軍兵五千九百人都指揮許詔葉雲揚淮三人分  
統之曰宣慰彭明朝彭九霄汝其約束部兵各以  
時力戰曰將材余大綸汝往巡視諸壘曰僉事詹  
源汝監前左二壘曰副使李麟參議蔡潮汝監左  
右二壘曰僉事許教廣汝監右右壘曰參政胡濂  
惟整理糧餉備裝曰前有將軍營二總兵惟陸君

中以號令焉營壁整肅師旅鞠陳既馮於山刻日  
進剿苗特須領狂奔叫喚同知天罰十月初三日  
我軍乘其不備掩襲前進殺苗賊一百人土兵各  
直可宜爲苗所縛令妻孥揮刃剖肉如雨尼我士  
氣兵乃不憚創巨具以苗穴虛實仍號於衆三軍  
之氣用是益振苗不往方且刻木爲盟約都黎  
都蘭天漂天霸龍頭龍對苗百萬人欲內外策應  
以寇我營軍中密以聞鎮巡公因言於衆曰用兵

八桂集

卷之六

九

貴謀集謀貴賞今盡以賞敵耶衆俞懸千金於軍  
門有能先登者授十月十四日夜三更永順土軍  
數人奮其謀勇架木懸絕援崖而上是夜雷雨大  
作苗方安睡軍遂屠守路者數人遇析者殺之析  
焉還錮者殺之錮焉遇鼓者殺之鼓焉俟衆軍登  
者數百人然後毀柵燭巢鼓譟而入各壘軍士旗  
幟齊上鋒鏑交接震聲四野迎刃授首勢若破竹  
計窮亡命者奔突絕頂五百餘人次日皆捕殺之

斬首二千人俘獲男女五百人面縛首惡二十人  
賊所蓄者曰牛羊曰米稻曰衣服曰皮革曰器械  
咸爲軍兵有焉皆從之黨暨素所弗悅者膽泣神  
魄悉願聽撫諸公皆縱之蓋不欲黷武也十一月  
二十二日以授奏上御奉天殿受群臣賀策勲論  
功曰巡撫都御史增爵一級任子一人鎮守太監  
增祿十石任第任一人貴州總兵官湖廣副總兵  
官各增爵一級任子一人俱錦衣衛世襲百戶紀

八桂集

卷之六

十

功御史增爵一級以原職擢用其有功文武諸臣  
名知官爵實有差等茲舉也上以舒一人之憂恢  
拓邊疆下以服萬年之謐大振天聲鑑鉤炳耀蓋  
人耳目厥功偉哉是周不安請勒諸石以垂後  
德用繼其文曰  
貴陽荒僻時維外藩漫山作鎮界石爲垣曰有墟  
嶺險踰劍門三苗素寇憑此作昏粵惟正統大辟  
臣某我皇赫怒出車工曠彌野七月成功未衰收

旂旋旆示以歸王阿傍阿曲肩此毒虐猶猶聚  
于山之落曙爲寇亂恣行剽掠滔天阻兵氣饒  
灼越自丙子至於丁丑彼敷衛邑阻絕林阜忍據  
勢勝萬夫莫有屠我軍民戕我官守憲臣疏聞天  
子厯慮廼命鎮巡兵旅大時授以軍機降以睿旨  
奕奕金戈英英虎士撫臣憂言武不可既載示皇  
仁載諭聖意維彼醜虜愈恣克肆暴非德馴狂罔  
言示乃用群謀乃調士卒土兵官軍桓桓屹屹參  
以文武分以營壁馭以良時揆用吉日掎角聿布  
貔貅載陳飭以諸部赫威神玄甲耀日朱旗  
雲乃樹電幟乃駕雷輪彼苗何恃恃此魯山山不  
可恃天罰攸干矯矯勇士罹此凶殘揮肉亂墜  
不動顏上言虛實告示同班我士益勵我兵益揚  
懸以千金義士奮強下攻九土上入穹蒼陵彼巢  
穴伐鼓琅琅衆軍咆哮排上登陴萬刃雜沓噍類  
無遺橫屍成嶺流血爲池遠近苗裔納欵來思馬

銘

勝而驤士飽而樂貴之卒夫解甲生活費之婦女  
迎門笑躍破險除兇邊疆再拓提書上奏乃開明  
堂論功投賞金幣輝煌曰茲文武實惟忠良於錄  
奇功昭徹遐荒勒茲隆碣永代熙明

授戶部主事父惟昌號

荷漁隱公爲兒奇頴不群十歲能屬文十五遊邑  
庠二十好古傳書愛經術博觀諸家之言尤勤於  
詩賦當道校試未嘗不奇其才也成化甲午舉於  
鄉錄文以式戊戌登進士試政大理寺一時交游  
皆海內名流西涯李文正公時爲翰林編修與諸  
學士大夫程篁墩羅明仲謝明治揚一宗柳東谿  
日爲詩社公以進士掉鞅其間清詞麗句駉駉然

有害人風諸公咸避其鋒且敬而且畏也庚子授  
戶部山東司主事督儲臨清公至緇財用慎出納  
吏無招權民無犯令聲譽藉甚癸卯理宣大餉公  
則計億事財兆物收經益殫心計余尚書肅敏公  
敬而禮之乙巳陝西大饑憲皇命公督稅四十萬  
接濟邊儲公奉命惟謹全活者數萬人是歲父隱  
翁暨其母金恭人俱沒於家公以憂歸哀毀盡禮  
戊申服闋吏部復除戶部主事已酉遷員外郎庚

八厘集

卷之六

三

戊推郎中尚書李恭靖公以公積學有聞吏事精  
核命公總諸司章疏公遇事應機立斷授筆即就  
太宰三原王端毅公知公尤深壬子西安守缺王  
公曰吾郡當秦晉之衝素號繁劇民甚疾苦得守  
如嚴郎中足矣公遽薦爲本郡守公至治尚循謹  
不事煩密爲吏有違法者治之曲法者懲之文惡  
者黜之秦俗殘悍人先勇力公以禮導率皆興讓  
撫按藩臬事委分理文案山積公迎刃立剖廷無

宿牒政暇率三學諸生議論經義勸學修禮崇化  
一方士習文風翕然丕變當道剡薦不一而足也  
癸丑歲上命鎮巡等官歲織綵絨數百疋進用秦  
民苦之公不忍抗疏以聞其畧曰臣聞昔者閭中  
之地於天下三分之一而人衆不過十三民用富  
饒今生齒日繁畜牧減少際以凶歲民多死亡邇  
者奉命織造未免誅求誅求不已百姓流離郡何  
以守大易有曰損下益上謂之損損上益下謂之

八厘集

卷之六

十四

益不圖聖世有此橫征疏上孝皇覽之遂寢公以  
文章名世秦藩簡王有河間東平風凡遇公朝體  
貌隆重每坐公賓竹軒設宴以待與王相強晨賦  
詩飲酒爲樂公一飲數斗染翰如飛大醉不亂王  
益敬服丙辰公以先儒張橫渠許魯齋鳴道闡中  
程明道曾爲鄴簿乃請於提學揚公選菴大爲建  
祠命名西安書院歲時禮祀以風邦人日集闕西  
馬士講學其中公時蒞考校彬彬然士知向風矣

維時名士如李夢陽東海一時崛起爲世文宗而公之教益亦多焉庚申進公爲浙江布政司右叅政公至拊循百姓流譽浙右識與不識皆知公爲聞人也無何有鵬集於舍公忽忽不樂乃語家人曰吾今夜寢不寐朝坐不安不久將賓於帝所矣寮友聞之曰嚴先生將已乎何言之哀也頃之寢疾果卒於官時年益五十三歲公平生端毅文章政事裒然出人使倅以年昂鉉勲業將焜耀一世奈何天弗憖耶身沒之後門戶蕭然惟圖書萬卷以貽後人公生正統己巳十一月十七日卒弘治辛酉六月十六日公配雷氏封恭人子三長東縣學生卒次簡舉人次東縣學生女三長適縣學生程宗舉次適舉人王宣之次適典膳王藻甲子正月初四日公子簡束奉公柩葬於縣北鼎山之麓嘉靖丙戌余爲公志辭弗令懼無以昭後世也乃銘曰

八厓集

卷之六

七

嚴氏族自唐崛起曾祖麟蜚聲丕至公身世莫以余讀秦蕭同德詩侈其辭實爲世碑及觀兩山文集其殆學者師乎夫壽祺遠爵祿無算勲業罔顯者世故多見嗟乎身死名滅孰與先生之立德哉

傳

明故戶部左侍郎明山王公傳

公諱儼字民望號畏菴一號明山先世武昌蒲圻人大父子民官華容籍焉子民生森琛生致中致中生公公爲兒秀美過人及長長身玉立犀角豐盈脩髯可數望之儼然爲諸生操筆屬文動循矩矱天順壬午舉於鄉成化己丑登進士壬辰授兵部職方主事癸巳父卒居憂丙申服闋吏部改選都水理呂梁洪事公曰呂梁水急上下湍悍居中石齒截築壞舟難行乃相東岸所二渠以引其流漕船賈舶利之其功最著上聞召拜刑部員外郎踰年擢本部郎中慎罰嚴獄以正國法罔不明允

八厓集

卷之六

六

甲辰遷四川成都太守公素廉靜剛果治國理民  
不苛小節歲餘異政疊出成都大治語在孫職方  
言行錄中弘治戊申以母李安人憂歸辛亥起復  
補衛輝守公信道篤勵節勁以治成都不治之輝  
民亦以此附焉當道推薦咸以爲治郡第一甲寅  
擢河南右叅政輝民卧轍強公遣靴以志去思丁  
巳擢陝西右布政使理財節用治奸剔蠹益殫厥  
心時上方有旨購玉土蕃諸夷以玉赴鎮守劉琅

八庫集

卷之六

七

欲易以獻即檄布政司取萬金售公執不可琅不  
得已令夷自貢其後朝廷以玉偽點琅深愧謝已  
未冬擢副都御史巡撫山東入境即村風聲慨然  
有澄清之志未幾高唐州秀才揚才顯以戲博與  
黨支艾鑑有忿誘殺鑑并殺妻子三人鑑兄剛往  
視鄰里誣執不能辯州杖殺之其子王名繁官亦  
至死公鞠理疑焉一日出旋風逐輿公心動曰異  
哉梧邱之怪也乃佯不理使人按其蹤跡得才顯

情狀捕聞之獲刃於井獲血衣於學宮遂伏誅自  
後奸猾震懼山東士民服公撫伏如神維時榆林  
虜入寇公陳籌邊四策一曰選將二曰練兵三曰  
搗營四曰野戰又經畧山東事宜再陳五事一曰  
通變田糧二曰更置馬政三曰歸引便民四曰移  
巡司五曰給關防上咸嘉納詞多不載庚申八月  
晉戶部右侍郎公清忠鯁亮終始不渝受知孝廟  
多所眷注崇王侵民田業事聞命公理之公至河

八庫集

卷之六

八

南悉歸侵地於民王辭不直上示以威而勞公辛  
酉朝皆榮之辛酉十二月以疾乞休不允壬戌再  
乞不允六月進左侍郎十月戚曉張延齡周壽忠  
勢凌人強奪民業公劾之抗疏以聞上嘉其直賜  
宴及寶鑑以褒乙丑歲孝皇崩武皇嗣位公劾  
曰吾君已矣吾受不賞厚恩使不早填溝壑稱與  
嗣皇以死爲報心之願也言既悲慟自是不敢言  
去六月北虜恣寇遣師征徂上賜璽書命公督



糧餉公興疾至宣府百方計處得粟數十萬石以濟公屢上疏乞請諸路芻糧趣各省邊課上皆允行然語抑權豪中官多銜之丙寅二月兵部論功賜爵一級公回京陳四事一曰清邊地二曰計邊餉三曰處芻場四曰遷站堡上納之賜資如故夏五月公以宦寺盜權中國罷廢四夷騷擾行恐致禍三疏乞休詔公進秩乘傳還公卿太夫郊餞及歸里開榮之居無何逆瑾赫炳凌轡大臣公聞曰吾屬不免矣乃戒家人促傳以行丁卯十一月給事中胡珝盤驗大同倉粟虧腐因劾守臣瑾素惡公剛正以公督餉藉誣罪令金吾械繫至京時理者議公無罪上詔免公歸戊辰夏五月瑾以公弗謝去怨如舊尋躡其改奏公減勇士布復令巡按御史解京公得檄即告祖廟携二僕命少子襄之隨行秋九月下錦衣獄時人勸公曰瑾擅作威福擊斫自恣若公如是索賂爾公曰吾無罪亦無

八厓集

卷之六

尤

錢守正以俟死也勸者慚而退幽滯囹圄踰歲已巳夏四月刑部議公非典守請輕其罪瑾怒矯戾遼東三萬衛收公累朝勅誥公出獄乃作書貽諸子宏之等慨然遂行其畧曰吾平生居官不苟非干進也非求利也將以愛民報主而反為桎梏守正不阿非希榮也非要譽也將以省愆寡過而反致戕賊是故深為可痛靜言思之歷仕四十餘年才行同人爵祿踰量不能如遽瑗之卷懷而甘受

八厓集

卷之六

十

述誅復勸公舊職公乃焚香祝天曰吾以壽軀冒  
覆鉢之戒擯諸邊裔言念祖宗緬然引領南望久  
矣今得生而歸誠天地浩蕩之恩何以職爲再拜  
而謝放浪明山之間日與弟倬偕徜徉邱壑以樂  
餘年時公長子庠生宏之死中子官之宣之以舉  
八月侍其側諸孫秀立若瑤環瑜珥歲時伏臘  
弟婦文稱觴上壽與其配周淑人期頤並坐人望  
之若神仙然庚辰六月淑人卒公自爲葬不欲聞

八厓集

卷之六

三

諸朝廷有司欲奏止之辛巳夏四月今王即位給  
事中邢寰御史唐時先後論公守正遇害應進階  
錄用上特命有司以禮存問亦殊典也癸酉冬十  
二月二十六日公寢疾甲申元旦力疾危坐子孫  
親族羅拜榻前顏笑一如平時越五日命諸子移  
居正寢遺命乞恩葬祭遂屬纊而絕享年八十有  
八時公子官之以南康尹聞訃奔喪與諸子宣之  
宣之哀毀瘠立某月日奉公柩葬於三里之原

部巡按御史王秀以卒聞上哀之下禮官議遣  
臣諭祭治墳殊恩昭錫光寵赫奕嗚呼榮哉公自  
筮仕歷數內外五十六年器識宏遠治行清修事  
上忠與人敬御下嚴廉於殖財愛民不僿嘖笑喜  
愠雖僕妾莫能窺之至於名位爵祿自壯至老一  
無顧躋晚年則有遼東之行夫瑾逆爲不道名世  
之厄也而公位軼六卿功顯一世天下咸聞其美  
矣

八厓集

卷之六

三

邢節婦小傳

詩稱刑於寡妻其義博哉易曰利女貞又曰含章  
貞吉是以柏舟之志不謫彌天之心漸曉之崩益  
峻崇山之節自茲以還孤風特盛故時運失遺德  
守愈堅或存孤以圖生或致死以明操或毀體以  
葆貞或重宣以激世或任垢以履危或殫誓以  
靜然抱荼毒之極哀罹人道之至艱豈必拘所往  
息殘喘哉亦云不失其節而已故蒙虛之媼晏家

而不辭苦孀之憂終身而不易適使廢禮壇坊則不能濟矣雖委蛇柔順獨有類始生者然而失此志而靡他締宗盟而弗替雖與日月爭光可也故曰足於德者邪說不能入貞於期者時累不能淫黃岡邢氏二十而歸嚴數年遂寡不亡而成孤孤其側室之胤也撫如已出三孤娶一女婿以宣陰化以昭內則善無後羞故曰翼翼矜矜福所以興言其德之篤也既而孤壻沒四寡依嚴氏率之四

八厘集

卷之六

三

女從之比心金石以堅爾志斧藻遐考無替初服豈非所爲出其言善千里應之者乎爰撮始末採諸觀風表厥宅里錄其行之善其不朽者列之此篇

序

顏惟喬補許州序

顏子補許州問政於周子周子曰敷政在上奉政在民古之君子之爲政也植德不植譽德則實

八厘集

卷之六

三

則爲政爲民叛邦乃弗寧是故詩人之頌召伯曰蔽芾甘棠勿剪勿伐召伯於棠先王之咨守臣一曰厚生二曰正典三曰慎罰庸能誠於小民以保茲社昔漢名臣之守許因俗變革寬嚴異施邦用大治及其衰也棄德弗行民心頗僻邦無寧宇至於我明一二君子亦能續修前緒昭明其德以庇民生遠近無數以聞於上乃能寵受盛眷無殄遐享夫守而下有條有屬條有主屬有統故日視月察時考歲會有弗修者則率以勤有弗振者則率以嚴有弗潔者則率以廉有弗度者則率以正先之而有弗率者則有以爲之是以曠職戒以力政責之以貪類有刑之有辟作則示憲而尤弗懲則必執度其以徵以聞於上別其愚黜其名則人無不得民亦愈知治矣子往焉若曰民事固艱官各有任其無乃廢前人成憲而政幾殆乎吾聞之許士風端愿民俗勤勞能迪舊德而終

始克果其有以禦我矣顏子曰不厚其棟不能任重聞子之言是在我遂用之以治許

曹廷獻按廣西序

曹廷獻按廣西見周子而問焉周子曰是行也重也廷獻曰何謂重對曰吾聞諸先民曰御史古官也若史也民醫也僚之則也度之樞也入則曰焉出則成焉行則公焉止則明焉是風紀之道也是故不正則心仇不威則人玩不公則事固不明則

八厓集

卷之六

五

鑒失故古之君子入則象天以崇正出則因地以矯威行則相時以立公止則體物以用明謬然執法以弗忒也屹然山嶽以獨立也凜然霜殺以無益也炯然衡鑑以無翳也是故正其志意精其惟度以制喜怒喜勿加好好則心淑怒勿加惡惡則必慝是故朝而聽焉晝而訪焉夜而維焉於是乎聚學以裕身勿使有所壅蔽舉錯以乖其體吾聞之吳干之劍正刑範笑二冶剝脫之砥礪之然後

劊牛焉劊盤盂忽然耳本無鈞罕鐔蒙湏之便則鋒弗能入刀弗能斲是無具矣無具之爲其能長又廷獻曰言哉斯言也正而威公而明克偏以養德集學以爲用風紀之持得矣請終身誦之可也

送胡汝青按應天序

胡子按應天同寅周子約其言以規之曰古之御史執憲度歷要害行無立奇政無作辟屬土於是乎告順善善良吏姦宄而滋其元氣民無犂貳行

八厓集

卷之六

五

至正也持衡執御方圓德無寸棄才無尺取屬吏於是乎體則釐淑慝著文疏而聞諸一人士無營議達至公也相民風正利害無準夙編無泥習令屬人於是乎用誠創經制區條目而昭乎遐邇行之無數播至餘也且夫郡有常伯邑有常令政有常度法有常守民有常生役有常繼是御史也風裁之宜也若曰持爾法號爾令隆隆如雷炎炎如火而於三者弗逮焉是怙勢以陵人假譽而弗實

也胡子聞之曰信哉斯言不可以不法也遂書於行篋

吳文熊簪履塘舉進士序

吳文熊以楚人籍蜀之瞿一舉登進士第其志有科舉以來領甲選繫仕於朝退哉邈乎其未之聞也瞿之山川久而英靈文運之昌子其際焉或又曰子楚產也衡嶽萃精洞庭注液重之以完氣由之以運數矢決滯崩往無禦焉曰語周子居子

八厓集

卷之六

二

曰有是哉吾聞之橘生以南易北則枳瓊瑰異種毓於非賢之域茲天所種也地所植也人何預焉是故定天以人名地以傑成人以德作傑以道絃四者理也數弗與也子能相天之理察地之則德以成傑學以聚道乃繹厥施乃登厥選瞿之造士故自子始吾聞之培木必自其本斯榦茂導水必自其源斯流長作則必自其身斯利遠子益修德業而成其令名地之榮也既榮其地瞿之士必求

武其遺躅以務成其名以蕃厥後詩曰天作高山太王荒之言創之在乎我也又曰視民不佻君子是則是做言繼之存乎人也吳子唯唯君子曰知本矣因書以序

石泉居士序

石泉之士有隱君子焉心閑趣逸傲乎世其甯長絕乎塵其歌放小乎宇宙而蔑視昆蟲其樂也陶陶周子聞之曰其達人矣夫未可謂蓬茨之下無

八厓集

卷之六

三

逸民也或者問曰果前代士乎抑當世人也對曰未通介紹焉知寔履吾聞若人之名而覈其行殆必隱者也夫君子處以潛德出以行之是以敷腴澤民葆貞養性泰顯而屯晦也今之仕者出則溺焉而冒止足之戒故泰亦用屯亦用德亦否矣夫隱顯時也出處節也君子於時可以觀節矣故忤時弗通韜光莫試則長嘯日忘其榮放歌日適其達致樂日養其靈夫口以宣情情以達志志以暢

懷終身由之不知老之將至也吾聞石泉之上木  
石盤鬱花卉葱蒨三君子而五大夫可以爲侶矣  
若今之顯者據微憑人乘邪希世饕餮之福雅  
滋世之蠶前無以成後無以裕未竟是榮而益以  
辱其誰能免之石泉之樂奚可少焉隱於下而能  
致樂以自用善之基也惟善人能安至樂若其有  
平吾又聞修德以獲報樂天以受福君有嗣而能  
學可以繼世矣今日之樂其毋讓焉

八厓集

卷之六

无

送李總戎歸留都序

竊我李公伯顯受分閭之寄控制貴陽區人咸服  
若三年香爐夷典靖泰合征大憲克予三賢達  
扶錫命思渥稷臺功名等知也一日公確然有歸  
志或謂曰力三臺三操不若萬金之脂龍馬執  
形跡懸肝膽貨地以幸功歸澤以澤後難相稱焉  
公以不營勲績是能進秩爵有焉參諸有焉何以  
去爲公曰不然象惜其齒豹愛其皮功自我立費

斯我受乘人以饗世賞偷天以爲己力是爲不祥  
夫爵我者利我者也券諸我者戕賊我者也故曰  
代大匠斲者必傷其手今不愛前人勲而覲世榮  
以速益惑矣况吾者矣弗能爲也已故歸焉疏上  
天子重其勞詔歸守留都爵秩如故諸君聞而異  
之告諸周子周子曰居盛寵者忘遠慮蒙顯福者  
昧隱憂夫見水思溺望火思焚智也勝者不察而  
隱焉弗有其身矣易曰濡其首厲書曰勿畏入畏  
八厓集

卷之六

辛

翼翼矜矜福所以興公其有焉又曰良治之子必  
學爲裘良工之子必學爲箕後嗣有焉因書以俟

### 周氏世壽序

予讀崑山周氏世壽卷因喟然嘆曰嗟乎世壽之  
甚難也竊聞古人之壽應命於天受靈於地膺祐  
于時非天則不祚非地則不鍾非時則不享然則  
無天昏凶折之憂而有好德考終之譽舍是三者  
弗能也崑山周氏壽誼翁年百一十六子壽九十

八厓集

卷之六

三

六孫伯氏七十五仲氏八十三叔氏七十八曾孫  
七十嗚呼此世壽之爲難也翁生於宋隱於元尊  
於我明體貌奇古嵩嶧嶽聚不弛崩天所命也  
潛穎吳墟杵首鮐背日引月長地所厚也明庭賜  
坐籟帛交陳鄉飲首序醕爵輝映時所際也是故  
翁之生上崇於天厚於地中際於時故運祥而  
壽臻壽臻而德劭德劭而寵錫寵錫而慶延慶延  
而子孫之壽斯夥矣是故喬在山其梓匠之鶴在

其子和之一氣相通壽乃無記夫周氏一門不

壽豈繁多寵其修於前者有壽誼之隆焉承於後  
者有諸孫之美焉書曰垂裕後昆又曰在我後之  
人惟不能凝天地之休祇帝王之寵紹祖宗之慶  
垂後嗣之澤以蕃大其胤年固不登譽或罔令若  
所謂杖於鄉養於國瑞於世達尊於天下祇見其  
難致也詩曰正是國人胡不萬年言壽之微也只  
曰俾爾戩穀罄無不宜言壽之延也周氏子孫其

八厓集

卷之六

三

尚毋忘也哉

### 東山言行錄後序

嗚呼東山弗作九京矣小子何述焉述之者言行  
也然則東山欲哉曰東山存自撰墓銘不欲子孫  
增飾素行茲其東山欲哉後人志弗忘也是故巨  
海洋洋崇瀾蓄焉不攬其瀾海無止矣隆山巖巖  
層阜列焉不窺其阜山斯邈矣君子休休言行著  
焉不采其行德固名矣是故瀾者海之餘阜焉

之餘言行者人之餘故曰璣璣不塞山海漏焉細  
行不檢大德累焉君子據外以驗內由顯以闡幽  
言行則其大焉也已東山少而穎壯而厲老而龍  
節上德之士是錄特其可見者耳君子曰可以觀  
東山矣

### 贈別序

貴州鎮守李公轉楚藩大中丞公安鄒先生與廷  
用俱辱相處例有言以頒別因謂曰子與子楚人

八厘集

卷之六

三

也李公行子其言之遂授簡於子子以尊者命弗  
敢辭乃言曰內相之職其求高矣在天道著四星  
在月令審內政在周禮列置官在詩傳載小雅然  
其職其亦重也已我明則天象考古制列朝委用  
至於今日其制亦甚重也故內莫重於近侍外莫  
重於鎮守鎮守者將昭奸燭慝以通闕中朝其責  
甚大天子懼非其人故擇賢者以往是以論辭藻  
頒璽書皆至文與錄而照輝傳示以寵也繡服

八厘集

卷之六

三

璠璠寶帶截肪供其麗縵示以榮也諸司聽令恭  
臬不撓示以專也數歲弗易示以久也叅以撫巡  
示以公也奸宄必聞示以親也錫子必厚示以愛  
也夫寵之也益榮命之也甚專久而欲其公親而  
放其愛以是承君之命一方於是乎鎮服而不敢  
有愆今往矣若或改制易度怙寵以恣冒榮以騁  
專以侵其職又以固其私弗公以同衆弗親以故  
撫弗愛以奉命其於一方何哉其於君命何哉中

丞曰盡之矣鎮守公曰命之矣因書以贈

### 送中丞黃山鄒先生還朝序

子黃易之乾卦有曰貞者事之幹也又曰貞固足  
以幹事未嘗不斂衽嘆息意是人之弗脂也自予  
按貴而接我黃山公也窮涯莫竟盈量罔知日見  
其舉事行政動合矩矱有毅然不可拔之志然後  
乃知真固如是而聖言不虛也夫貴僻在荒遠其  
民夷其性危其變難制撫之者誠不易也自夫觀



榮微寵者居之則功多偉偉則利上而下固惠矣  
自夫著名術能者居之則事多疾疾則譽日聞而  
帝冠矣自夫瓊尾變更者居之則政多厯厯則  
治裕勢榮而固有思隨者矣是故貴之難撫也黃  
山公之蒞貴也淳正道以率人之不正者持大體  
以爲憲紀推仁以爲用公則以相濟御夷以法崇  
賢抑薄功不偉而惠流譽不炫而澤普政不彪而  
和貞固專一守之不失故一年而香爐平二年  
八里集 卷之六 三  
而詩夷定三年而四境以寧咆咷者靖焉瘡痍者  
復焉饒饒者乳焉熙熙焉煦煦焉茲一方之休也  
山公胡爲乎去哉雖然公之去以德以公以望天  
子內辟有命不可留也或者乃曰德也者凝命之  
小而公弗居焉功也者取榮之媒而公弗言焉望  
也者官人之資而公弗藉焉公成不有而寵眷亦  
無乃爲異乎子應之曰不然赫然其名者實之  
然其實者名之者也故孔子曰在家必聞

在邦必聞又曰在家必達在邦必達蓋言名實之  
所以分也公以實行而被實榮繫公之受豈如斯  
而已乎方今出處之道三任天下之重而不計一  
身之安危者見之大也處氓氓焚焚之中而泥滓  
不污者心之貞也不履險不蹈危執誠以往迪德  
以將之者主乎其時也斯三者出處之道公其庶  
幾矣

刻賈太傅新書序

八里集 卷之六 美

吾鄉燕泉何先生博綜今古撫漢之瑕乃取賈太  
傅新書校讐註釋詔有司棗刻因命廷用爲序予  
因得而論之曰事君之道厚積爲上格心次之驟  
書下矣夫惟積不厚則才露心不格則情踈疎不  
戒則言易露則掩人踈則遠人易則過人三者處  
言言斯殆矣是故江河之爲物也居之太卑却澄  
焉停蓄焉納斯渾矣渾則合其源分其委流而爲  
浸匯而爲渚運行之妙源源不息也乃若處之

洩之疾本竭澤涸何以能久賈誼居文帝時其十  
雄其治達其辭瑰以偉脫畧公卿之中真漢庭奇  
崛士也能澡身浴德言仗靜正漢之爲治雖三王  
五帝弗可及也已今以未仕之年立人新創之朝  
人君未孚公卿未亮疊疊焉改正朔易服色立法  
度定官名興禮樂更律令正侯國言之不置且繼  
以太息流涕焉使文帝弗諫讓公卿弗嫉忌處以  
盛位國之大政無踰此數者誼更何所指陳耶子  
夏曰信而後諫孟子曰我先格其邪心誼之所存  
所發疑未及此意者功名激之也不然惜悼長沙  
賦鵬之日隕獲懷王墮馬之時其所養亦爲未得  
也識者謂志大量小其或然哉雖然誼亦幸矣使  
生非其時孔融禰衡倚耳鳴呼帝之於誼其亦可  
謂厚也已

丁安人挽詩序

嗟夫古者於人之化也薤露有歌蒿里有詠皆

八厘集

卷之六

三

緇挽柩憫生悼往以辭焉哀依依而不能已也迄  
夫黃鳥之悲三良高行之慟梁寡皆是意也我明  
丁母端安人生有淑質歸丁氏爲婦爲母懿行甚  
著及卒君子知聲律者咸歌詩挽焉是故挽者挽  
也亦古者挽歌之意蓋寓言屬辭而表其實也故  
觀夫辭之清以純者則知安人皎如之媛也觀夫  
辭之峻以潔者則知安人肅雍之則也觀夫辭之  
頌以美者則知安人小大之德罔不淑善也觀夫  
辭之哀以慕者則知安人之澤及人雖內外而不  
遺也蓋詩本性情感於外而動於內物使之然也  
誦君之諫或情至無文或文至情稱皆有道存焉  
信今傳後亦古詩樂府之流安人亦未有聞矣憲  
副公安人家嗣有顯揚之實流芳之美將不止是  
焉爾

都閫張希孟進表如京序

嘉靖紀元聖天子以藩王入統八月十日恭遇聖

八厘集

卷之六

三

誕天下群臣表賀遵舊制應新命也浙藩三司先期以行都閫張希孟與焉余曰往哉茲事體大未可以易稱也夫人倫之重君爲上臣次之天地之絕相遇實難必有恭德以履其位有敬德以執其事有溫德以正其容有忠德以致其儀然後文以昭之武以佑之斯可以奉命於君矣是故恭則君臨以讓敬則君臨以肅溫則君臨以莊忠則君臨以實文不以匿武不以黷君臣相遇焉可誣也希孟曰浩聞之有德者享無德者辱予小臣辱德也茲行應命而已敢覲是遇乎予應之曰夫人無幽顯道在則爲尊且君之於臣無遠近也無親疎也無小大也無厚薄也亦德焉感之而已易曰公用享於天子言以德而享之也書曰享多儀儀不及物言享之不以其德也人惟自致焉爾可自諉以誣君乎希孟唯唯遂執策以行僚案餞于郊咸誅詩以送之

八厓集

卷之六

堯

鼎山卷後序

鼎山之下有隱君子焉人皆稱之曰鼎山翁聞者與之周子曰程氏其昌乎書不云乎若考作室既底法厥子乃弗肯堂矧肯構厥父舊厥子乃弗肯播矧肯穫隱君能構能穫者也以遺後昆亦永有聞矣夫鼎山者乃祖文清公所有以乾造坤設儼然而鼎峙焉衆人望之詩云節彼南山維石巖巖赫赫師尹民具爾瞻隱君思弘祖德者也日惕夕厲視人尤甚焉是故山之結者氣也鼎以名者象也積土而爲之者漸也高而不危者固也大而不傾者成也夫崇基以凝其氣摠文以昭其象累善以致其漸茂功以益其高廣業以培其大此數者祖作之孫述之盡人之力受天之體子孫豐厚令聞益彰董子曰久不崩弛有似仁人志士程氏得之矣若乃遠述祖德踣弊不振亂其所爲埋替舊業鼎山之高雖非一朝一夕之積則蕩而爲魁陵

八厓集

卷之六

罕

冀土其有俊乎詩曰天作高山太王荒之爾祖有焉書曰啟佑後人咸以罔缺隱君有焉

食憲李邦泰歸養序

李于官浙江按察僉事居無何一日喟然曰子母老矣子將歸察友止之弗聽明日上疏遂行周子往問焉李子曰子弗聞乎上世渾渾則有大孝中世熙熙則有達孝下世謹謹則有名孝夫人者性之也是者反之也名者修之也子少孤子母年八

八厓集

卷之六

望

十矣母八十子猶從政非子也先王制禮而達之彝人也子何安焉周子曰孝哉李子之爲道也嘗觀之虎狼之仁貪戾以分駒虞之德慈愛以成何者天性使然也李子嘗爲御史矣執憲不渝爲法不撓忤時家居幾十年矣明君在位召居憲職可謂榮矣辭而歸之若遺跡焉益亦可謂難矣是故忠不謀仕忠之至也孝不忘親孝之大也今子止順天心以畢其志令聞嘉譽而自致焉不亦休乎

李子曰有是哉子之諛也夫人道有五而名不繫焉言孝不言慈曰仁守時而不忒曰義辭貴不辭讓曰忠理得而自安曰信力行而蹈德曰勇夫仁道之愛也義道之制也忠道之實也信道之孚也勇道之帥也子守此終身無復譽矣

唐氏永懷冊後序

按察使新安唐君沛之考先人之遺行昭世族之巨乘乘有表有傳有銘有誄有詩有歌數者備矣

八厓集

卷之六

望

志之曰永懷詩曰永言孝思孝思維則此之謂也周子曰唐氏其有後乎吾觀槐川公之表仇太君之傳斯知之矣是故丈夫之生也有道焉女子之家也有則焉孝友慈愛道也勤儉貞靜則也孝所以立本也友所以顯仁也慈所以宣惠也愛所以濟物也本立則道昭仁顯則家順惠宣則公澤濟則溥是能垂統有道故教授公也山長公也紀善公也乃振振有聞矣勤所以幹蠱也儉所以昭素

也貞所以立節也靜所以成德也以勤持家則不廢以儉足用則不侈以貞守婦則不渝以靜保孤則不欲是能立順有則故張氏婦也王氏婦也乃奕奕有光矣夫有盛德以昭後有貞節以耀世所以令譽有終也是故木有本其葉必繁水有源其流必大唐氏之族遠也其賢斯多繼是而後有按察君以修祚殿元君以敬業侍御君以昌嗣奕業相承子孫必蕃詩曰其類維何室家之壹君子萬

八厓集

卷之六

三

年求錫祚胤唐氏之謂也君子曰亦可以觀矣

### 陳都關赴留都握兵序

留都古金陵也高山峙焉大江流焉鉅哉形勝古今之至險也易曰王公設險以守其國故我高皇帝奄有茲土畿內千里內設連營十二營有握兵之臣歲時巡視然居重取輕焉文皇帝遷鼎於燕以舊都重地簡月良臣居守益嚴嘉靖元年浙江都指揮陳君汝玉膺茲重任將行問軍政於予

八厓集

卷之六

四

子曰握兵之任重也陳君曰何謂重子曰要害之主輔京師之屏翰也詩謂公侯千城書謂熊羆之士有嚴有翼以承一人故謂握兵之臣曰握兵何爲也曰統夫三軍之衆備車馬備器械士卒桓桓尚迪果毅謂之曰勇簡厥謀以率其不謀進厥武以勵其不武辨忠邪倡果敢謂之曰明肅軍容正教令驕侈者罰耀威者賞使武備益振謂之曰嚴因其窮疾加其恩卹相其風土俾之不貳謂之曰仁閱其軍實紀其超乘風漂雷激以待不虞謂之曰智此五者握兵之要也曰何術而能盡也曰武備之不修也久矣昔之蒞茲選也人非驕也則侈或汰以虐下或寬以規利故富者脫籍伍貧者充介胄無事則蓄衛之術疎有爭則耀武之功乏今君往也勇以行之明以臨之嚴以處之仁以居之智以知之夫勇則弗驕弗驕則下順明則弗侈弗侈則下敬嚴則弗寬弗寬則下畏仁則弗虐弗虐

則下惠智則弗踈弗踈則功立是故握兵權蕃國  
家也且君之居官也忠實有謀經畧數地咸著偉  
績衛我根本之地而樹勲未艾者固其人也君子  
曰是可以選矣

送疊卷王方伯起西江序

疊卷王公擢江西左布政使訪於周子周子曰兵  
餘必荒民困必疲江西之民疲甚矣君茲蒞也殆  
將治漆以調瑟乎堅隄卜築以防壅乎修局固鎔

八屋集

卷之六

聖

以守垣乎振頽綱乎補漏目乎自治以勞乎分任  
以理乎斯數者或足以爲政矣王君曰有是哉吾  
之懼也邇者宗藩不軌輿金輦壁盜兵阻衆所在  
靡災茲行也吾恐廢瑟不可以復張壞隄不可以  
復壅敗垣不可以復守綱或弗尋目或弗舉已治  
或煩人治或弛子言吾實懼也且夫上智之識識  
於未萌中才之見見於已兆易曰憧憧往來朋從  
爾思子曷言之易乎周子曰不然吾聞之官尊者

任重任重者責專君之政也有井疆戶口有徭賦  
職貢有經賦關給有藏貨贏儲然又重以民疲加  
以財匱懼固宜也嘗聞古之君子知大事必以衆  
濟也故正以處已而誠其民察其脉理以治之因  
其緩急以行之相其蠹賊以去之正以處已嚴也  
察其脉理誠也因其緩急勝也相其蠹賊威也然  
則爲政之道備矣所謂痿壞弗舉之弊奚足懼哉  
且王君疆道而行有毅然之操行將顯擢斯行也  
不敢不告王君曰子之言也敢不承因書於贈言  
之首

八屋集

卷之六

聖

贈提學黃筠溪還廣東參政序

筠溪黃君筮仕翰林繼讀郡輔復登夷曹文章治  
行欲蓋彌張天子榮之擢浙江提督學政黃君捧  
勅以至訓諸士曰學問之道有數端也夫行莫若  
敬言莫若謹德莫若謙理莫若裕夫淑慎爾儀接  
遇肅正敬也期果言當慢易不與謹也功遂不伐

退然若虛謙也。敘求事理周諏博詢咨也。若是而加之以不矜養之以自裕士道備矣。行敬言謹德讓理咨四者以風士類。故一年而士習變。二年而文教興。三年而化績底觀。風者疏其賢於上。上嘉之遷。廣西泰政士論榮之。或者謂之篤摯。樵櫟理舟之物也。惟舟人能之。艤剡鞅駟馬之具也。惟御者能之。黃君之是遷也。廸士與訓民不同。立教與為政似異。猶舟人不可以為御。御者不可以操。

八厓集

卷之六

七

舟也。予無疑焉。周子論之曰：不然。夫心之通者神也。物之化者理也。政與教一也。非二物也。昔者孔丘相魯，若會齊侯，或者歎其知禮而無勇。以兵劫之。孔子凜然道德之言，齊兵遂避而返。其田至今稱之。黃君學孔者也。懋昭風德，敦詩書，富禮樂，明是審非，察類濟民，將無往不宜也。而何是遷之有？是故龍德者，君子之備也。變化莫測，高下巨細，罔或不通。至人者，在大不難，在小不易。在通方則不

究在一隅，則不秘。燕而徐之，使自化之，饒而裕之，實自有之。故曰：龍變無常，能幽能章，至人之行能顯能藏。黃君其殆庶幾此矣。

八景圖後序

嗟夫遊觀之義亦大矣哉。將以達其鬱也，宣其氣也。是故鬱不達則神明壅氣不宣則邪行入。故天鬱則陽瘳地鬱則陰伏水鬱則流淤草鬱則生燄。是故達鬱宣氣天地萬物之宜神明之適也。古之

八厓集

卷之六

吳

君子設苑囿立其樹相時而臨之，取物而樂之，節宣其力無致滯逸，可謂知道矣。郡守尚公達齋安園之暇，相其地之可樂者，有八：曰控海樓曰隣寶臺曰劍池曰鼇峰曰西塢曰北園曰蓮湖曰苔泉。樹以樓觀環以花木，或龕山為榭，或傍嶼為亭，或因水為舟，日與文人貴士聯翩車蓋放浪八景之墟，綴席含毫共寫一時之勝。故詠控海樓也，其思遠以曠詠隣寶臺也，其思高以明詠劍池其思

詠龍峰其思清以虛詠西塢其思入於細昆虫草木不遺也詠北園其思眇以極翩翩然志欲凌雲也詠蓮湖其思潔詠苔泉其思洋洋可以樂飢也君子曰知道矣因書以序

少谷子詩集序

少谷子鄭繼之弱冠穎異善屬文既長登第沉文海內名流瓠落無所容遂託疾遠遊慕鄒魯之風遵海岱凌日觀既乃浮淮達泗適吳徂越探禹穴

八厓集

卷之六

四

躡雁宕振衣風塵之表其意噉噉如也已而結屋少谷之山潛心大道攬觀萬物之終始譬猶鸞鳳乘風九閭之上飄飄游豫而時莫測也夫辭榮就寂者其志曠窮幽迥遠者其志奇故其放而爲詩也龍翔虎變波涌雲蒸備極情態命世之辭也詳其所至正足以翼三百篇之經變可以摹於騷漢法以準其體魏辭以則其要晉選以暢其氣唐音以澤其和盡性情物理之懿義不詭於風人故曰

少谷詩人爾子觀少谷遺周方伯衡山高云周夫子崇高適博要如此平生意氣吾與爾使天假以年則事業子莫之究竟矣少谷已沒其言立於後世死而不朽其以是乎

芹軒李侯九載榮滿序

吾邑芹軒李侯崇儒九載秩滿將奏績於朝致政貳守沱西孫君懋仁上舍陳君文序等徵予言以贈予聞之思人存樹望碑墮淚古人遺愛固云然

八厓集

卷之六

五

也李侯令邑政有績績有艾艾有言言有章夫何敢辭蓋嘗觀李侯之來也下令有曰威令不可不嚴也治法不可不明也愛下不可不惠也表俗不可不正也威令嚴則政舉不可犯治法明則政軌不可越愛下惠則政洽不可侵三則政化美而又臨以九載勤以一歲懋乃贊贊乃可以奏矣諸君曰侯之政聞命詳矣所可紀者何也予曰政者正也正則皆可紀也文翁治蜀政尚嚴矣侯其文翁



乎黃霸治潁汝尚明矣侯其黃霸乎子產治鄭愛民惠矣侯其僑之流乎西門豹治鄴表俗正矣侯其豹之類與此皆前史有聞者也侯皆得其餘矣政何如焉諸君曰侯之政可紀者夥矣請質其異予曰昔歲荐饑道殣相望時焉群寇並起趨健之徒白鎗長鎗銳莫當吾邑素陋無備數犯之侯嘆曰是在我也乃捐俸募民繕城隍修樓櫓民樂赴事而無脂腹睥目之謠不日城成雉堞翼然爲一邑之障遇警躬提兵以備盜屢經北河望之莫敢入邑獲以安是誠可紀也諸君曰禦寇善矣請申其他予曰吾邦以文獻之地自黎文僖公以上劉忠宣公以下代有顯者而鄉賢之祠數百年莫能舉侯異曰是闕典也乃質諸公論白于當道歸然建祠歲時膺醴咸至裡潔清風渙發足以康頑立懦是可紀之最者也諸公曰以子之言侯於吾邑武以定之文以昭之衆美以濟之政罔不善是

八厓集

卷之六

率

以都御史張公琮御史唐公符數實以聞於上三考明試功庸書最梯航晉秩事業亦未有辭矣予曰是言也非諛也一邑之公也因書以識去思

刻百戰奇法序

百戰奇法曷爲而刻爲兵畧而刻也兵非聖人得已奇法行焉善戰之資刻非所尙也解之者曰天生五材廢一不可誰能去兵且吾聞之治世以興昏世以亂皆此之由也予以戰而去之不亦蔽乎雖然用兵之道其來也遠上世以正中世以奇下世以術故正以彰其義奇以神其變術以形其譎故湯武之兵曰應桓文之兵曰制戰國之兵曰忍故時有升降兵有正譎非兵之罪也用兵者之過也夫自司馬政隳韜畧日缺穰苴孫吳及漢唐名將各以其智設奇制變著爲兵法散在典籍琅琅可考或得之正或得之奇或得之術參伍而觀亦莫余是匿舉而行行而獲是以成其功而曰奇曰

八厓集

卷之六

奎

術由之以道鮮不歸於政矣坪山李君紹德以元戎起家惇書宮禮經畧有方爲時儒將得百戰矛法因刻以廣於世予叙之以嘉其志云

補完蘇文忠公集序

予平生不善讀書而好觀大義丙戌春將官於蜀因山水之險惟以經史少隨其歌蘇文集並逸於家衙齋暇欲得東坡集一觀搜諸市肆弗獲一日寓瀘州往訪遊擊李君爵於舟中見案上一帙題

八厘集

卷之六

奎

曰蘇文忠公集歸觀之楮殼剝落有覆瓿之狀及抵其板刻字盡端楷明淨似宋元故物予心喜之問曰有全集否曰有卷幾何曰二十六冊李君謂是書吾父得於吾外祖家外祖仕得之於蘇家藏之數十年公欲之當取以奉予曰君子不奪人之好况爾家傳也翼日果令人持至檢得一十六冊東坡文論奇崛得意者皆散逸獨詩歌奏疏銘贊未亡予惜其美而弗全將借善本於士人家錄爲

成書重慶衛指揮沈德元聞而進曰吾家亦有一部因取而閱之朽蠹亦然卷分前後續集脫落稍少遂更定命吏如式互寫兩成全書裝潢精緻凡案改觀周子作而嘆曰天下之物天珍地秘瓊奇詭怪符彩炳耀呵護於風霆者何可勝數是故龍劍之合荆玉之剖奇也亦天也然非智如張華識如卞和異物雖靈亦終汨沒以是觀之物之冥契天人默有以相之者焉可誣哉世之人往往以費餘清斷恢談肆論侈爲異事皆是意也竊觀蘇文忠公挺生於宋歷事數朝文章之在當時咳唾成珠輝映一世浸淫後代人皆樂誦今閱而弗售劍之伏也玉之潛也紫氛白虹之氣安得不啟智者而獲之子非其人也今得是書如拾拱壁置諸座右朝夕展覽因識數語俾我後之人亦知所珍襲云

八厘集

卷之六

奎

八厓集卷之七

華容周廷用著

商孫慶增男天錫重梓

賦

釋愁賦

龍歸之眇默心紆軫而中悲依南天之炎微望  
北斗以恒思紉蕙薺以爲佩握雲藻而摘辭信無  
上之可樂匪他壤之堪怡咨子生之迂謬受靈思

八厓集

卷之七

而不嘗曉天威之下賜命觀風於茲夷莽在苒於  
流光儼星霜之三易策授坂之驚駘追風雲之驟  
驟效周文以鳴輶傲王遵而騁轡雖疲極於寒暑  
諒無改於初心飲清泉於嘉境摘芳蕓於幽林嘯  
摩天之鴻鶴嘆遠舉於雲間接歸飛之美翼遙音  
響而難攀憫時路之乖忤仰魏闕而長愁宛虹潛  
以自匿騰蛻伏而不瘳感棟摧而輻撓盼河廣而  
沉舟念羈思之沉淪眇萍浮於天末曰皇鑒之揆

子亦時運之未達頓內省以自傷鎗鉛刀之靡割

類迷鳥之斗雌方遊魚之煦沫悼流俗之汨沒實

方面之不同競馳驚於車蓋日藉藉乎成風寥子

身之落拓獲容依於第邦日惴惴而發悻悲性命

之不振想骨肉而惆況念朋友以遠邇瞻江河以

浴骨想去路而無因思息肩於弛擔望天關以踟

躇影素節於汾水導靈駕於玄都習上方之峻宇

舒遐歸於浮屠神滿蹠而覺爽心夷猶而長喻

八厓集

卷之七

塵累之羈縻羌快意以馳驅

懷歸賦有序

余按部貴陽在苒二載代者既於艱安於

省走因筑筑塊處侘傺無聊因成小賦以

紓憤懣詩云豈不懷歸畏此簡書今日之

謂也覽昔無讓焉其辭曰

余薄佑以自罹儻時命之不達攬駿轡於紛埃薄

萍踪於天末既疎神於炎荒忽矯首於雲閣眇營

魂於九飛目勞心而但恒瞻明君之隆盼伏節鐵  
於貴易委微軀以奉命監玉事於周行申哲人之  
烟戒重君子之弘湯繁初心之是篤羗厲志之不  
忘邈流俗之涸濁紛玉石之不明方電奔以勢轉  
忽星驚以名忙顧局途之局鎬貽天路之周章信  
服義之在疚豈聲華之欲彰方塵廓之蔽天適君  
王之南狩想七萃之連鑣望九旂之齊造眷回鑾  
之有期聿垂衣之是候愧羽獵之無書諒甘泉之

八屋集

卷之七

三

有奏竟周南之久滯故從行之未究憫吾生之假  
蹇彌二載之久延苦鉛刀之匪割傷驚馬之不前  
踴高岡而遠望目親舍而涕連悵白雲之蔽日望  
青草之連天夜寥寥而通夢猶膝下而周旋爾乃  
素商激節白露凝秋房鳴蟋蟀潦盡潭淤考滌場  
之在即相授服之有由聽東隣之砧杵悼遠塞之  
征裘載圖南而整翮欲北上而鳴駒頓一時之塵  
鞅聊假息於山阪剪門庭之蕪穢鏡池樹之清流

乃休維繫乃遂柝逢載謹載躍去戚去悲學電囊  
之捧檄似老萊之作嬉舉潘安仁之輿歎周伯仁  
之卮共妻孥以燕婉傾昆弟而怡怡若夫平生家  
友舊日懿親鄉隣知遇官府嘉賓晨結驪而下降  
旦枉駕以來申開醴醴以供酌紫肴核以偕陳載  
叙二年之舊益陳此日之新感毛髮之垂領滌胸  
臆之煩塵亦有暇日嘯侶命籌爰歷林阜以遨以  
遊隨童僕之所止咨匹馬之自留或向沱江放棹

八屋集

卷之七

四

或倚章臺鳴輶祛物外之俗惑豁區中之所求苟  
富貴之難得亦時事之沉浮觀雲物之天構安性  
命之優游敢縱情於紉纆不冥契於靈脩遲遲薄  
暮私心孔酬

喜歸賦

當瓜期之綿邈適代者之寓書余在疚而披閱若  
雲天之開舒喜行鑣之可即意歸憶之能圖念茲  
別之既遠曰言還以躊躇眴南雲之在目若吾生

之須臾扶衡軫以促程瞻長途而勿訝焉脫簪以歸林馬涉途而泛駕

柏賦

嘉珍木之挺生含光榮於蔚蒼憑御史之層臺離塵區之埃壘夕風振以奔濤曉日映而麗蓋聆鶴唳之淒淒聽和鸞之颺颺結松筠以爲難處歲寒而獨表許素志以蒞盟信吾生之良會

秋夜賦

八屋集

卷之七

五

靈輿迅駛兮秋氣涼列宿燦爛兮露漙漙銀河淼淼兮無津梁牽牛織女兮隔咫尺盈盈一水兮空相望千秋萬歲兮心難忘布子步兮下前庭玉蟾耿耿兮輝兩楹清氣逼人兮如有承與皓月耀天兮竟無涯津輕羅兮撲流螢小扇兮揚風清滌場兮在約授衣兮有由感新谷之再升嗟時序之難留爾乃蟋蟀房鳴淅淅涼盡淖遠塞之征人痛處婦之思聲晨卷卷而絳珠鴻翩翩而南鳴望洞庭

今遠隔河山思章臺兮何日能還邀明月兮飛簫藏白雲兮文幌身江湖兮志存魏闕願靖南陲兮心尊北極

完節賦

有序

完節賦賦唐夫人也夫人早罹孀居提孤在疚矢心不貳晚獲重榮于聞而異之遂爲之賦以美焉其辭曰

八屋集

卷之七

六

嗟淑媛之有造爰奉嬪於高門執承筐於君子授葛藟以滋繁誦女史之炯戒供沼沚之蘋蘩懼邱山之蒙德執箕箒之拳拳俄而皇天降割嘉耦忽傾五內百挫萬死一生憫遺孤之在娠痛幼子之未成念宗祔之復振寄一身於未亡指皎日以誓誓覽寒泉以締盟委錦茵於埃壘結素帷於櫺屏望九閭而隕涕撫孤鏡而傷情領中心而自毒時嗟嗟而無聲靈曜推遷四時更代苦席未離閨門長轡香隱綢繆光沉玉佩徘徊乎屬閨之虛寂寥

乎神宇之晦若飢雌之獨栖似蓼虫之無耐感露  
露之垂簷怨衝颺之入內想疇昔之音形儼平生  
之相對口嗚嗚而啣哀氣冲冲而長漬棄綺麗而  
弗衣任垢容而不醜銘柏舟之在懷拾萱草以樹  
背爾其二孩在側誨諭諄諄遵義方之端範翼夙  
德之是循和熊丸以助讀斷機杼以擇隣伴纖履  
以就道剪雲髮以娛賓緒業敬承箕裘祇付欲堂  
構之嶢嶢期丹采之畢具故冢嗣兮幹蠱亦仲郎

八厓集

卷之七

七

今騰駕充羽儀今日觀造駕驚於群仙戴鐵冠兮  
衣牙簪白筆兮宣言方梯航之未艾洎終始之無  
訾慰潛靈於地下歎白首於堂前雖豐嗇之有在  
寶顯晦之自然故求言乎配命亦多福之自天若  
乃峻節上聞聖恩下賁降綸綍之輝煌蔭門庭之  
昌熾戩羣翟之光儀絢霞文之綵帔子衣錦以趨  
路孫比肩以嬉戲笑蘭桂之含芳喜麟鳳之應瑞  
載命焚黃載臨挺隧對宿草而增悲望白楊而逝

淚嘆玉瑛之恒存邇泉臺之永閔我其賴君以荷  
重榮庶幾幽明兩無所愧桑榆兮暮景松篁兮晚  
榮樂我板輿稱我兒能眎毛義之捧檄飫考叔之  
遺羹介眉壽於不老等龜鶴以長生蹈共姜之明  
誓庶身後而流聲願歸骸於山趾甘同穴以相并  
諒風人之采掇垂萬世之丹青

擬招隱士

八厓集

卷之七

八

山樹蒙籠兮溪洞深冰崖礧礧兮連天陰泉咽咽  
兮風瀏瀏怪石嶢嶢兮虎豹警懸猿攀蘿兮野穴  
悲雲日黯黯兮聊棲遲美人遊兮自由春白雲繞  
兮栖吾身高卧會稽兮斯安石之故也遠遯淑浦  
兮亦靈均之寶也挹清泉以爲濯兮望山田以爲  
耕拈芙蓉以爲裳兮據芝蘭以爲襟爾乃黜陟不  
知理亂不聞南陽兮其臥處北山兮其移文閉關  
兮法仲蔚於東越却聘兮效子陸於西秦斯則飄  
飄兮任吾身以徜徉慷慨兮將終身乎遠翔昔有

洛浦兮子晉爲之吹簫亦有五湖兮范蠡於焉泛  
舟豈忘情於世路繫托言乎遊遊歌九歌而應響  
絃七絃而徬徨於是朝覽山水夕遊野壑驅長駕  
乎九疑泛扁舟於四渚贈離佩以申言兮庶以反  
乎初服仰兩儀而怡情兮終以同乎世俗奚取必  
於荃蓀兮向侯門而曳裾遂翹極於無端兮戀垣  
壑以馳驅詞曰昔昔逃名老所安兮移家守陋顏  
所甘兮惡令聞之有及信德儀之當明

八塵集

卷之七

九

戊王出獵賦

伊彼戎酋生於絕域襲薊蓂附詠左賢桓桓休  
眉佗佗弓旄煌煌旌竿拂拂入沙漠而並征濟陰  
山而樹蔚列駿駒以馳驅載蒙馳而弗辭流星亂  
飛奔虹鬚鬚于時紫塞草黃雪山雲結聽戎王之  
誓言選徒衆而布列威力摧鋒剛雄踞鐵驅鷹入  
洪濟之墟逐獸經標榜之穴飲野揚輝叢林灑血  
毛不及潛羽不暇輟信戎落之奇觀酋王之雄傑

者也爾其收騎延旆容裔河源獵人陳獲響名喧  
聞騰酒魚於執轡飛霜刃以割鮮清源潄野日晏  
天旋聊浪乎塞外容與乎八埏慕大庭之武誼仰  
中國之仁賢稱臣來享億萬斯年

姑射仙賦

惟靈仙之所宅於姑射之山涯類綽約之處于瑤  
冰雪之肌膚曳雲霞以爲髣髴草木以爲滋故瓊  
林之藻映流碧樹之葳蕤翔飄飄而浮景載游龍

八塵集

卷之七

十

以東西吸金莖之沆瀣邈下土如塵泥於是朝遊  
靈岳夕憩閭風會真人於海上戲玉女於雲中弭  
節崑崙之頂息駕泰華之峰紫芝爛熳玄鶴雍容  
周覽八極逍遙無窮曜靈倏忽天地相終乃有江  
東顧母壽域宏開集列仙於群島下王母於蓬萊  
姑射老仙于焉來朝霓旌拂日絳節麗霄酌以中  
山之酎獻以千歲之桃奉以碧玉之杖錫以春紫  
之袍授九天之妙錄解三素之天袂並長庚而彌

固歷太清以遊遨

釋遊賦

嗟歲序之更王實肇秋之載臨俛翔鴻以遵渚導  
歸雲而赴林悵天宇之閒閒豁瀨氣之蕭森亢虹  
霓以斂彩聆玄鶴之好音眺四明之秀嶽仰雪竇  
之高岑視邈邈其無極心惻惻而難禁諒時澤之  
未泯欲輕舉而遠臨爾乃浮景閒寂素節皦皦鳴  
調抱木野草垂葦松篁菁茂水石含榮金商動而  
八厓集

卷之七

士

木葉下玉露零而草虫鳴感鍾山之應律嘆枇杷  
之永傾遂乃出玄宇御輕軒搦彤管載清尊紹先  
烈之遺軌遂降集乎名園俯菊英以采掇倚桂樹  
而攀翻九歌誦而厲響悲風激於鵲絃紆平生之  
蘊結聊假息以忘年嗟王事之維繁規曜靈以代  
行佩孔氏之遺訓敢逸樂以忘生亮榮名之匪及  
信德義之當明混遺黎而合俗非撫世之大經且  
反心於初服庶歸命於聖庭

渡江賦

揚子旆兮經長陌臨大江兮愴行客水呼洶兮通  
四溟濤作雷兮波吼鯨崖岸圻兮雷鼉驚霧淪淪  
兮風泠泠仰天路之詰局悼余心以增悲悲東山  
之久役溯北風以言歸假棲棲之神宇息欬欬之  
駭駭諒予心之自厲對江沱以翻飛

白鷺賦

繁棲棲之好鳥兮秉天地之純和遵水濱以潛處  
八厓集

卷之七

士

今濯素景於清波呈聯拳之詭態兮挾雙羽而嗟  
峨無焦明之遠志兮似鷗鷖以蹉跎僥予生之菲  
陋今難比翼於鸛凰惟唼喋乎菱荇兮不饕餮乎  
稻粱溪鷗忌其太繁兮沙鳬詆其甚長苦衆類之  
噂囁兮抑吞聲而不傷悵天網之我罹竄孤身而  
獨處若離繳之驚鴻類傷弓之鳴羽邈八紘之洪  
濤欲奮翮而遠翔棄紫鱗於葭下聊終日以相羊  
遠遊賦



印之如斗何功成而身斃今視漢絳而反後夫辭  
榮而赴江湖者固充蠶之高也委身而潤錫鑊者  
亦種之所遺也以夫子之大勲今當百世而建侯

八厘集

卷之七

十三

何此理之不然今空萬古而見尤念立國之有基  
今斯垂統之至計慨大風之一歌今非長世之遠  
濟呂雉絕而振柯今產詠冰而專兵苟無王陵與  
勃兮大德幾於弗震孰桑榆之故邑今跨齊邦而  
陵厲俄營邱與孟諸今悲爽鳩之遠世臨魯國之  
泰山兮遂翹想今清都緬靈轍之崇隆兮峰高過  
今太虛豈堪上干日月兮雲霞暫而晦冥華英爛  
以灼燦兮弗醴泉之冷冷聽鷄鳴於目觀兮覽東

蒙之號情欲徑庭而升寶宴兮悲虛廓之難登封  
者七十二帝兮意軒皇之獨靈何秦漢之紛紛兮  
遠曠代之品程轉莊周之離廟兮涉滄海之潛深  
惕天綱之盪瀾兮壯孤矢之初心冀一舉而揚干  
里兮乘颶風之駿駁苦經危而履險兮哀時命之  
不與游天津之洶湧兮極莽曠於平阜鴻霧陰之  
鬱鬱兮天閭隱而孤高皇燕山而入雲中兮維四  
塞之靈赴帝畿而戾止兮心綿續而歎歎於是

八厘集

卷之七

十四

舍航而微行李兮扶衡軫而趨都門戒僕夫以從  
容兮隨所止而回轅弔古今之盛衰兮心營營而  
失魂既慷慨以發嘆兮復悽清以自言賜金臺之  
燕沒兮知燕昭之已非盡夷虜之亂華兮飯太清  
於九圍篤聖主之健興兮建嗣王之遷國近慈衛  
乎江游兮遠謀帶於蠻貊坦虎豹而經四野兮自  
何忘乎危懼信磐石而奠安兮將枯槁而求裕辭  
以雲潛霧縠達人甘兮違常守故志壯慚兮乘桴

浮海孔所嘆兮出關適國老所安兮大人之德俟  
天命兮時之去留何所病兮遠遊浮寄曷恐懼兮  
迪明德信隨所寓兮

沙燕賦

繁沙燕之翩翾兮潛攸處乎陰墟相圻岬與奔峭  
兮遂結構乎所居衆喙營營不已兮迺幽寂而拮  
据穴駢羅而星布兮似軍壘之縈紆省啣泥之辛  
苦兮樂吸土而効劬釋網繆之牖戶兮類蛇蟲之

八厓集

卷之七

七

所盛陋枝危以作巢兮靡塚間之故集離金星之  
煒燁兮迫華簷而凜慄茂鷗鷖之小智兮塊鵲鵲  
以自逸冀飄揚而高舉兮羞瑣細之菲質欲厲翮  
而遙集兮甘屋簷以就室惟卑汚以求託兮聊遷  
延於歲日食蟲蟻以飫飢兮嗜糞壤其如窳兀群  
飛之類天兮間差池而呶呶覽茲類之醜類兮異  
其類之若妾若玄裳之雜色兮輕厥貌之太強上  
瑤光之下散兮翳炭氣之所爲音咽折而喧喧兮

無呢喃之可怡尾離離而翻翻兮靡頤頤之遲遲  
差惠濕而居下兮奉微軀以竄之遷徙炎之上燎  
兮沙雲黑而美追獲性命之僥倖兮照難穀之殫  
竭胡狡童之殘忍兮繳柔絲於長竿窺衆孔之洞  
虛兮縋毛羽之摧殘聚凶醜以悲吟兮怨枉枉之  
不安辭曰非我族類其性異兮惡居下泥聖所示  
兮番番緝緝君子避兮勗哉吾人其自治兮

遠覽賦

有序

八厓集

卷之七

七

夫達人大觀愚者恒昧或有洞性命之情  
而長生久視或有饕富貴之欲而溺已殞  
身是以小大異年修短失數聊作賦名曰  
遠覽

唯大人之遠覽兮開天路而上征秉日月以爲燭  
兮曳雲霞而爲旌纓澧水之蘭蕙兮餌浮桑之若  
英營四海以無極兮洞萬古而益明咨余生之迂  
僻兮欲矯翼於上京揭北斗以前導兮憑南箕而

迥行懼虎豹之守閭兮冀鸞鳳之我迎希大人之  
一顧兮授秘訣於長生懷所懷之莫遂兮空紆軫  
而自矢眺閭閻以遲迴兮颺晨風之凜凜欲申述  
以改轍兮涉康莊而自逸苦雲霞之逶迤兮駭驚  
輶而奔馳疲玄黃以前追兮邈雲霄之遠衍反初  
服於衡阿兮發優游以惜日頓三綱以爲紀兮立  
五常以爲經湯仁義以爲化兮樹道德以爲程願  
天和以葆真兮步聖賢之遐躋庶心體之復明兮

八厓集

卷之七

七

美吾身於金玉

慕玄賦

閱宇宙以太觀兮覽四序之迴薄紛吹萬之生生  
兮寶太始之素籥物有盛而必衰兮華無榮而不  
鏘嘆芻子非天兮意彭鏗兮匪樂何舉世之昏庸  
兮懷千歲之謀畫饗盈昔之美福兮罹溢世之厚  
厄志士懼修名之不立兮廼勤勤於朝夕被讒構  
之有徒兮變其黑而爲白慨局塗之難踐兮致進

退之迫阨側河清之難俟兮弊吾身於金石欲歸  
神於素業兮執玄靜以自適弱水與崑邱兮把  
松喬於華室信託意於九霄兮載羨門而嬉劇願  
終身以自安兮未覺周子遐遊苟注命之倏長兮  
庶吾生之無教亂日對酒當歌人生幾何厚歡美  
餌含毒多縱橫仕路憚經過出門天遠日月明鳳  
凰在漢麟在同青霄之上隨翔翔雲羅天網空張  
皇我排閭闔呈琳琅千歲浮沉帝座傍逍遙八極

八厓集

卷之七

六

永無量

醜女賦

有序

古人以文爲戲亦聖門游藝一端也予於  
舟中暇日以醜女命意造此賦

伊彼醜女鍾此藍氣生長茅茨形甚可畏爲陰  
陽殊群別類背茂華容潛移戎鄙惡冠女流醜  
男子唯有嫫母黃帝愛之女德內正煇輝有耀亦  
有醜離齊王寵焉蕭言曰始月墜彼倚咄爾醜貌

醜疾百端雄顏廣額深目赭顏臨鼻髮髮濁舌難  
言粉不能白朱不能丹見者奔走聞者顛顛市童  
擲石隣女盃觀欲擬形象引等惟艱詞曰土偶分  
形爾被其羸獸吻宵軀爾忌其都棘端母猴爾性  
太愚深山鬼姬爾靈特無敦洽孽爾其苗裔隴  
廉化惟爾之倜儻噫嘻醜女爾胡居世

呂梁賦

伊彼呂梁淵沛喬淪跨砥柱踰崑崙批崖踞嶺鏗

八厓集

卷之七

九

句隱璚暴駭凌邁若雷若神傍懸石齒中挺欽崙  
奔濤涌沸飛沫潛淋忠信出入此焉宅心仲夏之  
季大雨時行雲烟掩霽日月杳冥鼉鼉魚鼉澆滯  
縱橫爾其激浪迴湍衝其中驚風撼其端危檣巨  
櫓蕩其上舟人榜客駭其間仲尼爲之迂轍莊子  
於焉不言僞皇區之求式百神提福以來承奠地  
維以絕險正天綱而播靈荷歟三道永世以寧

行思賦

背齊魯之迢迢度徐淮之瀾瀾洞水勢之紫迴識  
江河之所止迄呂梁而造天鼓奔濤之滂沛泊終  
風以揚波紛沉雲而隨壻潏暑熾其炎鬱烈曦渙  
以重蒸清颺隱而不發甘澍亢而弗零聆瑯璚之  
厲響詵楊柳之垂陰暢時物之遷謝悼歲月之彌  
深嗟踐行之未久委勞思而弗任覽逝者之不已  
差綿縵於予心緬東山之遠役逃二載而於茲聯  
鄉關之綿邈眇家慶之無期欲握麻以自慰苦抱  
董而不怡

八厓集

卷之七

十

扇賦

清英扇翬妙用圓方舒則仁行卷則智藏厥體把  
握厥量洪荒象彼君子外柔內剛天有歲運寒暑  
相承維時炎赫下土鬱蒸來風避暑攝氣輕清成  
功者退四時之序寒不我以于焉遐處蘊澤屏靈  
歛然無累泰顯屯潛得易之義泰曰時舒屯曰時  
卷云化冲融神功攸展贊曰動也有熈惟爾之體

靜也匿跡惟爾之修時中之道吾羨爾之獨優

感賦 有序

夫士以氣感氣以類通載諸前聞宜不謬  
矣何後世而閭微耶噫或時無其人或遇  
非其士此伯牙張絕絃之嘆宋玉憤寡和  
之辭也哀哉廷用賦性愚慙行能無異因  
時進取咄咄末位偃仰睜眦苟祿以活甘  
於沒沒也我龍山戴侍御來按西蜀幸厠

八座集

卷之七

王

屬下因緣有地獲庇所天頓收泥塗與昨  
日月頽首階庭刻肌刻骨誠以大雅能容  
至仁不釋竊意古人之遭無異國士之遇  
蚤夜遑遑圖惟報稱故大收才於微器如  
已之伸也出土於渚中意氣之召也脫駭  
以示寵成身之賜也是知施者不倦報者  
難繼故朝夕惴惴未寧也用是申先容之  
故極拜賜之情纂述其事作賦一篇名曰

感知詩曰無言不讐無德不報知音君子  
庶幾覽焉辭曰

八座集

卷之七

王

緊余生此下國兮羗獨好夫奇服仰聖哲之道則  
兮觀靈修之髮髯伊十載而順迪兮絕墨履而不  
虧鵲蘭芷之芬芳兮佩長劍之崔嵬望泰山以結  
旌兮雄北斗而凝佇溫塵埃之謬戾兮遵閭風之  
高處塞平生之取介兮還元辰之將泰悼世俗之  
能巧兮群犬狺狺而吠怪縹子馬於故壘兮即岐  
路之周章樹木蛙吟而不覩兮愁鬱鬱其心傷顛  
塊處以亡聊兮怨司命之不我察嗟斯世之不淑  
兮好薇蕢而約雅扶衡軫而不怡兮駭頓轡於狹  
途脫穢累而飄飄兮迥歸雲而長吁慨天網之寥  
濶兮何舉趾之弗安惟貞矯以自保兮任修路之  
險艱闕帝闕之崇高兮虎豹齟齬其駭人欲薄言  
而往憩兮地紆阻而嶢嶢倚闥闔而屏征兮時蹙  
蹙而無依紛謠詠以扇搆兮群小莫予之知時在

苒而三年兮心猶豫而躊躇冀棲遲於東山兮聊  
以終乎故廬靈氛爲我端者兮得夬卦之吉占既  
庖畫之至文兮謂時命之不捲將白日之回光公  
浮雲發而自收信履道之坦坦兮雖顛顛其何尤  
于時帝命賢臣兮來按西陲冠切雲之高牙兮曳  
織裾之油油持屈軼之瓊枝兮折幽香以貽之余  
偶得見夫天兮心惆悵而忘歸謂嫫媿而炫耀兮  
固非世之所寶幸運養於時晦兮以俟荃之默造  
八庫集 卷之七 三

濁兮并此道而廢之商感夢以圖卜兮惟版築之  
克肖文出獵以載熊兮美後車之照耀勲業紛其  
歲鏈兮儒帝王之嘉兆旦吐哺於白屋兮若姬遠  
而行易仲揚賢于車下兮卒國人之能哉僞爲政  
之彌計兮斯審審而盡職林園上薦佳士兮衛靈  
賴以揚芳長孺不蔽廉潔兮漢運躋夫明昌人臣  
之善汲引兮信國家之所藏越石獻身於齊庭今  
報平仲之知己豫讓伏鎗於橋下今乃曰遇以國  
八庫集 卷之七 三

路遙迤而脩程命玉鸞以導駕兮麾神蛟以爲梁  
指瑤臺以戾止兮九頓首以起踰仰重瞳而端拜  
今龍旆旋以下顧贈雜佩以申言兮庶以反乎初  
服辭曰國有賢兮人將依兮揚靈耀德以道期兮  
穢累高鑒心愴悲兮顧瞻北斗中夜思兮既莫足  
以爲報兮吾將從伊人之所之

八厓集

卷之七

三五

補遺

章華臺七言古

人生富貴無百年積金累玉真徒然不信但看章  
臺土古墓壘蔓草綠覽賜悠悠過北河北河之  
水生長波停橈佇楫且安度濁河滔滔奈爾何  
觀音寺五言律

峭壁青蓮宇風雷白晝陰松門行宛轉夢徑入幽  
深霧鳥崖前遍蘿衣洞口臨高峰時佇望清梵動

八厓集

卷之七

一

宵音

昇僊橋

乘閒來古剎石堯上崔嵬松子身前落嵐光頂上  
飛斷崖吹瀑布幽壑轉風雷笑入雲峰去擬疑塵  
鹿猜

贈羅樸軒白廣西義寧歸隱二律七言

列宿曾昭百里光近承溫詔許還鄉陶潛只愛黃  
花徑裴度還宜綠野堂琴鶴不勞重整頓龜魚今

喜共徜徉而今老眼摩挲處照破紅塵

其二

畫錦歸來第一人鹿門深處養天真之松庭外都  
擎白双鳥床頭不染塵酒盡直隨雲共卧琴閒處  
與君相親這迴風蕭蕭外縉微何由繫此身

與陳及文基兩聯句

四合煙雲靄周中宵雨澤臨兼五更收赤旱周六  
月盡黃金兼馬鬣競甘澍周龍潭注曉霖兼百年

八厓集卷之七

辨造意周千里故人心熟

與百八十老人聯句有序

按部時遇一老人問年幾何老人曰纔九十  
有家父在年百餘接其父父亦曰有父在問  
得見否曰可比見叩其年朗吟云  
余續吟云云老人乃合掌而逝

年已三層過時方二九兼老人西方無量佛

老人星周

華容縣志傳

周廷用字子賢正德辛未進士授知宣城縣召為  
陝西道監察御史陞浙江按察司僉事福建布政  
司右叅議四川副使江西按察使罷歸廷用才票  
超卓天性剴直氣倘黨壻所不宜於俗而獨折節  
名流彈力學問寒暑罔懈體越格異詞鋒迅湧接  
筆長賦爛然成章所居宮咸著剛果有奇績頗持  
守峻潔且才高每傲視當世人當世人以此忌排  
八厓集卷之七

三

抑之故其位不甚顯所著有八厓集子槐領鄉薦  
歷宰桐廬縉雲二邑生平多厚德著作甚富

附槐祖詩

觀漲

經句苦雨太延綿巨漲洪濤更可憐白日行天  
不到地青山浮水自含烟孤舟盪去依雲杪驚  
鳥飛迴失樹巔萬里銀河知不遠靈槎直並斗  
牛懸



童華臺

楚子荒臺迥山城更帶盤絲雲歌舞散

丘寒百里花盈縣三春柳覆滄沱江看逝水慨

古發長嘆

八厓集十三卷

浙江巡撫  
採進本

明周廷用撰廷用字子賢華容人正德辛未進士官至江西按察使是集賦一卷詩六卷文二卷後附緒論四卷則其訓飭士民之言顧璘國寶新編以廷用爲殿其贊云按察人豪濶視放言文藻性成早垂鉅篇然廷用自以耿直傳不必以文藻著也

滄漚集八卷

〔明〕張重華撰

中國科學院圖書館藏明萬曆刻本

附《四庫全書總目·滄漚集

八卷》提要

刻滄漚集叙

豫章洪陽居士張位譔

昔余司南雍都人士雅稱三吳有虞侯張生者比歲家第儼入吳叩生廬益熟其深也生廼

官保莊懿公之孫爲人忼慨忠亮有大節能麾千金能友千古甫八歲嘗

六序

卷五

卷五

大書壁間語指高其大父封觀察磊塘公大奇愛之稍長爲名諸生聲翔海內家藏書充棟悉硃圈靛點糜糜欲爛墨蹟碑文手臨摹殆盡家第嘗目覩心醉之喻太守邦相治松歸來亦爲余道及居恒所著詩文蓋百卷先梓八卷名曰滄漚集辛卯春雲間

沈生孺休來豫章虞侯削檣丐余序  
余時苦居未能應夏五月書再至勉  
題數語云滄海大矣名山大塊浮其  
中不啻一芥况漚則瞬息可謝虞侯  
奚取焉夫人生五濁易消六龍不驤  
所不謝者自有上乘也次則寄之乎  
文章虞侯漚視諸種獨存是編以通

宋序

虞侯

不朽豈直西京天寶豔稱連城其識  
趣高卓如海若馭風非塵凡儔輩哉  
虞侯誠不以一時棄千秋余尚與而  
訂之其最其最上者何如



山東友弟熊傑書

滄漚集序


雲間有張生虞侯者予丙午同舉觀  
察受所丈從子也忽一日枉翰使山  
中持所著滄漚集請爲序開槭讀其  
文則言言欲奇其詩則首首欲出塵  
清新也就所著蓋自可成名於當世  
何取於予言乃余言抑又何以能爲  
生重歟雖然生來意殷殷厚不可虛  
請有以告夫今之作者患無才才患  
無法有才而得其法矣又患無本本  
者文之精種種心思議論從蜩甲枯  
枝珠絲碧落中來開天闢地亘古徹  
今人所不能道道之超然倫類首傑  
出卓然天壤間可以不朽而常存是

則所謂不朽而立言焉嘗求之海海  
有驪龍龍有珠批逆鱗探頷下能得  
此足以照千乘而稱連城此不世之  
奇寶也生文能似此則其所就非所  
謂探得驪珠歟他時倘更成集即謂  
之海珠集亦可漚云乎哉

古曲阿鳳凰山人姜寶廷善謨

序

載



西蜀門生張文運書

刻滄漚集小引

門生陳于廷百頓首謨

虞侯家師以文章翰墨起弱冠為一代名  
家車跡所至王公大人倒屣執轡誰不欽  
岑之何待區區門下士托聲齒頰耶所重  
者則神情爽朗志節剛方義氣所激扶人  
顛危急人貧困有虞卿脫印之風魯連射  
矢之畧結客尚賢雖羨其膏腴弗恤也時  
人稱為貧孟嘗此其所見者高所志者大  
不規規於勢利塵紛之末考其師友淵源  
之漸則自先太祖

本引

章

宮保莊懿公家訓儼然少且從舅氏楊中  
丞朋石公談道講執多所服膺既壯慕  
國相張洪陽先生之學不遠二千里而師  
宗之居恒督責于廷輩讀其書守其教如  
孟子之於仲尼每嘆曰近世正學自陽明

先生以來惟我洪陽夫子一人而已以故  
文章翰墨自他人得之以為玲瓏珠貝自  
虞侯師自視則大海之一沫初無增損也  
遂自命曰滄漚居士因以命其集曰滄漚  
集其所見何高所志何大哉小子不揣紕  
陋曾任校字之職刻成將笥之南遊太學  
印正天下賢豪長者敬附姓名於不朽

天刊

黃

助梓名賢姓氏錄

閩中李戶部諱開藻字叔玄號鵬岳銀伍兩  
江西陸太學諱觀字季龍號章江銀伍兩  
徽州金太學諱元慶字廷瑞號雲巖銀拾兩  
徽州汪太學諱仲圭字汝璧號潤菴銀拾兩  
華亭董廷尉諱志學字懋初號漸川銀拾兩  
華亭鄭光祿諱昭服字嗣賢號述亭銀貳兩  
華亭徐太學諱珥字直卿號在菴銀貳兩  
張重華曰不佞穉穉僅有杜征南之癖謬受知  
於大夫名士無論桑梓即河海之外多所傾蓋  
而何助我者寥寥乎夫卑之蒲柳謬托棗梨耻  
也尚敢號於人而干之助哉有出於偶然聽睹  
中心悅而賑之者有出於其它文字之役肫肫  
然以幣交而餽之者不佞且也耳赤三讓以故  
雖同道之薦紳同社之親知同胞之兄弟弗知  
也亦弗助刻既成廼錄之存盛心也而以俟之  
百世後知有張生則請君子賜我也

名賢姓氏錄畢

滄漚集卷之一目錄

序

重刻峯泖紀遊草序

贈喻郡伯公祖考績序

刻評註程墨表選序

刻陸中丞北運奏疏序

刻綱鑑題評自叙

贈楊明府父母入覲序

壽王太醫六表序

刻遂昌王孝廉墨卷序

重刻太上感應編序

刻策學粹要序

村居樂序

贈項明府父母考績序

墓誌銘

晴陽堂卷之一目錄

乙

詔晉中議大夫贊治尹雲亭李公墓誌銘

明故南京中兵馬指揮使訖齋何君墓誌銘

行狀

明故奉詔進階大中大夫浙江布政司左叅政

豫齋顧公暨配范淑人行狀

滄漚集卷之一目錄畢

滄漚集卷之一

華亭 張重華 廬侯著

序

重刻峯泖紀遊草序

山靈河伯韞為英奇吐為鴻碩理信有之然名區勝寰弗得文字品題其上則泥九汙漬弗載于乘翠微瀑布弗揚于聲其草木蒼蔚有時渝謝也其湍瀾澎湃有時淤枯也靡傳也是故洞庭瑯琊縱鉅麗廼其名未甚烈也得希文永叔稍稍數十言

晴陽堂卷之一

乙

重刻峯泖紀遊草序

迄今岳陽醉翁恍忽在目即鉅鉚之於子厚桓山之於子瞻亦由是乎因知地固弗靈于人哉况吾松九峯三泖小有東南匪比蛾眉彭蠡殊絕名勝足傳藝林得我叔範黃夫子一記十三詩奚翅金石重哉夫子標行高他物無所嗜玩讀先柱史所藏籍萬餘卷一目數行下蓋五車千曾焉所為記大都采子長家風且也奔走漆園吏而矢口南華詩則雄朗叫囂傍無他人獨手持天寶而排青蓮元白之闕九三名勝一切前人所未及道今人所

未及知者盡擲之三寸兔毛他日讀紀遊草輒收  
峯泖爲研山墨池歷千百載而知有九三者是草  
在也倘希文未叔諸君子更生亦疇以重峯泖哉  
今歲秋杪余手書入剡剡流傳吳越間一時鉅公  
名士爭購去余弟子衆好古篤學念是板將歸遂  
昌奚囊而遊草可一日虛九三之墟哉復丐余重  
錄鈔梓以貯求求於吳下余既有跋語今特暢爲  
地因人重之說志夫子有大造于峯泖而于衆非  
直信夫子之深抑亦不負九三之彥與

晴陽堂

卷之一

二

贈喻郡伯公祖考績序

新建楓谷喻公守處州凡兩年處人懷之

天子嘉勞轉繁而授之松守松及朞而課昔所守  
處者得三年焉將報績天官待 詔北闕下諸大  
夫交口謀曰太公履堅而軌方母以長物溜筐篚  
惟有言可以贈乎遂造不佞命曰幸哀一言揚公  
淑聲且以挽公之去旌不佞辭之不能得迺進諸  
大夫言曰不佞穢靡能文第嘗窺古二三循吏  
傳庶可以言公乎夫吏治首稱兩漢兩漢白眉吏

無如黃霸龔遂文翁之三子者治聲至今轟宇宙  
然鏡其績則黃霸以重農稱龔遂以弭盜稱文翁  
以隆學校稱此豈其材之偏擅哉其表表各自崇  
樹然耳迺吾松平野長湖一望千里待哺之靈屈  
指百萬宿號難治茲歲澤水不涸廬漂竈沉菽粟  
蕪穢無譚萆實即甞鐘鼎食者且也不聊於理公  
設法勸貸賑之粟餌之粥驅遊惰之夫歸之南畝  
是不法黃穎川乎筑黎媮溝中命烏集閭里動以  
數百計揭竿斬木白晝而空人之室四境騷騷震

晴陽堂

卷之一

三

矣公扁舟甫臨角巾緩帶伏劍一麾縛此而後朝  
食仰觀龔勃海亂繩之譬誠千古同符哉居常注  
心學校躬親胥宇光復黌宮故墟有不利于堪輿  
氏者悉夷去之數十年久於之風氣倬然宣朗因  
色咲諸生而誡之曰而無惰而無惰負此佳麗地  
也一時薦紳先生逢掖丈夫與夫販童擔孺咸欣  
欣手加額幸公之爲而慶士之遭也即文翁更生  
抑何多讓公馭松不再裘葛而昕夕鰓鰓真若六  
飛朽索以故身堂皇而心井陌較昔所以守處者

蓋彌乎勤哉復撥其案牘之剩含毫濡墨落爲珠  
璣流傳剞劂所爲詩疏越悲壯多天寶間語文清  
夷瀟灑走屈宋而馳馬班固彷彿白太傅蘇端明  
之在武林彼漢廷俗吏僅僅以剞劂自翔詡不顧  
公之後塵而趨哉言竟諸大夫盡莞曰博哉斌斌  
乎言也足書矣尚有訊焉子首述黃次公吏治非  
以其能感祥鳳異爵封萬戶侯哉顧爲相輒瑕瑜  
不掩曷以故喻公政事文章齊耀星日

主上虛館閣以待非久將召之鳴珂內庭當何如  
晴陽堂卷之一

四

次公不佞曰劑四海與牧一郡碩鑠不埒而其體  
同也宰相不動聲色而受其成于六府太守總持  
綱領而分其冗于百司次公種種擘畫不遺米鹽  
至舉道傍攫肉怖懾羣下其相體之謂何是故錢  
穀之問晉公屏煩牛喘下詢丙吉知體矧救荒一  
事古嗟無奇喻公廼得之廣詢裁以獨斷不驚不  
擾井井奕奕則自餘直承蜩耳無不易畫者視次  
公何如諸大夫聞言益大點頭曰旨哉梗梗乎言  
也足贈矣遂錄而繡之錦幃復羣然過公旌呼曰

願效漢人借寇先生勿令趙家琴鶴遽北向也

刻評註程墨表選序

表者明也表而出之也是故蓋臣含毫而發惻藻  
士握管而揚聲如古劉安表諫南征孔融表薦禰  
衡諸葛孔明表請出師詎不朗朗貴在宇宙然未  
有以四六名者四六起家唐宋裁四六者績學貴  
洽遣詞貴妍厝意貴婉婉管格貴壯定制則尊六體  
諧聲則祛四病鏡斯數端表足遴矣唐人植于辭  
而意近晦作者弗范譚四六者莫高于宋譚宋之

晴陽堂卷之一

五

四六者莫高于楊劉而尤莫精于夏英公英公翹  
楚當代宋人趨焉我

明創樹塞天璫璣盡地無論典謨著撰齊曜日星  
即漱芳于四六之圃者蓋郁郁岩廊爲世琬琰猗  
與隆哉超漢軼唐而掀宋人之幕矣邇禩以還曲  
子鑠夫才空倚馬學竊雕蟲目不關天棣子雲之  
乘身不歷名山司馬之遊僅僅拂人舌外餘沫僥  
天一倖執襟而叩之腹且枵矣其四六之謂何以  
故沈蛟門先生蘇紫溪先生皆寰區絕傑夙嘗甄



羅而品騰之匪程墨微當也程者館閣人譽吐純  
濯錦以爲天下式墨者鎔鑄海內掄精採真以式  
天下吾所稱洽而妍婉而壯者舍此誰選吾里葉  
君叔明雅好修聲綽于郡知越彥鄭君南凡者飽  
腴百家能文章尤能四六幣聘來郡携兩先生所  
帙者訂釋之甚無滲讀者爽心叔明喜曰此四六  
之鵠也吾忍效中郎氏乎梓之以式永永遂趾張  
子之門揖張子問曰子梓策要世人都子子視茲  
選何如子也張子三覆喜曰叔哉甚盛舉甚盛舉  
時陽堂卷之一

編首

刻陸中丞北運奏疏序

語有之陰德如耳鳴蓋我所自知也以故妖蛇當

道叔孫動情浮蟻泊河宋京興惻彼其心乍見孺  
子之心也誰則知之卒以此致身將相榮名無窮  
豈非天乎今人有滴澤沾人輒揚揚自矜許惟恐  
弗揚於人若是者即畫卓然之烈於世猶淺之乎  
非甚盛德也有若陸中丞阜南先生北運疏者乎  
夫東南之民疲于北運若赴湯投焰一舉而沼其  
家者踵相接也蓋誠如中丞疏哉自隆慶之六年  
中丞居諫垣建言鋟敝東南之民不破而家殞而  
身者每歲數百氏積之十有五年之間所全活者  
晴陽堂卷之一

殆及萬家乎自茲以沿彌何筭也此盡中丞之澤  
豈惟東南之民不知即中丞亦不自知竟不吐一  
言曰我嘗活東南民棄賔之後再迭涼燠嗣子蔭  
君彥楨讀禮之暇搜剔存笥忽覩諫草嗚咽數行  
痛曰何我父之多仁而我亦弗知也夫中丞於其  
愛子且弗告也而況于東南之民誰則知之以其  
澤沾萬靈功垂千古有潤枯起廢之樹廼中丞視  
之直一耳鳴耳丈夫激昂感槩以意氣植功名者  
嘗有出于至誠慘怛之意視之若無者不嘗有若

中丞者奚翅蛇蟻之爲烈哉人見以中丞少多倖  
病中年而強且也秉鉞策勲爲時鴻鉅以爲此疏  
之報天網不漏寧無知哉寧無知哉仁人孝子以  
闡揚爲大節蔭君將梓是疏壽之永永以光其親  
不佞敬中丞之有隱德而又喜其有后人云

刻綱鑑題評自叙

綱鑑題評張子虞侯自少讀綱目通鑑二十一史  
有概于中而手記之也者非有所獨窺弗記非有  
所互參弗記上下二千古勤劬三十年身爲老蠹

晴陽堂卷之一

八

魚夏不扇冬不爐兩毛毯始克有此而披裘帶  
索猶然故生張子初不自悔嘗言曰吾與其繡外  
而蒲中與草木同腐不若浥古人臟腑精液欣然  
自飽竟齒而留後禩之聲也已故霍子孟盲目  
文圃徒以遭際顯融挾通侯之印於漢廷何其盛  
哉一旦捐賓客肉尚煖天下無所憑吊誰則知之  
者孟堅子長鑣尾無聊甚至刑誅逮身洵可酸鼻  
迺至於今五尺豎兒猶知有班馬不佞何人得以  
三寸管彈射先代而榮辱之罪甚於孫盛矣然以

藏諸名山大川後世復有子雲莊子所謂旦暮遇  
之也吾奚悔

贈楊明府父母入覲序

朝覲之典創自洪武丙寅迄今二百年餘每三載  
皇帝大受朝賀天下藩臬臬縣長吏趾相望於途  
咸稽首闕廷而慶讓一新云歲癸未當覲華亭楊  
侯雲樓公先期戒輶北嚮士民攀留之無從也諸  
大夫廼奉觴餞祖道且颺言曰良哉我侯真曠世  
才也夫東南號稱天下淵藪華亭獨尾其末瀕海

晴陽堂卷之一

九

距湖無珠貝璜璫之產無豺兔鵲鵲之利所恃在  
粟帛粟帛之望在歲歲一不登民且殍矣長吏獨  
不目覩而心洞之哉如賦額何如課最何于是民  
貧甚媮旦暮衣食身冒不典浸浸不可籠束來者  
曰華難治華難治治之難有三曰取賦曰燭姦曰  
敷事非有曠世才曷理哉侯宰筦邑以才聞轉宰  
茲土自奉澹泊膳不重品爲人恂恂愉愉絕無振  
厲見於聲色每一接面經歲後應口出其姓名馭  
細民有蒲鞭風犯科者雖豪右必彈射之無赦設

法收賦令民依限赴比魚貫而入量所負決責片紙隻航不及鄉閭而國稅用輸此可以占侯取賦才也者奸民漁餌訟堂餬其口於告訐侯廉知之非有情者弗與理即與理非大故聽其自罷久之訟者益希凡充公庭役者悉桀傲子弟侯汰省過半不得驚嚇村黨猾史狡胥動撫故牘舞刀筆侯遇事問事有如故智者輒叱去邑人相賀謂能革去累年蠹者侯有燭奸才也編審徭役往往以不均致凋瘵侯豫訪肥瘠具在袖中一旦出片語定

晴陽堂

卷之一

十一

次第貧富若燭照奉例丈田輶車造境內按虛實人人戒曰侯且至莫敢欺不逾月底乃績非才長歎歷曷克堪此盤錯耶侯聞之懼然曰善乎諸君子之言不佞謹佩教第有疑焉不佞殫心撫字期不負華之小民小民幸弗余尤也終不能吐剛避怨若而人者將甘心我乎諸大夫再進言曰侯請勿疑孔子治魯始歌騶裘稍稍久之爰頒章衮子產聽鄭之初民幾不逞三年往也廼思廟食今小民德侯摺紳逢掖信侯即所嘗彈射而奔走之者

父當服侯此正章衮廟食之秋也侯何疑侯津津色喜舉觴醕諸大夫諸大夫復奉觴再拜禱於侯之前曰昔王復春令宜興也奏陳民害至今都焉侯行矣華之民頻歲不登糝糠不厭即今狂飈動地洪水汨陂杼軸空大東之求鴻鴈求中澤之定侯亦目覩而心痾之者幸爲我億萬生靈計前席受釐勉形奏對儻得降詔蠲額如漢家故事援濡首之夫休之春臺侯之德不與湖海俱流也夫伏念先朝令甲凡入覲選拔異等錫燕午門燕

晴陽堂

卷之一

十一

賜璽書馳驛以還或遂超擢台輔者今天子銳精飭猷方將振四三六五之烈侯從此受上賞蓋操管可待也某菲悃不文聞諸大夫之言敬叙而縣之祖帳

### 壽王太醫六袞序

客有問於張子曰壽何在曰在天天何在曰在人客曰修短之數柄之冥冥壽命在天子旣也聞之矣柳季享齡顏淵弗考天可必乎張子曰此局於偶違者之蹟也荆棘猛刺又不待夕松檜之良也

路子皆知養之厥壽以千禩壽天之所生其在德乎客曰唯唯竊見邑人碧梧王先生者年六旬矣漆髮瑯姿拂髯而譚鼓掌而誦飲百斗顏不酡連袂少壯力能追肩此上壽徵也是從玄牝吐納中來耶張子曰否否不聞余松檜之說乎夫王先生儒雅好修人也整容度美風致踟躕俊逸望見之知非常人善畫尤善畫竹喜賓客尤喜交于賢者以故門多長者之轍而齷齪者不得前是何可以庸俗之儔伍觀也家世業醫迺從醫隱益研其術

晴陽堂卷之一

十二

所向輒效聲綽綽聞諸侯王當我

肅皇帝朝詣闕下授太醫秩鄉士大夫倚重待命一不豫親黨來覘必問曰王先生謂何先生敏慧絕倫每疹疾往往有奇中能言人經月後所思食物所見鬼神人嘖嘖訝曰長桑君復出乎居常遇老人爲老人醫遇婦人爲婦人醫遇小兒爲小兒醫里中以君世業遂以小兒名先生淺乎睹矣先生性瀟灑不盡於利籃輿華軒簾筐金綺乞先生一劑而生先生受之弗卻窶夫空手踵門號于先

生曰大人活我大人活我先生煦煦然慰之曰人盡命也何敢以邈慢傷而生視殊謹藥所宜用雖投之空青玉屑冰珀犀角弗報也亦弗計夫挾生人之術而存生人之心德也樹生人之功而弗責生人之報德之厚也德及老人則世之白雪在堂者願先生壽德及婦人則世之紅顏在闥者願先生壽德及小兒則世之赤子在抱者願先生壽舉曩昔所嘗得先生而壽者無不旦暮默禱於大皇矣爰先生不若松檜哉況余伯仲子弟念四十年

晴陽堂卷之一

十三

通家驩庖羔發醞登先生堂酌而賀之再拜祝曰天必長生先生無疑也客聞之嘆曰不佞慕王先生積有歲矣今聞張虞侯言益信虞侯一言而天道人情兩睹之乎人惟修德之是競而何慮乎天之不可必也

刻遂昌王孝廉墨卷序

張子曰文猶兵也妙在奇正哉奇正交藏兵稱完師文稱正式文雖妍弗范于式縱吐錦嚼瑜偏才耳世有瑰偉淵泓之士逞逞躡足執林誰尤耶砥

隅黃君妙齡深詣從我夫子叔範木鐸雲間雲間五六少年稍稍結社登壇便袖手退舍不敢抗三寸湘斑張明府喻齋先生尤鏡君群檉中命爲千里神蹄亡何竟以賢良登越籍聲隆隆轟東南張子丐所爲中式卷三復之愕然色灰不圖其文至于斯也坐上方子衆甫何子士抑皆文章家訝張子曰若經百戰號宿將霍驃騎信梟勇齒不盈二十若曷怖張子曰程將軍治刁斗李將軍撒步隊奇正偏持易與耳倘兩將軍兼技而操縱之奇不

晴陽堂

卷之一

十四

鬼正不陂吾懼螯八紘之手莫抗也砥隅君文神完腴密斌斌瑋瑋舌無齟齬迺其焰彩燦爛不可撲且以孤經橫行天下當拔幟帝鄉待問中秘無難也辟之王翦下楚莊嚴堅壁不失矩矱乃士也投石超距矣是故一舉而搗六氏勢若簷上瓶握正籌奇兵用若神何不甚怖之也者方子何子曰蓬首老諸生嗚嗚出下里語妙齡先馳黃君奚授張子曰吾夫子沈酣丘索腴典墳才宋倚馬端明學士不有眉山老泉在耶遂命梓爲經生式蓋備

文陣中陰符哉

重刻太上感應篇序

張子曰爲善得福爲惡得禍天也常也善者不必福惡者不必禍天也變也是故同一學術施氏之子祿爵及身孟氏之子宫刑抵罪同一遇盜牛缺以賢死耦沙其弟以不賢死關下魯酒薄而邯鄲圍楚猿亡而林木爍禍福感應常變紛拏何憑哉君子者吾盡吾心爾已如斬蛇以斷妖非以干祿也救蟻以全生非以望報也寧爲顏而夭不爲跖

晴陽堂

卷之一

十五

而壽寧爲房玄齡而殄宗不爲張湯而有後蓋不可必者天也所可必者我也故君子不以彼易此也雖然則是則君子之心而非君子之教也君子之教苟可以勉人爲善則多方以誘之苟可以止人爲惡則多方以戒之此太上感應之理也此余弟于衆刻感應篇之意也于衆行誼訓謹孜孜勵善不敢負先少保莊懿公先封君磊塘公明訓良深鏡乎太上之旨感應之機乎迺捐貲付剞劂氏期木鐸寰中俾人人盡欣善創惡而勉爲君子何

甚盛念哉夫于衆以天道之常示人使人勿爲惡是命於造化者也余以天道之變惕人使人必爲善是命乎造化者也語曰天網恢恢疎而不漏是篇盡之矣又曰有意爲善雖善亦私吾黨尚慎辨之哉

### 刻策學粹要序

張子作策要或問曰今國家以明經取天下士士亦以明經顯明經之文取裁於時製遍相帖括爲力甚簡也若策者探索典故商確機宜材非董賈

晴陽堂

卷之一

十五

不能攻也況世之所重者在彼不在此以子之材淬心時製必得世重胡自苦如是必欲以策顯二毛且穆穆乎張子曰嗟嗟子謂當世無董賈耶抑謂帖括足以盡明經耶又安知策學非明經者不能作耶荆公曰經術所以經世務故設策而不本於經者筦仲晏子之所爲也明經而不究於策者桓譚谷永之所蔽也洛陽之言歸於仁義禮樂廣川之志先于正誼明道董賈之學帖括云乎哉子欲予從事明經可也欲予顯事時製則匪經術矣

疑予先策學而後明經是也疑予尚策學而廢經術則匪策學矣或人曰唯唯否否治安天人累數萬言子之策也曰粹要何居張子曰斗米不如粒珠貴其質也尋石不如片玉尚其精也是編上下不過二卷每事不及千言納之不盈一袖推之則包八垓凡天地陰陽之所以運君臣治亂之所以成日月星辰山川草木之所以變精之而典謨訓誥粗之而甲冑錢穀大之而官司黷校小之而技藝工商或考往時之載籍或徵昭代之憲章或受

晴陽堂

卷之一

十七

鴻碩之名言或聞芻蕘之偶論或採先進之嘉猷或據一人之獨斷譬諸千金之裘非一狐之腋數丈之錦非一蠶之絲也子知裘與錦之約而不知狐與蠶之多乎或人了然悟欣然避席謝曰旨哉斯言旨哉斯言如有用我吾其爲董賈哉張子喜而志之

### 村居樂序

華亭晴陽樵子自號爲滄溟居士浪迹江湖萍浮里閭寧作古狂毋爲鄉愿擬叔夜之絕交甘子雲

之寂寞渺渺叩九閭貴鄉曷戀閑閑居十畝空谷  
攸宜卜築平原之社逍遙吳會之區結廬傍田不  
若陶潛人境聚氓如市敢希虞舜成都在南村  
咲比南州高士遷於北里漫稱北道主人但見是  
居也甘泉繞於屋脚怪石舞於簷頭猗猗葦竹昂  
霄冉冉蒼松逼漢幽齋疑梵室邀明月而宿洞天  
高榻掛僊蹤挹清風而眠大地芸史千箱馳固遷  
於席上霜毫萬管走義獻於窓前欄邊卉木榮枯  
悟化機之橐鍵宇內鳶魚飛躍探道妙之筌箒或

晴陽堂卷之一

十八

淪鼎或焚爐畢吏部之荒耽不作或鳴琴或試劍  
阮步兵之長嘯猶存舊雨來軒豈靳茅容之一飯  
停雲滿座允傳張旭之百篇避時習靜孟嘉落帽  
而不知觸事興悲蘇子正襟而危坐咲譚揮王麈  
而清風入幕意氣穿石虎而皎日當庭棄繻能驚  
關吏終軍豈無意於人間墮甌以動林宗孟敏洵  
有情於方外誠慮好竽工瑟特韓愈爲能知耳藉  
令投杼下機雖曾參亦何辨哉鏡莊子之犧牛因  
歌衰鳳感塞翁之失馬遂狎忘鷗不望露於金莖

喜揚聲於鐵板陶然三徑舍蔣謂吾安歸樂矣一  
瓢學顏回惟恐後磬室屢空而不貧衮鉞白屋真  
巖廊也鶉衣多結而僅富緇縻青氈其黻冕乎然  
後知三槐不屈五柳九棘難移七賢不過自全其  
天不願乎外矣豈不樂哉豈不樂哉

贈項明府父母考績叙

遂昌東鰲項公初仕建陽蚤有譽繼而鳴琴丹陽  
麥秀兩岐轉宰巴邑花又若河陽秉軸者知公千  
里才而華亭天下劇邑也再轉華亭始百姓未知

晴陽堂卷之一

十九

公心皇皇如也不佞嘗之丹陽丹陽之搢紳士民  
揖不佞賀曰若國有造奪我父母項公項公仁人  
也我等肖像俎豆君不見郊外之棠陰方藂藂乎  
不佞歸言於里中豪傑則縉紳彈冠士加額民跂  
足而竚曰彫瘵之餘吾輩且有天日哉蓋公之履  
綦未踐五茸而聲翕翕轟矣至之日則恂恂于于  
灑灑穆穆望見之知爲仁人長者廼晶光神氣栗  
然自在治不逾月首念學宮圯亟宜治而民尚瘡  
痍倉帑蕭條靡盈廼進諸生言曰膠庠重地而今



至此吾務籌所以葺之之具期不加賦而用度需  
始兩安乎適值豪右有弗禮於士者罰令出貲修  
學宮其有弗利於堪輿家者規恢改觀逢掖丈夫  
雅敦文章道誼者渥以殊禮若古龐仲叅之於任  
崇陳仲舉之於徐穉士喁喁嚮風立法催科緣情  
撫字緩其舊征其新賞其最者懲其殿者又量其  
殿之多寡而軒輊其懲者夏楚寥寥稅日以進奸  
人告訐愚者偏肥佞人縱橫默者受誚公搏擊伏  
法不少貸獨於訥夫網解三面訟堂懸鑑衡矣編

晴陽堂

卷之一

二十

戶銓役數月前默詢於士夫密採於更老遐取僻  
壤其人之良悍家之肥瘠了了不爽蒞期剔又舉  
其里之長厚者設爲方正和顏色而咨求之有飾  
詐者則董威以震勵之上下貼服稱神君乎公清  
操絕倫濯纓三泖之波不以一塵淄于雲間六月  
不雨公焦勞虔禱亡何甘霖淋漓公愉悅進涼州  
醪浮大白自壽曰吾爲地方賀也華之年穀屢儉  
而今年辛秋公所賜乎以故搢紳感其禮士服其  
德民畏其義而懷其恩若公者方駕寬和之黃霸

明敏之龔遂興學校之文翁又奚讓今按君褒公  
溫如良璞敏似干將誠知公哉華人盡喜曰張重  
華信人也其所述於丹陽言者不誣也公三仕爲  
令尹疇昔内外多故時嘗家食至於華核其實得  
三年焉將挾牘北上聽

天子考華人德公深者願公一歲九遷廟堂之上  
戴公厚者願公常有五茸是故縉紳相與揖於廡  
請留公也士相與跼於庭請留公也民相與號於  
郊請留公也於是握符邦君聞之持斧大夫聞之

晴陽堂

卷之一

二十一

直指御史聞之具如請頌聲洋洋篇章奕奕標播  
無涯邑丞溫君李君復造余乞余文爲公賀余曰  
文以彰德也德旣孔彰何以文爲而何藉乎不佞  
續貂尾哉諸君曰項公之德丘山矣縉紳有文士  
有歌民有謠吾輩獨無一言則漠然何所揚其襟  
願借子口補幕幃之缺遂述華人扳留無已之棕  
約畧如此非久烏臺青瑣燁燁巖廊華人其如公  
何有俎豆之爾矣

墓誌銘



詔晉中議大夫贊治尹雲亭李公墓誌銘

公諱人龍字子乾號雲亭勝國時爲札刺爾氏始祖忠宣王生忠武王忠武王生忠定王累世以武功顯迄武德將軍鎮撫松江因家華亭督諸子業儒治春秋有聲至正丁卯子才可良同舉於鄉少子可禮年十六發解浙省入

國朝賜姓李改名寬仕至江西安遠令子萱舉永樂庚子萱生年年生希賢貢授福安訓導季子政是爲前川公前川公守先世之餘綸績學砥行名

晴陽堂

卷之一

二十二

聞諸侯俊又雲從廩次當貢義讓友人朱東原時論難之雲亭公其震嗣也甫垂髫父執沈先生試對云四海皆兄弟公應聲曰萬古此乾坤其天資襟度幼可知矣及爲諸生縣侯聶雙江郡侯何鴈峰督學使劉範東張介菴皆號鴻碩盡許遠到辛卯領應天鄉薦壬辰肄業南雍與四方豪傑馳逐競爽所爲文有崇雅錄司成歐南楚費鏡石諸名公嘖嘖嘆賞適呂涇塾先生聚講鷺峰禪院務在體認躬行公委心受業其生平志履大都本此乙

未舉進士除濟南司理前川公誠曰爾爲刑官惟平爾求毋苛而民爲也公謹受教時值

章聖太后粹宮南祔顯陵水陸先後行者以數千計百執事奔走待命者以數萬計公剴繁剔劇處寬裕如一無譁者

上悅賜寶鈔銀綺三載考績父政得封如公官當道者交章薦公凡九上召拜南京陝西道御史辛丑夏九廟災應詔直言疏奏

肅皇帝溫旨獎納按鳳陽首發郭武定侵占屯田

晴陽堂

卷之一

二十三

諸奸利事又因風靈劾奏大冢宰許不職直聲動天下亡何丁母王孺人憂哀毀杜門營新阡廬墓得疾幾不能起服闋補四川道奉命將按貴陽柄人啗舊怨謫廣藩都事初內瑞張姓者雅知公後居司禮欲報公公避弗與昵已選南臺以幣交亦弗受南巡之日所劾貪殘吏二十餘人凜烈風節絕不以嫉媚俯仰當路以故每每側目小夫而揚眉長者即坎壈嶺南而開府藩臬鉅公益重之委典試事委葺諸書蓋待之超然塵壒之外也遷江

州理尋轄吉安時均萬安田久不決公董其事三月而竣擢袁州守發詭符禁擴城濬李將順之渠表黃子澄之宇居三年袁民俎豆之事忤嚴相國摘佐閩鹺公益勵清操商人感德肖像當道者表其署曰百折不回一塵不染稍遷廉州守公得報笑曰直道可以事人乎焉往而不得閑散哉歸結大野園奉前川公作膝下驩遊覽夷猶樂在倫性自謂三公不易也

莊皇帝冊立東宮恩例致仕今

晴陽堂

卷之一

二十四

天子御極進階中議大夫贊治尹鄉飲酒禮古盛典也郡公重公齒德造請爲大賓與議稱當子承命鴻臚君一日跽而請曰父老矣旦暮宜自偃息幸毋離壺閣以順天和公曰吾年望八吾神尚王也兒母懼雖然吾聞老者不以筋骨事人兒言良是遂却掃謝客不復出今年十月二十七日不豫漏下鼓二過篤甚鴻臚君亟請醫嘗藥進已不及遂逝嗟哉吾松失一老成人矣公生弘治甲子十月二十八日卒萬曆壬午十月二十八日享年七

十有九生以是日卒以是日何其異也所著有方田畧九蘭集寶勅樓稿道統集行于世鴻臚君故倜儻材自公之計也拊膺慟哭披髮食素筑紼總終悉如禮士大夫見者嘆曰雲亭公固不死也夫茲擇明年癸未正月六日治窀穸先期率兩季西嚮再拜且泣且言曰不肖孤大不幸先大人忽捐賔客先大人之志履人盡睹也謹忍痛搗血叙奠末幸辱門下一言而存先大人是門下厚矜先大人而不棄其孤也余譖譖神悲爰據故實與嘗習

晴陽堂

卷之一

二十五

聞于鄉評尤章章炳者誌之而銘曰鬱九三之靈特兮毓哲人以降祥翔高雲於千仞兮聳亭榭以飛揚極目乎層霄兮收六合其肺腸抗封草於臺垣兮凜烈日與嚴霜轉徙乎守貳之間兮留遺澤於甘棠齊生死于一日兮可以識達者之行藏勒斯銘於玄室兮億千載其永光

明故南京中兵馬指揮使訥齋何君墓誌銘

君諱夢鰲字巨卿先世汴人南渡家海上曾祖獻饒州府轄祖鍊號南浦王府典膳父應福號蘆江

四川都司斷事君甫生伯父諱應祥號東湖而官鴻臚者無子請於蘆江君求君爲嗣殊愛之弱冠爲娶室唐氏課以制科業朝夕督淬弗令置隨任之燕邸因寄籍補弟子員東湖君忻喜冀君遠大遂出貲晉君成鈞析與天下賢豪爭相濯磨增長所業一切家人生產事豪末不以樊君君愈感槩日悚惕興螢雪思嘗三策棘闌三弗效仰屋太息曰危至此哉如吾父意何後東湖君舉息甚夥蘆江君長子毅卿且歿拆揆禮君爲冢嗣廼告歸仍

晴陽堂

卷之一

二十六

之奉疾篤竭湯劑躬扶携其興居經月不一掩睫蘆江君執君手嗚咽與訣曰若宿出嗣我無厚若而若視予倍于他子乃爾若後其有興乎毋董孺人君方七齡棄去不及事事繼母王不啻出已亡何南浦君以憂死當是時蕭牆內閱荆棘外藂而蘆江君之六尺孱然罕練於世有欲賂公謀自肥者君矢不忍且號于天曰誠如彼謀所不與吾季同心膽者天其殛殺我以報先靈衆漂漂耳赤退去後官南京中城副兵馬君夙抱幹材即不獲展拓當世然亦不薄小官務行其志諸九軍民事剖劈若流水烈烈起異聲於輦轂下嘗捐俸金出囚徒若干人有哈秀才者以駿韃羅大辟君特獻其調狀士稱不冤狐鼠輩借威虎翼殺人爲狂君竟按之棄市不少憚一時貴戚柄門歛手相咤曰避中兵馬避中兵馬而索藥投繫人人將累基君哉迺浩然長嘯曰董宣之志旣遠張翰之思不決我其爲集慶路之魚肉乎遂棄官歸集好童六七人教之繞梁遏雲以怡餘年每花晨勝會召兄弟朋

晴陽堂

卷之一

二十七

戚聲日遊娛續以篝燭融和滿堂有伐木棠棣之餘焉庚辰涉泖涇舟沈若有所馮幸不殆因許施藥期活人簷外跼躩之踪常滿猶子士抑君名三畏者少負才技有聲海內君素器之壬午薦賢書君喜曰我固知是兒之必亢吾宗也益適適得終桑榆之樂矣生平自御劇菲一值賓祭大故則必精必腆性嗜山水徜徉之詭而籌家畫筭井井不失繩尺耳其言稜稜無所諱碍迺洞見五臟無城府然往往以骯髒不能妍默爲世睚眦以故題其

晴陽堂

卷之一

二十八

齋曰詡譖嘻君所不足者有稅而弗試于第有才而弗奏于時有直亮心而弗考于耄耄君所有餘者有子之燦燦有孫之振振有業之綿綿而可繼歟距生正德戊寅七月二十三日卒萬曆丙戌九月二十五日享年六十有九子三才三聘卜於今年十二月朔日厝公新塋先期奉孺懷杜先生狀踵余堂再拜泣下徵余言銘公夫公少孤爲人攬挹挨枕迺能屹然振刷恩怨顯酬弗墮先聞且也仕卑而不爽其志又能潔身勇退不以尸素自縻

亦可訓矣遂誌而系之銘銘曰恩不遺父義不肯孤受爵都下搏擊餘鼙拂衣解組脫此畏途瑤筵檀板嘯歌五湖勒銘玄宅我言曷誣

行狀

明故奉詔進階大中大夫浙江布政司左叅政

豫齋顧公暨配范淑人行狀

公諱中孚字伯貞顧姓豫齋其別號吳相雍之後也至梁黃門侍郎郎野王家華亭洪武初名景暘者以詩聲于鄉景暘生彥迪

晴陽堂

卷之一

二十九

文皇帝徵替英國幕有殊勲彥迪生仁仁生瑤爲皂口尉瑤生斌號靜虛公舉于鄉爲興寧宰靜虛公夢尼父携一童子謂曰子若爲嗣覺而生公左足拇有一玉麟頭尾宛然至老不沒方爲兒嬉時意骯髒軼羣讀書能文章及冠病嘔血垂隕髮髯夢白髯老人云我孫思邈也與白藥一丸吞之香氣馥郁病尋愈益淬志稅業從宗伯顧文僖公遊亡何入黌宮與師相徐存齋先生競爽聶大司馬雙江公宰華亭擅人倫之鏡每試公輒高等乙酉

領應天薦明年丙戌偕伯氏左山公同舉進士適所知說公曰始尊公與今元樞有疇昔驩足下誠一及門館局若探囊爾公笑謝曰士生而效司馬長卿王右丞所繇進身非夫也矢不預試授江西萬載縣令有葉生者坐誣妄訊大辟公廉生冤亟爲讞釋邑人大感服非久以治行稱則以外艱去三年而補崇仁令縣當孔道有劇寇僭號猖獗勢甫毒公坐疇就縛民始貼衽席旱甚齋禱三旦暮澍雨滂沛民又神異之爲立像頌功德取就南吏

晴陽堂

卷之一

三十一

之諸將得出凡良家子受擄者數千人悉解去事聞上悅賜白金文綺擢江西按察司副使時弋陽王視寧藩篆薨諸王爭攝奏請紛拏當路者策曰非顧憲副不能了此公裁以數語事遂寢羣議嘖嘖稱公能當時公職驛傳不預窰廠事肅皇帝徵窰器詔極精美督之嚴部使者素才公特委之公矢心籲天一火而就百官悉舉首賀曰顧先生直天人也例有饋樣器者公弗納諸司聞

晴陽堂

卷之一

三十二

附麗者爲材能以幣帛去來者爲盛美公頌蹙抑  
愉人則月旦以此評軒輊公太息曰飛者冥冥弋  
者何暮乎而况我少也病固孱然軀也迺日栖栖  
世網中何爲耶遂上書致仕時年未六十葛巾羽  
服不問生產嘗乘桹航逍遙吳越間探奇濟勝往  
往夾旬月不知奚囊之蕭疎也復結小樓于佺山  
之陽日與親朋觴飲其中忘年畧形有庾太尉之  
致興至則哦詠性靈雖元亮復生不過是矣有勸  
之母失郡縣長吏意爲門戶計者笑而不會飄飄  
晴陽堂卷之一 三十三

事惟命子別駕正蒙曰其視我面目手足遂溘然  
長往公元配淑人范氏南溪翁椿之女也世居華  
之金家灣生而穎異能讀女訓既歸公值公嘔血  
蚤暮虔禱斬以身代醫卜並奏脫裝筭而空之公  
始瘳事舅靜虛公姑太宜人康氏孝養盡志馭臧  
獲不下千指嚴而有恩妯娌爭稱之曰媳婦賢媳  
婦賢性勤夜分不輟朝夕勉公以大事不以鐫細  
涉公公以故得悉慮所業速成青雲無黑貂之嘆  
伯氏左山公任刑曹奉太宜人如燕京太宜人  
晴陽堂卷之一 三十三

嶢嶢寧與世遠蓋濯淖褻埴之外哉今年客有遊  
杭者道吳山迺公舊公署也署前尚存一老隸問  
客曰爾松人也能識顧大叅不昔年官此僅啜我  
地一杯水耳聞今尚善飯幸無恙乎嗟乎公固所  
嘗峭繩其下者而何以致此隸之頌公耶即一隸  
而越之人其有不頌公者耶公去越三十餘年而  
越之人頌公不衰彼一時也又當何如耶吾以是  
而拾公之履誠不核哉公年及耄今年九月初旬  
復夢蚤歲老人來旣覺言曰吾將逝矣語不及家

萬曆十三年乙酉九月五日享年八十有九淑人生弘治十三年庚申十月二十三日歿隆慶二年戊辰八月十一日享年六十有九子孫若干人余既列豫齋公狀蓋燁然慕喟然嘆曰傑哉公也世所稱古之遺直者非耶夫公侃侃不汙目無高官要津似不能以其身一日浮沉于世而猶然陟位三品享年九表令妻佳胤以榮名終卒之日無論薦紳顯者即擔牧廝養相昉掩袂曰奪我顧公奪我顧公是遵何能哉蓋久而知公之真誠皎潔不晴陽堂卷之一  
三十四一

欺其志而然也及覩世之偏儂媿媿附而鳥集之夫自謂奮翼雲衢將無難者迺其年其位或不能望公後塵之一沫嗟嗟此景公泣牛山夷齊辭孤竹智鄙徑庭聖人嘗較言之留千古公案而靜虛公夢尼父所携童子非公其人耶而何世之多寐也

滄漚集卷之一畢

滄漚集卷之二目錄

赤牘

報益王書

復徐閣老文貞公

復陸宮保

復陸中丞

復南京許太常

報山東朱修吉殿下

復莫方伯

啓江西張宗伯

復莫廷韓太學

與楚中張侍御

謝林太僕

謝何士抑孝廉

復王憲副

與晉陵王仲和文學

晴陽堂卷之二目錄

復方衆甫州守

復莫廷韓

與何士抑

與楊世叔孝廉

復董廷尉

與閩中李叔玄民部

與陸君策孝廉

與徐太常表兄

呈謝詹郡伯公祖

謝陸太叅

謝林太僕

謝徐太常

謝何士抑

謝常熟倪直卿周浚甫

謝馮元敏學憲

謝李補之進士

與吳門王百穀太學

寄吳門張幼于太學



與燕中楊鳳翥文學 謝唐元徵狀元

與崑山張仲立孝廉 與崑山顧靖甫孝廉

與吳門周公瑕 與彭欽之太學

與徐孟孺太學 復吳門韓州守

謝徽州汪伯成太學 與陳仲醇文學

與陸伯生 復弟于實于鶚

復弟于夏 謝崑山秦汝約表叔

上邑侯項父母 與楚中王叔承太學

與明州黃仲高孝廉 復吳門朱廣文

晴陽堂卷之二目錄

寄錫山安茂卿太學 復徐比部

與山東熊九之文學 復遂昌黃叔範師尊

與周公瑕 復閩中林觀察

與楊州陸無從太學 與徐太學澤夫表弟

與吳江周叔宗太學 報方汝州

與葉叔明文學 與楊彥履孝廉

與崑山梁伯龍山人 與唐太史

與茗溪臧晉叔國博 復莆田陳季相

與崑山王玄陽山人 與弟于鶚于夏

與鵝湖沈太史 與嘉興郁孟雅文學

與滇南黃季真孝廉 與上海喬伯麟孝廉

復閩中秦孟登孝廉 復吳門王可久文學

啓李中丞代 復三衢徐修甫府幕

與茗溪吳公擇兵部 與三衢張宗旦文學

與杭州吳節推 與蘭谿邵良甫文學

與錫山虞質夫文學

滄溟集卷之二目錄畢

晴陽堂卷之二目錄

三



滄漚集卷之二

華亭 張重華 虞侯著

赤牘

報益王書

不佞臣寰中曲士吳下賤儒忘機丘壑抱璞東南  
身無名山巨川之遊口無碣石談天之技僅僅揭  
先公所遺舊賜書晨宵自課終若倒江海而挹漏  
卮窮年末所究竟呶唔之暇弄三寸毛錐求鍾元  
常王逸少父子諸家神理童而習之壯而忘去竟  
晴陽堂 卷之二

不覺公孫大孌舞劍何故輒入研池也若不佞者  
譬之鼠肝蟲臂靡補休明以故黑貂蒙茸往往視  
龍頭爲鷄肋者三年於茲矣柰之名溢於遠聽誤  
生於疑傳四方騷壇墨府之客遨遊澤國者悉停  
駒結鷁於不佞之廬若有所豔而微之而卒末所  
副其勤劬者十之五六矣豈望賤名幸籍於大王  
之耳哉屬者方士徐文龍黃天與諸人來雲間聞  
大王屈指三吳豪傑謬推不佞謂臣亦吳中夫也  
遂不遠數千里禮馭勤劬授以簞箋試以筆札竊

料無鹽宿瘤豈可以充大王之宮嬪魚目碣硃豈  
可以備大王之帑藏況大王恤士若鄭當時敬賢  
若皇甫規烈烈盛聲轟於天下硯礪若不佞何足  
以陪後乘奴書若不佞何足以汗君庖之醢醢而  
覆之哉大王亦明知臣初無異能絕藝不過效結  
轡擁簪之事坐生逢掖丈夫之氣而萬一得鄒王  
輩於東南丘壑間爾不度俗腕願言呈拙嗟乎世  
方烹鶴爲膾剖桐爲薪大王獨呼野鷺爲鳳收焦  
尾爲琴無他先容之易授而僻愛之爽見也幸毋  
晴陽堂 卷之二

令柱史註在起居俾後世謂大王嘗嗜芟也者則  
臣當延頸裸肢伏殿下之斧鑕

復徐閣老文貞公

先生海內鴻鉅當代文衡乃垂盼下生謂以可教  
津津然賞其薄技賜以華袞真所稱若已有之者  
誠相公吐握盛心也迺重華膺此獎借竊見點蒼  
之石價高和門戀葦之鴛名追汧渭矣感愧曷極  
賢仲孫澤夫弟德比振麟文追繡虎秋風蒨關當  
入廣寒容嗣修賀

復陸宮保

前者拙記以其事頗異奉獻掌故塵大史一睫愧  
不足以汙先生之斧鉞元旦趨賀未繇聆誨辱臨  
視失迂正擬負荆適拜玄珠喜逾百鎰重華故魯  
椎然而私淑醇修服膺大作蓋嚮徃久矣當即盥  
手焚檀作一蠹魚其間也

復陸中丞

始不佞以公車來白下也明公方握京兆符有事  
場屋遂效岑牟之跡顧蒙枉轡先施門樹生色雖

晴陽堂卷之二

三

龐仲達之於任棠不是過者且也垂情故帟拊鶴  
鵠而九萬之良繇明公愛士頓令牛溲馬通見收  
盧扁甚幸哉蕪拜嘉葛璫緘迢遞遠將益荷隆心  
臨風九叩

復南京許太常

明公碩德在人心高篇在人口不佞瓌尾吳儂甫  
齟齬即知石頭間有許先生者主盟文陣矣今已  
過平原入洛之歲始得披襟裾溫聲咳於大方之  
家辱明公與進錫以大烹直至明月清露觥籌錯

落黃髮當風玉山不倒高年疆屨如明公者真地  
僊也

報山東朱修吉殿下

臣張重華下樞駕駘罕補盛祺祗期挾五岳青霞  
逍遙雌伏何敢望雲上之步騰驤於大王之前哉  
廼熊秀才傑者來五茸述大王讀書若蠅禮賢若  
渴且也具九方歎隻眼相天下士士以故歸焉  
不佞陌路催蹄一朝奮首便躍然神趨猥承箋籀  
擲試雕蟲遂令賤名廁於寺豎比迹渥注則熊生  
晴陽堂卷之二

四

游揚之太溢不特不佞有布鼓之慙將致大王謂  
吳產原無汗血五花徒以驪黃籍於人間臣見自  
今以還大王薄推轂而齊魯之境無燕臺也者則  
自非人始矣先自投勒畧奏悃愚倘不終擯之第  
曰此千里蛻骨也收之以備駿標庶不以辱孫陽  
之譽

復莫方伯

先生文章毫素爲世鼎鍾猶然以筆札徵之孺子  
乎夫荆山之璞在識者眉睫間增損百鎰自先生

一言而都人士謂不佞果國能哉當持五日齋盟  
字華軒從侯芭之後也

啓江西張宗伯

先生匡廬人傑翼軫文星即五尺豎子無不知世  
有洪陽先生者小子藝苑續貂濠梁遊儵恨無繇  
插翅大江立雪門下收弟子末籍今年清和月賢  
仲氏若思丈遠賁五茸備詢動履則曰杜門靜葆  
不翳纖塵固宜道彌隆聲彌鉅哉竊睹海內士民  
咸欣欣加額願中國相司馬往歲召命懇篤出自  
晴陽堂卷之二

五

睿心何以上報紫宸下寧黎首孔席冷于周流子  
輿濡遲出晝爲道而勞爲民而倦倦也若軒冕基  
組則聖賢之糝糠云爾夫子其籌之恐謝傳不能  
晏然東山矣辱惠瑤篇寶翰遙望洪都時有舞蹈  
復莫廷韓太學

誦足下贈李太史詩淒清委宛若怨若慕世無碍  
石宮遂令鄒先生寥寥擁篲蜩屈故園第以足下  
才情豈得十五年不出桑樹間吳江橋上舊題數  
行一經雷雨便化作白虹飛去也不佞比讀張平

子東京賦愴然懷古侯相見共浮大白各出肺腸  
澆去往事

與楚中張侍御

重華初策宮牆蒙老師推念先舅氏楊中丞通家  
至愛娓娓矚矚師生而肉骨之未嘗不旦晚藏在  
五內祇以楚天吳地搔首癢心屬者聞老師治邑  
卓異虎去鳳來廟堂重屏風之譽遂令多袍鐵面  
耳目陪都桃李舊顏再沾化雨喜慰曷揚小子棄  
繻不驗墮甌無聞將紡江南之落毛敢希海北之  
晴陽堂卷之二

六

高翹有負相期寔深自愧適胞弟重芳遊學成鈞  
附展一箋用訓千里敬賚龍賓一十五頭少濡臺  
草麝餅三十六種少薰皂囊仰冀珍攝以膺異遷

謝林太僕

明公槐棘名卿不佞菲葑眇士顧沐矚矚殊調崇  
情種種若皇甫威明之於王節信也硯礪自揣感  
與忤俱承命水月軒署書謹完納

謝何士抑孝廉

宵來霓裳僊曲玉燭瑤燈滿座名流追隨唱詠各

出夜光照十二乘於歸路眎昔河洛勝遊較添數  
倍精神唐元徵角巾鶴擎陶陶酒民不自爲貴足  
下爾我互呼超然塵埜不知其貴識者謂一時兩  
賢信乎

復王憲副

明公文章大方詩篇剩技喈喈在人口也廼數數  
下詢蟻螻小子忘年忘分若孔文舉之待禰生哉  
來命殷勤不敢自廢夜來即篝燈草創之短檠長  
句滴瀝成吟空腸乏藪架之一簣信口學建安之  
甯陽堂卷之二  
七步譬之嚼蠟安所用之古人謂不得王先生一  
顧孰識其汗赤者今祇足供擲掄耳未知何以教  
不佞

與晉陵王仲和文學

別後時事一新念足下蒯緱五色猶懸空劒不佞  
鈐刀錫斧割葵齡斷何足以當來丹之請

復方衆甫州守

鍾元常問蔡中郎書法於常誕誕不與言以致搥  
胃嘔血書難言哉况兄弟驚書者流來教溢獎恐識

者謂足下辟愛亡當也

復莫廷韓

滇南基兩函奉去稍暇刺舟來軒間手談黑白庭  
祀當有欄柯者足下書匠不佞粗知步位輒以古  
人相命大是過情

與何士抑

劉子翼縱罵人人亦不尤諒其心也以足下之義  
膽熱腸可包二大况孤竹長公渾忘舊惡誰不謂  
足下虞卿古生者何獨不佞弟刎頸也

甯陽堂

卷之二

八

與楊世叔孝廉

違父想足下神情益翩翩矣案上玄珠將奪南斗  
幸惠一開蓬襟弟病火蕪旬之飯不當廉將軍一  
餐無可奏記沈君印色精絕故紹之門下其試而  
收之

復董廷尉

任公子以巨緇五十轄垂鈎會稽山下投竿東海  
間其志不在鯢鮓也賢即君辟園亦復爾爾五茸  
增一勝窟矣委書素綾四幅皎然雪花冰魄猥令

拙草點汙慙非鳥跡負此繭絲

與閩中李叔玄民部

高樓深語莫焚更時時神往詢知起居禔社崇  
譽昭灼何勝欣暢朝天報最高擢可期依依萬山  
之外何以下視故人也孫使君書已致去

與陸君策孝廉

不佞市隱坐翳日握管城不徹雙腕外多拋磚之  
冗中乏燒研之能臨池羞永師誰爲限鐵識字非  
揚子空惹侯芭聊且棲遲故林徜徉方外息機抱

晴陽堂

卷之二

九

漢陰之甕避地垂濠梁之綸但見嵐翠入幕波琴  
穿窓羸體科頭傍無他人醉見真性卧見真形終  
日于于有桃源菊水間想每念足下玉形繡腑吐  
氣成霞吐辭成錦壯語激而星河沉清歌揚而管  
笙廢風流中散壓倒三吳瀟灑向平逍遙五嶽眎  
鄙人信驪珠之於魚目鳳毛之於鷄足哉竊思三  
閭自投五殺建霸命不猶也韓非尼說李廣無侯  
事可知矣將溺冠裂寫比肩丘民不遠萬里以周  
八方扶筇擔笈豈憚苦辛擊筑吹簫嘗懷慨所

至楚越秦晉齊魯燕趙之墟造滕天下賢豪長者  
俠客才人滴腸瀝膽盟說平生登名山之隈臨大  
川之汜梁欒峰巒之上盡題詠數百字坐收千古  
儼邂逅劉晨阮肇子晉裴航輩摳衣再拜身請爲  
徒骨請爲蛇問天台山是何處浮丘伯是何人山  
羊脯王杵臼是何物幸小子塵緣夙淺靈性未漓  
憐而度我探瓢啗以丹砂大藥如淮南雞犬盡昇  
雲中當借阿母青鸞入諸兄弟華胥山下是所願  
也若必欲鞭弭當途爾然自爲勞薪恐六龍不返

晴陽堂

卷之二

十

即牛馬齒坐見西池三度桃花何益也聞士抑兄  
將停鵠散廬之側足下得無意乎弟當沽凉州新  
醪百斛擁吳艷十裙以待旆旌之東下也則歌離  
騷漁父諸篇聲鏘鏘若原思宵飲轟雷觥籌帶月  
擊破唾壺叫落珠斗冷然不問枕席此亦酒中神  
僊千萬載後天壤內留此一段奇事真不讓竹林  
七子蔣徑兩仲也者彼犧牛被繡於太廟神龜藏  
骨於楚堂奚美哉

與徐太常表兄

文園勝會酩酊翩跹肫肫瓜葛之情超然形外委  
書兩署漫應去未足爲高門增一線色也

呈謝詹郡伯公祖

重華樸樸甘貧齎鹽苦節直材不足虛譽太浮塵  
貂五敝于公車隱豹半斑于幽壑軒冕濫王生之  
韞囊區聽伯子之琴澹臺不至言游泄柳羞干魯  
繆寄身飄瓦慙登勝母之門矢志伐檀肯飲盜泉  
之水承諭家觀察受所伯父者醇德夙成至慈天  
授愛姪嘗勤乎十起比兒尤甚于三遷近值陸梁

晴陽堂

卷之二

十一

之寇寔深同室之憂如豪奴陳梅者親爲奴隸狡  
脫軍囚坑資二十三年積財四五萬計觀察不怒  
而威稍循僕禮家父無尊不信遂若寇仇毆去僕  
而無踪遇諸途而傲坐以致父淚沾襟子心切骨  
慮豪奴挾錢神而迷白日沉沉飲恨十年仗臺下  
重紀法而恤青衿烈烈興詞一旦梅乃忍負祖恩  
恣屠孫肉一誣撫院再誑文臺竊鐵易疑于隣子  
匿金可信于舍郎士也寒心人皆側目排九閹而  
不惜自附批鱗縱一死其何辭豈因落膽幸臺下

廣鸞鳳之深仁全蝸蠅之璣命政懸日月片言可  
以懾群魔義泣鬼神寸心可以排喬嶽定已成之  
公案揚素著之仁聲取奴隸之剩餘助章縫之淺  
薄損下益上雖私實公明天察枉不飛六月之霜  
大地留芳永杜七年之旱舉家尸祝合學口碑犬  
馬有知結野靡報

謝陸大叅

榮發在近聊布小芹乃以却豪奴戕主辱公丈  
昌言公憤不特慨然賜篆且又惓惓誨教感佩高  
情渾如山岳勿冗未得以壺漿話別祖道折墮頭  
梅花挿贈籃輿蚤夕爲耿

晴陽堂

卷之二

十二

謝林太僕

門庭之冠一旦至此誠小子薄劣以致見凌家觀  
察夙昔鍾情猶子不減謝太傅之愛車騎獨於此  
猥猶豫未忍出霹靂者初無纖芥不對天日祇憐  
爲兒大父故臣欲緩征之俟其自降不意猖獗太  
甚得明公扶大義昌公言披髮纓冠之論肫肫侃  
侃信足聳動觀聽朔旦盛舉諸公之力誠深門下

之恩實重銘腸鏤腑蚤夜負芒之不暇忽辱貺問  
燦然盈庭罪過鎖夫得免胥靡匪直不罰且繼之  
以賞愧死無地

謝徐太常

逆奴事前曾托朱孟元丈謀于尊兄以公啓之說  
進者備他變也蒙即慨許深感眷鴿之義既而自  
度理直氣壯欲寢此謀辱尊兄於戴君酒間促令  
如約尤見烈烈綱常豈獨念先姑一點血哉謹奉  
啓用符尚容百叩

晴陽堂卷之二

十三

謝何士抑

吾兄名揚寰區義高山嶽有古押衙之烈弟也何  
人素辱以肝膈相照愛深於刎頸矣屬者受欺豪  
蒼而兄左提右挈不避嫌不避怨不待弟爲號呼  
請救若乍見井上孺子濡首褰裳拯援不暇自州  
郡播紳至市廛里閭自家門親友至踈迹遠遐莫  
不窮口極涎白鄙人心迹明其無它真見主奴之  
柄不可傍落友朋之情不忍坐視蚤夜焦勞惟弟  
是念惟弟是畫非惟不欲弟感抑且不令弟知此

所謂眷令在原何但良朋未嘆已也每一興懷有  
淚如瀑不知弟何德何長何所取信而得名賢大  
良垂鮑叔之仁激虞卿之誼至此極也造命深重  
等之怙恃雖掉樓君之舌何所罄其揄揚即屠羈  
政之腸何所申其奏報哉觸炎遠聞執手踟躕蒙  
教誨百端劬劬媿媿且沐石珠見餉盤肴疊授及  
在逆旅又繼之以燕金厚助受之無顏却之不敢  
惟有結銜求效無極

謝常熟倪直卿周浚甫

晴陽堂卷之二

十四

草草望見兩賢廼得一殮玄論剖腹藏珠誠所不  
恤及聞不佞坐誣禁犬則頭髮上指七首怒鳴復  
類東京俊厨之輩可稱患難交矣

謝馮元敏學憲

不佞樵櫟庸立微有尺長爲世所收蓋婁婁矣明  
公文勒景鐘名轟震宇居恒讀雄篇大作如飲醇  
釀如食交梨如遊武庫未嘗不仰屋噴噴以爲郡  
生馮先生豈直峯湖生色真盛饌之麟鳳也者廼  
不弁髦下生時時借塵頭春風開其蓬心夙有感



懸上歲值豪蒼蹶履鳴之當路辱諸賢大夫協義  
昌言不惜八行共扶三尺明公尤慨然卯翼之甚  
盛事也不意九尾塞塗三言投杼而邯鄲市上幾  
有虎矣幸賢大夫之歸歸表表者士之譁譁烈烈  
者盡扼腕談說其事而主局君子稍稍撥雲復遇  
明公哀下生而直剖其璞於司理之前夫以明公  
高標朗譽一代欽岑且也以無意吐公言以遠聞  
破近惑未有不鏡照而劍析者不佞實不敢爲馮  
婦於門下門下亦初無所昵于邑子迺聊城金簇

晴陽堂

卷之二

十五

實魯連半指之力皆天也皆先王父不甘泉臺而  
冥冥中默禱於門下也益感激欲仆淚沾衣襟以  
手加額曰馮先生白我馮先生白我胡翅造寒生  
命抑亦造通國主臣命也猛欲踵謝適構風露之  
厄昕晚熱中非敢效叔向之於初奚十月之交免  
弦將上當衝濤舉鷁伏謁胥市百叩長者之門先  
此稍展未究下衷

謝李補之進士

家鬼陸梁漸成魍魎輒含沙射其主人辱公追憐

束髮手援焦濡皦然冰霜麾彼暮夜公之存心何  
厚植節何高而畫事揣情又何曲而中也掀揭創  
樹尚可量哉瑣尾畸人大賴休庇

與吳門王百穀太學

前沈玘華來吳門曾布八行并賦短韵想已奏徹  
不佞近遭豪蒼爲寇對簿理官然猛虎不負嵎安  
敢輒張毒吻幸郡中賢大夫士多有矜不佞而群  
然聲其不平者公論未盡漸茂今事且白其勿軫  
高賢慮近得謀野集於姚叔父處窮夜據梧伏讀  
晴陽堂

卷之二

十六

寄吳門張幼于太學

數年前有莊君者奉足下命徵拙書一箴因而求  
正長者夢寐崇譽切切於懷去秋負笈吳門將信  
宿先生之側乃高旌又臨白門遂不令侯芭得片  
字欲修數行以貯闢者竟躊躇空載明月深自歉  
嘆社友張孝廉伯復歸自門下口隆情不置不佞  
聞而視萬戶侯洵一葉耳



與燕中楊鳳翥文學

郁季野道足下長者且也多藻嘗心傾之矣辱遠  
盼先施草草出胡麻淹上客足下且不卑卑拙晚  
問以筆札追竟晝之歡敦後來之約次晨復勞携  
榼提壺咲傲湖亭抽肺腑濯滄浪中不佞識字非  
子雲轟飲愧元亮膺此寵靈腋汗如雨逆奴受罰  
凡有主奴者盡生欣色足下豪士胷中多有耿耿  
以爲何如

謝唐元徵狀元

晴陽堂

卷之二

十七

家寇內訌幾成市虎辱明公義形來翰慨許昌言  
感不盡舌

與崑山張仲立孝廉

此行得與足下累晨接鄰承鑿梁精饌佐以清醪  
不讓胡麻飴山羊醢而西池玄漿哉坐中上下千  
百年周遭十萬里靡不收置樓卿舌底真快會也  
且見足下噩噩穆穆大是古人及讀高篇已知隣  
婦咲難和國人狂則又矚然一世之上如足下者  
洵吾師也豈敢友哉豪幹事已得白所斷阿堵請

飭敝贊不敢爭蕉鹿而求分於士師之側恐爲張  
先生嗤也

與崑山顧靖甫孝廉

足下曼倩萬言陳思八斗何有於不佞哉猶然款  
愛勤劬陶陶竟日郇厨鄴架摩室習池形神盡暢  
真不負此夙仰豪奴斷物辭之以茸膠庠恐盜泉  
汗人不欲染指

謝吳門周公瑕

高齋清話

花溪勝遊綺筵繁列秉燭咲吟俱出風

晴陽堂

卷之二

十八

雅之槩何其暢也豪奴不軌蒙李司理罰粟厚懲  
不佞不欲問江南米價敬辭補先夫子宮墻之缺  
與彭欽之太學

王元美先生主盟文苑且雅辱其獎借異常渴欲  
投謁然須足下同看白門烟柳纔是勝遊免魄再  
弦便當舉鵷豪奴事謝足下慷慨議畫大令不佞  
吐氣

與徐孟孺太學

去夕芹苴之會和薰入懷皎魄當戶酒盞易傾情

棕難罄直稱雅集哉逆奴事幸已昭雪婁勞遠訊  
感念窮交

復吳門韓州守

草草得侍明公而杯酒陶然遂吐其臆玄珠見貽  
惟有珍佩家奴跋扈昔爲臧獲今爲猛狼公論未  
摩三尺猶在幸已受殪附慰忉忉

謝徽州汪伯成太學

家奴反誣若解衣包火斷物入官亦盡餅餹饑惟  
取心安敢以寶貴有累繁忉特楮慰籍扇頭贈妓  
晴陽堂卷之二 十九  
嘉律或者嫌非大雅亦知南山之狐與關雎麟趾  
並鳴詩杜乎試質之尼父

與陳仲醇文學

見孫世聲知足下已登講堂朝來化雨想沾沾生  
硯池乎足下身不滿五尺而才長古人不效晏子  
擁蓋乘軒廼坐一片冷氈足下神情瀟灑得似馬  
季長絳帳可耳不然效鐵崖在玉山草堂亦嘉倘  
朝晚欲以舌耕恐陳先生瘦生哉着梅花偶有口  
占錄上求和大巫勿棄小巫家寇已寧大慰高念

疊辱遠詢咄咄心感

與陸伯生

一別數秋寥寥鰥鴈昨得把臂足下雖有子春之  
憂而雞舌在口神情宣宕不減昔時辱惠瑤編汪  
洋凌厲伯仲昌黎其忼慨恣肆則恍睹長庚也置  
之研池淘去胃中三斗砂礫謹謝教近爲黠鼠反  
噬欲畢事馬鞍邑中薄返當調尊羹饗足下於白  
龍潭上

復弟于實于鶚

晴陽堂卷之二 二十  
當此大火有累遠征一胞同仇廼見真性又辱損  
濟益令壯士生色感寧以舌存嗟嗟脊令在原即  
豺狼當道誰能摧我羽毛耶慰我寔多

復弟于夏

賊奴齟齬婁累焦勞又得嘉貺隆隆我心更切來  
字所稱一胞之外非我腹心一垣之中皆人耳目  
非特當機要訣抑亦垂世名言弟聞道先乎我矣  
謝崑山秦汝約表叔

古人處異鄉苟有半面即等之骨肉况親骨肉而

處異鄉哉棲遲一棹倏忽二旬几筵洽比濠濮招  
尋驪然若在家庭者盡老叔昆仲賜也逆奴受罰  
既伏其辜斷膽之粟辭以用諸黷宮非敢效原思  
亦稍自養耻爾

上邑侯項父母

重華吳中樗櫟海上駕駘深承獎借俯賜盼睐蓋  
將斲其朽材備以下乘洵明公吐握至情而書生  
祗祇遭逢厚幸也時欲請誨又不敢隨行逐隊有  
溷清臺特具銅章六方印色一匣謹獻記室適值

晴陽堂

卷之二

二十一

試事焚焚未遑親貢仰乞鑒原

與楚中王叔承太學

足下落魄數竒終須時至何必悽愴成楚囚余聞  
董子作士不遇賦馬君作悲士不遇賦陶公作感  
士不遇賦古人三致意若此非獨足下之於今日  
幸自寬暢箋陸扇十書上

與明州黃仲高孝廉

瞻對崇標正欲一探驪珠竊照乘之末耀稍稍振  
其塵襟高軒辱臨四壁璀璨領畧緒論便覺神清

明午採蘋遲下執終聞大教萬賜移王母為標拒  
復吳門朱廣文

豐年玉荒年穀各以時寶歲侵民菜所寶亡幾誠  
如來教箋扇書納幸迨不工

寄錫山安茂卿太學

吳門莊君來晤不佞數數口足下賢且而郁郁文  
也不佞嘗神往於蛟山之麓則雅述足下信不佞  
虛聲不土直其面廼索拙刻數種拙書一箋奏記  
掌故作異日雉羔蓋莊君欲挾此而存吾兩人之

晴陽堂

卷之二

二十一

心乎竊慮靚女在閭聘者填間當街一頓觀者却  
走恐足下見此敝帚謂張生無益耳異日即張生  
趾足下門門者將却步弗為紹哉雖然燕昭王不  
愛千金之賞買驥驥蛻枯骨卒致千里神蹄駢闐  
燕市燕因以隆安知異日足下不曰莊君者我之  
郭隗也

復徐比部

落重失迹迹似踰垣當以荆請所委兩頰敬書上  
拙毫亡當華榱幸自刊定

與山東熊九之文學

數年前嘗從士抑兄耳熟高風輒仰屋咄咄恨不得望見之以爲平生未了剩願乃足下來雲間促膝抵掌共脫粟高譚羲皇稍從杯酌則遐慕虞卿古押衙其人各自期許訂終身之要而薄朝市之態兩人方同臭味而足下忽治裝載眼前將成河漢哉丈夫隣天涯兄弟四海願與足下指白日而裂寸丹無相忘也所需書修古殿下箋扇盡完上以筆札奏知已淺乎技也然令齊魯之墟知有虞

晴陽堂

卷之二

二十三

侯生者賴足下爲曹丘耳遂以獻下執

復遂昌黃叔範師尊

往宵簡甚然真情真態畧去形骸雖稀常太和莫加矣辱命從周公瑕酒盞中索筆花病醒竟日不得數行兩便面謹用璧完

與周公瑕

屬者諗知先生聰明精健步履遒安鶴髦鳩藤逍遙亭沼之間笑傲湖山之外飄飄陸地神僊哉蘭房莞簟夢有熊羆毋靳好音以慰知已

復閩中林觀察

重華蛟螭守株明公三顧之殷殷謂小子可教且欲掩其蒲樗徵以金石不知竟何以報隆旨謹奏吳歛博笑元白第恐東家子即蚤夕效夷光徒招市人嗤也

與揚州陸無從太學

蚤歲從何太史頌先生詩云匣有魚腸堪借客世無狗監莫論才欣賞已甚今覩百穀先生書益信名下無虛士來刻精妍而巍然自叙坐逼西京左

晴陽堂

卷之三

二十四

氏三都賦須皇甫爲重門下殆過之乎

與徐太學澤夫表弟

韓王居約時置塚高敞已容萬家鄧征西少小見高山大澤輒畫軍營處所英雄大畧自幼固然士先志也賢郎君終角妙年足下入白門吾見其志矣可爲善家慶

與吳江周叔宗太學

鷄首裴徊未傾肝膽歸旌匆俶悵莫以將所丐郡邑侯詩幸即潑墨足下絳帳鴻儒青城駿客何惜

謝眺詩不以驚其隣國

報方汝州

長轡西馳奄忽改歲每念足下朗宇弘襟超然塵  
壒雖既貴身為大夫乃荏苒詞壇酒壚間即古白  
江州蘇端明不爾爾耶客有從汝上來者聞絃歌  
盈城蒲鞭息響使君訟堂綠草如烟矣弟駑駘賤  
材障泥不渡爾趾索居猶然戀棧豈以免毛爭蝸  
蠅愴焉羞惕明公當衡石之前廼憶人間有不佞  
哉惠我好音教我名帖是不佞不得為孺子而足  
晴陽堂卷之二 二十五

下愛士則在陳仲舉上也

與葉叔明文學

表選序漫呈稿千金白狐腋袖以羔羊恐令千古  
笑人惟足下熟竄之毋汗棗梨

與楊彥履孝廉

昨從足下食饌飽殊勝稻飯始信鹽梅大致哉委  
題張公子四畫頃已點抹足下高染真有干將之  
色起李刺史於九原誰能齟齬

與崑山梁伯龍山人

足下人中杞梓何幸傾蓋莫廷韓吾鄉巨擘一旦  
奪去孔文舉死脂元升誰與語者無怪足下痛割  
哉舟中偶汲惠泉不下南零漿足下清芬恰似陸  
鴻漸亟來點沸滌此煩心

與唐太史

震器溟海遊鯤新嘗泮水指日冲天足步芳躅聊  
具不腆少旌賀私幸存莞爾

與茗溪臧晉叔國博

昨登龍門值先生偃息黑甜不敢排闥有撼華胥  
郡邑侯詩冊徵先生則社中無白眉幸徹倚馬之  
餘振驚人之響即拜貺千鎰誠難儔也

復莆田陳季相

足下赤汗之步暫留神蹄廼寄詠篇章宣其跌宕  
讀宮詞愴然有昭陽日影之感讀塞下曲則快然  
有封狼居胥想東海小桑蠶一朝得睹電光霞氣  
大震懾哉敬謝明教附去拙書四幅此吳儂卼歛  
何足滬七閩風色

與崑山王玄陽山人

捲簾躡屨晉謁高齋廼足下床頭俱道書舌底多  
傷語且也磴然介然無所婀娜於當途古稱士有  
石隱非耶至於鳥跡猿藤則先生剩技人有知先  
生者無出不佞口

與弟于鸚于夏

夜色浸庭蛩聲鬧砌池塘未夢姜被生寒燈火漸  
微侍兒重寐風竹雨簷交起弄人不知花萼樓前  
誰人吹玉笛也惓焉心悽恨不長枕

與鵲湖沈太史

晴陽堂

卷之二

二十七

不佞走方五尺伏讀先生文章蓋連然品也晨夕  
以弗得覩光爲憾及睹則又值明公握文樞品藻  
大江南北士當是時何敢望顏色徒以菲樗鋤於  
桃李之下士弗遇可愧也又弗遇於明公愧極矣  
遂浮視雲上之事直作許子一瓢依栖却曲間取  
壽昔所嘗讀古人書吟詠隆中暇則灌畦易壤動  
與田翁埒豎爲伍以故雖辛憐于長者而或見襲  
于鑠夫即家中傭奴亦盡傲睨不欲北面稍稍繩  
之則興操戈心慙無伯玉之使而幾彭寵之灾如

歸仲君氏者是也仲君雅好修能得士豈獨涼于  
不佞廋其逋奴蓋堂下見牛誠出不忍哉即不佞  
亦曾效漢人待盆子矣如不佞何自杪歲遣書哀  
請今春且莫矣去來吳越費不貲無畫焉而明公  
倡義發遣既使寒家收出柙之虎又使尊仲氏遠  
亡猿之累甚盛心甚盛德也

與嘉興郁季雅文學

少年美丈夫而茂文斌斌若足下者幾何輩哉不  
佞走具何伎倆廼致足下殷勤先施拳拳以文章

晴陽堂

卷之二

二十八

筆札期報最哉則昌獸羊棗之愛誠足下有所僻  
于不佞也者柰之何以塞知己之命徒自羞澁采  
真顏書完上署之雕梁間恐佛頭上加一點糞張  
生大亡賴也

與滇南黃季真孝廉

鳬之短鶴之長麥之垂黍之仰天全恰好也足下  
之文亦復如是當縣咸陽都門試問誰能增損一  
字來紙四幅書納

與上海喬伯麟孝廉

去夕驩叙甚慰渴悵柰弟不勝杯酌不得分宵飲  
賜卜以來月與足下取桃花枝作酒籌當竭生平  
酒賜以溝渠博海若何如

復閩中秦孟登孝廉

結綠懸藜爛然紙上蕪之獎借疑能藏於古人感  
與愧并不盡管城所委一一奏畢

復吳門王可父文學

辱賁瑤篇謬祈冲舉而精壺妙筆受之兩忤新茶  
携得否鄙人口無鷄舌祇深玉川之嗜爾

晴陽堂

卷之二

二十九

啓李中丞公祖

代上海邑楊侯

伏以位列烏臺手握繡衣之斧仁沾赤縣身通玉  
殿之班千里專城一方司命恭惟臺下氣塞兩間  
目窺四大緘題諫草真同百鍊之剛披拂清風渾  
似一泓之水絳之果霍之勇東海無波禹有功皐  
有謨南都制閫持旄賑貸草萊賴以頌蘇攬轡澄  
清藜藿爲之不採北堂萱樹夢面狄相之雲西浦  
瓊漿色映漢皇之日不愛萬鍾而供華黍常輕九  
棘以就綵衣冬笋萌階足照丹青於天壤甘棠遍

地豈忘蒼赤於寰區况某幸叨屬吏得沐休光政  
乏鳴琴偶備員於海邑心懷馭索仰垂顧於鈞臺  
翹首甄陶委身覆燾願憫負山之力少推涸轍之  
濡望熊軾以揚眉盼虎符而生色謹附駿馳虔申  
燕賀彈冠自慶削櫝靡陳

謝三衢徐修甫府幕

不佞酒肉僇父塊處三吳足下謬以耳選不遠千  
里而辱臨之徵其惡札有累羊裙顧沐珍錫僅篚  
燦然輝庭薄材厚賞甚令蓬生爽廡矣

晴陽堂

卷之二

三十

與茗溪吳公擇兵部

瞻承拂塵但見胷中多有丘壑絕無城府于于藹  
藹令人開心花主臣大亡賴願效王中郎着臙顏  
恰綸衣挾左傳逐鄭康成車後哉郡邑侯詩冊幸  
偕晉叔先生少假呼吸一矢玄音便可償十五秦  
城何啻雲間有雙龍之氣也今日伺明公於濮上  
一拍十斗當作三日周僕射乎

與三衢張宗旦文學

雄章珍刻流播士林幸辱遠來得瞻韵度郡縣侯



知文曲度湖何惜九賓之饗豈須碑礪爲儀封哉  
復杭州吳節推

瑤緘下授雙扉生色重沐溫誨如坐春風委書六  
屏風敬完上恐負盛命勗竭駑駘惟俟斧鑕

與蘭谿邵良甫文學

侯總戎書當覓便致之以足下才當立成青雲豈  
湏作將軍幕也所徵徐吏部三扁率爾濫墨功不  
稱賞解網幸寬

與錫山虞質夫文學

晴陽堂

卷之二

三十一

足下學具懷蛟不佞才非夢鳥品不循矣然以足  
下之肫肫視不佞之侗侗有一面輒出五臟者况  
張平子賦東京多所感悵虞卿著書亦有憤激爲  
之則吾兩人蹤跡詎皆江南尺蠖哉前者正擬數  
數驩亡何而有荆溪之役至今仰天謂柰何弗與  
虞先生執袂去也甫歸廼足下猶然辱臨則不佞  
又出西郊不得御歆心爲勞即欲馳晤適值小絆  
先此奏悃不宣  
滄漚集卷之二畢

滄漚集卷之三目錄

赤牘

復郡大夫匡公祖

謝徽州金一甫山人

復許侍御

復會稽馬玄臺儒醫

復溫二尹

復李鴻臚親家

啓江西聶大叅老師

與琴川楊浚卿太學

與慈谿劉文學

復閩中游文學

報姚大叅

與茗溪臧國博

燕郡侯請啓

復馮京兆

晴陽堂

卷之三目錄

乙一

與嘉興包學憲

與徽州江偉之

與吳門朱宗衡

與上海杜君權

與常州馮允卿山人

謝季憲副

復應主簿

與常總戎

與江陰鄭象玄山人

與閩中張洒雲四家

與吳門沈士能山人

與陸道立孝廉

復從弟于蕪

寄吳門錢禹方山人

與上海高臯甫解元

與錫山周仲貞文學

復溧陽史懋公太學

與鵝湖陸太學



復馮咸甫孝廉	復朱文學伯明內弟
與周公瑕	與閩中李民部
荅杜際之文學	與崑山王太學
謝徐刺史	與王性之孝廉
與俞兵部	與吳門顏山人
謝陳敬甫孝廉	與朱孟元太學
復吳門沈山人	復長洲杜子紆文學
與澤夫弟	復洛陽戴君求太學
與唐太史	與張伯復孝廉
晴陽堂卷之三目錄	寄江西喻公祖兵憲
謝董廷尉	寄江西張若思文學
寄江西張宗伯	與朱伯明仲升內弟
與從弟子衆	與松陵王太醫
與金壇曹來甫文學	與張方伯
與季太學仁卿親家	與陸伯生
與孫唯卿文學	復遂昌黃砥隅孝廉
復遂昌黃砥隅孝廉	復吳門錢功甫山人
復唐元升孝廉	復顧爾成文學
與章子敬文學	復顧仲方中翰

與豫章鄧慶夫山人	與上虞賈長卿文學
復孫允執郡伯	復山東趙子醇太學
復武林沈士徵太學	復楮元水孝廉
復楚中韓光甫太學	與王百穀
復張孟端文學	復吳門姚叔乂
與閩中李民部	與樵李高理元文學
復廬州黃信夫文學	寄合肥鄭茂雅山人
寄通州呂季辰太學	與蔡文學
復郁孟野太學	與倪方覺孝廉
晴陽堂卷之三目錄	三
與松陵史省常孝廉	復滁州韓康叔
與李二尹	復三衢孔國博
復新安程鴻臚	與江都張行甫師尊
與吳門強善長山人	謝新安汪汝璧太學
禮書	
代王敬甫孝廉荅葉氏禮書	
代千衆弟結顧氏姻請書	
滄溟集卷之三目錄畢	

滄漚集卷之三

華亭 張重華 虞侯著

赤牘

復郡大夫匡公祖

仁聲義譽焯爍一時通國之人莫不引領嚮往小子尤獨心師焉未敢造次跣謁蓋懼驪黃之色易消玉石之光難辨周之士貴秦之士賤能不趨超羞蒞而甘守門墻之外哉廼辱遣使賫箋慰諭待以國士嗟乎士何有于國能繇上風之耳因大感

晴陽堂

卷之三

乙

愧思昔龐漢陽及門以問任棠陳豫章先身以臨徐孺爲千古嘉話夫二公知兩生非常人待之甚優渥也兩生即受二公深知自文章道誼之外絕不緩頰所以二公益重兩生兩生亦自信操行無缺則雖見賓上官晏然膺之人亦不得議其後倘二公自尊高其官耻于下士則兩生且逃名匿影于寂寞之濱即二公何以知兩生至于今名炳炳哉甚矣上下之交誠相成也者重士若明公小子雖不敢隨肩而摩遂踵而接如儀秦所爲亦豈敢

閉門踰垣自外於賢大夫之側哉於是收文章之小沫畧道誼之微津以其疇昔所爲殘編剩簡文若干篇詩若干首請正大斧夫李賀與韓退之初無生平驪也退之名滿天下方貴盛時賀以詩獻退之初時目猶然空李生也俄而高詠城雲之句遂東帶賓李生李生名由此昂昂翔長安街亡何舉進士爲一代名家至於今稱李生之能者先昌黎之鑑小子初學蠹魚未窺半豹何可與言詩嘗治三百篇稍稍知其槩都人士忘其效顰謬以詩

晴陽堂

卷之三

二

名即四方諸君子亦信而不遠千里漫與唱和動盈冊帙以故書生而以詩獻太史子長云附驥尾而名益彰非耶偶有子春之疾不能身候政府肅遣平頭奉具惟明公大人鑑亮以定衮鉞幸甚感甚

謝徽州金一甫山人

寶篆見授賤字一朝得登漢籍極快夙心第蜨文鳥畫大是神奇恐收之匣中旦夕六丁風雨不免起蛟龍之渴耳

復許侍御

明公振羽天衢不佞沉淪海角視公猷業信冥鯤之於蟻蚳哉比歲僑處市上檐楹比隣正宜晉謁霞標敷其曠想聞且靜修杜客不敢溷溷迺辱使命先寵感如之何委書俟炎威少霽亟當振腕期報腆悰清香祇領餘品未功而賞矢不敢當謹璧御者

復會稽馬玄臺儒醫

足下博極醫籍有杜征南左傳之癖精融醫理即晴陽堂卷之三

長桑乘陽慶復出可同堂造膝無惑也者當世軒岐家悉標竊古人剩涎便角門戶其視足下胃臆蓋全牛之一毛哉不佞嘗心欽久矣承索拙書以足下命即授咫尺相報雙腕已自騰騰毋煩亟顧往來也

復溫二尹

不佞無大伎倆且也習懶成性旦夕草局不敢以硯礪見於諸侯乃高轅造廬以禮先下則有銘感拙書殊靦止留覆瓿何明公賞之太流蓋草草執

張按轡而遽招甘蠅赤豆之聲哉愧矣

復李鴻臚親家

朔風告嚴水菓零落僊瓜見投雙眸眇眇睹夏虫驚冰恍來西母噉而三咽便覺香生五內史載安期大棗有似瓜者豈其儔耶可卜老親家先生不老矣燕以藥其姻人瘳厥狗馬疾廼知中有慈筏哉女真丸人間上藥也善祛中熱大補元神弟服之見奇敬分一瓢奉嘗宣父之於季康其交也逖遂置之烏有弟於門下肺腑相關母曰未達須命御晴陽堂卷之三

者以時進

啓江西聶大叅老師

拜別石頭城下間關二十餘年旦宵切切客有從匡廬武夷來者未嘗不踞而訊夫子興居狀也今秋知夫子讀禮山中寄轄毛廁諸弟子之末時治裝武林不皇削檣至今爲耿居恒每念昔年春風泣育羅致門墻目以五花責以千里重華且也不揣鶩蹄欲奏一程少酬皮相柰何荏染白門秋色黑貂蒙茸齒倍王彪猶然徒步丘民間僅耕盈尺

研田遨遊四方博大人長者之知抑末爾每思貌  
若無塩宿瘤又不能隨行逐陣效綠珠玉環柔曼  
其聲妖冶其態空執古人敝帚欲爭妍三千致羊  
頭車必無幸矣獨以慙負盛心死灰未冷區區鉛  
刀尚許割鬻不敢自後於魚腸倘得稍厝當世便  
當裹糗樞衣伏謁堂堦陳說年來夢想之意喜可  
知也吾夫子譽綽隆時巖廊虛左東南有造受撫  
節鉞之下俾山桀老門生與鹿豕共游棠陰間斯  
生平大願也偶丁君羽便附播八行并宣拙律奉  
晴陽堂卷之三 五

獻遠心

與琴川楊浚卿太學

遠回得無新話石頭烟柳近來作何狀也即刻浮  
槎聽金閨半夜鐘直窺鐵甕始歸與足下去住參  
差悒然於懷推蓬數行未吐鬱抱

與慈谿劉文學

向見秋風篇知南海老驪領下迺夜夜光者竟爲  
不佞探出幸母作鮫人泣哉拙書兩種奉教以慰  
好事非銜國能第令名藩大良知吳下阿華狂興

聊爾匆匆不能多致若陶靖節孤松獨樹誠以希  
貴也

復閩中游文學

姚叔又齋頭得餐足下新柳作大是爽人百穀先  
生酒間邂逅風雅則冲然朗然豈意孔北海先知  
人間有劉平原哉迺勤劬訊以毫素敢不勉承恐  
七閩賢豪睹此潑墨誰爲米生辨顛者

報姚大參

近客吳門晤王百穀丈道明公曾停軾其間感先  
晴陽堂卷之三 六

施有古大夫風也迺倥傯不得瞻去旌托不佞三  
致意謹報百里之命

與茗溪臧國博

昨從諸賢後得遲清塵恨未繇從容緩頰一探二  
酉緒餘然名勝畢集諧咲成珠真有河朔間想

燕郡侯請啓代鄉達

屬者春生陽月節馭玄英霜威乍轉於葦城水德  
覃行於澤國蝗不入境貽大有之三農虎北渡河  
睹福星之一路某等借驪黃於五馬結草靡申欣

翊戴於二天負暄有念種秫幸陶田之稔獻新效  
幽里之思懷鄭武而授餐學任棠而剪韭蕭蠲十  
月某日開黃封以介眉壽浮綠醴而見微芹籬菊  
猶金色映堂皇之綬瓏梅將玉香含驛使之書照  
德輝於鏡臺頭當明月拂仁波於珀盞眼底清風  
燎火盈庭二千石量洪江海壺漿載道百萬靈心  
仰丘山不揣茅蔬奉扳謝屐瞻焉鵠立顒聽騶鳴  
復馮京兆

孫使君酒間得追歡竟日甚暢下襟女真丸方謹  
晴陽堂卷之三

錄上先生種德優渥當自遇大東瓊漿何藉岐黃  
宿草爲先生壽哉

與嘉興包學憲

明公秉憲臬身爲大夫廼却損騶從徒步覓一逢  
掖先禮之此豈不佞有毫毛足重門下哉亦明公  
崇誼虛懷姑以九九取士士得不以樗廢耳拙書  
石刻并拙稿敬呈覽劉畫六合賦嘗爲魏收嗤鄭  
世翼見崔信明詩則欲投之水濱不佞當亦類是  
異日踵門坐砌下牛衣上聽明公一夕話便當輟

去十年螢雪

與徽州江偉之

足下遨遊燕趙名揚諸侯閱人幾徧天下廼眼中  
有不佞哉不佞一日得意則季將軍敢忘曹先生  
也今夜焚藜據梧與足下譚猗常葛天之槩興至  
射瓊反兩取掄魚奪梟盧幸毋讓

與吳門朱宗衡

霞標遠犀蕪以丹青見貽揭之軒左時觀花鳥粉  
硃有凌霄之意

晴陽堂卷之三

與上海杜君權

才情馥郁而志骯髒若足下其人眼底不都見恨  
不得傾倒十日暮廼足下淹淹海上豈謂世無鍾  
期遂欲廢琴耶與薪之火滅也絕影冷石一片  
之燎原士不可測也幸足下猛自淬况朱泚漫精  
屠龍之技勿憂無用當世

與常州馮允卿山人

虎丘邂逅蓬底驪娛意氣才情會心交賞於是萍  
梗化爲膠漆陌路遂成金蘭哉古人傾蓋若故信

矣別來許日想謝眺多驚人詩母靳教我明日將  
偕足下汲惠山泉幸先整履

謝季憲副

舉世皆波也明公獨以真誠恬雅砥柱其間不佞  
方有高山之仰迺冒過愛誨貺頻仍嘗沾沾五  
內愧無一能以奏記室劣犬吠主重沐激揚古人  
作事嘗畏王彥方知不佞今誠無憾矣

復應主簿

不佞踈情守株未繇通籍辱問餽殷勤兼惠華札  
晴陽堂卷之三

九

灑灑玄風知督郵何能屈陶令哉拙手罕能辱以  
鍾索之命敢不竭才以對優悃

與常總戎

嚮知將軍好文不下祭遵虜乍見之果穆穆斌斌  
令人欣仰交集金閭有行幾時治樂欲訊尊岳周  
公瑕敢借從者爲魚腹

與江陰鄭象玄山人

殷羨不欲作致書郵畫投江中也迺不佞以此干  
足下足下欣然點首可謂善學柳下惠者敬奉山

以授掌故

與閩中張洒雲画家

高賢遠輝敝邑未繇探驪廼辱左臨愧地主之亡  
賴也玄染殊絕足入能品即吳道子更生當爲伯  
仲江南豈無隻眼何假張生推轂

與吳門沈士能山人

馮元敏非常人其所友者可因而鏡也不佞未見  
足下輒知馮先生與足下驩往往以文章相訂則  
足下所養吾從此鏡矣及見足下則恂恂樸茂絕  
晴陽堂卷之三

十一

無揚揚之色而坐語聲咳口生天花令人快耳爽  
心吾又因足下而益信馮先生賢也馮先生待足  
下以息饑渴且聞有督學之命足下幸惠然于五  
茸之墟敝邑寵甚不佞豫甚

與陸道立孝廉

新園踈敞足撥玄襟然足下世之赤汗當志千里  
竹林蓮社非足下有也辱命家仲以四顏書扇筆  
故人在念雙腕若蒸臨池而池冰開一一象指奉  
納惟法眼印正

復從弟于蕪

弟辛苦半生一腔今昔蕪之宅心操履醇然古風  
迺猶然落魄所向輒遲譬若夜光暗投一見而按  
青萍再見而生白眼三見則紅錦襲之乎其母息  
母沮

寄吳門錢禹方山人

枉重小艇有失欸留兩扇俱得妙染臨風一拂忽  
忽雲氣滿人襟袖感佩之私與扇未求

與上海高臯南解元

晴陽堂

卷之三

十一

遠辱時臨匆匆多簡春景韶麗幸解木蘭渡春申  
溪也委書碑文士抑丈嘗詔不佞敬聞命矣第安  
得伏靈芝爲我掩醜

與錫山周仲貞文學

昨與足下魚服過酒家廼當壚者輒知吾兩人非  
氓隸牀頭握刀不掩英雄之槩足下信然僕蠅附  
驥尾同日千里非其素也

復溧陽史懋公太學

比世制科家往往襟袵哦詠此偏材也足下

青錢詩多黃絹使足下生建安黃初當爲東阿仲  
宣生唐則江州昌黎哉弟無詩腸猶能目賞如郭  
洗馬聽曲雖不知音亦知其嘉耳贈妓詩何須刪  
去不見桑中芍藥見收三百乎

與鵝湖陸太學

久疎咨候耿耿在心相士凌君托紹門下此君真  
世之伯樂敝鄉搢紳逢掖聽其吐口爲雌雄卽君  
初聽鹿鳴幸出一顧早知杏花春信當使大邦有  
空群之譽

晴陽堂

卷之三

十二

復馮咸甫孝廉

種種琅玕久貴寰寓時相神超一朝得睹五車剩  
餘誠婁夫驟富何幸如之

復朱文學伯明內弟

宋公子喜拙書至方之右軍列之珙璧謬賞太甚  
柰來箋不甚澤膩卽南威行瓦礫中尚無卽鄢之  
步况屬姆嫫耶

與周公瑕

去秋問字淋漓足爲代寶先生比來精彊神王門

有鍊限池生墨波少侯梅花破王當縛鷁金閨再求傲膝

與閩中李民部

消宵寂譚爰披肝膈令人鄙抱頓消歡如之何再辱島召士非林宗敢勞茅先生共飯耶愧之矣

荅杜際之文學

不佞少從尊公老師函丈恩同過庭旦暮望足下奮翼雲上發攄老師六十年來未了意願迺足下燁燁肘電非久化鵠每跂足聽轟雷於天際也不晴陽堂卷之三

十三

佞年垂四十無補熙明材同子真甘作劉蕡豈忘曹沫之思深耻馮驩之缺問香尋餌笑傲浮塵勤石題鐘聽憑大造何必爭雄牛後博寵蠅頭此不佞所以誓掩三徑而羞向五侯者也

與崑山王太學

昔在棘園中草草望見顏面事竣遄歸聞捷響不意高羽慙垂也尊公忽捐賓客不佞沉痾未能就哭先效生芻之誼陳仲弓有喪吊者千乘足下嘯禮節哀勉循大孝以慰四方

謝徐刺史

霞標水蘂凌厲一時此行將見河南豫章之事再垂汗竹恨未得話別津亭也忽辱嘉編見貽所以精鏹廉吏五斗不飽其孥古人所羨明公雖二千石然以贍貧養士恐亦不足哉

與王性之孝廉

夙暮醇德渴欲自薰邂逅長揖望見琦姿不敢草草登堂訊寒暄迺足下貴然先臨偶從西遊有遺倒篋承問石刻拙書謹備清覽

晴陽堂卷之三

十四

與俞兵部

榮行不及餞別河橋折柳絲贈行色至今緬懷茲爲小兒姻事肅遣八行於舍親家鴻臚君幸頽明公彼此萬籬敢借九鼎美滿百年念小兒年逾平原入洛而不佞趨庭之際堂垂雙雪則安得不汲汲上慰含錫心下成爛斑驩也

與吳門顏山人

遠顧失款蕪所索書又不盡技徒有歛嘆謝陳敬甫孝廉



幽齋曲檻風致飄然主人婁娑客人酩酊欣欣夜  
歸不知兔魄西沉也

與朱孟元太學

夜來裸形豪飲大是驩暢騰猿在樹豈須有衣冠  
之樂哉貴適志爾叔孫先生不爲吾輩制禮信乎  
復吳門沈山人

世多煮鶴爨琴者吾黨無所鳴於時久矣迺得玄  
章寵贈洋洋盛風讀之如噉交梨火棗齒頰馨香  
樸橄若不佞一見士衡當飲手燒君苗之硯矣秋  
晴陽堂卷之三

十五

氣少深免弦張滿將左袒除祀求飲醇酒作河朔  
驪可爾若以蟋蟀之音來續鳳呂咲然吳市諸豪  
復長洲杜子紆文學

匆匆過從語不及細舟中勞重無一漿以供賢者  
懊悵不去心胃廼辱玄章圭璧鷁首生輝佩此崇  
詎能有已時

與澤夫弟

河橋歡譔亦已太甚獨弟醒眼言多耿耿歸而清  
衾夜寥靜言思之然後知足下之持說殊正不佞

草誠狂奴哉三還堂春聯書納

復洛陽戴君求太學

吳門分袂奄忽三秋不佞僻處谿壑抱病掩關無  
他伎倆日與松風竹影相親每聞林鳥嚶嚶便有  
故人之想清翰飛墮恍見玄襟不勝慰悅委書素  
扇丹聯一一竣事少代良晤

與唐太史

叨擾瑤筵殊深感腴而明公休休藹藹超然塵壒  
之外誠不減古人千頃波也

晴陽堂卷之三

十六

與張伯復孝廉

弟庄栖累日小俘來知翰召再三燕有王人在坐  
無緣挹其清芬大是悵悵多情司馬毋獨鼓琴于  
龍陽之側弟當效樊將軍排足下闥矣

謝董廷尉

不佞涖園朽樗不堪榱棟先生具公輸之畧猶然  
採之蓋國士不佞者三年於茲矣每承賜餽稠繆  
大而靡報嘗念摩挲七首未銷鵬鵠先生倘有用  
我即南收夜郎北葺樓蘭亦當勉效知己何但以

雕蟲鳴也屬者避囂別墅時飲涼州醇酎烏烏自  
豪頃倒半斗便忘相公車茵矣忽辱雄編見視種  
種足垂金石廼欲豎子播弄其說是索麗水於丐  
夫搜明月於市媼非所以揚盛聲垂無極也止可  
考訂亥豕作一老蠹魚爾

寄江西喻公祖兵憲

自臺下之泣郡也轉菜色爲陽春起溝中爲衽席  
且也振刷膠庠崇禮逢掖寔造松人士命至今棠  
陰歷歷發於五茸小子最倥侗既無枚叔曼倩之

晴陽堂

卷之三

十七

技又鮮樓卿鄒衍之舌不敢以書生溷於堂皇重  
蒙賞其薄能拔之異等多所獎詡藉以浮聲慙非  
賈誼深負吳公猶然落魄宮牆間見影自憎若白  
鼻亢顙之亡當於巫祝也髣髴天路其俟河清哉  
明公文章在金石譽望在寰區桃源菊水暫借煙  
霞彭澤輞川豈容長卧黃次公相業起自治郡則  
雲間者臺下之顙上也

寄江西張宗伯

前以令仲若思丈之

兩秋無從伺諗遙知台履康嘉榮聞休暢萬姓加  
額欣欣自春乃若竹林標勝蓮社羅英非師翁燕  
息地也重華瓊尾繩樞棲遲棐几進不能振策盛  
明退不能勒名來禩每讀張平子東京賦輒鬱然  
懷古自分棄繻之不若抱甕也已敝友沈孺休世  
之驕驕曾辱師翁一顧益多空群之譽今且不遠  
二千餘里伏謁門牆以消饑渴附詢動定少慰遠  
瞻跂足匡廬神搖飛瀑

寄江西張若思文學

晴陽堂

卷之三

十八

曩歲幸獲追隨者幾三月高談千秋下陳六藝萍  
水金蘭一時名勝別後隻鴈杳然懸心爲賴時來  
計足下興居清宴足慰薄忱弟也踈劣日耕一片  
研田有勞薪之悵如何如何社友沈孺休遠叩令  
兄師翁敬附短疏此友德堪表俗詩足驚人逆旅  
孤囊諸凡青眼弟亦有榮

與從弟子衆

所需求正草序信手織成無大奇穎以揚盛聲勿  
令東里君見之恐其飯滿案哉

與朱伯明仲升內弟

徐君既死墓劍猶縣虞卿周窮慨脫相印令外王  
母曹孺人者德比古人恩同半子不佞生不能三  
鼎養而孺人亡矣賢伯仲不受屢空之家雪泉臺  
身後之忿對簿訟庭敢不訓報幽明罄竭心膽哉  
第初意以莫安幽靈爲大今已草草窆安且事屬  
請解則從常息爭亦庶乎情法兩盡云爾倘不佞  
稍首鼠其間則郡縣侯謬以國士遇張生張生少  
有一曲當矢溺之矣

晴陽堂卷之三

十九

與金壇曹來甫文學

足下自嫌口過似不能言者夫吃何足爲足下過  
哉韓非口吃且能作說難以干侯王周昌病吃則  
抗詔天子爰定國儲迺足下齒頰括囊而中包五  
色周韓之事未足多也

與松陵王太醫

不佞夙與三吳諸賢談及江左軒岐家則盡誦先  
生不去口誰謂世無倉公華佗哉徐澤夫表弟醇  
然嘉公子一旦沉疴頗見軫於骨肉自先生見垣

而澤夫生矣幸終援之務祈萬全毋忽小愈

與季太學仁卿親家

草蔬幸臨忘形畧態各暢襟懷誠淳于一石時也  
第枚驃姚對壘便令尊親以百斗折腰座上幾似  
灌將軍者則幸解網三面寬其斧蹟春釀初綠索  
戰華軒足下尚可爲李左車哉一咲

與張方伯

寵顧失將蚤挾襪生刺登堂又值榮出恭喜朝天  
在邇竊讀先朝舊章蓋大方岳之卓異者往往刻  
晴陽堂卷之三

二十

與孫唯卿文學

辱教泐上諸篇風骨清嚴神情高遠九三間增十  
倍波文嵐色豈不大快

與陸伯生

指日菲陳具在別箋茅容蔬草幸與林宗同嚼坐  
羅千秋俚言四韵學步卽鄙不免却走雖拋磚引  
玉第恐點蒼鬱林聲價萬層幸爲我三提其耳  
復遂昌黃砥隅孝廉

所索序文潦草塞命左太冲賦三都得玄晏先生而重以不佞庸末何補鴻名恐徒赭豹文哉

復吳門錢功甫山人

嚮慕芝蘭得睹甚歡酒前一見若素古丈夫意氣當如是耶瑤草之辱洋洋大風教我多矣

復唐元升孝廉

向叨雅宴子都過雲南咸捧月興與漏長蓋啓明燦燦東井上矣委書扁完上落成之後何以待不佞當酣一斛紫葡萄可也

晴陽堂

卷之三

二十一

復顧爾成文學

讀足下論草汪洋凌厲不可繩束適臥病匡床吐納足下神情數口便覺香思津津從肺腑間出朝來大有起色勝越人禁方異哉足下材蓋楚鐵齊金真可截蛟斷犀長在中篋中哉

與章子敬文學

半寺齋詩稿殊開茅心別來又移榮莢想吟壇文苑多所揚摧幸再教我近書古格言付石傳布相知共砥實際之學庶虛清覽

復顧仲方中翰

高染喑喑人間幸徹供奉之餘賜之逢掖後生立見壁生丘壑毋令俗眼眕森其口

與豫章鄧慶夫山人

匡大夫貴鄉產也一朝挂冠祖道蕭索如此楊憑既去惟徐晦一人送至藍田人情自古然矣

與上虞賈長卿文學

景公琳琅敢率魯豚候雪廡下惟公矜我劬勤揮咳噫一點餘沫足成化雨

晴陽堂

卷之三

二十二

復孫允執郡伯

疊次酣擾未繇仰對明公人中僊也不佞正儼時時請益若必張筵鼓樂便多鄭重此後當載酒相問可耳委賦雪蓬卒業奉正中引古賢豪數人皆知雪味者非公無能伯仲

復山東趙子醇太學

玄草見投如拾九節菖蒲欣然自賀讀至卒瑟一調令人烏鳥氣盡

復武林沈士徵太學

前見足下觀劇詩燁燁古色僕無仲蔚之長而足下抱休文之技陶匏土鼓欲振嚮洞庭耻也

復褚元水孝廉

委簪二柄書完奉歸薄技平平何以報命手書石刻格言敬獻伯仲取其可以箴世爾

復楚中韓光甫太學

重華最不肖然喜交於四方賢者賢者誠知重華不肖亦信其浮聲樂與傾蓋舊矣負竒若足下迺千里命駕於敝廬徵及筆札三試而三收之不無

晴陽堂卷之三

二十三

昌獸之嗜乎幸取五石瓠覆之可爾倘果高縣南面恐汚水以南謂吳國無人千古揶揄之也

與王百穀

不肖走俗豎子耳居恒擊節自賀願爲王先生執鞭誠得旦夕造膝尊生齋頭再拜發二酉大藏開此蓬心即與蠹魚共老於先生之側無憾也者顧先生緒焉記存疊承手教贈以瑤篇俾侏儻人獲聆韶濩幸何如感何極也

復吳門姚叔父

素企芳名今得股領玄警大是爽神廼拜妙染當風擺曳但見松光峰色冉冉眉睫矣委書謹完納雷門播覽識者掩口

與閩中李民部

往聞明公欲用善箋未有應者今其精手朱姓特奏臺下求弟贊紹幸試可否昔杜叅軍之治婺州也取百幅于萬紙之中世都其廉今明公捐金購之雖萬何妨不然松花鳳尾玉屑香皮縱有名箋祇爲吳中剩物誰令後世知者

晴陽堂卷之三

二十四

與樵李高理元文學

雨窓兀坐每以高雅爲念暇日時時過畝官一咲語若三郎見九齡精神頓生者

復廬州黃信夫文學

逆旅齋頭與足下信宿驩至今五年餘矣懷仰依然不知大江天塹也汪汪雙魚剖此尺一辱諭敝邑項明府者誠知不佞然不佞稍自困勵不敢數至其室今親徵券事恐監河侯邑金不救莊周之急有難輕諾以負高情幸足下三省之委箋書納

寄合肥鄭茂雅山人

千里孤鴻偶棲閣，閱玄漿脫粟吐露寸腸。今猶耿耿別後，震雷烟電火烈枯槐，幾無江南之面。浮萍骨肉深厓，焦勞數年來不佞，雌伏未鳴，褐衣尚在。奈何以慰故人，偶得黃信夫便附，諗霞標無寄拙稿，求訂幸黃先生毋作徐常侍，使魏收有江流之恨也。

寄通州呂季辰太學

王百穀先生曾來上郡，道航海之險，茫無天壤，足晴陽堂卷之三二十五。下則稱布帆，宴然不波，令人便有乘桴之想。乍睹者心驚，習慣者神定，玄珠象罔，信有之乎。紕文拙書世所翹厲，足下挾而超東洋，莫使蛟龍怒走海若，憎人。

與蔡文學

青衿之事，欲近雲霄，赤子之心，足參天日。足下所處與足下所抱，當何如者？彼雖不恭，宜以情恕。或云措大須自激揚，不佞則云千里黃河不無一曲。况天空海闊，魚鳥依然，可減萬層冰炭，不佞時昔。

骭髀不能下人，中年而識一忍字，所謂強弩之末，不穿魯縞，非耶？輒敢以此言進於足下，必有唾不佞面指而詬之曰：「往夫者，事定之後，安知不曰：『虞侯我之益友也。』」

復郁孟野太學

亟承遠賁，匆匆未遑，請益入三摩地，扁敬書上此。天下大觀，何以屬不佞。

與倪方覺孝廉

來桐廬，彭欽之者坐窘來，昇不肖小童，抱出街頭。晴陽堂卷之三二十六。廼邂逅足下，大偶然也。燹下剩灰，見賞中郎至今。稱寶况欽之人，譽且風雪，滿堂哀安，尚臥朱絃，綠綺聲韻杳然。倘足下收置武庫，便令齋頭有廣陵散矣。欽之不以足下爲子期哉。

與松陵史省常孝廉

追隨數夕，得涵道真如公襟懷，如公醞籍，十不睹一。欲理小芹，請益咳沫，柰行色在邇，不遑見情，敬具龍巖五笏，以助春魁。

往滁州韓康叔

陶甌已罄士有窮時孟餽再收人獨無志僕雖屢空然以研田爭苞苴則監市夫也幸毋介意

與李二尹

清風讜政聒耳積時然是不敢以瓊瓊衫裾溷清肅範蓋方古不見言游之士雖凡哲異踪而其素心則歸于自守寂寞云爾辱命八箋六箋敬書上

復三衢孔國博

翩翩聖胄來翔下方市井如堵以爲榮觀迺先式不佞之廬得挹春風載稽文曲不甚幸逢所索署

晴陽堂

卷之三

二十七

書如教奉正餘箋當取次染納

復新安程鴻臚

猥命研銘并題古帖二扇六俱奏上一線小長乃足下過好而抽出之得無屈之芟乎

與江都張行甫師尊

明午携榼泮水之陽爲先生壽念昔追隨合肥盤旋鉅鹿千里勞頓踏險觸炎饑不餐渴不漿盡以賤小子之故當是時雖欲採一片貢案上得乎而今宛然家栖秋毫皆師力也竟齒靡報聊聊薄治

少布夙悰幸勿他奪

與吳門強善長山人

小走歸捧華札知兄清履暇中一窺雲間故人新釀當與足下十日不醒沈君來奉命索拙書敬僭甕口

謝新安汪汝璧太學

玄圭烏玉片片珍奇綵綺蕪金躍然望外辭之不能受之增醜更圖鉛槧以副腆心

禮書

晴陽堂

卷之三

二十八

代王孝廉荅葉氏禮書

四月二十日

伏以婚姻紀風化之原禮先文定律順協綱常之重事舉芳辰此百年偕老之期寔六禮攸行之始緣隨天就事豈人爲維時夏入荷池秋先麥糲雕梁語燕簾櫳影入雙飛綺樹流鶯枕簟聲來百轉撫新篁而棋敲謝閣靚青松而詩詠秦樓幸逢嘉景用締初盟恭惟尊親家先生東海名流南陽華胄潛神龍于泮水育雛鳳于鸞宮豹變有時矧含章而闕霧蛟騰指日將吐氣而成雲猥惟賦質自

分樗材念守株于藝圃人非江左夷吾期脫穎于  
儒林位乏楊州刺史顧小女詠雪未能徒握芳于  
佩菰喜令嗣凌霄可待已預卜于懸弧倚蕙葭而  
成蘭蕙托蒲柳而作蘋蘩荷葑菲之不遺伏冰言  
之爲主寵頒鴈幣兼錫魚箋朗月僊珠驚受鏡臺  
之獻繁纓金縷慙看玉杵之投敬諾委禽聊陳報  
李謹開別幅仰乞兼收無任光榮不勝感荷

代于衆弟結顧氏姻請書

九月十日

伏以明月當頭萬里銀河濯錦清風入幕一天王  
晴陽堂

卷之三

二十九

露生花際桂影而乘龍趣蓉辰以奠鴈枉醇襟於  
草竇奉韵宇于蓬壺仰乞僊旆遙臨高軒允賁奏  
箭管以迓丰神調瑟琴以諧伉儷正翹首於芳塵  
時注心於清範惠然肯來聿邁其降無任喜躍驩  
忭之至

滄溥集卷之三畢

滄溥集卷之四目錄

論

范韓恩怨論

機雲張翰孰優論

鴈足帛書論

武王封微子論

韓厥論

季札許劍論

晏嬰論

明主愛一嘖一咲論

吳起論

平原君斬笑躄者論

范叔論

秦始皇得聖人之威論

漢高陳勝論

王陵之母論

晴陽堂

卷之四目錄

乙

酈生周顓論

紀信論

韓信論

張蒼崔湜論

漢文帝論

淮南王殺竇食其論

醴酒不設論

漢武帝論

韓非司馬相如論

司馬相如論

竇嬰衛青客論

鮮楊蘇武論

陳湯寇準論

石顯曹操欺君父論

李嵩李林甫秦檜論

陳太丘郭林宗論

朋黨論

陳球司馬光論



盧植李膺論

趙苞陳寔論

何進蕭道論

管寧劉虞論

董卓公孫瓚論

王允溫嶠論

王允鄧艾論

荀彧論

滄溥集卷之四目錄畢

三

滄溥集卷之四

華亭 張重華 虞侯著

論

范韓恩怨論

堯以天下與舜而無人德我之望舜受堯之天下而無我德人之心舜殺父用人子而不以為疑禹被舜殺其父用其身胼手胝足而無愠容聖人奉天無私安所稱恩怨哉恩怨者人情激之也士生秦漢間蹈險履窮莫若范睢韓信恩怨循環亦莫若范睢韓信二子嘗並稱焉方睢之在魏也掉三寸舌讀百家言瞋目張膽自謂一瞬千里無難者廼以無根之謗拆脇增齒投在廁中是何慘也于是安得不激而為怨信之居里中也把握瑛瑾靡能推轂以致餬其口于四方世謂此天下腐爛不齒之夫矣漂母一村嫗耳卒然遇之河水之濱初無相知之素初無先容之說初無義冠大帶車馬僕從之足以燦其聰瞻也獨煦煦然稱王孫而飲食之抑何幸也于是安得不激而為恩總之睢

信皆人傑也皆天產也其授之險歷之窮以養成其王侯將相之具者亦天也天意不可測而恩怨之迹則寄之人人不能坦然不激于其迹而紛紛然酬若恩雪若怨快若平生焉信召漂母予千金明有恩也而辱已少年則以爲中尉睢拜王稽爲河東守拜鄭安平爲將軍明有恩也而不能甘心于魏齊之頭豈二子之度量果有軒輊乎否也魏齊之忍非直少年之儔也廁中之惡非直跨下之羞也瀕死之冤非直一時譴浪之辱也人有殺

晴陽堂

卷之四

二

身之毒而毫毛不介於中者非人情也且殺睢者齊也所以殺睢者須賈也睢脫萬死僥一生致身青雲之上而賈得至秦仇讐在前鼎鑊在側何難烹哉廼曰綈袍戀戀猶有故人之意也僅僅置莖豆夾馬食示之愧心俾得歸命魏庭而不作函谷燼灰者睢寔生之也說者曰一飯之費所值幾何綈袍之重奚啻一飯而二子相報何庭徑哉噫一飯至輜然以加于所矜則感渥矣綈袍雖重然以施于所畏則意微矣故報一飯以千金而待綈袍

以不死英雄之心其可欺乎復覽睢信未遭時也鏢尾坎圯地卑而流集物朽而蠅嘬亦何尤哉一旦舉翼天衢遂哄然奮其風雲之力逞其叱咤之威而舒其疇昔之愛惡于人溝渠腹矣藉令睢即死魏齊箐信即濺滕公刀則孰爲恩孰爲怨孰從而報之恢恢乎博哉信之待少年矣而睢睚眦必報其有容之謂何矧四時之序成功者退蔡澤爲睢陳之矣而免死狗烹鳥盡弓藏信不云乎睢離秦骨肉掩秦太阿而竊之柄至王鄭交惡昭王之

晴陽堂

卷之四

三

席蓋不能一夕貼矣向微澤言睢弗悟也杜郵之劍將入秦相之府乎信依依戀棧豈妄意跋扈卒死于兒女子之手臨刑太息悔亦莫矣豈獨二子魏齊爲國勲戚秉國鈞衡生死進退可以南面而制人以睢之畧不能與之同升顧屬垣出境之事不加鏡察輒加捶楚不死不已不已過乎竟使撈掠殘骨臺草剩骸得以蜣蛭入秦專擅威福大索齊頭幾屠大梁方且應之無詞抗之無策犯之無勇以堂堂宰卿祇欲龜息鼠竄希圖苟活彼平原

君信陵君何足以繫咸陽之狼虎哉卒致國僂身死爲天下咲世之輕聽寡謀肆情叢怨者亦可畏哉嗟乎堯舜之化不行唐虞之風斯遠朝接膝暮操戈面填荒背冰炭漂母之飯寧饋顯融無寧濟饑餒王稽之薦寧樹私交無寧登俊良世有范韓子咄咄尚蓬竇也吾睹少年侮之須賈譖之魏齊疑之矣嗟乎天下無漂母王侯皆餓享耶天下悉魏齊將相皆殞軀耶天也士者曰不怨天不尤人行法以俟命孔氏之家法在也淮陰應侯何足法

晴陽堂

卷之四

四

與

### 機雲張翰孰優論

君子之仕也既度其君又度其時又度其身鏡機度宜而後稱於天下曰上士也夫功名之會天下群豔之富貴之途天下群趨之君子非惡此而不求而其君之賢否身之進退時之理亂則有幾焉上智之士必先審擇所就得君可願而非其君不仕也榮身可願而危其身不仕也進用當時可願而時事不可爲不仕也寧高蹈遠舉無寧以其身

爲天下之怪措是故機雲伯仲與張翰同仕晉室也同爲吳人也一則貪顯融而事注閑一則樂恬退而解簪圭一則悔禍于既及一則遠禍于未萌見有遲速而身有雲壤其賢否不曉竟大別白哉夫晉惠何如主也問華魚而題諛露后賈氏而牝雞晨饋核者爲司徒竊竊者爲吏部年警兒誤蒼生之望洛陽駝來荆棘之悲亡何而毒后逞矣趙王篡矣金甌一遷千載痛心幸而齊王罔成都王穎等起兵復辟乘輿反正非叔代之桓文哉而同

晴陽堂

卷之四

五

遂欲甘心建春一劍閣豎楊眉二心長沙之譜一  
入而宰秀等又從而憊憊之賤墨未乾而伯仲駢  
首慘哉冤乎此無它不度君不度時不度身刺床  
滅趾何足怪乎故二十四友之號基禍之侶也首  
鼠兩端之說履危之窟也知進而不知退知利而  
不知害其機闇也嗟嗟成都是事與遠避齊王者  
孰優都督是任與富貴何爲者孰優仇孟玖而殺  
身與約顧榮而同去者孰優念華鶴而不得與思  
尊驢而得遂者孰優兄弟就死覆厥宗祀與田里  
晴陽堂卷之四 六

尚有古人風哉况其才技英贍巨擘西京至今讀  
其文想瞻其人猶渤海生也則衡龍所以優於季  
鷹者又安得泯滅不一表見哉總之汗竹之心亟  
而擇木之智踈遂致殞軀破族晉書謂機雲智不  
逮言厥有闕哉

### 鴈足帛書論

國家不能素服夷狄之心而僅以計脫使臣于父  
羈之後非策也夫聖人之禦戎也不惡其不來亦  
不強其必來惟務自修其德德至則威自行彼且  
晴陽堂卷之四 七

畏懷稽首以求通于中國聖人猶兢兢焉益加修  
也豈必遠勞使命求通于彼哉又豈至皇皇天使  
猥作虜囚哉勞且畏矣猶然無策還之內庭乃徒  
取給一時以爲得計是求治于末而不求治于德  
治之以迹而不治之以心中國奚賴焉吾觀鴈足  
帛書事而知漢之策戎者下矣漢自武皇窮四朝  
之帑竭萬姓之脂橫行沙漠鞭撻匈奴衛霍鷹揚  
于前程李隼擊于後嘗出塞千里登其臺空其廷  
勒石燕然世宗之目蓋無匈奴矣而卒未能服其

心也天漢初遣中郎將蘇武張勝常惠等奉使匈奴當是時也使世宗之威德素服其心則接遇使者敬而禮之上賓可也禮而將之歸國可也卑詞厚幣因使者上書天子而求自通亦可也乃桀然不顧天子之威靈而欲臣其將命之使甚至絕其飲食使之齧雪吞旃瀕於死亡而不救則其視世宗一屏辟耳視中夏一敵隣耳終世宗之朝竟不能乳北海之羖而歸天朝之節此何策哉成周纁弓戢矢制禮作樂而越裳氏重三譯來朝猷白雉

晴陽堂

卷之四

八

以求自通聖人之服戎翟如是哉服其心也孝武窮黷有年德不勝力而牂牁越雋之開大宛安息之使紛紛不絕無故復遣使遠出將何爲哉廼致拘留困苦至孝昭始元六年匈奴已謀和親而漢使再至尚且詭言武死不肯直告則羊犬之心何嘗一日有漢哉而漢亦何能治此戎也幸嘗惠私教使者言天子射上林中得鴈足繫帛書言武居某澤中單于乃驚謝歸武嗟乎常惠一言愈漢十萬衆信哉有之乎吾謂上林之說狡計耳孰若孝

文上林騎射而匈奴自懼者乎鴈足之來妄談耳孰若周宣鴻鴈安集而獵於襄者乎帛書之繫虛詞耳孰若大禹玉帛來同而華夏未賴者乎嗚呼不能繫單于之頸致之闕下乃佯言繫一鴈之足不能息羽書之警掃清塞垣乃詐爲帛書之說羞之乎是策也雖爲子卿幸而實則漢家辱也方子卿之奉命往也匈奴欲臣之矣衛律欲誘之矣李陵欲勸之矣而武也責律以大罪而不容再見何其峻也教陵以大義而俾之長嘆何其貞也渺

晴陽堂

卷之四

九

渺一身處萬里膾酪之外嗷嗷一孤鴈耳而臥起持節誓與俱斃十有九年如一日又何烈也而竟以完名歸太牢一饗至今生色武皇有靈快可知矣抑何榮也然則漢之威德不能庇子卿而子卿之忠節乃能重漢匈奴不能畏懷大漢而猶能敬信子卿而不忍僂嗟乎子卿真人豪哉竊聞胡婦生子載在班史胤子無恙報書少卿豈子卿胸中猶未脫然耶蓋子卿之操履冰霜有死無貳盛年而出皓首而歸忠臣之不可奪也老母終堂生妻

去室隱忍配偶用延宗祀孝子之不得已也子卿之心復何疑哉况厥後子元抵罪其子通國贖歸為繼官之于朝其事固章章明者豈非書帛之流芳而鴈足之食報也歟

### 武王封微子論

紂惡太稔毒痛四海武王伐之為天下也非利之也似矣紂雖無道商先王之德其可掩乎獨夫既誅微子賢聖足為天子不可授以神器耶乃自取為已物而封微子於宋豈非千古多喙之招耶是

晴陽堂卷之四

十

故齊蕭鸞廢其君而自立魏人詰之其臣崔慶遠借此以為口實牛僧孺曰聖人視生民似天下樞稗在焚溺無不挈者嗟乎將挈而歸其家乎將挈而有諸已乎孔子曰武未盡善仲尼周臣也尚不能為武王諱蘇子曰武王非聖人又何恠哉

### 韓厥論

趙宣子薦韓獻子為司馬宣子乘車于行獻子戮之宣子以為可賀當時諸大夫蓋疑之矣以為厥且不免孰知宣子固獨見其大乎夫惟見其大而

不徒忘其私此宣子所以加人數等哉左雄之宣光吕岱之貴德淵不皆聞其風而興者耶若月泉之効奏徐原之公論則亦無愧於獻子者矣

### 季札許劍論

徐君好季札劍口弗敢言札心知之以使事未畢未獻也事甫畢還至徐徐君已死廼脫劍懸徐君之墓樹語人曰吾心許之故弗倍也此事世嘗稱之余獨疵焉夫所謂不侵然諾者謂其出口而示信於人也即吾曾口許之而其人已死吾嗟嘆弗

晴陽堂卷之四

十二

與君子弗以為爽也今其人死矣而吾又未嘗一出諸口乃以為心許而投之空林于徐君何知乎即有知亦何益于徐君札之意不過借此聳動當世而博名高耳乞隣與醢聖人弗取且著之簡編以鄙微生而鍼後稷惡矯激之行非所以訓中也使懸劍之事而世爭效之何如微生哉則貴者之過君子不由也

### 晏嬰論

人臣事君義所不當為者雖毫髮不可苟也是故

五人不爲武王繫轡而晏子不爲景公進裘蓋慎之乎小平仲可謂知義矣

### 明主愛一嘖一咲論

嘖以飾怒咲以飾喜人主之嘖咲而喜怒窺焉人主之喜怒而恩威係焉人主之恩威而一國之勸懲聞焉夫以一嘖一咲之間而至於開恩威之柄係勸懲之權則明主所爲愛惜而慎重於斯者誠慮天下之人因是而有以偵吾之微容有竊而弄之者故曰明主愛一嘖一咲豈浪語哉韓昭侯知

晴陽堂卷之四

十二

此言之當訓而不知其所以訓之之義乃曰袴豈特嘖咲哉嗟乎是果其不知類乎抑亦有各心於此物而假名言以自濟乎甚至欲藏敝袴以待有功則愈舛矣明主之待有功吾聞有輅馬之錫有袞黼之予有形弓之賜而袴何爲者哉下體之服至繫也袴而及於敝至輶也即以待之諸臣媚姬亦不爲過者而曰以待有功世有堂堂勲碩而服人主之下袴者乎羞之乎其爲功臣矣卑之乎其爲明主矣又何如其不知量哉旣不知類又不知

旨何益憐憐王耳惡乎明是故終昭之身不聞有所創樹於當世終韓之國不能有所雄長於群邦吾固於此言與此袴而著龜之矣

### 吳起論

張子讀史至吳起與士卒吮疽事惕然若有憾于其中淹卷奮筆而詬之曰吳起可斬也起之爲人吾知之矣棄母不顧殺妻不顧食子不顧此其心固盜賊所不忍爲之心也起有盜賊不忍爲之心宜其所在屠僂狼狠恣意也而愛恤士卒至吮其

晴陽堂卷之四

十三

疽則又乞丐所不肯爲之事也嗟乎起何心哉愛鷄犬而與之食爲其肉也非愛鷄犬也卒至士卒之母聞之遂哭其子蓋窺見起之存心也舊矣吾誰欺欺天乎夫盜賊其至親乞丐其行事鷄犬其士卒起獨無人心者乎患得患失之心之所致也患得患失者有之矣未有如起之甚者也若起者孔子所謂無所不至人也故曰吳起可斬也而何辭乎楚人之鋒

### 平原君斬笑筵者論



平原君斬美人以謝覽者其賢於齊頃公不既遠哉頃公之母遣使御客各以其類是以兒戲爲心豈復有交際之體乎房帷見笑何異孔明之見譙周耶雖然平原患客欲去則黜此美人而謝之可矣乃如其言遽斬之美人無大辜也且事非軍旅無斬理又不有趙國主乎而殺人媚人肆然不諱即門下客更無一人慮及此而諫止之者此縱橫豪俠之徒皆不容於堯舜之世也

范叔論

晴陽堂卷之四

十四

范雎以匹夫而拜相以立譚而封侯其遭固已倖矣及所擢臧實閼秦國母子甥舅間君子皆之傾危量哉究竟遠交近攻第一奇策自秦興以來未有能建此者嬴之帝六氏之亡雎之畫也即所稱太后擅行不顧穰侯出使不報乃昭王之一疽而未破者昭王甫聞大懼而廢母而逐舅蓋鏡於淳齒李兌之難事違其所逼而語投其所畏無怪其轉圜也特雎初心非有憂秦之抱祇欲奪魏冉之柄以快吾生平且也三唯三止令王三聽而後擬

洩則有游揚閃爍之風而無正人端士之氣非僂危而何况鄭安平王稽兩人者洵有樹於雎然其材未可用巨也德其人能不報報之則當全之俾彼已不兩取第厚貲以富之授之散秩以貴之無不可者顧使稽獨藩一面使安平專縮數萬人且以膺強趙卒致作降虜竟被誅夷昭王臨朝嘆息而雎之身卵累秦庭矣智迷于厥愛而患伏于頃驕敬敬乎覆可睹也幸蔡澤片言悟意而脫相柄若敝蓀伯雎之胷中非自了了也又安能瓊瓏迅速若是哉雎亦奇士矣

晴陽堂卷之四

十五

秦始皇得聖人之威論

傳曰秦始皇得聖人之威是非造道之言特俗士之說耳夫所謂聖人者曰不怒而威曰威而不猛蓋上世之醇理也豈恃刀鋸鼎鑊使天下之人洵洵無所措手足哉始皇之政以誅死爲輕典以夷族爲常條當時臣若民者視朝廷如虺蜴等身命如蜉蝣朝不謀其夕焉此所謂暴也而不得謂之威以故祖龍之鮑腥未散而僂十二公子于市砒



十公主于杜甚至公子高親始皇子無故請死而願葬驪山之足此暴之過而天命之以自屠也曾謂聖人之威而有是乎哉或曰謂之聖人之威者猶所謂聖之任聖之清聖之和極其威之至而言耳非遽倫之於聖人之政也嗟乎秦傳方再而山東土崩甕牖繩樞之子耕氓牧豎之徒不解紀律不持矛刃特以揭竿斬木而蜩起蜂屯一舉而亡秦宗於呼吸之間則其暴亦易催也而何有于威乎抑何有于聖人之威乎一言之微形容舛錯將

晴陽堂

卷之四

十六

### 漢高陳勝論

怪異有無不可信不可不信斬蛇之符以興而謂其有鳴狐之兆以敗而訝其無有無真偽將安憑耶出世興王之君德何如則可以王矣不在符兆間也

### 王陵之母論

陵母之賢尚矣使陵能豫窺其母氏之心則及其未執與之俱來可也不幸見執則佯應其招載以潛歸可也豈至親隕青霜悲窮白首哉雖然趙苞爲遼西守鮮卑質其母而攻城苞不顧力戰母遂被害嗟乎一城之得失與終身之去留孰重不顧其母之死與母之自死者孰重則陵之罪未甚也陵之所以得免於甚者其賢母之力歟

### 酈生周顗論

酈食其實欲存齊也田廣以爲賣已而烹之周顗

晴陽堂

卷之四

十七

誠心救友也王導以爲害已而憾之此兩人者皆千古不白之鬼乎雖然廣不足責也導身爲三公不能討賊于宗而假之手以報所私假令晉元薄視導導心且不惻哉導罪深于阿黑矣

### 紀信論

滎陽之圍漢王幾殆紀信捐軀誑楚以致自焚功莫最矣漢王定鼎剖符不聞信有一命之贈何其凉也我

太祖高皇帝彭越之戰亦瀕於危韓成效紀信之

策投溺解圍而楚鯨授首一時死陣之將廟祀康  
郎山者三十六人而居成功於第一且封侯高陽  
蔭及苗裔又培養厥子觀爲大帥名垂竹帛則我  
太祖報功之厚何如漢高哉嗟乎豈獨是也我  
國初功臣如中山王徐達開平王常遇春東甌王  
湯和岐陽王李文忠寧河王鄧愈黔寧王沐英越  
國公胡大海誠意伯劉基自餘諸臣不能盡數虎  
變鸞集佐定鴻勳褒錫茅土誓指山河共保富貴  
絕無猜疑即有物故者亦賞延於後人而漢之韓  
彭功非不偉非父誅夷人主處心厚薄天地懸絕  
而治道之崇卑世風之上下亦大判然矣

### 韓信論

詳觀太史公言信以反誅罪不當耶迺其初心則  
有悼焉信之氣度若蛟龍然在江海則靜在溪澗  
則其震撼非他物比向使信安然楚王之位堂堂  
拓千里而爲君豈有反耶乃至虜縛降貶繫暮繩  
束與絳灌等爲伍信心始不能一日貼然于茲矣  
有英雄之資而無士君子之學卒死于逆爲千古

晴陽堂

卷之四

十八

晴陽堂

卷之四

十九

大悵嗟哉無及矣當始事時以信之畧聚一旅亦  
足以叱風雲鼓雷電以自創立于天下何必栖栖  
于楚漢間耶月下之行微相國何則信且去信去  
能淹淹樵牧耶天下非漢有也吾恨其去之不決  
自爲牛後而嘗刀錐也緣斯以睹迫信于逆者帝  
也誤信于漢者何也所惡于信者謂其羈縻于雄  
雌未白之時無南面稱孤之量乃欲跳梁于堂陛  
既成之日竟駢首鐘室以死忠智不俱困哉雖然  
信人傑也何以爲兒女子所詐哉信曰陛下天授  
非人力是也雄也何能爲

### 張蒼崔湜論

張蒼當斬王陵救之及貴以父事陵陵死而蒼相  
每洗沐先朝陵夫人然後歸家崔湜坐罪當死劉  
幽求張說力救迺免及湜相而陷幽求逐張說焉  
使湜果能秉公忘私以義舉法如周舉之於左雄  
徐原之於呂岱亦奚議乎乃其心則巧附三思耳  
悖惡孰有甚于此哉史稱蔓虺不若信矣然張蒼  
壽踰百年而湜卒不免於大戮天道其有爽乎可

鑒也矣

漢文帝論

三代盛王之后求守成令主必也漢文乎世儒見其中雅恬澹遂以黃老目之厚誣帝者也或以其端嚴節約專以恭儉稱之薄視帝者也以余觀之孝而能禮醇而能剛勇而能養爲天下持法而未嘗刻爲天下省財而未嘗徧雍雍踐祚有古揖讓之風至于治霸陵用瓦噐因山不起墳尤洞破千古迷穴倘得周召輔之雖由此進於大學之道亦晴陽堂卷之四 二十

何難哉下此則宋之仁宗庶幾可與比肩第人才迭進而迭退政事乍行而乍止而郭后一事又見誤於夷簡非所謂仁明之累哉逮至我明肇興

列聖捷出而求其粹然無可瑕瑜者尤我祖宗守法度不敢怠荒此即堯之欽明舜之兢業禹之祗台乎是故德器弘深萬機精敏逮大祀而不敢偏情於

孝穆同天地之至公議大政而時召對於平臺見君臣之一體賞劉大夏戴珊而貪夫汗頰釋李夢陽抑壽寧侯而直士吐心嘉徐溥而罷三清之撰詞崇正道也因劉健而免大夏之切責敬大臣也聽周經而裁外戚之奪田厚小民也十有八年之間懿政疊行始終一轍所以廟號曰孝謚法曰敬雖俟之百世誠無惑者蓋漢文避席而宋仁退舍矣

淮南王殺審食其論

晴陽堂卷之四

二十一

審食其穢濁呂后太宗明知之明惡之而不欲明誅之以揚國醜故淮南之手適中帝心赦而弗治帝蓋有隱快也豈獨恐傷其志爲親故耶第淮南之漸不可長也帝即弗治亦宜一切戒繩束之始爲兩全而帝慮弗及此也卒致徙蜀而死帝寔稔其罪耳表益真確論哉

醴酒不設論

王之意急可去矣然穆生之意不在酒也王爲淫暴其漸將熾生固已灼見惟恐一旦波及而不欲

寒裳以就之者故因而決去心焉事難顯言迴托之飲食供養之細以遂其冥冥高蹈之節然則穆生之醴酒亦孔子之燔肉與居亡何王卒以謀反誅穆生其獨醒者乎

### 漢武帝論

自古帝王三五以降求其有大功於萬世者其漢之武帝乎秦火之後書編漸滅垣壁幾何帝起而表章六籍于煨燼之餘罷黜申韓蘇張之說使聖人之道炳若日星通若江湖至今存者皆帝力也

晴陽堂

卷之四

二十二

又能以其雄材毅膽選將出師開拓邊境使華夏之地截然廣大如今之遼東寧夏甘肅四川雲南貴州兩廣八閩并浙東數郡皆帝所嘗用夏變夷俾赤子不淪於左衽者也今之河套即周之朔方漢之定襄赫連勃勃所建統萬城者俱此地也亦帝所取而今爲胡虜之窟矣又如漢有交州今爲安南所據漢有玄菟樂浪今爲朝鮮所得漢有右北平之大寧而今爲柔顏諸戎所出沒亦皆帝所取而今失之者由茲以觀帝之文武大烈與天俱

豈可民哉世儒目不睹古今之全書耳不聞耆舊之緒論身不歷州郡之輿圖徒赴人口吻拾人津涎論及漢武遂曉曉然不曰虛耗海內則曰窮兵黷武嗟乎此夏虫疑冰牧犢叱玉可耻孰甚焉

### 韓非司馬相如論

秦王讀五蠹書而嘆曰寡人得見此人與之游死不畏矣漢武讀子虛賦亦嘆曰朕獨不得與此人同時哉當是時也二主豔慕韓非司馬相如之心

晴陽堂

卷之四

二十三

何嘗殊也卒也李斯之諧行而非死非命楊得意之薦入而相如顯融兩人遂爲千古雲泥嗟乎士有文恨弗達于當代達矣恨弗簡于上心今俱達且俱慕之矣及其得之也生也厚判然大異者毀譽之口弗類也總之李斯楊得意亦何能爲哉天也天之所命文章何憑哉文章何憑哉是以士貴精文尤貴知命

### 司馬相如論

長卿譽高而操卑即挑琴當鑪其品不可槩乎以

故不齒於臨邛諸公往往心自作焉一爲中郎道經巴蜀遂盛供帳侈旌節致太守郊迎縣官負弩無非以此賁其鄉人蘇季子佩六印歸來洛陽乃多黃金於父兄之側蓋欲蓋其疇昔偃蹇無聊之跡耳長卿之意其豔是而然歟兄長卿無他偉幹直以才華傾動人主享有榮名非久而得富貴宜愈思濯磨有所樹於漢庭不慮垂死猶然遺書勸帝封禪不五年而天子禮中嶽封泰山至梁父禪肅然使天下擾擾無有謚歲者相如備也古賢臣

晴陽堂

卷之四

二十四

且死尚以尸諫而長卿之爲若此卑卑乎操矣太史公訝其虛辭濫說而取其引君節儉等之詩人之諷諫嗟乎孝武可以稱節儉乎節儉者而封禪乎則相如所以諫者可鏡也矣

竇嬰衛青客論

竇嬰之門唯一灌夫衛青之門惟一任安將相寒煥之勢有如是哉無怪乎翟公之書門而有味于馮驩之喻市也

解揚蘇武論

中公巫臣在吳則楚人一歲七次奔命中行說在匈奴則悻慢屢加於漢廷小人包藏禍心止欲快其私忿豈復有首丘之念乎必若解揚之奉君命蘇武之持漢節斯可矣

陳湯寇準論

陳湯之策烏孫也曰不出五日寇準之料契丹也亦曰不過五日而皆無失筭天下之事固在智者自有成畫歟

石顯曹操欺君父論

晴陽堂

卷之四

二十五

石顯請詔開門迹若尊君而實以欺其君也曹操欺面啗口意在誑叔而實以欺其父也夫莫尊如君古之人有入酒肆而不敢隱者而忍欺之乎莫親如父古之人有竊廁而手自浣者而忍欺之乎於君父而尚忍欺之所謂是可忍也孰不可忍也余於操何誅

李嵩李林甫秦檜論

李嵩一夕九徙出必劔戟隨身李林甫一夕十徙出入金吾清道秦檜之出也列兵五十人持長

以自衛高與檜其有所傷而然也林甫則有所畏而然與豈知正人達士存心操行臨深履薄睹青天而懼聞雷聲而不驚故元德秀居陸渾庄敝屋圯垣門無扃鑰郭令公單騎見虜尚可免冒蓋有所自信也今于輦轂之下帷閣之中乃凜凜一至于是是果何爲而致人之禍又何爲而懼人之禍耶昔韓張二公嘗遭刺客直抵卧榻以身委之而卒得無恙彼其所自衛不及三子遠甚而其所自信則與三子果孰勞而孰逸哉嗟乎九土之厚林甫尚不能保其屍矣而何有于道路哉

晴陽堂卷之四

二十一

### 陳太丘郭林宗論

惟陳太丘而後可以吊張讓父之喪惟郭林宗而後可以受賈子厚之吊乃許子將獨不造門孫威直既至而去則當時士論固亦有不咸者矣然則士君子之足爲人表者可不慎動乎

### 朋黨論

漢之黨起於甘陵一郡唐之黨起於牛李二人宋之黨起於程蘇之門下士蓋皆操上入之心以求

快其一時之氣而不知其弊至此極也君子立朝正當猛戒

### 陳球司馬光論

天下惟獨立敢言之士爲難而况國是不定之日衆心危疑之時則智巧之士尤善觀望以自爲之地蓋其中非不了了而其外故爲容容者十而八九也自非忠誠體國直以天下爲已任者孰肯以身先之而不顧其後耶竇太后馮貴人之葬祔陳球獨建議而李咸方敢大言漢安懿王之典禮司

晴陽堂卷之四

二十一

馬光獨奮筆而王珪即以其手稿爲案夫咸珪之在當時蓋皆位尊責重非直球光比也即議成受賞誰則尸之乃臨事而巧爲之避先事而豫爲之防合則貪功否則避咎舉在位之人而更相師焉國是惡乎定哉故曰不有君子其何能國球光之謂矣

### 盧植李膺論

盧植遊馬融之門女妓紛列而積年未嘗轉盼則弟賢於師李膺爲御史廩米不稟車庸不償吏以

實對而母怒不從則母賢於子

### 趙苞陳寔論

趙苞以從兄爲中常侍恥其族有宦官不與交通張讓之父死而歸葬名士無往者陳寔獨弔之二子所見何其遠哉蓋介以潔身苞之見也和以辭咎寔之見也然必有苞之心而行寔之事乃可以爲君子

### 何進蕭道論

何進之召董卓忿中官之橫且恨蹇碩之圖已也

晴陽堂卷之四

二十八

趙忠等既斬而卓遂因之以廢帝蕭道之召朱玫惡田令孜之專權也帝既奔鳳翔而玫遂乘之以立君卒之進亦斬首而何氏遂滅遺身汙僞署而以非命終漢唐之業從此大敗不可復濟二人初心豈意至是也甚哉天下事不可不慎於謀始乎

### 管寧劉虞論

管寧既見公孫度於遼東廬於山谷避難者從之旬月而成邑劉虞義釋於公孫瓚遂躬耕山中以養父母百姓歸之數年間至五千餘家孔子曰德

不孤必有鄰其斯之謂與

### 董卓公孫瓚論

董卓之郿塢高厚七丈而卒不能保其富者逆天理也公孫瓚之高京以鐵爲門而卒不能守其險者失人心也

### 王允溫嶠論

王允屈意以承董卓而又善處呂布以感其心溫嶠密謀以制王敦而又深結錢鳳以滅其迹是以擲戟之怒布之黨遂携而卓果傷臂墮車矣隆憤

晴陽堂卷之四

二十九

之嫌鳳之讒不入而敦卒南桁懸首矣藉令機事不密形迹稍疑豈惟禍逮其身家而因之損威流毒爲當世禍不益熾哉然而卓之部曲疑而不赦敦之逆黨貸之寬容此嶠之處變所以優於允而允之所以及于難也

### 王允鄧艾論

王允誅董卓而驕而其謀又失於斷鄧艾克成都而肆而其迹漸涉於專此賈詡進報仇之言而李催郭汜得以逞其兇晉公有輒行之戒而



瑾因之誣其逆由是門樓園而窮憾宋翼王宏其禍矣田續襲於綿竹洛陽餘子悉被誅矣故曰成功難居功尤難也不有陸抗既拔西陵貌無矜色者乎不有周玘與斬石冰不言功賞者乎其視二子何如人哉

荀彧論

士君子懷瑜抱璞負奇才而身濁代湏養晦俟時得其人則出而用世不得其人雖沒齒蓬蒿無復

曹陽堂

卷之四

三十一

曹操者也皆有才者也庶不露其才得脫去於籠束之外至於今聲馨藉焉彧有才而不能自葆依栖漢賊之前直至操受九錫乃醕得一死不知向日所嘗子房我者其心何心其人何人哉噫嘻亦云暮矣身名俱喪其視徐庶高飛遐舉何啻機牛之於冥鴻哉三國人才孔明以降當以文若爲巨擘文若在公瑾之右孔明所以高出文若之上者在躬耕南陽誦詩讀書非玄德不爲用即玄德非三顧亦不與見耳玄德本出劉宗獻帝衣帶中

密詔禪位玄德稱玄德爲帝室之胄況其人品又忠讜正直可幾王道孔明竭盡盡瘁君臣魚水甚驩也萬世而下擔夫牧子猶然欣瞻之者爲其始進也正而相遇也殷也彧也明知玄德之爲帝裔又明知玄德之爲正人乃舍漢宗而事國賊背真主而面奸夫失身甚矣殺身何益所以士君子非有才之難有才而善藏其才者之爲難也

滄溟集卷之四畢

三十二

三十二



滄溟集卷之五目錄

論

王裒論

費禔對基論

周顗鄭愔論

王導論

漢晉魏三君之言論

高歡高澄論

宇文氏論

直將軍論

閻立本陸鴻漸論

李德裕論

宋太祖真宗論

宋太祖禁民火葬論

唐主以銀五萬兩遺趙普論

晴陽堂卷之五目錄

乙

灼艾分痛論

宋高宗論

以水渡河論

臣父論

帝王技巧論

仁暴論

用人論

應敵論

得人破敵論

兵機論

君臣論

以私薦人論

良心論

危機論

觀人論

所見得失論

器量大小論

世態論

交義論

取予論

小人自禍論

惡報論

不私故舊論

內專論

論奴

辨

佛教辨

醫藥辨

西伯陰行善辨

以呂易羸辨

四皓辨

漢文帝宋孝宗辨

趙蓋韓楊功罪辨

漢唐宋亡國之故辨

晴陽堂卷之五目錄

十一

雲長大節辨

王安石辨

滄溟集卷之五目錄畢

滄溟集卷之五

華亭 張重華 虞侯著

論

王裒論

至誠可以格天地動鬼神有之乎曰於史有之昔者王儀仕晉死不以其罪子裒痛父非命隱居教授于其鄉辭三徵拒七辟終其身不敢西向而坐廬于墓側旦暮攀栢悲號洒淚着樹樹爲之枯嗟乎廬有湘妃竹晉有王裒栢淚竹而竹斑淚栢而

晴陽堂卷之五

乙

栢枯此曷異哉節孝在人草木動色理之所有不足怪也是故默致地金潛來江鯉甘泉出戶冬笋萌堦孝所感也其可以開金石孚豚魚洩地脉回氣序者誠所通也王裒之栢至誠格動于其間也裒固不得而知亦不得而與焉者也雖然誠孝果可以假天地動鬼神矣彼暴戾睚眦恣毒冥冥之中卒貽萬世之戮父子且有不顧如劭廣輩者王裒殆不忍正目而視矣宜其禍不旋踵而已及也

費禕對基論

兵危戰凶古人以喪事處之故謝安圍棋賴阿玄破敵之能冠準飲博安宋真懽敵之意豈果臨事而不懼哉蓋畫之審矣曹爽以中原全盛之師臨漢中彈丸之地國微主闇勢若累棋費禕向無成筭迺徒對基不倦幸而爽自引還不然巴蜀非漢有也先主孔明勤劬之業不迷然墮于當局間乎異日郭循逞兇身且不保爲國大臣死在盜手殘局一敗遂至此也費公可謂以身爲孤注矣

周顓鄭愔論

晴陽堂卷之五

二

外疎而內親周顓之所以救王茂弘者君子忠厚之心也先哭而後笑鄭愔之所以弄武三思者小人顛倒之術也君子之心惟恐人知小人之術欲使人惑惟其恐人知此茂弘之所以再呼而反憾也惟其使人惑此三思之所以大懼而登樓也

王導論

王導以勲舊受遺輔政成帝嗣位之初稱疾不朝迺私送郗鑒下壺嘗正色而訟之矣帝幸導府而拜其妻孔坦之密諫於禮甚愜使導果有尊君之

心方且悔改不及而反有不平語出坦為廷尉則其挾故恃恩蔑視君上不已甚哉逆敦倡亂導身都將相親屬宗盟既不能禁復不能討逗留觀望其將生兩心乎趙穿下宮之禍趙盾亡不出境董狐謂其弑君况居于君側者乎若導者何足以汙仲尼之斧鉞哉世之取導者見其歷相三世而倉無儲粟致位三公而衣不重帛以為美譚抑末也漢晉魏三君之言論

可輔輔之不可則自取之此言漢之昭烈晉之簡

晴陽堂卷之五

三

文魏之文帝三君一轍何也昭烈之于孔明至誠之心也魏文之于元禧至公之慮也簡文之于桓溫不得已之情也言有名同而實異者不可不辨也所恨者元禧不思顧命之言主少國危不為伊霍之忠迺以逆受誅則所負于魏文者殆有甚于桓溫哉向微孔明盡瘁之誠臣節其掃地乎

### 高歡高澄論

高歡之未得志也拳毆乎允而高澄之既得志也拳毆其君有今日之偽拳而後有他日之直拳亦

可畏矣雖然歡自咎逐君終守臣節若澄之惡則不容誅者此如龍如虎之名所以異也

### 宇文氏論

隋之受禪也隋主堅以虞慶則一言欲盡滅宇文氏之族李德林固爭以為不可隋主叱之曰君書生何足議此于是宇文氏之在朝者死徙之畧盡而適漏于述大寶之難述實與聞江都之變則述子化及為之也隋主以天下之力滅宇文而不足而宇文以一夫之智僂全隋而有餘隋主之見無

晴陽堂卷之五

四

### 真將軍論

周亞夫在軍不聞天子詔段志玄在軍不受夜中敕漢唐主皆以為真將軍君臣兩難得矣

### 閻立本陸鴻漸論

閻立本陸鴻漸皆文學之士也一以工畫而稱畫師一以知茶而稱茶士小技出名終身為累至有

戒子之詞毀茶之論可謂不自有其技矣至若郭宗耻以占見知而懸印而去華佗慙以醫爲業而托疾而逃者不可謂智乎後世廼有挾一技輒自矜喜以爲人不我若且惟恐人不我知者陋也

### 李德裕論

李德裕作平泉記以示子孫雖一草一木不得與人蓋言之詳訓之嚴而慮之遠哉然李日用一羨費錢三萬則奢縱之風雖子孫之賢智者猶不免爲餘波所溺況其下者而何有於平泉乎而何但

清陽堂卷之五

五

乎草木乎又嘗謂朝廷顯官須用公卿子弟目熟朝廷事者寒士縱有才不能熟諳則舜自側微而爲君伊傳自耕築而作相曷能掀揭若此耶彼自以已非進士故發此論甚至鄭覃以經術陟宰輔廼深嫉而屢請廢之噫德裕博洽多聞爲世名士而迹其所以訓子孫議國事者惑矣

### 宋太祖真宗論

宋太祖遣曹彬出將授之勅書斬及副將而中藏素紙真宗時二人犯罪當死惻然生憫心焉使笞

而遣之以斬訖報夫太祖之事三思而發分閭之慮也真宗之意一見而觸愛牛之心也太祖猶有兩全之道真宗雖有惻隱至情而漸不可長小民因之以訖三尺者不滋多乎非上理之訓也

### 宋太祖禁民火葬論

桑梓尚加恭敬重其澤也髮膚不敢毀傷愛其遺也而親于父母之身焚之灰之是何心乎此霸道也國有大惡則焚其尸揚其灰而人子以此待父母豈治世所宜見乎至今江南小夫猶有此習當

清陽堂卷之五

六

爲峻禁且設法以爲之地可耳

### 唐主以銀五萬兩遺趙普論

趙普爲相嘗受瓜子金爲帝窺破此五萬銀唐主何爲也哉蓋必普之貪名大著耳非太祖之量其孰能容之普他日與太祖論桑維翰廼曰維翰在今日陛下必不用維翰愛錢嗟乎人苦不自知太祖能用普矣何有于維翰哉太祖嘗言曰措大與錢十萬塞破屋子則太祖所以待普者固其所以待書生者歟而普猶貪心不厭復挾太祖金櫃之

物與光義作取錢孤注誠宋家賣國之大盜也綱目誅亂賊于既死削其官奪其謚豈不快哉

### 灼艾分痛論

龍行虎步太平天子太祖之待太宗聖賢之心也而他日太宗之待太祖盜賊之心也不然灼艾猶痛而德昭斷頸當何如哉况嫂不成服弟不善終太宗逆案皎然又何疑於燭斧之說也

### 宋高宗論

高宗用汪黃則號小朝廷用趙鼎則稱小元祐誠晴陽堂國卷之五

能知之哲用之專以用檜賊者用趙鼎及張韓劉岳諸賢則南渡可比北轅可南宋室不至是也

### 以冰渡河論

漢光以冰渡滹沱元主以冰渡東勝皆有神助然後知帝王之興無論華夷正閏天苟欲興之其兆必有先見者矣

### 臣父論

咸丘蒙述瞽瞍臣舜子與以爲野人之言豈期千載之下語臣父者吾得二人焉魏靜帝以父曹爲

大司馬周世宗以父守禮爲光祿卿語臣祖父者吾得一人焉宋恭帝以祖父與芮爲浙東安撫使嗟乎太公擁篲萬古成嗤即匹夫而爲天子豈無崇奉之典迺以其父列之品秩之中不知當時朝貢登對何所稱謂政事殿最何所處分子與有知當何如也

### 帝王技巧論

帝王之治天下以道德爲主以政教爲用雖所稱井井之才察察之智猶弗庸也而况於技巧之末晴陽堂國卷之五

則一梨園優伶能習之一純袴子弟能爲之何施于天下而何賴于君人哉賢而多能則損其志愚而多能則益其過未有不於亂而卑其國者是故漢之元帝精諳音律隕九摑鼓猶能適諧嚴節而以厲篡奪之階唐之僖宗騎射蹴鞠莫不曉暢自稱擊毬狀元而以釀播遷之禍宋之徽宗書畫罔不盡臻其妙而以蒙塵於沙漠之墟自餘人君聰明敏捷能詩能藝者不惟無補於理抑且無救於亡信哉帝王自有真而技巧之末適足以移神

而耗慮不足尚也嗟乎豈惟帝王孔子賤多能於鄙事而稱君子則曰不可小知吾黨亦端所尚哉

### 仁暴論

秦皇登樓李斯損騶從而僂及無辜宋祖登樓劉溫叟依常制而示德萬衆人主之仁暴臣下之邪正殆不可同堂論矣

### 用人論

均是不猛也厯于魯而淑于吳均是陽貨也倨于季而恭于趙均是裴矩也佞于隋而忠于唐苟非

晴陽堂

卷之五

九

上賢孰能卓然自矢其衷顧所馭何如耳

### 應敵論

李廣出塞從騎僅百人耳值虜數千人突至廼悉衆下馬高臥而胡兵不敢擊魏師大集刻日以攻濟南太守蕭承之帥數百人拒敵且偃兵開城魏人見之輒引去李陵之遇匈奴也列地兀坐而虜騎反旗劉錡之守順昌也洞開諸門而金兵却步此皆以弱而示之強以危而示之安兵家之常也倘有韓白闖破其機以爲吾倏然而至彼豈得豫

籌而設伏哉此計也就計用計急擊之勿失斬將奪壁不在呼吸哉嗟乎傑士讀書蓬蓽之下非苟章句嘗欲身試之以待盤錯而報相知此未可與庸俗子道也不面唾則腹嗤之矣噫

### 得人破敵論

條侯得劇孟則喜諸侯之無憂寇恂誅皇甫文則知高峻之速破劉裕忘張綱而慕容超即求稱藩李愬得李祐而蔡州城非久即破昔人所謂先人有奪人之心者四子之謂也

晴陽堂

卷之五

十

### 兵機論

吳奔壁東南取周亞夫使備西北朱泚兵攻南城韓遊環嚴備東北既有警果若所料使非蚤見而預待安能臨危而制勝耶紀信之誑西楚朱儁之破韓忠料敵設奇大都類此

### 君臣論

君臣貴相遇也尤貴有終夫既遇矣而弗終焉猶弗遇也此其責在君上乎光武之於馬援太宗之於魏徵非心相知而誼相信者耶廼其終也惑於

疑似之嫌傾於讒慝之口至收其印綬停婚仆碑較諸孫權之於子瑜符堅之於景畧言貫神明禱徧河嶽始終無間顏不赧哉噫此漢唐名世主也而有是哉況其下者又當何如

### 以私薦人論

石顯之薦貢禹也非爲禹也欲自蓋其陷望之之惡也李德裕之薦白敏中也非爲敏中也欲以沮樂天之進也曾公亮之薦王安石也非爲安石也欲以間魏公也鄧綰之薦彭汝礪也非爲汝礪也欲以並列方揚也噫顯與綰小人之尤不足道矣德裕公亮皆君子而有是可恨也

### 良心論

天地之正氣即人之良心蓋未嘗有一日息者以故亦未嘗有一人亡其良者然有讀書明禮之人且嘗披紫紵金而名曰大人君子矣一或墮於祿餌傷於禍害則恬然喪其良心入於禽獸而不自知亦有身居汙下地處寒微無所慕戀于外有所感槩于中烈烈然義氣踴躍奮不顧身作千古偉

岸之事者廼于細民中得之如安金藏工人耳不畏剖心以白皇嗣之冤雷海青樂人耳大肆慟哭以激祿山之怒石野豬優人耳直指堯舜以諫唐宗之毳癖此三人者藝爲人役至渺小也而其志節乃能超卓若是視彼讀書明禮之士拖衣冠而類犬彘者不覩面而怍心乎雖然豈惟人哉孫供奉魚哮跳梁于賊晃之前寧死而不肯一拜廼知禽獸之心其良亦自在也而況于人乎而況于大人君子乎吾故知世人之良心即天地之正氣未嘗一日息者而或失之於讀書明禮之人痛哉何不於平旦之際反照而力回之

### 危機論

李斯將死而思東門牽犬陸機將死而思華亭鶴唳諸葛長民將死而思丹徒布衣劉黑闥將死而思家居鉏菜人窮反本至此廼悟抑孰知四子未遇時望富貴如饑渴也而得之反以殺身君子處盛滿者毋履危機毋貽后悔也

### 觀人論

沈麟士之履取子任人戴至德之牒笑歸老嫗此細行而可以觀其量也陳平之解衣刺船賈誼之詭辭懼羗此危地而可以觀其智也張乖匡之下馬山呼而攬轡以行韓忠獻之抱帝入簾而就位以哭此遇變而可以觀其才也景毅聞李膺之難而自表免歸朱震痛陳蕃之亡而棄官收葬此臨難而可以觀其義也

所見得失論

韓宣子為卿則憂貧而王質居相門則以貧為寶

晴陽堂卷之五

十三

虞公求王於虞叔而子罕則懇辭於宋人王翦為將請美田宅乃行而霍去病則曰匈奴未滅無以家為李德裕戒子孫勿以一草一木與人而孫叔敖碎玉玦不以示後張禹奏請肥牛亭地以治冢塋而成子高欲擇不食之地而葬貪夫嗜利與物齊腐哲士出塵垂聲天壤吾輩處世當獨覽哉

器量大小論

李文靖方秉鈞時也有狂生叩馬獻書歷詆其短公但踧踖終無忤色而霍光迺以王忽一言至逼

父以殺其子韓安國起徙中為二千石獄吏田甲之侮付之一笑而李廣於灞陵醉尉請俱至軍而斬之人生器量大小不同而其始終用饗亦自迥別君子毋自窄焉

世態論

主父偃當路人爭譽之及誅夷則羣起而言其惡殷浩作豫章送者甚衆一至廢徙而親舊無復相窺者王獻之兄弟一代名流見和愔甚修甥舅之禮及超死而忽心生焉薄世漓風無代無之馴至今日則又甚矣修已者母自卑卑而與人以可慢之跡待人者又可一意浮沉而甘為勢利之夫哉

晴陽堂

卷之五

十四

交義論

人情之相與也方其平居無事之時勢利可依之日不甚殷密哉一旦勢衰而利盡患難切身則深藏遠引若將免已雖戚屬之間無慮有嫌疑之涉哉苟非仁人長者情義深重孰肯褰裳於不測之地而垂餌于不報之人乎思昔藥布哭彭越之頭田疇哭劉虞之墓脂習撫孔融之尸孔車收主父



偃以葬朱震棄官以殯陳蕃趙戩棄官而歛王允  
桓典棄官以瘞王吉鄭弘髡頭以訟焦贛郭亮之  
於李固楊匡之於杜喬王方翼之於趙持滿李膺  
之於新興王晉哭死而哀不顧其後是數君子豈  
不知顯禍之在前而故矯矯以滔虛名耶情之所  
觸木石動容義之所形生死不顧視彼朝爲蠅蝸  
夕成虺蜴者不大冰炭哉故若移良承樊豐之旨  
而楊震之棺留停道側章傑希秦檜之意而趙鼎  
之家繫治不容溫益欲求用事者之知而逐臣在  
晴陽堂

卷之五

十五

取予論

一介不取義也一介不予亦義也義之可否權衡  
於一中故卓茂之馬劉寬之牛曹萌之豕王延之  
犢直不疑之還卽金徐節孝之償金葉皆人情所  
至難者然律之中道則顏路請車仲尼弗與微生  
乞醯不可爲直是數子不已過乎數子之過過于

厚也過于厚猶不失爲長者過于薄將無所不爲  
矣今之世有追數子之一塵者乎卽弗枉取于人  
且曉曉然稱賢矣若數子者吾願爲之執鞭

小人自禍論

商鞅嘗坐秦民之舍人無驗者及其亡也始嘆作  
法之弊周興教來俊臣以炙炭訊囚日未晷而已  
先入甕魚保家請鑄銅匭受四方密奏亡何因徐  
敬業而身且誅死路巖密奏三品以上賜死者令  
別取結喉二寸以進終則自惟其毒章惇陷蘇軾  
晴陽堂

卷之五

十六

惡報論

蘇不韋漢之義士也段熲以私忿殺之而熲亦見  
殺於陽球王昌齡唐之英才也閻丘曉以私意害  
之而曉亦見害於張鎬宋胡銓之寘新州也州守

張秉誣其怨訕編管海南秉因得擢提舉由是英  
州守倪督聞風効尤亦捕洪皓家奴釀成其罪夫  
秉督之與二公豈嘗有宿怨哉不過急顯融之會  
希賊檜之旨借此以圖躡進云耳豈知秉方至官  
一日而卒督之狡計未行而身已先殂二公流離  
貶所終獲無恙且也名垂青史至今有聲是則善  
惡顯著天網一何密乎甚至章惇擢土豪為轉運  
將使之殺劉元城也未至一舍中夜而斃其驗尤  
速其事尤異此皆惡報之明鑑非直破千古奸膽  
晴陽堂卷之五 十七

而吾輩抗節守正尤當自信而益堅矣

### 不私故舊論

源懷之于元尼與蘇章之于故人張鎮周之于鄉  
里皆以直待其舊不顧已私不可謂直乎然使仲  
尼處此尚有權輿

### 內專論

蘇季子才傾六氏不能起機中荆布桓征西一代  
梟雄駕馭不行其內人霍子孟忠樸有餘以顯赤  
族梁冀怏怏疆臣孫壽寔制之夫諸子詎不英爽

石虎叱咤勇猛哉一牝司晨百事束手何也權移  
于寵寵生于愛愛生畏畏生專漸至于不可籠縛  
遂倒太阿授之柄哀哉以是善治內者戒好內烟  
鑑存焉文伯死也而哭于二三婦人不哭于大夫  
士賢母薄其生平史書載為嘉話嗟乎味文母之  
言鑑前數子之禍卓然自持謹微慎始尚有溺愛  
怙寵而畏且專者哉自天子以至于庶人欲保身  
保家保國保天下慎母致內專可也

### 論奴

晴陽堂卷之五

十八

同一奴也有彭寵之奴弑主竟侯有許貢之奴舍  
生報怨蓋天壤哉

### 佛教辨

佛氏之教顯主慈悲即毒若蝎狼若狼殘若盜盡  
惻然矜心也至於父子君臣夫婦兄弟之間又當  
何如者而獨視若讐敵然一切生死利害掉臂不  
憚一顧此其心又何忍而就其所自為教不大悖  
戾哉佛入中夏昉自漢明帝遣使十有八人直抵

天竺收經四十二章緘受沙門作萬代殊端之俑  
當時最先供奉者莫如楚王英最先誅滅者亦莫  
如楚王英夫學慈悲而忍大逆是教不足以鎔也  
敬佛教而惟極條是福不足以種也佛何利于人  
哉人何藉于佛哉柰之何明者鏡機盲者蹈轍若  
石勒之信禮佛圖澄符堅之信禮胡道安姚興之  
信禮鳩摩羅什拓跋大武之信禮寇謙之唐武宗  
之信禮趙歸真彼其意非有所利而欣之乎而厥  
國之延俶厥躬之修短佛弗知也又不曉曉甚者

晴陽堂

卷之五

十九

白哉振頽闡詮全在吾輩名教中有惻隱不即佛  
氏所主慈悲哉究竟作用孰榮孰枯孰鴻孰細何  
不舉吾乍見孺子入井怵惕不忍之心擴而充之  
無論無爲而爲醇乎儒也即有意爲善則全牛可  
以保四海度蟻可以臻三公何樂弗爲而必離而  
骨肉隳而倫叙而甘心無父無子無君無臣無夫  
無婦無兄無弟爲木石稿人哉愚夫愚婦吾無責  
也世有腴皇王之謨酣孔子孟之籍既已致身青雲  
之上天下想見之以爲人若麟鳳言若著龜矣吾

未聆其樹渥德於當年創奇勲於異代當宁而職  
未補衮棲里而草不行風廼崇尚釋迦接引浮屠  
蠱於其人則諄諄呼之爲師沉於其人則喃喃佩  
之爲訓以譚禪爲清淨以茹齋爲因果遂使遊緇  
浪羽充滿街衢真贗輻輳奸醜蜩興今日出粟米  
助蠲蔬飯明日損金帛助飭殿堂且曰修此可免  
蓮花中金鎗可免輪回中野狐也此其意誠欲齡  
齊天壤祉埒山河哉曷不睹蕭衍三舍身而三曰  
呵呵趙佶自稱道君皇帝而囚歿虜庭祇足供曉

晴陽堂

卷之五

二十

人之一笑爾嗟乎無論佛不足信也即足信吾聞  
舍利子自有本來面目何用此猿誰不根之僧輩  
哉豈謂此輩果能成佛者哉豈惟不能成佛亦豈  
真能知佛者哉知佛者必不出出者必其不知佛  
者也總之假佛說佛誣人餌人傾齒頰以作簞鼓  
饒辨給以代乞丐拔其能之尤者亦不過竊蘭臺  
石室之一苴以餬其口於四方名演法門實穿利  
孔耳聽菩提心包睚眦即訊彼北鴈門外五峯頭  
清涼境是何景界不啻夏虫之疑冬冰也而顧朝

夕洽比之欲梯而求佛佛若有知寧不甚愧之哉矧佛西方寂苦之人何愛乎金屋色相爲也其教惟取清淨無爲又何事此輩紛紛倥偬於其側也譾譾信佛舛矣又信其托名於佛者舛之舛也夫陳良楚儒之雄耳陳相學其道者十年而倍之孟子大擯黜而蠻夷其人以爲是周公所膺也焉有齟齬而事仲尼弱冠而拜宮牆竊其剽啄殘津以紆紫綠黃而終則叛去敢爲異言異服恬不知怪若而人者何足以膏孔氏之斧鉞也予豈好辨哉

晴陽堂

卷之五

二十一

予不得已也或者以其赤幟而詰竅之然則知我者其惟此辨乎罪我者其惟此辨乎

### 醫藥辨

張子少多病好蓄岐黃書蚤夜搜剔味其辨難會問之旨知病有陰有陽有標有本草木之性有寒有溫有升有降迺了了大悟曰人身一天地哉天地委和病無由作三焦之所以相承六腑之所以相貫五行之所以相生而相克百骸九竅一息不運斯爲不仁天地之氣內淫而浸病從生焉病無

常形醫無常方藥無常品順逆進退存乎其時神聖工巧存乎其人君臣佐使存乎其用是故執者涼之常也有時乎姜桂可以愈熱滿者疏之常也有時乎芪朮可以愈滿泄者實之常也有時乎芒朴可以愈泄國老人參善物也不善用之則殺人將軍天雄厲器也能善用之則奪命此廬扁華佗能斡旋天地之偏而噓其枯回其生仲景東垣丹溪諸君子創立法立方所向輒神奇爲世司命豈偶然也者昔范希文先生方爲諸生時每念不爲宰

晴陽堂

卷之五

二十二

相則爲良醫取其救濟之功等也庸夫俗子目不睹軒轅靈樞之秘心不存救人濟物之思不察症候不嘗藥性不考方書屑屑然規尺寸之利自肥因而註誤傷殘於人者不可更僕算真天地間大罪人也嗟嗟安得飲上池水參天地之和具神奇之術者與之辨醫治病而活人萬萬哉

### 西伯陰行善辨

史稱西伯陰行善不知者謂西伯陰欲行善以自悅於民此似陳氏厚施於國矣大非也其知者以

伯恐紂知之不得行善政廼陰行之此孟子所謂謂其君不能賊其君者也亦非也蓋伯常獻洛西以乞免炮烙矣此一舉也天下盡知之誰不荷伯者而紂之虐益皎然於天下伯之心不安也既不忍紂之惡又不能隱紂之惡處無可奈何之地而其心未嘗旦夕忘商故以念吾躬商臣也吾職商政也爲商臣代商政使天下知商家有善政而不知恩自我出庶幾哉天下怨紂之心未甚叛商之心未決而商先王之宗祀可延也伯之所

晴陽堂

卷之五

二十三

以呂易羸辨

余聞周太史伯曰秦羸姓伯益之後必有興者夫既以益報何以呂爲耶始皇期年廼有蓋經於邊賜矣豈翟賈之所能爲其爲莊襄子明也劇秦者喜稱易羸爲秦暴已甚舉世皆願促之而况得一端焉其何辭于天下之口而要之非其實也或曰史稱知其有娠者非欺嗟乎此非天下之言也不韋之言也史臣不諒而遂信之乎夫異人既死太后又其所狎不韋即自知政非已出而故竊販焉以號于天下曰真吾子也誰則辨之因以縻少主

晴陽堂

卷之五

二十四

之心得肆志窮慾享河南十萬戶之奉居貨之利孰有奇于是者而不韋肯自別白哉吾聞始皇之言曰何親于秦號稱仲父卒令徙蜀以死政雖豺狼嘗躬迎其母不絕人子心矣豈至食厥父哉諒之真矣吾書此爲千古呂羸公案

四皓辨

或謂四皓誠高品則難以招至且云衣冠甚偉四皓亦何藉此爲耶必良因帝素所畏敬歸此四人以見帝也願爲太子死其言近脇亦子房教之也

或曰他人做四皓不得曰陽武力士良方隱約時尚能募之况此時乎又曰如是安得後日不露曰始皇大索十日曾得一人乎即此可以知四皓矣第子房迹似任俠而事則正大或除殘賊或植國本無非美事所以千古原心不加桎梏耳不然以盜擊主以臣欺君以子術父世以子房爲何如人

漢文帝宋孝宗辨

漢文帝誅薄昭知有法而不知有母也宋孝宗復賊吏知有父而不知有法也而要之于道皆未盡

晴陽堂

卷之五

二十五

善也盖三尺者天下公器父母者人心至情法掇不可以爲君情滅不可以爲子權而得其中可也是故昭不可縱也竄之遠裔苟活之以慰母心可也賊吏不可復居人上也賚之金帛薄示之以承父志可也而誅之而復之直者傷情曲者撓法聖人不必如是也或者曰漢文自有深意焉以爲吾高帝側室子太后之貴非自高帝始也于已則親于高帝則卑也而况太后之兄弟可爲我而觸高帝法乎失此弗理後者何極是漢家制度因我入

而亂也是故誅之以謝高廟神靈且以治天下也吾爲先帝受忍名不敢避也是又一道也

趙蓋韓楊功罪辨

漢宣時趙京兆廣漢盖司隸寬饒韓馮翊延壽楊光祿憚四臣不以令死議者悉詰竊帝余則曰不然自有等也廣漢以私怨殺男子榮畜非法也然不以殺婢脇宰相未必死也死之日守闕號泣願代之僇者至數萬人且曰留之牧養小民則廣漢之所催拆者權路耳嚙不稱人傑哉是罪不掩功也延壽責躬則閉閣思過化民則二十四縣不敢言辭訟不贖而能之乎特以放散官錢忤訐蕭望之遣御史按驗文法吏承望風旨鼓弄刀筆以暖昧僭逾尚方等事坐令棄市百姓莫不流涕是罪輕于廣漢而功又倍之者乎寬饒嘗有拊循士卒之恩至其刑餘法律之說尤甚切當然傳賢之疏顯似求禪無人臣禮自剄北闕下非帝意也何足深惜憚性刻害好發人隱伏其心術慄險賢者固如是乎甚也以主上爲戲出語悖逆戴長樂之言

晴陽堂

卷之五

二十六

或未足信于定國之奏豈有冤乎帝猶然薄治之  
免爲庶人顧不幸哉迺恣睢里閭肆爲怨謗南山  
之喻以臣毀君縣官之譏以下訕上如此不誅亦  
哀平之世耳其三尺之謂何說者以憚而列于四  
人之中共成一代枉獄非也是故論四臣之功延  
壽最多廣漢次之寬饒又次之律四臣之罪楊惲  
最甚寬饒次之廣漢又次之恤四臣之死延壽最  
冤廣漢次之楊惲最當寬饒次之秉法者不可拘  
持成案而槩恕乎其臣尚論者不可因仍舊說而  
晴陽堂卷之五 二十七

盡尤乎其主哉

### 漢唐宋亡國之故辨

漢政之弊莫甚於以外戚典樞要而其亡也起於  
何進之召董卓唐政之弊莫甚於以奄宦司兵權  
而其亡也起於崔胤之召朱溫宋政之弊莫甚於  
以郊恩濫爵賞而其亡也起於蔡京之結夷狄夫  
始而謀之不臧者人也其終而至於不可救者天  
也亦人召之也善謀國者盡人以弭天可也

### 雲長大節辨

昔潘氏稱秉燭達旦爲雲長之大節噫此小之乎  
睹雲長者哉夫雲長之于玄德也義爲君臣恩同  
手足則視玄德后其尊國母也其親丘嫂也責倫  
亂常此犬豕之跡即鄉黨自好者且羞染之雲長  
何如人哉蓋千古烈傑也豈瞞虜所能黷哉此  
在雲長睹之特其小節云耳秉燭達旦乃所以破  
奸夫之膽而示吾之不可籠絡其凜凜節氣胡待  
一燭之光而後照哉吾故曰潘氏之論名爲大雲  
長而實則小雲長矣然則公之大節也何居曰生  
死不負玄德終始欲爲漢臣此所謂雲長之大節  
也後有識者當以余爲美談亦以余爲正論

晴陽堂卷之五

二十八

### 王安石辨

王安石清介皎潔比韓范富歐特甚其立行素有  
所不爲其立志蓋欲大有爲將使四海之事以  
一人任之萬世之業以一時創之非不遑然品也  
直以執拗一偏有悻悻之私而無休休之量又以  
新法初出順之者寡拂之者多苟得一人焉順之  
遂引之以爲心膂而不知順之者悉僉壬之夫非



欲順安石而有爲于天下也直欲借此以售其惡而顯其身肥其家耳此其弟安國亦勸其兄以遠佞人也安石自信自用不以人言爲慮卒致天下洶洶視新法若湯火然而小人迭進流毒無窮此僉壬誤安石安石亦自誤而至于誤神宗誤天下耳當時陳說于神宗之前者鍼灼不中安石病竅曉曉然動輒指安石爲奸邪匪直安石之心不服而神宗之寵任徒益之渥耳雖然傾心好治若神宗實心求治若安石悉意委信若神宗殫意仰承

晴陽堂卷之五

二十九

澹滙集卷之五畢

澹滙集卷之六目錄

碑

重修龜蛇廟碑

記

異猪記

祭文

祭龔給諫文

祭祖母王太恭人文

祭岳翁方洲沈公同岳母孫孺人文

祭沈室文

祭外叔祖若谷楊公文

晴陽堂卷之六目錄

乙

祭莫方伯中江先生文

題

題孫刺史畫卷

題逸少帖爲壻龔文徵

題吳門周元與印譜

題朱孟元蹋雪草

題子昂帖選

題唐硯

跋

跋手書董氏家訓

跋峯泖紀遊草

跋學習編

跋保齋編

跋悟玄編

跋達生編



銘

端硯銘為益殿下

硯銘為江西張若思

弓銘為南京李將軍

硯銘

琴銘為婁江王季宣

硯銘為徽州程鴻臚

稱銘

硯銘為丹徒周仲熙

劒銘為嚴州顧將軍

硯銘為西蜀李伯恭

筆銘為吳門張子南

墨銘為徽州汪一陽

硯銘為成阜殿下

筆銘為茗溪嚴子正

舟銘為錫山華用卿

晴陽堂卷之六目錄

二

贊

盛伯靈像贊

梓潼圖贊

吳門姚叔又像贊

魁星圖贊

賦

秋水賦

雪蓬賦

操

神龍操

老驥操

沈室操

聽鸚鵡操

點鼠操

四言詩

高門四章

逢鼓三章

皇明六章

河之水四章

詩餘

一剪梅二首

搗練子一首

如夢令四首

武陵春一首

海棠春一首

虞美人一首

風中柳一首

憶秦娥二首

阮郎歸一首

晴陽堂卷之六目錄

三

滄漚集卷之六

華亭 張重華 虞侯著

碑

重修龜蛇廟碑

五茸披雲門外東南濠世傳有蓮花池見巨龜赤蛇顯異宋淳祐八年道士余子善因創真武廟遂名龜蛇云元至正十七年猫獠乘城火經月不絕濠上人家盡遭回祿而廟獨完人甚異之歲久廟日傾我

晴陽堂

卷之六

乙

明正統間先少保莊懿公念祖塋與廟枕廼繕修之封而墻垣飭而椽楹廟隆隆立始稱雲間勝宇矣嘉靖乙卯島夷渡海城南焚劫最熾也以爲廟且災迺見空中旌旄懸揚若有所繞於其上廟復完人益異之以爲渥哉神休顯哉若斯也爭出貲爲神建坊題額焉壬戌歲力菴胡公來叅吾松事涉大江恍惚見黑旗披拂於舳艫之間占者曰是象也應在玄武甫至郡僦工大修是廟廊廡環堵煥然宋元以還未有之盛垂今三十年罕有興者

家觀察受所公振起甲第而先貞孝公先莊懿公門閭坊扁墓道亭堂多所堙圯京力未能修飭久睽在抱今年萬曆己丑奮竭已帑首建大工爰協周親共營舊業稅額再新墓貌如故匪飾目於四睹實慰心於九原因念此廟接壤先丘世綿香火復捐所餘物料先葺廟之碑亭一牌坊一自廟以內尚有須乎奉神道士王履卿祇守清真不敢憚嬉夙懷鼎新之志快觀此舉乞余一言紀之遂述其梗槩書而勒之石

晴陽堂

卷之六

二

記

異猪記

張子虞侯將之雲陽之邑見御史大夫見繡衣直指聲華亭項侯之善政爲百萬黎借寇君道經吳之潯野艤筏關西有孺子行遊河梁歌而過張子曰彼其之子有豕若牛欲報之德瘞衾與稠張子訝問故孺子不能對有丈人偃僂而告張子曰是河以南有王姓者業市廛嘗畜猪於家一日走出町疃啣金一鎰歸授主人主人盛驚喜又啣主人

衣引至其處舉喙掘地得金若干緡主人因是過  
富致土木潤厥屋而高廣其礎至於今操奇贏經  
營子母家殷殷肥深德猪也欲渥馭之盛以夏無  
姑以鑿梁籍以細薪疾病則宰巷婁而禱務延其  
天年殆一紀有餘於此矣肢體曼胡重十數百鈞  
主人蚤已治棺槨觀具都人士稔知顛末爰矢下  
里歛豎子習歌之已爾擊轅之音何足樊大雅之  
聽張子耳其言滋怪甚請以目睹時偕張子而來  
者有友五人焉郁子成叔陸子君從陶子伯昌王

晴陽堂卷之六

三

子仁仲董子仲鳴連袂前趨訪所稱畜猪者家巡  
河之南北折而巷果有王姓者踵其門則主人念  
觀猪者日駢闐而不勝應也廼屋猪中門之外聽  
人縱觀弗迂御交口未從知主人名張子親睹猪  
之異也已不任頌仰特以側臥命侍兒策起之則  
劃然長鳴矍然怒步兩牙夾唇四股垂地高擬於  
黃憤而肉倍之訊所繇於隣父與丈人言若合符  
券張子因感愴太息曰猪於六畜最蠢而此事寔  
最異且一事也具二美焉夫猪所食糟餒耳廼知

竭心報主忠也得財不私廉也世人享萬鍾割茅  
土猶不嚙勵清白人弗猪若哉王德猪之財羨老  
其齒無恤其後世有荆棘南平誅夷輒迫死死狗  
烹者於王何如畜良於組圭市井賢於輦蠹是不  
可鏡哉嗟嗟吾尚有以救猪而規王也猪以身事  
人當作陽中鬻爾今且食人食葬人葬何甚幸耶  
異時毋襲烏將軍故事一遇郭相國恐脫落於鹿  
腊也財規其所守是故管寧鋤地捐金豔稱宇內  
即吳之先賢被裴公甘負薪苦作不拾路遺於季

晴陽堂卷之六

四

子矣游墅去延陵咫尺王不聞古人風乎廼晏然  
實此駿黷非必天倪如介何諸子抵掌曰張子不  
言言必可諷張子歸姑蘇見百穀王子張子以諸  
子之言告王子王子曰疑有靈人有義虞侯之言  
有脊盍命墨卿用楠稗官張子唯唯返於蓬樞之  
間扣舷作異猪記他日華亭侯徵是記覽之哂曰  
莊書三種寓言十九厄哉記也事微而寓洪張子  
進言曰君侯之政成矣民安之士頌之矣今而後  
惟無倦乎臣願君侯之牧黎也嘗似吳人之牧豕

也惟恐其傷之也不饑不寒不夭札養生送死不憾也將使蝗出境虎渡河鳳集屋記在太史一豕之異何足以存竹帛

祭文

祭龔給諫文

嗚呼古今旦暮天地遽廬得失互交孰非真吾惟知道者剔蟬蛻蜃宇之外而不爲泥汙庶幾於此者其公也夫公之績學也宵懸絳帳從藝圃而遊者追琢璉瑚公之立朝也譽崇青瑣望諫垣而遜

晴陽堂

卷之六

五

者奔走餘臚公之忼慨直諒也喜賓客周窮交若出於肌膚公之吐納續藻也荆韁鎖標形神弗屑屑於牴牾公之解組棲遲也栽陶柳歌林梅逍遙其所建人境吾廬而朝史夜圖嗟哉公也脫畧軒冕不謂吾有蜿蜒蓬草不謂吾無此其瀟灑冲宕誠當世之偉夫宜其壽臻耆耄而亂出璠璣單心華黍綠服庭趨公之桑榆賴此以娛重華誼叨世講情屬葭莩爰生弱女寔倚鳳雛慙慙勤譚詠剪我茅蕪如公長者能有幾乎胡天弗憖奪我楷模靈

輒指旆蒿里戒途鳴霜落鴈觸雪飛鴟我心淒淒我聲嗚嗚臨觴髮髣髴揮淚成枯

祭祖母王太恭人文

嗚呼百年駒隙萬物埃塵是以死者論其爲人如我祖母令德孰倫相我祖父鳴鷄解佩甘心苦辛教我諸父延師設醴銳意宵晨純孝之思光於宗祖肅雖之誼逮及友賓屬我成材誘我循循胡我不肖尚囿儒紳望我成家誨我諄諄胡我不穀猶自食貧我親顏色齒髮如新方期壽康爰有長春

晴陽堂

卷之六

六

胡天不佑倏忽沉淪凡我家庭悲號慘切不問卑尊瞻彼里閭彷徨奔走無間疏親以此考德廼見其真憶昔升遐奄觀歲遂依依祖父子然一身哀哀諸父莞然呼旻嗟乎華等抑又何申痛劉魂之已逝傷李伯之靡陳縱一經之有用柰九地之無聞奠筭斯行紅淚與寒漿極目靈輅將轉青霜共衰草盈津此時此事能不愴神洋洋在上鑒茲馨蘋

祭岳翁方洲沈公同岳母孫孺人文

嗚呼地分遐邇會晤難期人雖存亡恩誼難割華生而骸骸無異能也翁以十九年閨中之秀最所憐愛者不鄙夷小子一朝聽之委禽且也厚遺我以奩具再析我以嘉產重期我以遠大諄諄然猶之乎兒也即求訣時猶視小子以瞑目是何殷殷耶重華雖至惟魯方欲稍效涓涯而翁非久棄館痛入骨矣猶幸翁之女先荆人在焉洵女中淑也擬作齊眉歡世世念翁無已時而荆人又忽焉棄去彼蒼抗我亦已太甚痛何言哉死者靡可報猶晴陽堂卷之六

七

之一點血其在此子乎謹用齋宿特蠲穀辰相彼沼沚羞我藻芹云徂廡圉索我豕羊統際奠聲攀栢垂地且泣且言授之祝史敢昭告於翁之墓左旌小子如存之思翁人傑也當不泯泯於草萊庶幾偕我岳母惠然來享乎哉如執小子迹則伏膺拜掃蕭然踈耳罪可僇也如照小子心則恩誼在骨滴肝瀝膽有天知之有翁知之有翁之愛女之靈知之小子復何言哉抱枕經歲華硯久無舟次潦草有淚無詞當是時也長湖漾綠高楓鬱紅露晴陽堂卷之六

八

影楚心霜威愴目二十年本來之孺子四十年未了之畸人灑清觴而慘澹緬故劒而欷歔惟靈鑒之

### 祭沈室文

張子重華之故室沈氏生而賢淑事舅姑以孝處夫妻以敬撫兒女以慈待親戚以和宗黨愛之遠近信之相隨十有餘年沒齒忽又五載欲久頓后寢非所以安爾之身欲淺塋祖塋非所以安我之心欲苟且築墓則事不可久欲精求善地則力未

可逮縋焉三思廼因宅之西室甃磚築土權厝爾  
樞窀穸雖遠於中堂意氣寔通於書屋朝夕在望  
其至情乎擇於萬曆九年鵬月念四日舉事羊豕  
既具酒醴孔陳祝史授簡不必有文叙述往行告  
奠幽魂詞曰秉端莊之殊抱兮何不享乎長春痛  
爾躬之已矣兮幸兒女之多人拮据爾為煩兮莫  
報其苦辛糟糠爾為生兮何取乎鼎牲不朽之圖  
未遂兮同穴之志彌真維蒼冥之有意兮儻困翼  
之克申指天日以見誓兮情之死而尤親滴風霜  
晴陽堂卷之六

九

以成血兮冀來假於茲辰

### 祭外叔祖若谷楊公文

倚與我翁生於望族天毓慧資石泉鯁性剛而  
方聞多而蓄襟懷川決言論風馳人爭慕焉古之  
遺用條忽沉疴竟爾賦鵬揆厥所親吾母之叔外  
祖伯舅士林稱傲翁實同胞友愛敦睦逮及吾母  
恩鈞撫鞠楊門多故世途寒燠幸存我翁羣議推  
服胡天不憖萎茲良木去秋之杪我遭反覆覆盆  
而居斷絃而哭翁獨念之界以媛淑朱雖外孫從

幼而育及笄相攸冀其式穀俾我為蘿弗事稽卜  
嗟乎此情涓涯未復方斯報申何奪之速念之心  
悽言之嘔感思翁不見頌翁編錄報翁無已寄翁  
骨肉嗚呼松柏傷秋翁有微憾蘭孫萊胤翁有餘  
福况年逾古希不為不祿愧我守株材非萬斛夙  
夜黽勉以圖奮翺拜于靈幃聊陳芹菰

### 祭莫方伯中江先生文

惟德克永天地為徒惟文不朽名山大湖惟年長  
視耆英楷模脩茲三者公其然乎公之生也行齊

晴陽堂卷之六

十

金石言垂典謨多聞多見若虛若無其無所不愛  
也若鄧林春茁振稿噓枯其有所不為也若秋空  
散霽碧月夜孤是以翔翔魁甲敷歷皇途宣猷藩  
伯雅望冰壺甘棠蔽芾斐然文章彞鼎翰墨  
銀鑿家藏戶寶楚璧隋珠斯文斯德海內揚揄遐  
齡逾耆白雲未顧忽厭塵界上侶麻姑誕生繫胤  
中有偉夫謝庭玉樹燕山桂株公之逝也其無憾  
歟其等情閔蘿為誼屬葭蓍哲人不再儀刑罔圖  
臨靈奠擘清酒生波洋洋來假鑒此芷蒲

題

題孫刺史亟卷

張僧繇吳道子信手落色燁燁神生稱千古能品  
余卿漢陽刺史孫允執先生博物善詩精篆隸畫  
妙尤擅名江左逮不佞嘗爲忘年交每見先生無  
草木先折取枝幹把玩良久外瞻其形內收其神  
忽拂箋操管疾若飛電飯頃五色絢爛栗栗可採  
而餐也他人之畫傳形先生之画傳神迺能發堯  
李於嚴霜懸橘橙於酷日操東皇之柄集西池之  
晴陽堂卷之六十一

題逸少帖爲壻龔文徵

先輩云學書不入晉室終是下品晉右將軍王逸  
少樹千古赤幟蓋浸淫鍾索獨標玄奇筆端冉冉  
也若柔蘧蘧也又若勁神情韻態躍然帑上蕭叔  
達稱龍跳天門虎臥鳳閣欣賞已甚歷代逾寶宋  
太宗命廷臣裒閣帖俗名淳化帖右軍翹楚其際

代遐簡蝕神弗完此帖具體逸少惜出棗梨抑掄  
蟬翼迺其疎朗秀潤足滋臨池余半子龔文徵氏  
質最慧重心研毫謂不佞書家者流手編問字於  
丈人丈人曰書雖鑠技味公權柳先生對唐宗之  
言可艸艸入室哉洵欲造妙必疑厥心心凝然後  
三寸兔穎聽我掌握髮髯古人試問公孫大孺舞  
劍胡爲悟筆法之巧此旨極微非疑心人惡乎睹  
也疑心若何若紀昌學射視懸虱若車輪可矣

題吳門周元與秦漢遺章譜

晴陽堂卷之六十二

印章高古奇絕無踰秦漢第山陵多秘壻墓罕開  
流傳轉徙莫能延聚趙宋宣和時創有印譜今已  
漸滅化去后王厚之順伯迺再輯印譜既而作者  
代起如王球子弁作嘯堂集古錄趙孟頫子昂作  
印史吾衍子行作學古印式楊遵宗道作集古印  
譜而吳孟思葉景修又多所摹釋於是印章始得  
斑斑在世也我

明嘉隆間海上顧汝修汝由兄弟作印數凡一千  
七百餘種梓播藝林有光前代多矣吳門周元與



宗京者公瑕天球之宗人也卜隱五茸市上二十年所一時文人長者喜爲推轂一日手數帖視余周檣秦篆王刻金雕駝文皎彩燦然錯收末一帖則元與手蹟而存之者造余齋頭再拜乞題數言余嘆賞良遲曰周君故悃樸迺有心古人至是哉加以歲月足成大觀即顧數倘有漏梓元與其爲忠臣乎因記之帙首

題朱孟元跼雪草

孟元居恒操履純白在袁安邦屋間飄然風度時

晴陽堂

卷之六

十三

時乘剡溪棹頭其才情馥郁則鄭先生灞橋驢子上不能過也去歲以嚴冬杖策白門正值五花揚珠萬蒼疑壁孟元披鶴氅抽出素腸一拍百韻壓倒綠萼黃參壽厭梨棗留輝天壤余無陽春相和愧煞同調堽堽

題子昂帖選

書法大壞宋人至元獎甚趙文敏振起歷葉衰風力追鍾王曠世兄弟真書家武庫竊瞻昭代書家翹翹我吳與趙世相禪壤相隣卒不願作天水高

足曷錄也不謂趙字以妍勝迺古雅天然與元常逸少尚隔一塵哉嗟嗟與瑩者道也執奎之人道之則皮相也子與早卑夷尹願學仲尼子與未必仲尼志則然也余敢望子昂亦各有志因語門楣龔文徵奚翅書法進乎道矣且以標王趙千年未了公案

題唐硯

是研精神色澤不減李賀之青花微厥歲代出唐之盧恭公蘧廬天壤桑海變遷此物乃爾獨全雖

晴陽堂

卷之六

十四

其腹背稍蠹而歷代諸君子之所評識炳朗不蝕則以寶護維謹然爾此豈片石能重於人間哉良錄名賢碩士品題見珍蓋愈久愈多愈多愈愛家傳世守等之楚璧隋珠真以人重此石也又安論鵠鵠之有無真贗耶儻徒重其塊然之形試問未與公何在不佞何人宴然得此母令物古人今跋

跋手書董氏家訓

余少好鍾王顏魯公楷法稍長便欲推倒芝素藩



蘇而觀其室也蓋草書恣蕩可喜楷書莊嚴非豪  
士之槩以故友人多有索不佞書者往往應之以  
草雖日數十張雙腕騰騰起若命之楷則謝不能  
而獨蔓衍手錄是梓何以故念廷尉董先生盛齒  
茂譽廼殷勤盼一白面生數數式吾廬享吾禮張  
子懼不敢當嘗心許欲搗三寸管效尺勞於先生  
之記室及睹所為家訓則種種身心格語非直董  
氏子孫之藥石寔人人著龜也視昔李德裕訓子  
孫僅不以園林草石與人者智鄙何異哉吾緣以  
清陽堂 卷之六 十五

跋峯泖紀遊稿

黃叔範師尊腹藏十乘目徹二儀胸次有無量丘  
壑蓋塊九峯杯三泖哉廼偕二三子周覽移日矢  
口燁然多所品藻一記十三詩神飄飄骨珣珣風  
淩淩蕞爾山湖頃刻九鼎小子忘鄙謫含毫執簡  
手代右史授厥梓氏何但膏淫珍誨借此少獻薄

伐尤使宇宙靈氣嘗留雲間化作靈文浪花云爾

跋學習編

學者學為聖人也學為聖人而取其殘編剩簡蚤  
夕而播弄之將拾聖人之餘沫而探其心也蓋六  
經聖人之糟粕三綱五常天地之元氣元氣憊徒  
浥糟粕以補助之抑末矣子雲絕代儒祖博蒐典  
墳猶然失閣下之魄孔光親聖人孫廼讀書而不  
識字也又何覲焉故學不印倫紀行不範本源耻  
也

清陽堂 卷之六

十六

跋保齋編

人生字內直是寓形希心松喬蜿蜒蘧蘧感也第  
父母遺肢不敢屑越况藐焉七尺雖有補浴鉅猷  
匪身誰樹所以珍惜而成全之者豈必熊經鳥伸  
之術祇須節勞慾調飲食葆精陽烝不枉天和所  
以盡其在我無忝所生也善乎子與氏之戰兢易  
簣而樂正子春傷足有憂詎非見耶

跋悟玄編

悟者寤也既寐而覺斯真寤也始寤矣又或寐焉

是憐憫也何取於寤世人自辰至酉憧憧勞薪此終日寐也自酉至耄冗冗蝸蠅此終身寐也曷悟哉夫身世疾于駒隙而人往往爲千萬年計誠悟則一真不減萬理常涵生非有死非無有非樂無非悲生死大關舉手剖破况其細者又安足挂吾之靈臺化境也

跋達生編

余聞之聖人居約時蓋葦局蒿實而中宴如逮其黃屋左纛立天下之上也迺瞿瞿冰淵此何爾焉

晴陽堂

卷之六

十七

聖人達生不隨生忻戚也故顏不期夭跖不期壽所生定耳生者命也上士立命中士安命下士逆命京房知涌水之異躬自塞之邵璞知命盡日中也顧駢首於武昌之議夫既知之蚤矣而弗能順受其正猶自處於巖墻之下何足悼也

銘

端硯銘爲益殿下

世人貴眼爾獨無之茫茫塵區誰爲爾知我獨爾鏡蒼壁其姿錦巾犀匣瑋然珍奇兔豪湘管燦焉

臨池吞吐百葉文不在茲浮沉瞬息物亦有時

硯銘爲江西張若思

鳴之眼犀之文驅海濤於兔穎揮豹霧而虛龍雲

弓銘爲南京李將軍

角觴象弭宜於男子有練其形射彼豺兕爰錫彤

茲垂名竹史

硯銘硯制高而中空

硯取發墨不必其文也制取適宜不必其巧也子

能磨此兩長而又能虛中以待吾用吾是以用子

晴陽堂

卷之六

十八

彼馬蹄蓮葉即文且巧吾不以易子矣

琴銘爲婁江王季宣

嶧山有桐厥聲孔融朱絃綠綺千古稱雄斲彼焦尾爰協八風衡陽王聞音泉口鎮蕭將軍受賜松石中嗟大雅之不作高山流水其誰同

硯銘爲徽州程鴻臚

良工之琢外示其璞文士之長中含其章

稱銘

成大成小既公且明貪者難併強者靡爭其權在

我其用斯行使天下之物不如此何以定天下之  
群情使天下之事盡如此何患乎天下之不平此  
聖人所以能權而安用彼老氏之折衡

硯銘爲丹徒周仲熙

王爲質犀爲紋墨子守黑才子行文若映月之露  
若垂天之雲茂先何取于青鍊城池可作于右軍  
必長庚之揮翰庶不負高力士之殷勤

劍銘爲嚴州顧將軍

煉齊金鎔楚鐵星爲文霜爲烈延平之波雙龍之

晴陽堂卷之六

十九

穴截蛟斷犀而鋒不缺借自上方忠憤斯結

硯銘爲西蜀李伯恭

端研貴眼此眼獨全炯炯若電自天而然爰發蓉

粉助我摘仙

筆銘爲吳門張子南

秦稱筆楚稱聿燕稱弗吳稱不律呼爾異名用爾  
孔一我用如椽滾滾渾渾誠得江淹之夢徵安問  
白雲先生之秘術

墨銘爲徽州汪一陽

瑛瑛蒼壁臨池神生龍賓道士維汝之精二螺九  
子文士之英濡毫立賦爰稱爾衡

硯銘爲成阜殿下

德以堅成壽以靜獲子大夫其藏之以爲玄圭氏  
之宮管城君之宅

筆銘爲茗溪嚴子正

鼠鬚爲毫龍鍾爲質國典皇謨匪爾攸逸才士騷  
人匪爾安述武夫輶矛握爾則失儻毛錐之誤我  
不若班仲升投爾而出

晴陽堂卷之六

二十

舟銘爲錫山華用卿

沙棠爲舟木蘭爲櫂翼御長風飄飄一葉慎爾行  
也險生於捷

贊

盛伯靈像贊

玄冠皂履身擁豹毛爾形矯矯爾情陶陶孟烏之  
勇韓白之誦誅奸僂倭如風斯號談符說劍如水  
斯濤請纓落魄寓趾林臯吁嗟伯靈人中之豪干  
城在埜托真綵毫

梓潼圖贊

文昌司運宇宙用光綠袍白馬鳴鳳在岡士人端  
禮祈助兩童翼我豹彩騰於廟廊

吳門姚叔人像贊

穆穆二毛神清氣豪九莖在手五色在毫出胃中  
之丘壑與雲日而爭高

魁星圖贊

是物也上隨薇宿下屬豪英寔兩儀之清淑徵百  
代之文明析之弗至弗祈而生非文弗耀非時弗  
晴陽堂圖卷之六

二十一

靈非人弗昇非累世之德弗成士須知魁名之恒  
有於天下而惟不負魁名者足爲天下之重輕  
賦

秋水賦

孟秋南歸棹經五湖雙蓬萬練神情洋洋爰

賦秋水

澹兮清秋江湖澄流揚光吐瀨盪影生漚散輕煙  
於別岸垂薄霧于長洲洵一泓之徹底曾片塵之  
中留凌九臯以薦蕙觸萬頃以騰鷗翕龍涎之剌

沫結蜃氣之層樓丹蓉拂拂碧藻悠悠張錦帆于

波面解繡纜於江頭觸青萍于飛屋斟綠醴于虛

舟或扣舷而獨詠或推蓬而齊唫或臨淵而長嘯

或撥棹而鳴琴睹霞霄之靄靄遵曲渚而招尋喜

雲樹之簇簇俯明沙而舒襟溪風轉兮浪花疊川

月溶兮珠蓋生浸星光兮騰蛟伏毓劍氣兮長鯨

平飲上池兮扁鵲用之而滌胃瞻滄浪兮仲尼取

之而濯纓水泠泠兮洗牛腹于許子天浩浩兮縱

一蒂于端明吾黨秋陽慕潔溟海陶情植中流之

晴陽堂圖卷之六

二十二

砥柱迴狂瀾之崢嶸嘆瀟湘之渺遠嗟河漢之軟

傾問桃源於何所却食泉而靡嘗激義烈於抱石

絕夢思於投璫何羨乎張騫之犯斗依希乎泌水

之洋洋

雪蓬賦

孫刺史雪居先生作畫鷁泊溪前日與騷人

豪士載酒飛觴爲浮世之娛命曰雪蓬翩翩

出沒煙波間題倩名筆題詠餞於四隅燦然

珠壁不揣蕪穢亦附姓名

慶雲靈霞協風甘雨皆足鳴柳於雪何取取其色  
純溶溶璇澣取其性負翩翩璫鳴取其味澹霏霏  
瑤浦漢陽大夫爲人之豪爲德之矩中藏素心不  
與俗伍飄然江湖塵視主組多灞橋之襟步剡溪  
之武咲柴邨之亂驚嗟北海之羣乳披鶴氅於王  
恭憶貂裘於趙祖爰扣我舷爰軋我舫推篷四瞻  
蛟綃環堵寒粟空飛銀花徧舞蒼巒易顏丹楓掛  
瑤一葉洞仙夷猶玉宇採青芝斟綠醪洗六代之  
留渣漾五陵之淨土轉飛屋於棹師傲浮生於漁  
翁陽堂卷之六 二十五

操

神龍操

龍之蟄兮依棲下土龍之騰兮直徹天柱龍之蟄  
兮見凌緞鮪龍之騰兮失彼豺獠嗟嗟神龍兮翔  
翔風雨

老驥操

馳康莊兮躍丘阿翩翩追風兮嚶嚶少壯千里兮  
今未摩世無孫陽兮柰而何豈無孫陽兮何愁何

沈室操

沈室何室張子虞侯也九十有一年多淑德  
三十而歿張子悲思援琴而哀之

有女琬琰兮食我糟糠夙與爾期兮終允臧奄忽  
長逝兮別鶴離凰荏染兩息兮我心憂傷嗚呼傷  
心淚盈兮多于瀟湘

聽鸚鵡操

晴陽堂卷之六

二十四

鸛搏搏兮摩青空爾何爲兮幽囚樊籠華其裾兮  
服而不衷繁其聲兮誰爲爾容口過受羈兮自罹  
厥躬嗟哉嗟哉爾生悲賦兮終遭其兇

黠鼠操

碩鼠爰兮齧我衣冠兮而無忌兮有猫來搏兮食  
而肝兮而信狡兮其終完兮

四言詩

高門四章家觀察受所公修先官保牌坊既成  
祭於祖廟而作此詩以美之也

巍巍高門載震中葉猗與伯父聿興先業德音孔

皇科第重光魯孫維王永錫祚康

也賦

綿綿奕奕先公之澤肅肅雍雍維伯之德豫章有楠巴陽有栢迺命于工鼎建孔維饗于烈祖伯父之功

也賦

有肴有醴有果有牲羣公先考禋祀孔明坎其伐鼓磬管同聲以孝以饗啓我后生

也賦

匪先弗彰匪后弗昌爾謀斯翼爾志用長於戲小子率由舊趾夙夜匪紆以暢厥祀訃謨單心維德

是徙

也賦

卷之六

二十五

逢鼓三章喜見家觀察同馮京兆救齋先生受敦於諸侯而鄉飲酒作也志盛典也

鼙鼓逢逢于蠻之宮樂只君子爲光爲龍誰其尊之賓价僕同誰其主之皇皇郡公

也賦

肆言設几獻醕孔將有肴既腍有酒既香烝我髦士歌聲鏘鏘我有嘉賓邦家之光

也賦

雍雍肅肅維風颼颼式燕成止亟徹不遲言旋言歸德音孔時我有嘉賓邦家之基

也賦

皇明三章居南都作也紀遇也

於皇時明德克成有龍有虎宅此神京羅厥多士邦家之楨

也賦

我來自東靈雨其濛云徂何往維皇之宮豈曰不辰貂裘蒙茸

也賦

我之來矣自昔多秋玄珠蒼壁曷云其求南山崔巍江水悠悠

也賦

雕弓既堅四鍬既全舍矢如破爰得兎鵲相彼射夫疇昔然矣

也賦

晴陽堂

卷之六

二十六

薄言綱者言綸之絲鱣鮪潑潑既庶且時我思漁父實獲我師

也賦

鳳凰于飛粲粲其章維彪與豹厥聲孔揚允文允武王國之光

也賦

河之水四章有所思也寓言也

河之水其流既清維子之故我心盈盈

與也言士

維子之居有鬱其遠我不見兮勞心緒兮相逢相將我是用昌

也賦

維子之宅我思靡釋庶見子兮我心悅懌匪爲我  
圖大猶將多賦也言喜得遇主則盡心奉公而不爲一身一家之計也  
詩餘

集潯墅公署二首

一剪梅

鴈羽西風王鏡秋客在朱樓人在南樓 天香飄  
粟聽篴篴酒在尊頭意在心頭  
雲樹蒼茫兔影光欲望家鄉怕望家鄉 綵毫題  
處墨花芳要寄中腸不盡中腸

春夜

搗練子

晴陽堂卷之六

二十七

風細細月團團人倚南樓十二欄花影閒庭移漏  
永不知清露怯身寒

遊吳門張幼于園

如夢令

林外韶光千頃搖曳東風初靜信步自行行惟見  
柳陰花影佳景佳景此是蓬萊仙境

春宮二首

如夢令

禁苑春生無限紅瘦綠肥方半相對不勝情昨夜  
淚痕啼滿腸斷腸斷望不見昭陽遠  
鏡裏容顏銷瘦爭奈風狂雨驟辜負倚樓人空把

眉峯頻皺聽否聽否歌管君王進酒

夜飲孫使君宅

武陵林

何是浮生嗟去住幾見月當頭擺脫閒塵得自由  
花底弄篴篴一段香風人未老繼晷列紅篝只  
見嬌娥臉帶羞不覺屢倒金甌

集何士抑園亭

如夢令

池館竹梧深處花鳥欲留春住細雨潤輕塵浴罷  
小桃芳渚歸去歸去多少清閒心緒

離別二首

海崇春

晴陽堂卷之六

二十八

多情簷外啼嬌鳥清夢裡遍園芳草往日舊風流  
此際新煩惱且斟濁酒蒼旻可表一片真心未  
老有日訴衷腸淚雨應多少

鴛鴦對對飛青藻猛覩得損人懷抱早見別離遲  
却恠相逢早花前月下幾番拜禱又恐傍人知  
道撚指念歸期暗裏腰肢小

長門怨

虞美人

東風搖曳宮前柳桃李飛羅袖昭陽殿裏沸笙篴  
又有閒人終夜伴紅篝君王雨露深如海薄命



無緣在寸心嘗抱遠山顰只恐青絲白雪一時新

佳人賀周公瑕納寵

風中柳

剪水裁雲端的娉婷年少正初春宮粧草草遠山橫黛轉秋波凝睇不勝情花肢飄渺一片藍田幾步新蓮輕小更堪憐清喉韻繞香纖玉笋捧金尊微笑夢熊羆共君偕老

閨怨二首

憶秦娥

人如王天涯芳草爲誰綠爲誰綠愁城滿前淚雨盈羽魚書有約多反覆鴈字無傳聲斷續聲斷

晴陽堂

卷之六

二十九

續一聲聲也叫人心曲

空悲咽杜鵑枝上三更血三更血脂粉慵粧淒涼時節嬋娟幾度經圓缺征鞍何處頻霜雪頻霜雪卽身千里妾心千結

春睡

阮郎歸

東風吹媚小桃枝高眠湘簾遲南柯有夢暗移時客來猶未知花馥馥草萋萋依稀蝴蝶飛隴身不覺日還西朱門人未歸

滄溥集卷之六畢

滄溥集卷之七目錄

五言詩

自得篇

贈吳門姚叔又畫家

陸宮保枉顧惠新刻

莫廷韓訪余鄉園

董廷尉裝素綾索書

何孝廉士抑話舊

辭許水院召入作字

山東熊九玄來訪

讀淮陰侯傳

同西蜀趙子醇郊遊

謝詹郡侯公祖

水亭卽事

聞董玄宰報捷禮闈

辭許侍御索書餽幣

晴陽堂

卷之七目錄

乙

送沈孺休遊豫章兼啓張宗伯

北京楊鳳翥東魯熊九玄西浙郁季雅來飲

題興化盧遜之畫扇

寤歌

題沈孺休天馬山圖

詠雪蓬爲孫使君索賦

秋閨戍婦詞

崑山秦汝約招飲池上

同唐侍御遊莫氏園

烈士吟贈滇南翟子飛

感秋行

題顧光祿樸菴

丹陽荆氏園亭

往釣作寄廬州黃信夫

賀李補之成進士

讀伯夷傳



課儻治農圃有感

爲閩中張洒雲題畫

壽太玄上人六齋

周公瑕裴几齋

王元美司寇園

有所思寄廬州丘民望

贈彭協甫改號閒夫

悼沈室二首

贈合肥鄭茂雅山人

懷古三首

題京口楊日宣画扇

贈楚中韓光甫太學

魚池小艇

秋思懷寄徽州汪季來

懷崑山王玄陽山人

同陳仲醇飲沈太僕園

崑山顧孝廉新居

發金陵和漂陽史懋公

晴陽堂卷之七日錄

宿虎丘僧舍

同吳門嚴邦奎遊董園

嘉興天寧寺逢僧話

吳門張幼于園亭

題沈啓南先生畫

灌畦贈嶺南衛君容

林太僕招飲西園

武林丁孟安文學齋頭

送楊鳳翥歸燕中

長相思

贈遂昌黃文學

金陵寄妓

登崑山題壁

贈天目山慧心上人

題芭蕉

同吳門諸子汎舟金閶

陸宮保適園

招隱篇贈宣城莊孝甫

同武林沈士微野步

東園即事

六言詩

閨怨

秋夜懷方衆甫州守

七言詩

周公瑕來訪留飲

題畫馬爲楚中張侍御

王百穀太學舟中

螳螂吟贈陝西花將軍

莫方伯手柬索拙稿

贈青浦侯屠長卿

懷楚中鄒汝弘太學

贈金華徐幹華孝廉

醉月篇簡方衆甫

詠雪十有八首

晴陽堂卷之七日錄

輓徐相國文貞公

水亭

秋夜坐二首

贈閩中秦孝廉之燕中

張孝廉伯復招飲

登泖塔

烏棲曲二首

賀何士抑北關報捷

輓潘尚書恭定公

吳門朱宗衡來訪索字

書顧光祿仲修扇

題錫山華氏園

贈陳仲醇棄業學道

出塞詞贈金陵馮將軍

金陵懷古

贈閩中李叔玄民部

讀范增傳

贈吳門范將軍鎮海上

看梅晚歸

洗兒錢

江浦道中馬上口占

南譙道中

彭城懷古

滁州憶醉翁遺事

廬州題旅舍壁

合肥旅舍和鄭山人

江上

渡江和江都張廣文

贈吳門周服卿畫家

北歸抱病親知來訪

送彭欽之太學北上

秋興二首

涼州曲二首

秋閨夜二首

題高主政不染臺

題橋李項氏園亭

晴陽堂卷之七目錄

贈楚中王胥濤

題梅贈洛陽戴君求

滄溥集卷之七

華亭 張重華 虞侯著

五言詩

自得篇

庭前數點紅依稀見化工鳴禽時嘖嘖驪賞與人  
同市塵猶傍午汗雨方濛濛亦有慵懶夫甘心拙  
丘饒熟睡北窓下夢寐義皇宮徐步出園徑榆柳  
垂蒙蘂荷花送幽馥槐陰連梧桐蒨松竹間石  
壁森璫瓏抽竿河之西魚蟹多相逢村酒藏一斗

晴陽堂卷之七

乙

酌取林間風天地無盡時出沒皆成空黃金嘗不  
死白髮何至公王侯萎蔓草富貴等漂蓬世事在  
瞬息人生誰雌雄吁嗟悲蝸蠅高飛羨冥鴻守拙  
存太古求閒惜餘功二萬六千日日心心融融此  
樂吾自得得之于胷中

贈吳門姚叔又畫家

吳下推名士丹青氣亦仙筆開山外路箋拂樹頭  
煙白髮閒心遠黃花晚意翩尊前傾百斗爲爾出  
新篇

陸宮保枉顧惠新刻

盛世一名臣偏於下士親片言成袞鉞玄悟徹鴻鈞蓬壁高驪壯文章繡虎新敬輿多奏草未許卜鱸蓴

莫廷韓訪余鄉園

千古高懷客驪然共紫霞星文明几石電筆走窓紗細語山花咲清歌澗水斜願言留一葉毋使賦蕪葭

董廷尉裝素綾索書

晴陽堂

卷之七

二

珍重瑤縑色吳門白練紋拋梭成蜀錦下筆走湘雲董仲公家俊張芝我未羣換驚真勝事千古秘香芸

何孝廉士抑話舊

少小投交情年來髮將疎君爲燕山豹吾作吳江魚變化未逢日遨遊豈成虛盃中浸明月一嘯開塵裾

辭許水院召入作字

威明今已矣若個識王符是壁壘辭剖非珠敢漫

沽硯澆生計拙紙貴古風迂司馬多消渴霞縑未可汗

山東熊九玄來訪

如君非常姿吞吐虹霓生執手道情素知心成和賡松光致爽氣桂影搖芳聲此別又南北秋風飛蛟鯨

讀淮陰侯傳

堪羨韓淮陰一飯酬千金少年與中尉報之何其深恩怨豈真忘王侯多曾襟當時匪蕭相落落將晴陽堂

卷之七

三

煙沉是以天下士相逢須知音

同西蜀趙子醇郊遊

爲有青林興來從此地遊可憐嬌鳥舌聲在酒尊頭

謝詹郡侯公祖

侯徵拙書赤壁賦并小詩一十四首長歌一首禮意優崇誨愛肫確有古憐材之風

洛神千古筆宣表亦成虛兔管湘雲潤魚箋墨浪疎芳垂學士賦名愧伯英書仲舉雖憐士何堪備

後車

水亭即事

石壁當空立波聲檻外瑤濠梁塵境僻島嶼桃花  
香人共輕雲澹心隨流水長鷗飛本無意相對自  
徜徉

聞董玄宰報捷禮闈

少年俱試劍硯底誰雌雄鼓掌世途事一嘯乾坤  
空才技各有擅命運殊塞通高飛北斗墟落羽吳  
市東路眼悲泣王壯心悲傷弓床頭百鍊剛化作  
晴陽堂卷之七

豐城虹

辭許侍御索書餽幣

同采宮前藻君騰萬里霞聲傳臺上草塵視鏡中  
花珍重緇衣愛慚非綵筆家深情無以報誰與動  
龍蛇

送沈孺休遊豫章兼啓張宗伯

沈約文章貴才情世所欽投交千里駕問字百年  
心翼軫星文合豐城寶氣侵憑君江上鯉還擬報  
商霖

北京楊鳳翥東魯熊九玄西浙郁季雅來飲

池花鮮池月圓興極客不醉更深人未眠安得天  
河萬餘頃與君痛飲同千年

題興化盧遜之畫扇

前  
茆屋兩三間峯文障雨煙濛濛十萬里天地酒尊

寤歌

張子家城市日濡三寸兔毛爲親知所困遂  
逃故棲箕踞竹下盤桓溪前興到輒呼明瓊  
晴陽堂卷之七

浮大白侍兒侑以聲也歌干旄杖杜張子欬

歎令停歌自歌衡門十畝烏烏若雷飛鳥盡

翔林木爲動旣而玉山頽然沉暝華胥恍忽

見黃農葛天上人醒后夕陽掛柳稍落霞萬

頃不知身在花裯草席間也仰天作吳聲聊

馮夢境小子聽之名曰寤歌

孤鶴偃溪畔馴鹿眠河瀕與我共太古假榻遊蓬  
津石頭爲我枕樹葉爲我裯繁蟬沸雙翅幽鳥鳴  
空旻喚省黑甜子展轉側復伸晝寢謝營畫詩魔

若有神浩歌出酒口語意生陽春醉裡見真性臥  
裡見真身凡人苦多寐獨醒須先民人有千歲計  
世無百歲人空將撓腸事役此天性真不如乘一  
葉咲傲五湖濱人說風波惡我狎鷗鷺負不染市  
塵色不踏車馬塵長安富豪家萬客時駢駢一朝  
去金印冷落誰相親浮沉眼中態漂搖水上蘋碩  
人鏡先幾邁軸全其淳鶉結比硯礪鴻名辭璘珣  
我從羅浮來我言洵有倫

題沈孺休天馬山圖

晴陽堂卷之七

六

天馬行青空高人屋其足時時駕之飛唵嘯萬重  
王

詠雪蓬爲孫使君索賦

孫使君作雪蓬命不佞著賦都人士幸不諧  
疎之矣後飲蓬之下扣舷試我近體

太守真仙吏舟成白玉宮六花千尺浪雙槳一帆  
風練影瞻吳色貂裘識宋功酒酣飛鷗動烟鼎五

湖中

秋閨戍婦詞

秋氣慘然至征夫誰與同深閨正飲血絕塞猶臨  
戎鏃馬簾巢外銅駝荆棘中君心念結髮妾首甘  
飛蓬鴻鴈高堂信麒麟血閣功歸來歌燕喜重理  
舊絲桐

崑山秦汝約招飲池上

園中月正明花下尊相傾亦有金蘭契能無河洛  
情白雲任來往綠水安流行莫說身外事飄飄一  
羽輕

同唐侍御遊莫氏園

晴陽堂卷之七

七

來遊濠濮上煙景足垂綸曲徑松蘿潤幽亭魚鳥  
親鷗盟憑謝屐多史漉陶巾嵩山原不遠何用學  
勞薪

烈士唵贈滇南翟于飛

黃金共白石化作烈士丹耿耿寸腸結夜夜星光  
寒千金麾一諾而無德色難賤不貪軒冕貧不戀  
琅玕行欲挺松栢名欲芬芝蘭外曷愧衾影內曷  
掩肺肝吁嗟七尺軀生死亦齊看曉鬢罔溜涅仰  
同雲霄蟠南冥九萬里振翅垂天端下視八紘土

細小真泥丸處身良不薄曾襟多大觀秋英與春  
雪時取盤中餐數椽僅容膝獨覺寰區寬舒作官  
家楫卷持溪上竿動稱古人義肯使醇風殘鄙茲  
世途態砥柱迴狂瀾匪直戀聲譽俾我本來全飢  
髡男兒質學步羞邯鄲矢志在昔傑而欣飄與簞  
讀劉漢書按劍誅老瞞孔禰身且死其心固已安  
灑筆鏡千秋片言植不刊投交盡四海飛飛輕羽  
翰惟有誤我者逢掖而儒冠

感秋行

晴陽堂卷之七

八

戊子秋張子上書陪京事竣疾馳歸抵舍飯  
頃方州守衆甫徐太學孟孺田進士懷野何  
孝廉士抑陳文學仲醇盡辱臨目所上書謬  
踴躍既而書寢不報恨無國能以報知已諸  
子皆當代人傑不侵然諾再來太息不能定  
情何子廼具飲食招致齋頭出家樂爲繞梁  
遏雲之聲散余鬱鬱無聊之想宴罷諸子盡  
去何子屏人密箴張子曰足下之文信雄奇  
乎而彼觀者豈盡黑白哉願足下毋擅其所

獨能姑從人所易能天將大造于足下足下  
慎留意焉張子感激涕泗時夜將殘秋雲慘  
澹風色淒清兩人裴徊廡間不能去也作感

秋行

夜色正淒淒蟲吟何戚戚蓉波停復揚桐露斷還  
滴砧聲時入帷燈影半留壁踈窓瀉銀河高樓橫  
玉遂吁嗟四十秋慙勤苦多歷問天天不言回首  
祇空愁蕭條江上却白頭滿蘆荻老驥千里蹄無  
須事羈勒冥鷗九萬程雲霄生霹靂范叔稱一寒

晴陽堂卷之七

九

季子裘毛劈壯懷各崢嶸志士成觸激螢囊叩三  
墳雪几沉六籍包羅百代心魁偉萬夫敵顏巷欣  
簞瓢禹門憫饑溺依希型古人我將安歸適嗤彼  
乾坤儒腐也何足責青萍按夜光紅塵黯落魄倚  
柱呼蒼天鬼神森列戟踟躕說世途兩耳忽然赤  
秋風吹我襟秋月照我席惟我同心人緒焉吐肝  
膈相對亦相憐中宵傾琥珀百斗顏不酡津津灑  
玉液我友絕羣豪片詞比尺璧眼底分雄雌爲我  
長嘆惜近前呼我名誠我勿焦迫信知宇宙寬氣

數等潮汐否者泰之端塞者通之宅烈膽未消磨  
剛腸肯催拆天地真遽廬文章廼金石生材必有  
須淬志矢收績一朝棄繻生當關人嘖嘖咄哉張  
茂先能老五湖伯

題顧光祿樸菴

燕息思依然烟霞徑更偏雲亭慈翠地月塢鬱藍  
天幽討鴻濛上神情蓬島遶瑤漿斟枸杞聞說可  
長年

丹陽荆氏園亭

晴陽堂

卷之七

十

落落世中意飄飄物外心蘭花向幽馥梧葉當空  
陰伐木峯頭鳥無絃水面琴搗藥求丹訣含毫  
素襟荆與甘負釜不受楚王金

往釣作寄廬州黃信夫

三尺遊絲外溪光一望青化龍渾不識潛鹿已無  
形渭水扶周鼎巖灘動客星王孫猶未飯誰與惜  
零丁

賀李補之成進士

憶昔授交日論心甘載餘文垂金石重名共斗山

紆杏苑先題錦蘭臺儼著書登龍千古事舊雨任  
吹噓

讀伯夷傳

清風興百世心悲時事遘扣馬明大義登山安適  
歸舊惡肯復念萬古爭是非咄彼千駟主不值首  
陽薇

課僮治農圃有感

村居多暇日偶爾學樊遲沮溺真同道寧歆亦易  
知樂耕莘埜地不拔楚園葵三顧南陽士東陵五

晴陽堂

卷之七

十二

色時

爲閩中張洒雲題畫

吳山萬里雲楚水千層雪一葉下如飛烟景半明  
滅遙聽翠壁間波聲自奇絕茆屋生真人嘗有歲  
寒節

壽太玄上人六奏

太上學直修玄心甲子周曇花成百果貝葉映千  
秋鶴舞因麾杖麋馴解點簪籌慈雲天外落歲歲詠  
茲遊

周公瑕集几齋

紙窓明映日梁泥落燕香庭幽風似水花潤雨爲  
章草玄楊子宅修楔右軍觴寒玉空堦外翩翩止  
鳳皇

王元美司寇園

偶向長林際蒼苔路有夷抹松雲落袖刻竹鳥窺  
詩花慮蜂藏艷泉因石見奇煙霞何極目洛社屬  
明時

有所思寄廬州丘民望

晴陽堂卷之七

十二

與君遠萬里思君何多年年來歷勤苦夜夜星河  
縣手握驪頰珠獻之蓬萊前宵行輒按劍懷寶長  
相憐忽有鵬鵬翼駕我登青天一朝至君所報君  
同埃消守此七尺軀許君能周旋

贈彭協甫改號閒夫

拂衣尚偃息瀟灑塵心空不愛三槐色偏尋五柳  
風文章發雛鳳意興摩冥鴻世上多忙屐誰將此  
味同

悼沈室二首

卿病鬼神泣我心天地知生前苦遺恨之死無窮  
時拊心愁萬斛臨靈默無辭惟有百歲身與爾同  
穴居化作雙飛鳥比翼長追隨

念子甘糟糠十年苦拮据本爲雙劍圖翻作斷絃  
訣夢去成歡娛覺來增慘切兒女啼膝前姑嫜髮  
盈雪寒霜吊空帷淒風響殘玦滔滔五湖水不盡  
鰥夫血

贈合肥鄭茂雅山人

謂子元奇宕而時尚索居空懷秦五殺不學楚三

晴陽堂卷之七

十三

間寄興尋泉石遊神任卷舒古今真旦暮天地亦  
蓬廬

懷古三首

意氣輕山嶽言辭出虹霓誰爲管鮑侶莫恨雲無  
梯

天道豈終遠人情迷先幾若非范叔子蔡澤猶布  
衣

高風振鵬羽巨浪排龍鱗月下無雙士能誅楚與  
秦



題京口楊日宣畫扇

萋萋山下葛高亭日似年客到酒數斗風來詩百篇歌聲黃鳥和舞影白雲聯千載陶元亮北窓時獨眠

贈楚中韓光甫太學

科頭謝塵俗杖策出長林物態新時眼春風舊日心看山俱是盡聽水即成琴村酒蘇臺下翩翩撥素襟

魚池小艇

晴陽堂

卷之七

十四

河水一泓綠容刀欲渡徐已知身似葉休嘆食無魚楊柳垂波潤芙蓉拂岸疎空明天上下月影動荷渠

秋思懷寄徽州汪季來

秋聲動清夜蕭然來屋西悲鴈飛還墮驚鴉繞未栖竹敲殘夢斷月落幽情悽轉眼不成寐霜天聞馬嘶

懷崑山王玄陽山人

問君何所事闌散向田園就草懸秦市除冠掛漢

門青山藏隱豹滄海臥遊鯢當世容狂逸逢人虱自捫

同陳仲醇飲沈太僕園

喜借休文館相看柳色鮮青陰欺白日綠水倒紅蓮醉語俱真境高吟忽欲倦不妨時下榻人似葛天年

崑山顧孝廉新居

早歲好個儻高居無俗情花含笑人意鳥作穿雲聲世事數盃盡雄心雙劍鳴南宮春樹綠未許結晴陽堂

卷之七

十五

鷗盟

發金陵和溧陽史懋公

拍馬辭京國秋風思不勝鴈歸江上客花落寺門僧白雪高堂鬢青溟北海鵬平生仗雄槩俠骨可霄凌

宿虎丘僧舍

屋在孤山頂門當交樹枝清秋千里月輕夢五更時報雨先芭響吟風有竹知飄然出世網痛飲讀騷詞

同吳門嚴邦奎遊董園

草草數間屋時聞好鳥音倦遊眠石蘚醉語踏花陰塞馬知翁意犧牛傲吏心蘇田無二頃何事肘黃金

嘉興天寧寺逢僧話

地僻人俱遠僧高寺亦神白雲籠寶刹青草列香裯苦海真無岸慈航解渡人願言留一偈珍重百年身

吳門張幼于園亭

晴陽堂

卷之七

十六

書屋靜中玄群峯在檻前輕輕時着雨澹澹欲浮烟麋鹿啣芝草龍蛇噴錦箋薜蘿芳徑滿仲蔚自高眠

題沈啓南先生畫

蒼茫聳翠微桐栢爭萋萋滴露朝偏湛停雲夜未歸蘭花不當戶竹筍任穿扉琬琰丹青筆千秋尚有輝

灌畦贈嶺南衛君容

學圃樊遲意揮金管子情十年書劍夢三徑柳梧

聲賤也真秦士遐哉美魯生菜根元不薄百事亦何營

林太僕招飲西園

清虛塵境絕惟有暮霞生雨過杯先滴風來笛自鳴登樓庾太尉問月李長庚坐聽波聲細間情共水平

武林丁孟安文學齋頭

湖海真似斗河海一蹄涔筆下千言草尊前萬古心陶巾容自漉謝屐終招尋長嘯空天壤清風來

晴陽堂

卷之七

十七

滿襟

送楊鳳翥歸燕中

雄也稱能賦甘泉千古聲青驄燕樹遠白眼渭川明易盡杯中物渾忘世外情終軍多俠氣此去請長纓

長相思

長相思無盡頭滴滴銅壺聲未休心似鐵髮成秋一別萬里去十年雙泪流黃金路勿贈白首時相求

贈遂昌黃文學

叔度波千頃聲華柱史穠  
蒼風供勝眼白雪盪吟  
胸興有東山屐名高北海鍾  
江濤掀八月霄漢出雲龍

金陵寄妓

金甌擘緋桃紅綃手自撚  
溶溶春意流炯炯秋波  
轉與爾桑中期共結橋下盼  
玉笋纖益嬌蛾眉清  
且淺握雨陽臺遙行雲巫山  
獻送我沙棠舟蓮花  
破蒼蘚婉婉戀懷舊驪涕泗  
中宵泣安得崑崙奴擊  
晴陽堂卷之七

彼海州大

登崑山題壁

馬鞍山月古東望水悠悠  
地轉潮聲動城空嵐氣  
收僧房能借火客坐已生秋  
竹葉開蓮社尊前爽  
籟浮

贈天目山慧心上人

東方生不見桃實幾千秋  
慧日開心鏡慈雲作渡  
舟神堯戀汾水子晉識浮丘  
寄語方平者麻姑尚  
可留

題芭蕉

綠袖拂雲英題詩筆陣輕  
夜來風雨多滴出金石  
聲

同吳門諸子汎舟金閶

一棹滄浪急雙舷野樹芳  
莊生問濠濮陶令隱柴  
桑伐木春求友投珠夜有  
光題橋司馬意挾刺欄  
衡狂幻婦真奇絕潛夫尚  
渺茫翻芸圖史潤洗墨  
池波香筆硯田何薄詩書  
興自長未須尋梓澤無  
路達汾陽赤水藏鱗甲青  
山老棟梁已知溪叟意  
晴陽堂卷之七

陸宮保適園

畝宮成獨樂陰賞陟阿丘  
意冷看炎世神清任濁  
流雲深青鳥下風細紫芝  
幽籬菊含芳露餐英及  
九秋

招隱篇贈宣城莊孝甫

男子志在四方喜揚竹帛  
曷隱哉梗楠豫章

終蹈白刃又不梁欒承明間不若野樗之爲  
安也彩鸞錦鳳縛而俎豆趙孟之堂羨鷦鷯  
一校矣士無大措于時輒南面丘壑名流千  
秋黃徵君郭有道至今壽也勝萬戶侯五鼎  
食故隱

陶公擲五斗韓伯懼知名一去不復見那顧人間  
情灞陵與栗里逍遙亦何管達士步芳軌荷鋤甘  
躬耕茆堂取容膝鷄園多蔓菁外窄中自寬味澹  
心無驚握管吊千古擁書儼百城焚香拊綠綺益  
晴陽堂卷之七 二十

筭吞黃精魚腸借俠烈不與凡夫鳴時作蘇門嘯  
劃然思步兵遐哉披裘公黃金與土輕君不見鷗  
夷去韓彭烹犧牛侈文繡庖丁霜刃明神龜藏楚  
庫身死籍浮榮鷦鷯南海頭矯矯摩空清鷗鷺竊  
腐鼠翻疑與之爭嗤彼大梁相而欲搜荏生吁嗟  
智鄙殊誰爲塵間英我作孤山鶴高飛天雲平我  
押滄海鷗忘機物外盟我學伊川鳳嵩山往吹笙  
同武林沈士徵野步

湖光白露秋枝策出行遊遇險尋紆徑逢深覓渡

舟山籠和靖鶴海狎漆園鷗殘照懸三竺霞飛赤  
雉頭

### 東園即事

小苑多蔥翠渾忘漢叟機課童鹿藥砌邀客上漁  
磯紅雨花成陣青陰樹可圍斜陽高柳外棲鳥帶  
春歸

### 六言詩

### 閨怨

曾記十年裘馬無非兩字功名有信只憑秋鴈無  
晴陽堂卷之七 二十一

端斷送春鶯淚雨橫沾玉瑟愁城偏向銀葉爲報  
王孫芳草蠅頭蝸角空爭

### 秋夜懷方衆甫州守

明幌一床寒月飛簷數點輕雲鐵笛梅花吹落鳴  
鴻天外離羣

### 七言詩

### 周公瑕來訪留飲

年來何是慕荊州識面心輕萬戶侯蒲筍欲稽名  
士飲瓊珠慚向主人投南華一卷書堪問北海千

尊酒共浮縹緲扁舟自悽愴龍蛇不渡五湖秋

題畫馬爲楚中張侍御

臨池髣髴下神鵷舉筆分明奪化工紙上何須看  
牝牡詩成直若動蛟龍英雄豈惜千金價瞬息曾  
追萬里風只恐丹青羈不住一朝飛出畫圖中

王百穀太學舟中

河汾才譽古無儔蓬底相看欲暫留  
飛掃筆花雲作雨龍騰研水氣橫秋  
堂前已下陳蕃榻溪上先開戴子舟  
斗酒平原須十日手披珠玉暗香流

晴陽堂卷之七

二十二

螳螂吟贈陝西花將軍

螳螂渺蟲也奮臂抗車則楚王却步遂使勇  
士嚮風荆用以霸何其壯也猶然役役榆枋  
間方且逞忿蟬翼快厥雄心不知黃雀已陰  
關而啗之矣因感韓淮陰功畧蓋世徒步瞬  
息裂千里而王之且也不自秘遜揚揚曰我  
將兵多多益善卒致臨刑太息不甚莫乎於  
戲智若信猶弗了乎螳雀之喻吳白英彭又  
安足道作螳螂吟

螳螂子氣何烈一怒間當車轍半臂之力若有餘

萬乘之塵應斷絕楚王驚避狼虎羣風聲吹動龍  
興雲螳螂立生百倍氣蜩蟬歛翅無飛翁壯圖已  
遂不復歛從傍黃雀將收君感慨王孫志願酬懸  
金剖玉登龍樓君王睥睨憂養虎屬鏤駢首鐘室  
頭昔年屋簷等柯蟻此日鼎鑊成犧牛英雄枉慘  
真可憐臨風一吊猶潛然漢家天子元不薄赤松  
黃石全天人人生烈氣輕岱嶽到底須知一着先  
燕山題罷五湖水莫學螳螂空捕蟬莫學螳螂空  
捕蟬

晴陽堂卷之七

二十三

捕蟬

莫方伯手柬索拙稿

頻年落寞向樵漁敢學相如賦子虛窓下只留高  
士傳山中時得右軍書地因鄉郭疎蘭社路別雲  
泥斷草廬自愧茅心無一技不堪金玉換蒲樽

贈青浦侯屠長卿

初承朝命宰新州遠近歡騰頌我侯政績自今誇  
召杜才華從古步韓歐清修欲似一泓水好善能  
來萬里舟莫道雲間非只尺敢無公事見言游

懷楚中鄒汝弘太學

壯遊落落等漂萍時事驚聞不可聽一夜頭從心上白十年身向眼中青莫嫌楚壁頻經主猶有吳鉤始發硯自昔傭耕多燕雀獨留鴻羽到滄溟

贈金華徐幹華孝廉

王孫馳馬薊門秋姓字頻看碧漢頭雙鯉欲傳天上信相思明月庾公樓

醉月篇簡方衆甫

秋夜月明若晝諸子叩柴高呼索醉張子張

晴陽堂

卷之七

二十四

子剖斗列豆痛飲畧形意有所到歌簡兮三章忽悲語成啼又忽壯言雜笑又忽啼又忽咲又忽停者數次隣父恠訕之謂張先生酩酊也諸子獨嘆曰張即獨醒奈何有心疾吾輩當以清歌解其愠迺翕然歌赤壁之首章聲音踈越嫋嫋鏘鏘張子謝曰諸君身際西方美人當作夔龍若老瞞狐魔直穿窬之雄耳孰若江風山月吞吐千古哉諸子樂甚因分韻得東字俶張子爲醉月歌食頃張子詩

成手拍朗吟四座欬歔又生烈心蓋悲壯悉存越蚤諸子賡和金石流落人間真可不負

明月

良宵皎月垂梧桐有客有客來自東縹緲祥雲竟千里斗牛射彩朝爽穹漢闕生輝搖兔窟天河盪景歸銀宮床頭新醅正芬馥與君色咲披情衷主人吹落孟嘉帽玳瑁凝漿肝膽通蕭條獨我黃花瘦詞賦如君白雪工雕龍錚錚羞月露繡虎燁燁吹霓虹李白放歌惟有酒劉伶乘鹿豈不聰張旭

晴陽堂

卷之七

二十五

百篇頻百斗葛巾手漉欣陶翁慚余襟襟泣岐路卷舒浮梗憑天公造物小兒果無意袖懷明月光靈融兩片頭霜半毵白一腔心燼猶煨紅憶昔老瞞灑江上自稱濁漢之英雄瞻公作賦渺一粟傲譏鬼域文章中吁嗟美人出西土豪傑悲歌期身逢自疑自嘲還自信睥睨塵世皆成蟬把杯醉語見真性搦管裁詩追古風同學少年咸結綬張儀舌在悲途窮磻谿綸竿釣魚叟天家完簞占飛熊世事高低等飛絮人情俯仰猶飄蓬大塊遽磨礪

過隙酖顏在苒枯，菱銅芒屨不到胥。靡領洋洋苦  
海烟波漲，趁此皓魄盡傾倒。殘星歷亂虛簾櫳，嘉  
晨好友不常會。後夜難期月色同，鵲鵲典得玻璃  
滿。雄心剔透聲瓊瓏，繩樞金馬亦齊視。剛腸卓犖  
峙隆隆，匣裏魚腸吼雷雨。神光夜夜騰崆峒。

### 詠雪十有八首

莫廷韓歸燕中談朔雪之威，相與擁爐拍浮。  
命張子詠其意，戒全詩毋得見雪。張子呵凍  
搜枯自辰至酉，得詩十有八章，上包天文，下

晴陽堂卷之七

二十六

羅地志中括人情，總總洋洋紕漏是懼。雙毛  
黑雲幾生六花詰旦，絨致廷韓廷韓訓書，謬  
推曰得足下作不佞罷詠矣。居亡何廷韓逝  
去，嗟嗟人生消息與雪何異？爰錄舊篇益增。

### 新愴

飄揚寒粟蕩長空，鶴髦初披步晚風。最愛精神飛  
動處，凍梅先已踏通翁。

總叙也

素英片片壓枯條，坐想王徽慰寂寥。爭點簾櫳焚  
篆，靄恍疑身世在鮫綃。

總叙也

南樓頻望亦依稀，舞練千尋正掩扉。滴漏未殘庭

院曉，庭前猶拂謝莊衣。

總叙也

雋然園徑欲鋪銀，東郭偏宜敝履貧。滿樹梨花經

日薄，老松和淚向陽春。

總叙也

六花飛出斷還收，臺殿生涼碧漢浮。大將征西霜

劍冷，君王親賜紫貂裘。

帝王也

翻翻鷺羽覆琉璃，鳳輦宵臨皓色知。天語殷勤呼

趙嫂，尊前尋罷太原師。

宰相也

不見沙鷗漾遠洲，嚴威深鎖石城秋。英雄趁此擒

晴陽堂

卷之七

二十七

元濟一夜三軍盡白頭。

將帥也

程門雪積漸成岡，夜半書牕映有光。信是公卿由

白屋，却將瑤草結茆堂。

書生也

冰珠滴瀝過長途，觸面飛來貫酒無。馬首藍關誰

是伴，孤蓬蕭索到江湖。

旅客也

四壁清輝照水晶，喜逢幽景報窓明。山陰不盡歸

來興，剡曲遙看一葉輕。

豪士也

縵天吹霰徧黃雲，粉雉高懸鳥墮羣。獨有袁安甘

冷澹，簾床千古剩餘芬。

高隱也

蓬簷低噴破蒼苔挾纈誰將此地來穆帝若從臺  
上遇有詩續賦東人哀窮民也

玉砌堆酥瑩彩華獸爐香暖海神車淒風不透銷

金帳咲賞羊羔弄紫霞富人也

溪前微撲掛柴簑身似嚴陵兩髯皓爲取雙鰲江

浪早忽驚明月印藤蘿漁父也

撩亂疎林卷絮花縞衣霜斧未歸家負薪曾向君

侯哭岐路難尋急暮鴉樵夫也

洞口凝望瑞鴈時氣回霑足變青枝有年應入新

晴陽堂卷之七

二十八

編史萬井驪騰唱郢詞耕夫也

橫遠無聲衰柳中婆娑搖影濕征鴻吞寒直欲和

毛咽歎乳誰知雌與雄牧童也

寶鼎茶煙遠近天蹇驢騎出灞橋邊乾坤不夜通

靈島收拾琅玕落錦箋總持也

輓徐相國文貞公

公生雲間塋于越地大襄之日松人念公不

真誅吳峯越壘詩志無忘也

兩朝紅日萬年基一代青編四海知正倚筇鳩撐

國柱忽聞華鶴度崕屨屨城西望雲嵐夢若水東  
馳風樹思公與乾坤元自在故人空泪峴山碑

水亭

萬頃清波浮玉宇一卷奇石浸銀屏雖然六月無  
情暑不得憑空到此亭

秋夜坐二首

促織飛鳴秋夜晴簷前風色更淒清笛聲猶帶寒  
霜響劍氣不隨落月橫

一簣相對亦幽哉寂寥齋頭幌自開雲到五更天

晴陽堂卷之七

二十九

上淨風行千里坐中來

贈閩中秦孝廉之燕中

燕臺楊柳綠絲長十里春紅馬跡香自有綵毫成

虎繡莫教幽壑滯魚腸

張孝廉伯復招飲

逢驢對客寫新詩世上誰人是白眉時事盡從評

月旦生涯獨有酒杯知

登泖塔

寶塔登臨嘯步兵杯觀三泖白鷗輕浮雲半擁羣



峰外野樹蒼茫一鏡明

烏棲曲二首

才華即君憇花下長安市前噴蘭麝紫駘騎來黃  
金鞭墻頭春影高鞦韆

羅綺筵邊玳瑁光玉笋纖疑飛羽觴秋波宛然轉  
生媚一曲繞梁人盡醉

賀何士抑北閩報捷

北埜空羣報有聲故人聞說倍增情棄繻已驗驚  
關吏賦草初成問馬卿名姓正須垂鼎石文章元

晴陽堂卷之七

三十一

不爲簪纓張生未爛當年舌驥尾看從天上行

輓潘尚書恭定公

飲却春風天上行歸歸清譽屬耆英青霜總樹堂  
中望綠水偏流海外情黯黯山靈收劍履依依澤  
國見墻藁滿庭蘭玉聽雷動公在重原亦有聲

書顧光祿仲修扇

公子豪華出世羣胸如河海氣如雲黃金素爲收  
書畫白璧名因禮士聞閨閣舊傳吳下姓熊羆新  
編夢中文孟門自有歸來缺我詠緇衣學獻芹

題錫山華氏園

三十梅花小洞天茶壚初汲惠山泉相逢盡是烟  
霞客咲然花枝插髮偏

贈陳仲醇棄業學道

當年襟抱不勝豪欲擬前人喝蹟高自咲青衿羈  
七尺却憎黃卷誤雙毛延龍解識張華劍半李猶  
餘仲子蟠只恐考槃終未得五茸應復見干旄

出塞詞贈金陵馮將軍

蕭蕭領馬動長征燕塞黃雲幾戰爭春到王門關  
不出人從銅柱國忘生幕南直掃風煙靜斗北重

晴陽堂卷之七

三十一

瞻日月明莫訝馮唐容易老千秋竹帛寄芳聲

金陵懷古

白門城闕抱江流王氣從來散復收萬古興亡渾  
是夢六朝人物總成丘鳳凰臺上日初暮桃葉渡  
頭雲亂愁龍虎自歸真主地紫金陵上樹千秋

贈閩中李叔玄民部

星輅東駐欲勞賢赤手平分半壁天綵筆淋漓驚  
北海瑤篇璀璨睨青蓮八閩風色清如水千古才

名氣似煙伯仲之間見雙壁書生誰是棄繻年

讀范增傳

王斗敵殘計不收鴻門從此割鴻溝當時劉季真王者誰教公爲豎子謀

贈吳門范將軍鎮海上

大范勲猷又著名清朝推轂重干城堂前不減三千客腹裏能藏百萬兵鎧甲有光爭日彩旌旗無影聽雷聲葵心自許丹青事東海年年見太平

看梅晚歸

晴陽堂

卷之七

三十三

春城日日看梅花杖履歸來月正斜稚子低聲問何處酒尊香裏便爲家

洗兒錢

襁褓藏胡事可知赤心相信不生疑漁陽動地來鼙鼓就是宮中三日兒

江浦道中馬上口占

江天風雨促行裝南北中分望建康馬走極雲隣鳥道難聞清夜舞魚腸屏軀不愛千金重壯膽猶存一線長陌路有情誰寄語野花流水伴斜陽

南譙道中

半空雲色染衣輕百里荒臺倍慘情猶有一般鄉國態烏啼高樹兩三聲

彭城懷古

項羽開都霸業雄三秦傳檄楚歌空而今戲馬臺前路惟有鶯啼衰柳中

滁州憶醉翁遺事

環滁山色秀朦朧太守當年號醉翁亭榭儼然千古跡不知何處吊歐公

晴陽堂

卷之七

三十三

廬州題旅舍壁

蕭蕭行李大江邊盛暑長途馬不前山外有山洵險隘我中無我任風烟帝王宮闕三千里身世浮游四十年已識廬山真面目杖頭時挂買花錢

合肥旅舍和鄭山人

故國雲遮已數旬相看旅館寂無隣危嵐策馬侵霄漢斷澗漸車隔水滸千里王孫誰共飯百年虛境自知津江南江北俱傳旅四海浮名總是塵

江上

觸浪南來一葉秋歸心如水流東流少年莫遣江湖老却怪蘆花易白頭

渡江和江都張廣文

翩翩千里一歸舟楓葉蘆花滿境秋撲地煙光偏舉鷁排空浪影不驚鷗六王臺榭須臾事萬古波濤日夜流正憶祖生曾擊楫休嗟李廣不封侯

贈吳門周服卿畫家

騰騰湘管出風塵花鳥能飛更有神一片丹青千古色安排煙景自璘珣

晴陽堂

卷之七

五十四

北歸抱病親知來訪

歸來千里聽秋聲抱枕聞之更慘情閣外九三供醉眼毫端十五換連城風雲擁榻山中宰鷗鷺來庭海上盟消渴正憐司馬病不知誰爲乞金莖

送彭欽之太學北上

翩翩才士向燕宮馬首昂藏氣亦雄白壁淚含和氏恨黃金臺築郭隗功尊前不盡桂花酒天上行看杏子風莫愛封題頻尺鯉爲啣春色到吳中

秋興二首

梧葉一聲驚破秋澹雲澄碧波悠悠英雄赤壁戰場古指點吳山最上頭

飄搖紅樹江潭清桂子花香金粟盈拍馬行來人不識開弓直射九天鵝

涼州曲二首

月落寒空星皎然青天淨洗黃河連哀鴻南歸濕霜羽夜半蕭關人不眠

百二金墉飛鳥驚西風緊吹笳管鳴將軍氣豪夜秣馬明日陰山聞悲聲

晴陽堂

卷之七

三十五

秋閨夜二首

蛩吟唧唧更漏長一葉西飛庭草黃露冷欄杆凭不穩誰家搗衣聲斷腸

當頭明月生峭寒寂莫鴛鴦飛枕端萬里銀河光耿耿不知何處來青鸞

題高主政不染臺

陰晴相半景偏嘉遊冶即君勝若邪綠柳暗藏鸚鵡舌小橋橫枕一溪斜

題橋李項氏園亭

山亭水郭興無涯  
杏雨堯風處處花  
勸爾臨岐慢分手  
直邀明月上窓紗

贈楚中王胥濤

翩翩霄羽落林臯  
口吐青霞出鳳毛  
縱有燕臺收駿骨  
豈無秦相戀綈袍  
胷中已識千秋鑑  
眼底誰翻八月濤  
楚壁不須垂下淚  
平原杯酌弄秋高

題梅贈洛陽戴君求

寒影蕭疎傍水栽  
養成玉骨趁時來  
萬花不敢從前發  
直待先生開後開

滄溟集卷之八目錄

七言詩

壽樵李陸太宰

翠玉齋二首

集古句詠園亭

集古句詠宮怨二首

春宮詞集古句

春鶯二首

春早和儀真薛士翹

春思和宣城梁季芳

詠西府海棠贈人

張公洞和荆溪吳道卿

悼王元美司寇

明妃曲二首

謝南京楊濟卿文學

題京櫓贈汴梁林叔春

晴陽堂卷之八目錄

送江西陸季龍遊燕

題梅贈寧國梅君調

別常州謝伯雲山人

遊顧仲方中翰東園

從兄于約分惠竹秧

泖上和黃廣文叔範

西湖和錢塘祝子禧

庭坐見月

楊柳枝詞

吳門韓州守齋頭

見燕巢有感

病中自慰

謝山陰名醫潘望龍

春遊三首

壽詹郡侯公祖一首

詠新筍贈何孝廉士抑

感遇歌贈白門諸子

杓霽和永嘉洪山人

鄉居得方衆甫訊至	吳門姚叔乂齋頭午集
暮景和嚴州陶用之	贈孫姬和南昌辛受卿
別閩中顏廷瑜光祿	游墅飲李叔玄公署
壽楊太宰	忘吾詩贈葉叔明文學
徐澤夫太學池亭	壽董司理八表
丹陽侯公署	贈吳門孫叔達畫家
題畫四首	莊園雜興四首
林太僕招飲南園	別閩中丘廣文
句曲道中	棘園微雨感興二首
晴陽堂 <small>卷之八目錄</small>	土
陪都雜興三首	飛來峯書李將軍箋
謁岳王廟二首	讀李陵傳
陪都諸友夜集索字	爲劉內相題却錢圖
謝何士抑三首	宜興吳伯用山齋
崑山王玄陽齋中	贈閩中游文學
登虎阜四首	吳門懷古四首
贈三衢名醫徐天瑞	和吳門王工部正叔
閨夜和會稽王山人	青樓怨二首
贈寧波黃仲高孝廉	少年行贈南京劉將軍

牧童詞	漁父詞
先尚書舊第看龍起	梅雪和寧國寶伯康
從軍行	周公瑕齋頭
周中丞德政歌	王百穀齋頭午飯
丹陽荆君子君慶吳江張公任飲齋頭二首	
崑山顧孝廉靖甫張孝廉仲立集舟中二首	
壽范太學順卿親家	桃花曲
客坐有感	贈楚中琴師歐陽穉修
送譚公祖轉漕北上	別黃叔範師尊
晴陽堂 <small>卷之八目錄</small>	三
金閨夜泊	出塞詞贈顧總戎表叔
良馬歌贈詹公子	望夫石
秋官月	題嚴陵釣臺
題梅贈新都汪仲玉	新柳四首酬陳仲醇
山房雜興五首	題三清圖壽潘方伯
春莫四首	月仙唵四首
壽陳山人七表	泊城東水門
簡楊州陸無從太學	秋風篇和楚中孫伯符
送楊科院公祖還朝	訪武林蔣潛卿不值

馮學憲東園二首 睡覺口占

贈邑侯項父母考績 孫刺史宅牡丹盛開

萬壽節頌 燕子和徽州金士章

贈武林楊孝廉北上 題顧仲修東園

酣虎丘值金閨諸子携筇扇尋訪索書謝却

懷江西衷司空老師 別山東熊九玄文學

茗溪吳公擇兵部臧晉叔國博集何園二首

感懷兼寄蘇常諸子 常州白氏園

晴陽堂 卷之八目錄 四

滄漚集卷之八

華亭 張重華 虞侯著

七言詩

壽樵李陸太宰 先生雅善家舅氏 楊中丞朋石公

鷓鴣水鍾靈蔚有光者英名世自流芳銓衡八座心

猶赤劍履千春髮未蒼馥郁崑莩依綺席翩躚島

鶴奏霓裳欣逢盛代咨遺老屈指因公憶渭陽

翠玉齋二首

草堂容膝臥烟霞竹榻橫安處士家搖動數竿湖

晴陽堂 卷之八 乙

畔王亭亭清影照襲紗

松光拂檻暗峰頭更有梅花傍水幽靜讀黃庭山

鳥聽箇中消息問沙鷗

集古句詠園亭

芭蕉分綠上窓紗 楊誠齋 青草池塘處處蛙 司馬溫公 獨

坐黃昏誰是伴 白樂天 一池月浸紫薇花 洪平

集古句詠宮怨二首

門橫金鎖悄無人 崔華 草樓前雨露新 張清夜 半

城絃管沸 姚合 岸傍弄李為誰春 張諤

紫鳳銜花出禁中

王昌齡

羅裙蟬髮倚迎風郊孟天階

夜色涼如水

杜牧

烏鵲爭飛井上桐鵲

春宮詞集古句

杏艷桃嬌奪晚霞

唐彦謙

小廊回合一溪斜張曾經

玉輦從容處

王涯

馬踏春泥半是花鵲

春鶯二首

香風十里杏花天柳外鶯聲亂紫烟喚省王孫不

歸去輕車拚醉綠溪邊

聲聲歌管出新畦腸斷深閨草色萋啼落桃花心

晴陽堂

卷之八

二

一片幾年魂夢度遼西

春早和儀真薛士翹

東風冉冉陌頭輕景物俄新照眼明綠柳漸看千

萬縷黃鶯初聽兩三聲雷驚竹笋將抽玉月到梅

梢已放英自是農桑齊作始元元萬里荷昇平

春思和宣城梁季芳

暖雲籠日暗高空草樹葳蕤後苑東燕子初來梁

上紫桃花飄落水心紅翩翩雙蝶窺人過渺渺孤

鴻何處同芳路爲逢疎雨濕挿堤新柳又舊愁

詠西府海棠贈人

海棠枝拂艷陽天黯澹春從花下妍帶雨有情窺

我意含風無語向人憐嬌紅淺着宮中色嫩綠深

藏掌上僊一片芳心寄幽夢莫教青女落花鈿

張公洞和荆溪吳道卿

金羈玉勒動高風靈谷千年有路通上藥已成人

化去石床丹竈自朦朧

悼王元美司寇

茫茫大夢亦蘧廬司馬才名北斗墟睥睨千秋成

晴陽堂

卷之八

三

袞鉞交遊四海盡璠璣尊開綠綺時揮麈閣引青

藜獨著書此去桑田問僊子五陵消息竟何如

明妃曲二首

自憐紅粉泣和戎戎服翩翩出漢宮鴻鴈若還報

天子妾方搔首學飛蓬

胡塵撲面馬蹄賒金鼓簫關泣漢家妾死妾心看

妾墓百年相殉一琵琶

王介甫詩云漢恩自淺胡自深非臣節也

謝南京楊濟卿文學

舉手驚披五色雲緘開題素意慙慙楊雄已就河

東賦伯樂能空冀北群

題京榴贈汴梁林叔春

天邊花色傳芳種五月紅雲照眼新不道洛陽雙  
翡翠爲誰偷出上林春

送江西陸季龍遊燕

匡廬春色向皇州秣馬河亭覓勝遊自恨楊雄空  
執戟却憐李廣不封侯香生芝草含風潤語托鴻  
毛入夢幽美爾平原方入洛茂先今已雪盈頭

題梅贈寧國梅君調

青陽堂

卷之人

四

霜雪縵空挺玉英先春不與百花爭歲寒獨飽天  
邊露留取官家作傳羹

別常州謝伯雲山人

張平嘗學賦東京謝朓詩成語更驚記得河橋分  
手處數株楊柳共先生

遊顧仲方中翰東園

半空樓閣礙飛霞山外笙歌別有家知是豪華公  
子地萬竿搖動玉橫斜  
從兄于約分惠竹秧

龍孫分得上陽岡鳳翥高栖王有香本是連枝到  
魂夢滿園春草綠池塘

仰上和黃廣文叔範

桂梁蘭橈錦練中烟光明滅盪晴空飛飛鴈鵲橫  
洲卧去去蘆花隔岸逢塔影靜浮湖上月鐘聲遙  
度嶺頭風來游畫是雲霞客何處仙源有路通  
西湖和錢塘祝子禧

湖心亭上望諸天烟雨從空思渺然遠近樓臺三  
竺外高低桃李六橋邊前朝帝子餘歌館今日王

晴陽堂

卷之人

五

孫逐畫船山色四周看不盡喜逢明月更留連

庭坐見月

香庭清隱翠交加一曲滄浪注淺沙月影未流闌  
外雪夜深無語對梅花

楊柳枝詞

九十春光陶令門青青遊冶暗江村一枝冷浸新  
波近萬縷陰垂古意存因見陌頭愁少婦爲封侯  
事覓王孫東風立馬能相惜啼罷鶯聲日正溫

吳門韓州守齋頭



博山爐裏迴青霧雲母屏前泛紫霞綵筆欲書無限意忽聞簫管在隣家

見燕巢有感

危樓百尺燕巢高燕母含兒敝羽毛却恠兒成自飛去不知母氏有劬勞

病中自慰

病枕蕭條驚夢殘雙衾六月轉生寒炎涼有頃迷天壤丹石無功控鶴驚寄語園林芳草道好留顏色病人看壯心未肯隨萍梗萬里雲霄一羽翰

晴陽堂卷之八

六

謝山陰名醫潘望龍

病骨蕭然一鶴軀高堂愁白重勞劬爲逢蘆扁千年手始信參苓萬斛珠頻死幾回非我主餘生留得是誰扶最憐不朽成何事反哺那能及鳥烏

春遊三首

油壁輕車陌上頭誰家深院響篴篴暗地撲來香不斷不知人在幾重樓

遠黛蒼茫碧漢浮海棠初放酒初籌回船簫鼓龍門浪百里平灘漾白鷗

愚公谷口習家池踏遍花晨二月時綠草紅花描不盡數聲幽響小黃鸝

壽詹郡侯公祖一首

峯泖陽和動八垓壽星高照德星臺明時邦伯生靈主漢室諸侯宰相材畫求公門衡石靜香浮禁苑御屏開陽城自拙催科者尹鐸原稱保障哉名重西垣收宇宙光涵東壁近衡台昌期五百摩金狄僊樹三千結玉玆薊北正虛前席待江南猶借袞衣來翩翩鵲躍堦前祝燁燁鸞書天上裁赤子

晴陽堂卷之八

七

仁風揚島嶼青衿化雨仰徂徠採成玄棗爲靈藥挹得長湖供酒杯春草瑤池聯夜夢雲龍瀛海聽轟雷廟堂已識賢勞意指日鳴珂闕下推

詠新笋贈何孝廉士抑

萬玉生香遍紫原後園晴日正春溫龍頭多少聽雷動盡是東君衆子孫

感遇歌贈白門諸子

蓬屋茆簷妙停轍廬巷蕭條靜啼鴉此時車馬朱門喧不向寒扉顧巖穴主人高栖春意足抱膝孤

嗟芳草綠床頭寶劍欲橫磨席上龍蛇噴珠玉鵬  
鵬扶搖青天低耿耿星河照文曲家無擔石誰能  
憐丈夫意氣猶翩然攬衣大咲出門去一擲須臾  
百萬錢黃金聚散無常期素心崢嶸非人知蝸角  
蠅頭何足數龍雲豹霧相追隨壯遊有意曾題橋  
肯使蛾眉歌戾戾十年貂裘蘇季子歸來妻嫂增  
悲恥一朝金印腰間懸望塵接拜若流水世情寒  
燠多改更醒眼相看盡如此千古人豪韓淮陰詎  
思一飯揮千金登壇爲報漢天子倏忽秦楚皆成

晴陽堂卷之八

八

擒昔年市上閭里兒胯下王侯希知音英雄英雄  
頂時成榮枯萬狀憑虛盈時未遭兮空切切尊前  
驪語萌猜情時來雷雨遍江湖雖然叱咤風雲生  
不學堯敬仲霸業早卑世所輕不學殷深源蒼生  
切切浮嘉名釣渭叟耕莘夫幹旋乾坤垂芳聲時  
乎時乎人自召一片春從堯李咲男兒策立匪隨  
人辜負韶華去年少君不見梗楠之材蓬荪中公  
輸相求進廊廟

初霽和永嘉洪山人

青山過雨淡玄空山色松光翠靄中嬌鳥弄晴梳  
濕羽聲聲啼出小梧桐

鄉居得方衆甫訊至

鴈羽翩翩去欲徐好風吹出故人書一封新墨無  
他事爲報春明到草廬

吳門姚叔又齋頭午集

斗酒增人萬斛春尊前細語自真真爲逢清景開  
幽興席地何妨倒主賓

莫景和嚴州陶用之

晴陽堂卷之八

九

山閣深沉處處花晚雲飄泊一溪斜好風吹出三  
江月落日曛成萬里霞遠岫不飛悲去鴈中林鶯  
墮隱歸鴉忽聞蛙鼓青堤外渡口行人已到家

贈孫姬和南昌辛受卿

玉漏深沉春可憐青燈幽冶伴嬋娟梅花帳裏桃  
花面結得芳心到百年

別閩中顏廷瑜光祿

草草逢君意自投驪珠探得坐中收使君席上多  
名士角鼓頻催當酒籌

許野飲李叔玄公署

高樓深語欲生秋才子揮毫清夜遊一自闌亭携  
手後相思明日又孤舟

壽楊太宰

耆英名重宰卿身公旦稀齡間世人五百乾坤銅  
狄古三千鴛鴦玉衡新南狐度影浮黃閣北斗躔  
輝傍紫宸夜夜蓬萊看氣色江城海屋共回春

忘吾詩贈葉叔明文學

茫茫身世亦依稀了悟年來事已非野馬風塵誰  
晴陽堂卷之八

是相海鷗去住獨忘機爐前點雪紅無意室內生  
虛白自微真性却難加一物葛天人解箇中幾

徐澤夫太學池亭

臺榭青青花木陰新篁吹影浸湖心與君痛飲分  
宵話半是南華半梵音

壽董司理八表

鴻碩高躋渭叟年曾持三尺五雲邊庭留玄鶴神  
奇相閣有青藜太乙編玉杵搗成無上藥金精摩  
出箇中僊兒郎更稔天人技博得崑崙綵袖翩

丹陽侯公署

曲房幽雅一蓬壺梅樹當窓淡有無惟石蒼然碧  
古色璽瓏不與畫工圖

贈吳門孫叔達畫家

看君筆下勢如龍烟景淋漓淡復濃何事丹青隨  
手出宵中丘壑幾千重

題畫四首

紛菲紫綠暗溪亭遊冶高驪去路青夜練搗殘天  
上月樓頭嬌女夢初醒

晴陽堂卷之八

亭亭直上大夫松絕澗茆堂第一峰我愛稠陰迷  
日影探奇萬仞獨扶筇

飛檻臨沼浸星辰碧漢層層拂眼新水色山光天  
萬里乘槎誰是問津人

寒粟空騰徧地瑤灞橋風景漾鮫綃鱸魚正美酒  
初熟鶴髦高吟勝管簫

莊園雜興四首

寂寥西蜀子雲亭枕石襟湖百里青萬竹當庭藏  
兔魄八窓臨水覺魚鯉

十畝桑園二頃禾山光流翠水生波摩登捧研揮  
新語千古風神屬老坡

庄所幽閒別有天和衣帶草臥林前醒來不見蝶  
飛去一片清蔥養鶴田

縱步行行趁落暉丈人提甕亦忘機飽尊飲盡溪  
頭月醉語喃喃未肯歸

林太僕招飲南園

露冷沙清水上家虛舟不繫照靈霞西池蹤跡無  
人到後園離離棗似瓜

晴陽堂卷之八

十二

別閩中丘廣文

殷勤數載沐恩濡此日愁看驛路紆北海鄭玄來  
七閩東陵周勛重三吳每從色咲歌芹藻深愧樗  
蒲不璉瑚萬縷綠楊羈去馬同門携榼酒千壺

句曲道中

馬首翩翩望建康高城千尺麗金湯長途惟有雙  
龍劍獨斬江鰲和酒嘗

棘園微雨感興二首

細雨天街萬景新好風吹動坐中春諸生自是調

元手綵筆行雲更有神

蒼龍久臥墨池邊乍雨驚聞直上天一夜秋聲送  
孤枕題詩偏潤百花箋

陪都雜興三首

少小群推腹五車况携三尺上京華高談便覺天  
花振氣吐層霄作紫霞

澄然秋色對窓紗角鼓城頭急暮鴉南望六宮騰  
王氣碧琉璃上月痕斜

秋風拍馬到天涯堂上雙人雪作花欲向日邊窺  
晴陽堂卷之八

十三

五色張騫猶有漢時槎

飛來峰書李將軍箋

大塊生奇別有天飛來何處不知年橫捋竹影風  
雲外亂插峯文霄漢遶洞口滴泉晴復雨山頭歌  
鳥斷還聯前朝莫話南遷事手撚花枝一醉眠

謁岳王廟二首

誠心報國鬼神知片紙奸雄竟有辭八日兵行期  
破虜十年功廢在班師康王自是疑君父少保空  
勞盡蘚葵若道主臣未相識精忠親賜御書旗

中原已是無梁汴和議初成厭牧頗宋室君臣真  
似醉公家父子枉遭羅奸臣死矣誅何及公論冤  
哉久不摩埋骨西湖心未了豈因時事恨風波  
讀李陵傳

欲掃強胡竟失身英雄空自掩沙塵望鄉臺上悲  
秋客猶是當年臣漢人

陪都諸友夜集索字

天家滴露玉爲盤耿耿銀河漏未殘小雨却從頭  
上過揮毫不畏五更寒

晴陽堂卷之八

十四

爲劉內相題却錢圖

劉寵清風世卓然臨行無柰萬民憐今人錯認先  
生意也向民間選大錢

張子遊南都劉內瑞倩客持劉寵却錢圖索

詠蓋祖之也張子漫題前韵客喜曰古人詠

諧孟浪足挽世風近觀子矣張子曰士處鴉

結之日靡不立意不侵淄涅者及其出也或

黑白改色余能言人未必自淬然私心自濯

久矣客還報劉公劉公喜甚餽張子文綺一

玉玦一象筋二十頭張子謝曰九原有知不  
敢爲劉先生咲請辭

謝何士抑三首

買得青山避市囂迢迢珍重到林臯相思僅有寒  
霞色寄與良朋助綵毫

傑士如君邁古今少年同社實同心五更杯酒鏡  
粧劍一炷爐香理素琴

秋風蕭瑟曲江濱念子怱怱夢亦頻縱有九峯成  
勝地坐無三益是真貧

晴陽堂卷之八

十五

宜興吳伯用山齋

數聲絃管隔溪聞對酒相將勸與君坐裏不知更  
漏永梅花吹落樹頭雲

崑山王玄陽齋中

斗室藏真樂有餘床頭多是道人書蕭然半壁孤  
雲影不復人間賦子虛

贈閩中游文學

千里交情結駟來江南春信壠梅開雙龍夜半光  
生斗聞道燕山已築臺

登虎阜四首

七里平塘到此丘，三吳風色隱高樓。  
寒雲正鎖欄杆碧，絕巘層層翠欲浮。

閒來身世學浮休，名士相將覽勝遊。  
劒石尚留先代跡，不知誰處覓吳鉤。

千人石上月華留，小榼提壺酒百籌。  
咲語天花生席地，不須檀板沸箜篌。

輶轡聲動汲新流，欲洗纓塵片不留。  
遙望吳門誰練馬，蒼山一點故園秋。

晴陽堂

卷之八

十六

吳門懷古四首

秋日歸自晉陵夜泊盤閭間寂寥枕上憶吳  
越興亡事知盛衰否泰若循環况夫差氣盈  
勾踐心淬則其間人事亦判士苟懷新膽靡  
不有樹何獨人國

姑蘇臺上一輪秋，昔日繁華去不留。  
天賜越王君不取，至今遺恨會稽頭。

行人傷感子胥門，吳事紛紛不可論。  
不愛扁舟湖上去，只因先世感君恩。

英雄雌伏困強吳，新膽歸來事有無。  
動地錢塘江上主，當年石室馬前奴。

西子如花絕世姿，教成歌舞作吳姬。  
蛾眉自有傾城色，不待貔貅百萬師。

贈三衢名醫徐天瑞

少年瀟灑著荆吳，囊底時留九節蒲。  
讀徧岐黃千古秘，活人原不愛青蚨。

和吳門王工部正叔

東郭茅堂市水陽，寂寥清興素琴張。  
唐虞自是臨

晴陽堂

卷之八

十七

川意松菊猶存仲，蔚芳邊孝五經常。  
有篋鄭莊千里不持糧，多君戀戀風塵侶。  
尺錦緘題魂夢長。

閨夜和會稽王山人

東風何事夜憑闌，爲想離情泣露寒。  
拜月數聲無別語，征人千里尚加餐。

青樓怨二首

百花開罷自疑眸，腸斷清江水不流。  
十二璫瓏窓外雨，分明滴滴到心頭。

欄杆明月恨悠悠，砧杵聲聞枕上秋。  
風入小簷鳴

王笛關山何處是涼州

贈寧波黃仲高孝廉

汪汪叔度漢名流千頃波光照酒籌清興正憐乘  
剡雪投交何處覓吳鉤自慙北道元無主誰信東  
家却有丘五色春雲明王陞長干簫鼓鳳池頭

少年行贈南京劉將軍

金羈玉馬意翩翩志欲吞胡始息鞭白羽輕調走  
飛電清名千古勒燕然

牧童詞

晴陽堂

卷之八

十八

晴和風日萬家春野犢行歌一望新輕拂柳陰橫  
竹笛不知鐘鼎是何人

漁父詞

河海波濤若有神片帆吹浪下絲綸風雲假我崇  
朝便釣得鰲頭供老親

先尚書舊第看龍起

臥龍久欲登霄漢此日聲名天下聞萬里風煙騰  
劍氣一身鱗甲動星文勢分山嶽驚雷電口吐江  
湖作雨雲莫怪鯨鯢盡奔走世間神物總超群

梅雪和寧國寶伯康

六花飛出五花中掃徑烹茶鼎上紅陣陣輕雲籠  
玉樹踈踈清影盪銀宮

從軍行

頻年戈戟未歸家同事諸人半掩沙天子只稱驃  
騎勦不聞天外有悲笳

周公瑕齋頭

蕭灑閒身儼地僊出門時拄杖頭錢高齋清興無  
消遣洗墨成池種白蓮

晴陽堂

卷之八

十九

周中丞德政歌

東南半壁封泥丸烏臺豸斧光生寒虎繡文章軼  
班馬龍韜籌策卑孫韓頻年歲事不采菽慙慙赤  
子盡枵腹蕭條杼柚無完衣百里成墟鳥巢屋揭  
竿斬木來潢池驪火狼烟照空谷轅門緩帶麾青  
萍倏忽肘掣虹霓生笑談了此纔五日閭閻環堵  
壺漿迎功高不矜亦不喜閉閣勤思盜安起窮徒  
豈樂爲鯨鯢推而納溝吾所恥聯翩封事排九閭  
緩稅捐租均役使淪河疏賣勞輶車白茅黃浦耕

新禽憲臬公卿共宣力九峰五堰歸樵漁烈烈勲  
猷碑在口吳天楚日共長父願公食報千百年家  
家尸祝携春酒周公衮衣舒廟謨蓋稱江左爲夷  
吾

天子憐民借寇君仍留赤舄官東吳堂堂鴻碩王  
者佐燕閒三握時吐哺手挽江流作霖雨潤澤天  
下群黎枯

王百穀齋頭午飯

尊生齋裏供胡麻山斗東南繡虎家知是先生曾

晴陽堂

卷之八

二十

限鍊不堪門外有侯芭

丹陽荆君子君慶吳江張公任飲齋頭二首

萬里長空盪玉壺鵲橋橫斗夜即孤新豐酒滿黃

花節天外浮雲滌有無

湖亭秋色浸濠梁吾黨風流喜欲狂席上有杯吞

兔影人間無地不羊腸

崑山顧孝廉靖甫張孝廉仲立集舟中二首

飛飛鵠首鹿城秋名士當樽飲不休千古風流陳

散騎至今猶是說糟丘

有美諸君八斗才相逢杯酌傍江開洲前鷓鴣催  
詩興席上雲霞信手裁

壽范太學順卿親家

春風初度海初籌公子翩翩濁世遊閣有青藜臨  
太乙賦成赤壁悟蜉蝣漢陰恰似忘機叟湖上原  
無去國舟好聽洛濱鳴鳳曲看君嵩嶺接浮丘

桃花曲

武陵溪上聽黃鸝忽見緋桃點碧池不是落花人  
不惜忙鞋催過賞花期

晴陽堂

卷之八

二十一

客坐有感

王謝才情舉世雄至今猶有晉人風塵頭玄理成  
何物會見銅鈿荆棘中

贈楚中琴師歐陽穉修

中郎千載識焦桐誰似昭文弄古風寶鼎香銷寒  
月夜松公初度廣陵終

送譚公祖轉漕北上

天家循吏動王程琴鶴翩翩轉餉輕飛輓蕭侯扶  
赤帝度支劉晏格蒼生淮雲萬艦時魚貫薊闕千



門曉鳳城屏上高名稱報最東南  
杼柚見民情

別黃叔範師尊

得淑師門備士林高齋終日蕙蘭馨  
書成珠璧傳青眼興有烟霞抱素心  
載酒侯芭因問字聽琴伯子孰知音  
蒼山海國雲千里盛代憐材養望深

金閨夜泊

烟雨凌空百尺樓望來吳馬思悠悠  
姑蘇臺上新生月不記宮門幾度秋

出塞詞贈顧總戎表叔

晴陽堂卷之八

二十二

萬里旌旗冒雪霜漢家天子欲開疆  
王關人去新驃騎銅柱風生古戰場

良馬歌贈詹公子

豹尾龍頭千里驥肉眼驚看盡鞭撻  
雄心屈窟難自鳴留良空使驚群忌  
自從伯樂一顧間脫槽却極隨所試  
危堤峻坂等平原追雲逐電康莊邊  
當時聲價重百鑑上方奏入乘輿前  
君王愛爾渥注種金羈王勒玳瑁羈  
相看肉眼竟何辭同群驚馬將安之  
盛代恩深矢欲報文當和鸞武當馳  
昔年

相逢非伯樂駢首燕山悲漢落  
寄語世人慎評騭神駒爲駕能無作

望夫石

江水清江天碧妾意堅化爲石  
千古溪頭石易摩妾心不死如妾  
何天長地久望夫心望而不見悲  
嵯峨

秋宮月

淑女年德芳茂而光動人自謂珩  
筭金屋褒親顯宗無難也卒之歲  
華荏苒琴瑟弗考閨

晴陽堂卷之八

二十三

閣之中愴焉悲景非人情乎彼散  
地孤臣衡廬寒士抱赤握玄廼垂  
繆二毛徒投簪以虛竹帛掩袂以  
匿蓬蒿庶幾托之編摩以聲後  
來不若宮中女耶

秋空碧秋雲微金風刺刺梧葉稀  
欄杆橫斜自凭濕夜夜黃昏靜拚  
扉穿窓兔影攪難寐寒衾轉轉心  
欲醉昭陽殿裡雙鴛鴦不向閒庭  
交翡翠冰輪玉輦荷塘邊荷花馥郁  
君王前龍顏帶咲摘花躲妾身不及  
並頭蓮琉璃甲帳水晶樓鴻鴈哀鳴  
散

復收銀河倒垂滴妾泪滴滴年年無盡頭君王君  
王知不知妾昔來宮十五時十年不見君王面身  
如畫燭心如絲溶溶嬋娟光正滿清宵誰與啣瑤  
卮紅顏綠髮妾命薄天家雨露何曾私

題嚴陵釣臺

不着羊裘上釣磯無人知道是和非法茫大海容  
龍臥何用星文犯帝扉

題梅贈新都汪仲玉

鍊爲丰骨玉爲神耐得冰霜獨占春酸子會須調  
晴陽堂卷之八

鼎用不妨時下一寒身

新柳四首酬陳仲醇

東風脉脉萬林吹樹杪高眠第一枝河畔影搖初  
學舞章臺人杳乍題詩未逢飛絮沾行騎先有橫  
金列畫眉嫩綠恰傳袍上色不知誰是染衣時  
相看荏苒曲江濱夾岸疎條渡口津曾向柴桑依  
處士不堪驛路送征人王孫古道銀驄繫少婦高  
樓翠黛顰惟底于雲應自在錯教羌管怨紅塵  
紫陌悠揚葉有香漸舒輕陰欲成行柔情慣惹陽

關恨媚態偏同宮樣粧線抽園徑驚春早絲曳池  
塘覺晝長寄語東門游冶客莫隨攀折任君狂  
弄音鸝鳥碧梢邊縹緲韶華又一年嬌眼欲窺吳  
苑麗纖腰試取楚王憐沉沉翠幙新堤見嬈嬈青  
旗遠境偏矬覩稠陰春似海獨開烟景百花先

山房雜興五首

閒居落落卧江湖些子茆堂覆竹梧亦有一般忙  
我事手携梅雨灌菖蒲

清宵寂寂掩蓬樞暗裏深藏不夜珠縱使劉郎無  
晴陽堂卷之八

擔石也餘湘帙滿紗幮

坐中何處不青山蘼徑春深獨往還草就一家梨  
棗上嘗留金石在人間

碧草抽庭不欲除小簾垂綠病相如遙天莫覩同  
時士知是何人賦子虛

幾年桃柳報江汀吹出東風髮漸星夜夜床頭懸  
北斗肯教塵色暗青萍

題三清圖壽潘方伯

生日即呂仙降晨

寰中燁燁靈瑞生芝蘭與石稱三清紫莖含光凌

五色幽花吐馥成九英太湖之石多玲瓏犀文漆  
質來喬崧芝蘭倚石恰連理千秋萬禩將無終漢  
陽太守孫允執揮毫淋漓墨爲汁手題素卷丹青  
飛雲霞騰空岫立談君袖之百鎰珍文士群稱  
口滄滄絕焉交情懷故人携來爲壽臻海邑東海  
主人震世良曾追召伯歌甘棠河漕轉挽功蓋世  
胷中繡虎包琳瑯純陽降晨公正出造物有意邦  
家光年垂古稀若童顏聰明步履捷藥瓢疑  
傳八洞丹玉笋頻傾五陵俠對客呼盧意氣豪拂  
晴陽堂卷之八 二十六

春莫四首

半生瀟灑似雲霞花事經心遣歲華燕子未來春  
未去後園新笋漸抽芽

黃鳥初飛綠樹津片雲如畫草如裊浴沂童冠知  
多少盡是春風坐裏人  
萬木葳蕤烟徑迷王孫馳馬坐高驪風光九十誰  
收去綵筆新將錦字題  
陌上遊人單夾衣杏花齊發映雙扉樓頭少婦傷  
春老柳色青青繫落暉

月僊吟四首

春日同彭欽之徐長孺袁飛之集西郊周美  
人月僊奉卮酒爲壽諸子分詠相贈

晴陽堂

卷之八

二十七

名士來遊聽玉簫玳筵開處素娥嬌牡丹芽小金  
蓮嫩張敞新眉醉裏描  
筵前無客不坡翁操女翩躚到錦叢雙髻拂雲橫  
黛靄秋波頻轉紫霞中  
清歌縹緲興冷然鳳幙高懸兔影僊弱笋纖持龍  
尾硯長庚揮手抹花箋  
婀娜青娘似洛神桃花爲面玉爲人風流自昔推  
張緒十二樓頭月色新  
壽陳山人七十

大隱曾聞在市城稀年黃髮鏡中生豈無百里興  
秦策那有元方仕漢情堂上綵衣雙壁潤庭前朋  
酒萬花明僊翁應是麻姑侶親見蓬萊幾度清

泊城東水門

粉雉當關水勢吞幾年風雨靜黃昏夜深不許鯨  
鯢過萬里潮頭爭進門

簡楊州陸無從太學

蕪真帶草數行書日日江頭尋鯉魚忽有冥鴻飛  
羽便問君消息近何如

晴陽堂

卷之八

二十八

秋風篇和楚中孫伯符

洞庭秋杪風吹衣衡陽山高鴻鴈飛桂子生香露  
華濕芙蓉拂影波光微牛女凌寒漢河隔蕭疎閒  
庭鳴促織驩娛世事不常滿深夜思閨興嘆息十  
年王孫騎五花綠雲如蓬根顏色關城冷骨初透  
人單衣栗股誰相親羽檄星馳霜鼓哀弓堅馬肥  
白草津千里涼空送笳韻數峰明月迷漢秦吾黨  
風流獨蕭洒四時不謝時生春書窓靜聽林樹頭  
歸鴉奪柳散還收輕敲鍍馬亂銅漏簾槩洞啓雲

入樓讀書之樂吾自得蘭花不爲人前幽世間朽

物迺青紫唯有金石千年流圖南萬仞大鵬翼肯

將身世齊蜉蝣君不見歐陽賦就秋聲篇開卷讀

之時慘然漢武雄心吞百代汾河橫濟辭無前人

生對景強撥抱莫如宋王悲當年我欲爲君乘金

飈探王魄采取一枝天際邊

送楊科院公祖還朝

諫垣聲譽斗山垂馬首皇華擁節旗天子垂衣念  
吳越名臣封草動華夷整整菜色回春意點點葵

晴陽堂

卷之八

二十九

心有日知榮戟再臨輝俎豆撫綏迎刃慰群黎

訪武林蔣潛卿不值

丹霞一曲隱松關放鶴孤山人未還開得門前三

徑路却容二仲出雲間

馮學憲東園二首

竹院沉沉翠影浮天雲澗水共清秋閒來手撚臨

川筆勝是人間萬戶侯

海鷺無心出世塵酒腸詩面足藏春雲亭上寂莫通

幽興識得侯生問字人

睡覺口占

曾說羅浮事有無茫茫海底識珊瑚夢中蝴蝶應何在  
在蕉鹿渾忘學釣鱸

贈邑侯項父母考績

天聽歸歸卓有餘政聲山斗御屏疏恤民父擅陽  
城譽禮士能先孺子廬寵出絲綸猶借寇名垂金  
王共稱邁駕班多史何須問臺閣勲猷照簡書

孫刺史宅牡丹盛開

名園傾國豔琪花一曲清平拍紫霞珍重洛陽姚  
晴陽堂卷之八

魏色東皇莫待好風斜

萬壽節頌

六龍長麗九重天虎拜齊稱萬壽前青鳥自來朝

漢主華封何用祝堯年

燕子和徽州金士章

烏衣公子曲江頭春羽雙飛入畫樓華屋已非前

歲主落泥不到舊堦篴

贈武林楊孝廉北上

書藏星斗劍生霜拍手燕雲是帝鄉馬踏六橋花

作錦黃金臺上柳絲長

題顧仲修東園

茫茫蕉鹿任雄雌小有茆堂借一枝種竹子猷能  
作主觀魚莊叟竟誰知桃源寂寞人迷境菊水甘  
芳市隱居三徑松羅開二仲酒期花信共新詩  
憇虎丘值金閨諸子携箋扇尋訪索書謝却  
蓮花貝葉寂禪堂免管魚箋興渺茫抱甕自甘尋  
漢叟千秋不慕魯靈光

懷江西袁司空老師

晴陽堂卷之八

三十一

虹溪老師昔爲吾郡伯謬知不佞提携誨譽  
蓋師生而骨肉也一別十有五年今且終  
南臺亡何而陟大司空矣

少日恩波許化鯉鰈鵠無翅學鵲鵠八行芳信梅  
花使十載幽思栢葉樽附驥自憐虛伯樂擊壺空  
老咲王散公門苑李春如海百尺烏臺雨露繁

別山東熊九玄文學

百年河海重連城忽聽陽關夢亦驚此去好憑劍  
衍舌歸來不復魯諸生

茗溪吳公擇兵部臧晉叔國博集何園二首

世上誰真古押衙坐中顏色辨瑜瑕心逢知己授

蘭契不受黃金愛酒家

小坐齋頭情更親聲聲細語自生春揮毫對客闌  
幽興滿眼雲龍五色新

感懷兼寄蘇常諸子

李溢曰大夫權書萬  
卷何假南面百城

雙毛飛雪上頭顱江左昂藏識丈夫黑海未分龍

勝負青山猶覺豹模糊百城蠹簡擁南面三尺魚

腸掃北胡俠骨自疑還自信劉郎生計在樗蒲

晴陽堂卷之八

三十二

武城懷古

割鷄何必用牛芒學道聞言試一方他日英雄爭  
楚漢數聲絃誦動君王

常州白氏園

荷房蕭索漸生寒秋菊含英亦可餐夜半忽聞天  
上樂推窓猶有珮珊珊

滄瀾集八卷

江蘇周厚  
增家藏本

明張重華撰重華字虞侯華亭人是編前有張位  
姜寶一序位序稱其有集百卷先粹八卷寶序稱  
其文言言欲奇其詩首首欲出塵清新然大抵拉  
襍不入格如稱九峯三泖曰九三雖終守居園池  
記亦不至於斯矣

朱秉器詩集四卷文集四卷

〔明〕朱孟震撰

中國科學院圖書館藏明萬曆刻本

附《四庫全書總目·朱秉器集

八卷》提要

朱秉器詩敘

明虹朱使君守渝州日愚嘗聞其風慕其為人直欲泛江舸出縉雲峽相與登高唐吊杜陵灤西故廬嘯傲煙雲涸潑之濱以忘吾老未能也後十數載君復來為觀察使往者登高之節君嘗以書來示所刻朱秉器詩謂愚當敘諸首愚報書曰某本劔南野人與獷狁漚鷺雜處白首不聞道放絕文事垂三十年立言立功舉非吾分漫然虛此生既自悲矣唯是海內英儒招匠未嘗不心銘而籍記之錄為野史藏諸石室異為掌故家一助今乃得讀朱使君詩蓋風雅之選也詩無問晉唐漢魏大都閎逸瀟灑可入神品臨秋江月夜誦之如逢赤斧

朱秉器詩敘

升虬龍召湘妃鼓瑟流商激羽吸引  
沆瀣了不知世界有塵俗氣其於古  
今人代詩家體格風流諸不暇計也  
即建安江左何為使君前後鎮蜀郡  
縣肅清頌聲滿江漢雖冉駹氏道黔  
黎鑿齒不人之國皆貼貼嚮風後來  
勛業在盟府圖形闕庭豈須磨決嘗  
見汚陽陳玉叔與吾郡侯周國雍每  
於座上誦朱秉器詩若奏金石殷殷  
不輟休二君皆中朝文獻名家其於  
秉器殆若林慮山人鍾子期聽琴而  
得其所不言其氣味同也然愚所望  
於使君者計日為賢公卿佐  
天子節宣元化與堯舜賡歌明堂之  
上聲諸清廟並傳不朽可能獨取暇  
日攜斗酒與海內二三詩豪班坐浣

朱秉器詩錄

二

花魚鳥中出險韻聞神奇鳴鳴相唱  
和為哉

岷峨樵父任瀚著

朱秉器詩錄

三



朱秉器先生詩敘

萬曆癸未新淦朱秉器使君觀察吾蜀則沔陽陳玉叔以叅知行省至二君故譚執相洽甚也再同入峽亦異數哉使君出所為近稿四卷眎玉叔定之而走使函不佞虞閬山中屬叙其首簡虞讀而卒業穆如弄欽巖之谷幽澗淙琤又如當天風叢篁喬林聆竽籟琅玕之響也蓋使君鴻博昭曠雄騫冥觀而才情婉附流調鬯發即藻績豐縟而澄澹一致元聲宛然無所稍牽合牢籠為者大都唐初四子之邁右丞嘉州之適陶韋之冲庶幾乎兼有之古之云孤桐朗玉自有天津將非使君詩之謂耶夫聲音之道與政通矣我聞詩不足動天地感

朱秉器詩敘

四

鬼神裨教化移易風俗何取作者為哉使君蓋持是道守渝而渝治鵠乎涪萬巴黔焚道播川之間晏如也今儼然提三尺領百寮司秋憲之府而太和氛氲陽春被物腴實大穰寒燠靡忒若赤水白草邛笮巴翠之夷固時屠啗相搏繹騷我疆自使君來臨舞題向化諸徼帖然秦圉寧謐蓋和雖穆清風所動變如是矣夫昔鄒生一吹律而寒谷黍滋師文總四弦則景風慶雲甘露灑泉柱指而應也感通之道豈不大哉而自茲者朱弦清廟泰階調元正屬使君事善乎玉叔要以臯夔周召之業金蘭哉同心之言也乃不佞則益感于今昔世故重烏嗟焉

朱秉器詩敘

五

世皇帝時余守西曹郎蓋與六七君  
為社邸中倡和甚適也而么膺妬人  
詬睨特亟各繹繹擯散去殆盡自是  
操觚事為時大崇

今上右文諸君甫蒸蒸起相壘壁墨  
卿詞人靡不翩翩排雲者蓋湛滅英  
靈之氣溢而成茂明鴻爽之風倚哉  
盛矣邇若銅梁張肖甫一帥遼薊唾

朱東器詩敘

六

手取定遠勲名汝南張助甫尊俎靈  
武塞上隱然虎豹在關使君與玉叔  
方連帥閩蜀英英直陵台斗並足托  
靈長休嘉之治于萬千百年蓋吾黨  
一時揚厲如此矣夫誰何云者士而  
可廢言詩哉

時

甲申季夏望日巴西陳宗虞于韶甫

頓首譔



朱東器詩敘

七

朱秉器詩集敘

豫章以詩名者曰余德甫朱秉器王孫用晦三人者余友也余友德甫則自郎吏部而德甫以閩臬入

賀會於燕市莫逆也未幾德甫以忤權相罷余亦列調籍隆慶丁卯余治楚岳陽德甫移書介余交於用晦又十年治張掖而秉器潼關以詩投余

朱秉器詩集敘

萬里外明年治三輔是時余友王敬美李本寧以督學使者相代而秉器將入晉同集省署期之廿年得之一旦遇亦奇矣明年余之晉數與秉器游明輔先生園授簡談秋不啻在秦又二年秉器遷蜀余遷朔方風馬牛不相及而仲氏見甫為閬中小吏秉器以賓禮禮之曰安敢以一日之貴

而折腰彭澤耶其憐才下士若此時陳于韶家食玉叔守川東日與上下余從郵筒中絡繹往復又不啻在晉也夫余交德甫最蚤而亦最蚤失去交用晦于德甫無論失去即鮮一日之雅惟秉器最後而最深于德甫用晦云秉器慕汲鄭之為人食客嘗滿幸舍猶懼以吐握遺也磬折翼趨如不勝比急人之難則身之而不以他為解治簿書至丙夜不休兼亦不廢嘯詠若挈詞賦刑名于一而出以律者會見甫以秉器詩來屬為之序余覽其詩秦晉居一蜀居二而郎曹附之夫詩之以風名者魏唐秦函並列焉秦函則秦魏唐則晉也美哉秦風謂之夏聲然止侈其車甲田狩服御

朱秉器詩集敘

九

之盛以比之函則所以基王業急民  
事何不一法周也魏唐用儉而思深  
渢渢乎令德之後矣然陋隘迫削僇  
急哀怨其細已甚今典謨具存歌永  
言聲依永者如是耶蜀之君蠶叢杜  
宇曼漣不可詰不列于經然楊馬一  
起於漢遂為千古詞賦之祖夫始之  
典謨函而終之秦魏唐也始之侏儻  
而終之楊馬也疆域同而詞旨異焉  
德政殊而風化彰焉秉器進乎是矣  
總之不越乎二者其理以宰情而情  
卒不勝乎理爾雅深厚柔其穎而匿  
其采是欲函秦而典謨魏唐也其情  
以達理縱其才之所至或為理之所  
不必有以弔詭角奇是欲楊馬侏儻  
建幟於子虛羽獵挽而之漢也子云

朱東器詩敘

十

誦詩三百授之以政不達又云德不  
孤必有隣予故次秉器之所與游併  
著其大都如此

萬曆乙酉夏汝南友人張九一譔



朱東器詩敘

十一

朱秉器方伯詩集序

秉器朱方伯蓋自登第為郎時稱詩白下藉藉負風雅名久之遇予友張助甫陳玉叔六見稱賞遂相與倡和為同聲交遠今秉器位日尊名日著其所為詩業已流布士林膾炙千萬人口而予獨與秉器無偶缺然未奉其一牘塵塵聲相慕耳頃予方閉關

朱秉器詩集

十一

為志發言為詩此商所以可與言詩也即古有采詩之官用以知民俗奢儉澆醇而設教章示之至於諸侯卿大夫交接鄰國皆得以微言相感稱詩以喻其志故曰不學詩無以言詩之為教豈空言已哉今觀卿雲賡歌康衢擊壤上下交而志同詩蓋濫觴於此不獨三百篇為然乃若屈原離騷為詩之變體太史公贊其辭兼風雅而必先之以明于治亂又謂推此志可與日月爭光及夫漢栢梁七言由武帝大司馬以下君臣各言其職不相凌奪而其志亦較然以辨然則詩不言志雖工奚為此楊子所以薄丹青而刺鞞悅也初盛唐近體又自漢魏小變盡黜六朝靡曼之習相尚

朱秉器詩集

十二

為清婉宏麗語斐然一代名家其為  
言志則無古今一焉予觀東器負用  
世才志在四方宦轍驅馳三吳三巴  
三秦三晉之墟當天下半所至並能  
其官數見褻異

主上而猶以其餘力肆為詩歌若登  
高覽遠傷離懷舊戀國思家陳古誡  
今以逮折節布衣寄情寥廓諸體錯

朱東器詩錄

古

陳爛然有第或踵其事而增奇或變  
其質而加麗高不至詭異卑不至儕  
俗意匠所極才亦副之蓋有雍然赴  
節泠然中宮商者為其志先定也東  
器深於詩哉予何得之晚也夫用風  
雅之志為漢魏詩即漢魏不失為風  
雅用漢魏之志為唐詩即唐不失為  
漢魏此在能者從之東器旦暮且卿

相予所稱引采詩觀民稱詩喻志暨  
奉栢梁之詔與諸近侍大小臣各言  
其職皆東器事如以空言應之何以  
為東器夫射者之期於至且中也斲  
者之期於得且應也是志也而皆不  
能以言告人此雖小藝可以喻大東  
器且得之意象外矣予何敢贊一辭  
萬曆戊子伏日楚齋甄洞叟吳國倫  
撰

朱東器詩錄

古



朱秉器詩序

往秉器為南部郎結青谿社海內文翰之士無不願交秉器者已而秉器守渝州遇余于浣花溪上時時倡和在郁木生稿中嗣秉器游秦晉有河汾稿總憲于蜀與余再遇檢平生所作向余曰吾子定吾言乎余讀秉器自序而知秉器之詩日益也所稱游湘潭則楚音矣官金陵則吳音矣已為巴渝之音今其秦音乎蒲坂之都岐豐之邑虞之所以帝周之所以興也蓋得山川之助云善乎李子獻吉之自序也言詩有真耳至語昌穀徐子言周易有云鳴鶴在陰其子和之同聲者應同氣者求舜作股肱卿雲之歌臯陶矢而賡和召公從成王游

朱秉器詩敘

十六

朱秉器詩敘

十七

卷阿也作歌奉王王戚戚入也颯颯乎溶溶乎所謂風乎是真也其在虞周乎後三代而修詞者才有所乏情有所滯即為韻語何得言真而秉器則靈根恬漠體氣高妙日融星列川流霧散才之備也何所不有其神馳江海交多韋布溫不增華寒不改葉情之至也何所不周尸居而龍見淵默而雷聲神動而天隨秉器安能自知哉春容大篇寂寥短章每一手之鏗鏗鏘鏘曾點之瑟方希化人之酒欲清竊謂秉器之詩之真蓋多本于才情云或謂詩極于唐吾子何言虞周余觀秉器心虛志遠駸駸乎等而上之且也好脩長于政事絕無文人之病臯陶召之業殷殷屬焉假令

獻吉見其詩將把臂入林可與古人  
對壘矣先按察公言大江以西弘德  
間如熊士選嘉靖間如嚴維中隆萬  
間如子深王孫余德甫卓然名家秉  
器兼之矣張中丞助甫王學憲敬美  
李太史本寧與秉器和歌咸稱其詩  
三子非阿私所好者然則樹洪都藝  
林之赤幟舍秉器而誰耶昔元稹稱  
子美薄風雅吞曹劉掩顏謝兼昔人  
之所獨專儀封王子衡謂杜號大家  
自成格爾風雅曹劉顏謝之調有無  
哉元氏溢美矣天下後世有定秉器  
之言者將謂余乃聲氣之同非溢也  
何也大江以西之有秉器三子者之  
知言也

萬曆甲申春日五嶽山人沔陽陳文

燭撰





朱秉器先生詩集序

語曰士固有遇不遇蓋言仕也時為之也袁子曰士之交有合不合則神為之也神弗合則几席而秦越神合則萬里而比肩彼龍淵之劍物也且合況士人交道所繫寧銳乎哉余少侍先君濱州公公博洽寡儔不可一時士歎沾沾喜宗子相才子相才而狂甚亦不可一時士歎嚴事濱州公奉以為盟長也者何者兩相合也濱州公嘗私語余曰吾老且倦仕矣若安能與宗子相所交游中原五子徊翔士林也小子勉旃余心識之雅慕古文詞時從青衿後又未敢廢尺幅制執壹意千古也踰十年而子相溘然先逝濱州公亦謝世矣又踰十年

朱秉器詩集

序

甲戌余射策通仕籍是年先慈誕辰  
王元美太僕賦

帝里望雲之篇焉而壽踰年乙亥余分符為令吳明卿大叅則賦出宰黃巖之詩焉而贈又踰年丁丑余以大計入都也遇徐子與方伯譚執甚洽遂賦甓社相逢之歌焉而別董董數年所謂中原五子者一旦欣然交納各貽篇翰何者合也余犇馳官轍周游四方所稱同調交納者固不止中原五子而大江以西有詞卿余德甫朱秉器兩先生者才名籍籍耳稔之矣何繇一識其面哉又踰十年朱秉器先生典京兆余不佞附趨事之杪以雅道相期詩非大曆以前文自建安以後噤口勿譚其尚友之志合

朱秉器詩集

序

矣余與先生雖公署密邇不數數觀  
 顏色觀則相謂吾曹急案牘而緩詞  
 章先刑名而後涉獵庶幾於仕與學  
 兩得其奉公之意合矣先生又謂曩  
 昔好古者酒酣耳熱好譏彈時事每  
 以白眼齟齬曹偶曹偶忌之且嗾之  
 輕其人且輕其詞遂轍可鑒於余唯  
 唯避焉左行誼右文藻其崇本之思  
 合矣先生舊有集行於世近為中丞  
 張助父剛定付梓人命余序之余檢  
 其集評曰青谿社藁麗矣河汾藁工  
 矣黔南以後藁神解矣海內讀秉器  
 先生集者知先生才品又知素生之  
 所合於朱先生者如此  
 萬曆庚寅仲秋廣陵袁應祺文穀甫  
 撰



朱東器詩集目錄

卷之一

山中歌東黎丈

廿四

贈郡丞周公

廿二

送郡守周公

雞鳴寺塔

協中堂牡丹

茉莉歌荅陳思貞

代日立秋半峰亭

出都門志感

鳳凰臺

廿二

署中九日獨酌遣興

又憶家弟

任光祿宅試二泉

和荅金山人

別紀旭仁

時判  
臺州

送碩成都

贈曹子良年兄

玄湖春望

邀笛閣為陳子楚賦

送曹彰德

送傅大學歸新喻

浩歌行荅陳思貞

送唐吏部奏績北上

青溪閒遂得家字

寄金在衡

明月曲

首二

送楊祠部守姚安

首二

中山二首

邯鄲城

鄴城別曹使君

古劍歌

夜行

燕磯圖

桃樹

贈畫梅玉山人

賦得秦淮新漲

桃葉渡

首二

綠牡丹次四君韻

半峰菴得光字

穆皇帝輓詞

送張德南

秋日宮詞

九日登謝公墩

九日謝公墩感念

穆皇山陵北望賦此

九日懷江子望

雨花臺

陳烈婦詠

送何丈歸蜀

首三

午日憶家弟

送程孟孺

訪莫山人不遇

莫愁湖小集

觀音閣

贈教大學

夜酌對菊

首四

邵長孺既賦謝馬之篇諸子即席酬和華

明伯因舉美人走馬之什雲卿文學病

其未盡乃為正之云似矯還似怯憐駿

復憐神於是長孺足成一篇余亦賦此

賦得窓中度落葉

青溪對雨

秋影亭得微字

鬱鬱園中柳

相逢行

塞下曲

移家

送蔣子微

過喻膳部小酌

送莫雲卿

秦淮烟月

立春日送莫雲卿

寄荅張幼于

白下送周山人

春雪次廖水部

送唐太學歸五羊

雨花秋色得溪字

荒口舖

謁張桓侯廟

接待寺次東阜公韻

奉荅嵒嶠張公

初度感懷

朱東山詩集目錄

三

送張德南歸閩中

夔州郭使君以大母之變乞歸不得乃械

狀請銘於蜀縉紳先生不肖才謝中郎

無能為役爰賦一詩酬之

卷之二

秋日寄夏使君

平蠻凱歌

讀留侯傳

小至前懷沈梅二子

胡張二文學來自麻陽言念舊遊不勝感

歎於其別賦小詩贈之

寄金山人在衡

資陽道中

春興

春日酌夏使君

再送李太史

禱雨

寄張符卿

長壽七夕

安岳道中

道傍言墓歌

述觀

懷西草堂謁少陵先生并懷蜀忠武侯

玉泉山武安廟

習家池

殷太師叱干墓

漳河懷古

朱東山詩集目錄

四

望遠曲

湯陰縣岳王祠

叢臺用壁間韻

金臺客邸留酌黃孔昭邵長孺

荅于美

楊柳

南陽阻風

禱詩

大佛巖午憩

久雨

次荅張中丞

張使君招飲杜園適有吳客能歌因泛舟

東下飄飄乎欲仙矣幽懷未已清興轉

溪爰賦短章以識良會

午坐

青羊宮集諸僚長

蜀忠武侯祠

雨夜

美人手首三

不寐

秋日贈珠上人首二

迎春詞

江上送季弟

留別游大初

送任侍御首二

將遊大梁嵒嵒先生解佩劍為別而侑以

詩蓋於是三贈言矣感懷高誼賦此為

謝

寄胡文化督學

寄李本寧太史首二

寄張維訓明府

宛平李于美明府示余古墨齋集其事甚

奇乃秦蒲城亦有茲剡斷而復完之者

則蜀中丞劉遠夫先生也二事一碑殆

尤奇矣歌以紀之

寄甘州張使君助甫

助甫書報俺酋動歸巢之興賦以志喜

七夕

桃林秋早懋玉皇閣

將雨

望嶽

別王若思比部

繡嶺

新豐

東氏竹園年集首二

芝川鎮過司馬公墓

東氏園酌文振甫 雪後遊華嶽

薄暮望韓信塚

肅邸冰燈和助甫本寧

七夕日寄李本寧 寄上張中丞上谷

寄荅張太乙憲使 送曹以漸叅伯

李龍美官久不調已作四詩訊之矣尋有

比部之擢小詩志喜

寄金在衡 九龍池別張助甫

謝孔汝錫方伯 送胡荊甫之上谷首有

用敬美韻懷張助甫

秋曉 曉行

秋夜李比部襲美梅孝廉客生趙倉曹夢

白柳山人陳甫邸中小集得杯字

忻州道中

曙鍾

崞縣對月

秋日王明輔方伯園池同張助甫憲伯

正甫宗正園亭

秋閨

送呂中甫

呈謝邢侍御

水泉行

贈王將軍寧武

天門山

秋日哭孔汝錫墓

九日登樓有懷同社

寄費民益

桂園留別明甫

朱東陽詩集目錄

七

賓陽洞謝李使君

用韻答立謙之

夏日訪周子禮

和答九江林使君

東林寺曉憇因懷林登卿使君黃孔昭顏

範卿二子

白兔亭

贈父和甫光祿

重入渝州

首二

答陳子韶參伯

金沙寺訪羅元戎

送陳玉林之閩中

贈黃將軍

寄本寧

遇缸莊再送至林

梅花館

天尺樓

為王

病中得助甫中丞書夜酌見甫志喜

讀于韶送見甫詩

見甫丰神酷如伯氏讀其詩又翩翩魯衛

也喜極賦此

送袁茂文入賀

楊以德六首遙訊却寄

西亭小集呈謝彥實

卷之三

朱東陽詩集目錄

八

醉歌行送王希文

客枕

徐子裁來自渝州小集長庚亭限韻

寶光寺訪徐子裁賦得潭影空人心

武侯祠

草堂寺別徐子裁

再送子裁賦得越烏巢南校

寄徐孝廉

新春寄答見甫

春日寄答蔡伯華

得陳甫詩寄答

送李使君之閩中

寄懷歐頑伯

送房憲甫入賀

首二

寄答陳子韶

過新都懷楊太史用脩

金沙寺聽僧滿泰琴首二

和子裁二詠

石犀寺同子裁賦引有入寺懷袁茂文

金沙寺觀新水 曹世登草堂小集

送吳孝甫還新安首二送洵上人歸洞庭

再送吳孝甫 寄懷梅吉士公岑

送王比部首二和荅楊孝廉首二

人日酬于韶 劉道徵參伯小集

朱東陽詩集目錄

灌口謁李公祠引有不寐首二

竹軒雜興首二西征

懷汪子建

王長卿內子繡佛工甚詞客傳詠者衆余

亦賦此

七夕劉道徵同賦

中秋月色佳甚因懷范太史金沙水亭却

寄

送何念卿比部 別李總戎

和別蔣使君節甫 別劉道徵

遊中巖寺

遊凌雲寺同范太史因寄周大參首二

廣德寺

內江郡王軌詩說禮樂善觀賢以余有貴

竹之後特請于蜀國主集諸大夫為餞

清夜燒燈登樓把菊綢繆愛戀泣不能

相捨余行遣二蒼頭持雙燈為別感其

誼不薄為賦一詩寄之

朱東陽詩集目錄

春日洪世龍參伯招飲渙磯灣

鳳嬉堂讌集首四謝劉子元中丞

寄梅禹金 來喜堂秋霽偶成

扶搖閣 寄王奉常敬美首二

賦得秦淮月寄湯義少

秋日寄懷周國雍首二

昔在都城山人胡茂承氏出錢如意詩見

示今十又二年矣夜讀甌甌洞稿則明

卿先生蓋兩及之豈異物奇人有不能

忘情者倪仰遊踪觸而成感爰賦近體

以當晤言

清明述懷寄楊義舛首二

春日渙磯亭子 用韻答譚總戎

寄周國雍 得于韶閣中書

綠波樓為助甫題 寄黃勉仁侍御

五懷詩引有 金山人在衡

陳明府子楚 姚典客原白

盛貢士仲交 哭莫廷韓

朱東魯詩集

目録

士

送楊義舛入賀 萬壽

送蔡爾通入賀 萬壽

贈胡文化 元夕鳳嬉堂燈宴引有

秋日寄懷助甫首二

賦得桃花源寄懷陳明府

玉堂白鷺

吳明卿先生書來惠敘小集兼枉瑤篇鄭

重雅情踰溢望外用韻呈謝且識余私

慶鳥首二

和荅鄭克漸 白鴈

秋日遊水月菴 水月菴觀新橋仙跡

竹香館為楊孝廉賦首二

和荅楊聞吾徵士 夢亡女

中秋卧病棘闥得助甫中丞書并惠荅八

篇霍然愈矣喜而賦此

入覲用韻別洪樂甫

用韻別鄭克漸 用韻別盧使君

用韻別吳使君 飛雲洞

朱東魯詩集

目録

士

飛雲洞讀吳明卿先生詩用韻奉懷

寄懷鄭克漸 寄懷洪樂甫

別譚總戎 別伍督學

辰溪贈郭蕉周

遊於將軍園林登層樓高處

哭曹世登叅伯

南陽即席分得庚韻呈孔炎子厚宗侯父

子袁更生文學

十一月十九夜宿新野瓦店夢亡妻黃宜



人抱一子卧余三四促之起蓋此為舊  
遊地而亡兒崑壽往以是日夭於潼關  
不勝悲感因賦二絕

俠客

哭王奉常敬美<sub>首二</sub>

河上逢王<sub>林</sub>使君

讀王<sub>林</sub>滕閣諸詩

旅夜同王<sub>林</sub>談藝

和顏範卿左史

和荅正甫宗正

何仁仲二園詩

卷之四

讀李惟寅貝葉齋詩并扇頭二作卒兩呈

朱東<sub>甫</sub>詩集<sub>八</sub>目錄

十二

謝并弓小侯新集

春日酌徐子裁朱德輝共得流字韻

豫讓橋

順德道中

楊花

輓貞吉

寄陳玉<sub>林</sub>京兆

寄胡使君

寄荅<sub>希</sub>斯宗侯

病中寄京師故人

送柳陳甫之豫章<sub>首二</sub>

維藩錄為<sub>希</sub>斯賦

寄題<sub>希</sub>斯逸園

青藜閣為履方王孫賦

艷歌行

和荅鬱儀宗侯

行甫將邀余蒼蒼閣余不果赴小詩奉寄

春日陶楊二使君招飲赤<sub>首二</sub>壁

百可園呈鄧震卿<sub>首二</sub>贈梅公春

將抵新息寄助甫

夜集助甫中丞乾甫貢元後之孝廉同賦

得文字

登綠波樓得珠字

泛舟汝海得人字

遊百泉

朱東<sub>甫</sub>詩集<sub>四</sub>目錄

十四

宗侯孔<sub>炎</sub>子厚父子同薦詩

寄李本寧

喜雨用韻荅袁文毅

荅湯堯文別駕

夏日邀<sub>殷</sub>無美李惟寅諸社丈湖亭小集

分韻得清字<sub>首二</sub>

次<sub>殷</sub>無美虛字

次李惟寅孤字

次汪子建萊字

次袁文毅寒字

次朱可大稀字

次蔡子瑞皆字

次凌伯升迷字

次申敬中移字

李太將軍惟寅招集演梵寺蓮池分韻得

明字

次殷無美天字 次李惟寅秋字

次汪子建人字 次袁道饒峰字

次朱可大高字 次袁文毅遙字

次蔡子瑞看字 次凌伯升厄字

次申敬中山字 次龍君御樓字

次李小侯飛字

劉玄子比部獄獄淮揚便道光州小詩代

林東野詩集

十五

餞因懷助甫中丞

題袁使君名宦鄉賢冊

張幼于內子輓章 送塞司馬渝州省親

袁文毅司理招飲成國園亭分韻時無美

惟寅道饒可大子瑞子建余與文毅集

者八人伯升敬中以疾伯焜正甫君御

以祀事小侯未及邀不佞得城字

次無美秋字 次惟寅湖字

次子建歌字 次道饒重字

次可大天字 次文毅黃字

次子瑞風字 次伯升寒字

次敬中村字 次伯焜遲字

次正甫雲字 次君御西字

次小侯山字

鄒孚如司勳程孟孺大學秋日枉駕小集

蓮花池

蓮花池集王元德高正甫龍君御吳伯焜

分韻得終字 再得人字

朱東野詩集

十六

蒼雪齋詩

雪後望西山

白塔

送汪山人歸洞庭

送何侍御謗楚藩幕用李師中送唐子方

韻 再送何侍御

春日蒼雪齋梅

萬玉山房為張太常賦

十六夜蒼雪齋觀燈

賀李倉曹考績

將母榮壽詩為鄒考功賦

次答張武選

送穆銀臺閱視剡門

送喻倉曹

春日顯靈宮燕集得冬字

春日同惟寅北郭追送敬中不值有懷

和荅玉牀廷尉

閏三月三日卓徵甫程孟孺朱汝脩何仁

仲招同李惟寅小侯汝藩出遊西郊分

得凌字

和惟寅尊字

和徵甫催字

和孟孺飛字

和汝脩花字

和仁仲人字

和汝藩城字

壽陳思貞七十

送羅藩幕之楚

將之晉陽荅雪齋主人以四詩見贈束裝

勿遽敬和其一

用韻荅正甫宗正

春日李太保惟寅張諫議玉車殷職方無

美素計部文毅高國博正甫姜客部永

明朱光祿可大吳膳部伯焜凌金吾伯

升龍國博若御李小侯汝藩會餞分得  
元字

贈劉大學

秋日重集明輔桂子園

壽程孟孺母夫人詩

孔汝錫先生卒十年矣余來晉陽聞其子

客死詩以哀之

和荅若訥宗侯

誕日和荅山陰王

誕日和荅襄垣殿下

雪

別王明輔

贈李廣文

得請訓寧和王投贈之作

將之新息馳書報助甫中丞見甫少府乾

甫太學

余蒞晉陽久矣助甫中丞將遣力枉訊而

余信適至

將至新息助甫携見甫乾甫相迓是日雪

分韻得四支用選體

粟生所訪助甫見甫乾甫分韻得十一真

五言律

邀助甫見甫乾甫小集新息公署

助甫偕二弟招集呂氏山亭時牡丹初開

濮公山與助甫見甫乾甫言別

寄湯堯文郡丞

盛泰甫遠枉山齋以卷索題倉遽賦此

朱秉器詩集卷之一

新淦朱孟震著

武昌吳國倫

新蔡張九一

晉江黃克晦

維揚柳應芳

臨川朱元芳選

山中歌東黎丈

山中溪流清可憐桃花萬片春相鮮武陵

朱秉器詩集

卷之一

一

漁人已迷路天台遊客空茫然滄洲美人

羣玉仙胡不來此探幽玄會須坐石漱瓊

液把臂直上崑崙巔

山中雨過春草長仙芝五色分天章朝采

南岡滿懷袖暮采北麓盈傾筐我期美人

容色光欲往致之無所將塵埃脫屣一細

事胡不飽此栖雲房

山中紫蘭花葉新千崖萬岫何紛綸東風

飄香入我座疑有空谷來幽人我懷美人

隔雲樹對此不覺閒心神安得清標兩相  
向高揮玉塵娛青春

山中白石煮未熟夜夜燒燈燃楚竹一雙  
玄鶴下上飛三尺青童笑相逐美人迢遙  
空月明遣我孤吟振林谷安得靈蚪風駕  
來刀圭試取領如玉

贈別郡丞周公守鶴慶

芙蓉千樹石龍秋爛熳離情醉不收白日  
風雲雙劍氣盡船鏡鼓大江流于今北海

朱東器詩集卷之一

二

推父舉他日南人識武侯尤喜射洪歸路  
便此行先稱錦衣遊

射江名酒壓春紅歸日應知醉碧筒詞客  
尚憐題柱濕路人爭訝錦衣逢臥龍祠接  
蠻碑在金馬山曾漢節通莫向鄉園久留  
駐早將父教被諸戎

送郡守周公

千騎西方擁使君杯前行色莽風雲江湖  
地接雙旌入牛斗天懸一劍分臥閣定知

花遶檻隨車應見鹿為群自逢公瑾心長  
醉不是離筵酒易醺

雞鳴寺塔分韻得先字

寶剎聳青蓮攀躋入紫烟地盤龍虎會天  
薄斗牛懸霸氣沉吳晉皇岳俯澗瀝萬家  
紅樹合三楚白雲連日盡蒼茫外神期汗  
漫先無煩化人術因悟志公禪刀尺今何  
似風幡故杳然都将懷古調吟向玉臺前

朱東器詩集卷之一

三

協中堂牡丹雨中移酌王子敬  
千山飛雨挹香塵彷彿溫泉見大真莫惜  
移尊更延佇清宵難得賞花人

茉莉歌答陳思貞

南州茉莉天下奇六月火雲呈雪肌貞心  
不畏炎景鑠芳氣却任涼颼吹移來上國  
人共寶一種千錢植瑤島佳人清曉綴明  
妝斜倚朱闌矜美好主人愛花不愛色只  
喜天然去雕飾昨夜西窓壁月光恍疑素  
女遙相即幽香忽散廣庭中披衣急喚桑

芋翁鳳團和取薦活水一軟兩腋生清風  
陸郎憶作南行紀但識靈根殊橘枳豈知  
真味迥不群宣和八品差難擬吸芳更添  
秋兔毫舉頭仰見明月高長歌對花思不  
盡彷彿天聲催海濤

伏日立秋半峰亭分韻得峰字

金火秋相薄林亭望轉濃片雲隨匹練一  
徑入孤峰白日消長晷清飈度遠松美人  
不可見何處採芙蓉

朱東器詩集卷之一

四

出都門志感

遺經何幸竊微名又捧綸恩出  
帝京去日衣裳慈母線行邊風木旅人情  
廿年九地音容隔千里孤兒涕泗橫翹首  
白雲官舍在敢將忠孝負平生

鳳凰臺奉呈萬宮諭年伯黃給諫年

兄

鳳鳥千年去不回誰將亭館占崔嵬  
曲轉帆檣外山色晴薰殿閣來人代興衰

堪屈指廟堂經濟幾深杯浮雲直北長安  
道極目氤氲王氣開

錦石明花雙眼開晴絲輕象日徘徊玉堂  
文彩搖朱拱青瑣香風散酒杯芳草豈知  
吳苑廢浮雲還憶謫仙才乾坤俯仰俱陳  
迹依舊三山落檻來

署中九日聞諸丈登高獨酌遣興

黃菊飛英紫萸薦馥龍山地隔覺  
破帽之戀頭雲署秋清喜深杯之

朱東器詩集卷之一

五

入手聊成短倡用遣孤懷

共是龍山侶其如逸興牽已拚萸菊咲翻  
得簿書憐疊障高雲外長堤遠水邊也應  
饒落帽獨酌自陶然

又憶家弟

茱萸關客思獨酌對佳晨遙憶登高處應  
憐遊宦人池塘秋入夢鴻鴈日來賓所願  
身同健天涯意自親

任光祿宅試中冷惠山二泉

名泉誰遣大江來深碧沉沉注玉杯渴吻  
似傾仙掌露清風如坐妙高臺

品味分明伯仲間憑君一軟洗塵煩無論  
玉液還金液得似金山與惠山

和荅金山人

白首青衫常晏如閉門閒注養生書舊稱  
高士名何忝新卜西山樂有餘豈為橫眉  
供社酒將因抱甕美園蔬倦游誰道長鄉  
老健筆猶堪賦子虛

朱東器詩集卷之一

六

別紀旭仁時判亳州

聚散成飄忽相逢且盡觴一尊秋露白千  
里暮雲黃攬鏡功名薄登樓日月長芙蓉  
未可采何以贈芬芳

送顧成都

可信刀州有夢懸芙蓉城郭渺江烟青春  
早羨橫金日華省頻矜倚玉年劍閣石門  
天上路花溪錦水吏中仙武侯祠栢今千  
載勲德伊誰論後先

贈曹子良年兄

君才一石寫不盡八斗未說陳思王崢嶸  
首際龍飛運一朝獻策趨明光明光殿前  
初日好曲江花滿鶯聲早與君異姓為弟  
兄相逢意氣何傾倒御堤東畔天風香芝  
蘭郁郁侵堦堂高談時復霏玉屑不覺炎  
暑回清涼追隨幾何忽言別咲拂吳鉤散  
沉結蓮花吐匣照肝膽丈夫心許元如鐵  
金臺鳳臺高入天古來才傑俱翩翩與君

朱東器詩集卷之一

七

千里兩相望他時好寄停雲篇

玄湖春望

玄武湖頭春可憐遶堤花柳媚遙天風微  
鳬鷺參差下日嚴樓臺紫翠連龍氣深湫  
晴似雨馬蹄芳草暖浮烟白雲自是神仙  
署誰道蓬萊弱水邊

邀笛閣為陳子楚賦

邀笛當時步千年跡未沉昔賢餘曠達我  
輩此幽尋欲寫清溪弄無言秋水深誰知

虛閣上猶有踞床心

送曹彰德

北望韓陵五馬催風流故是鄴中才朱華  
綠水千年賦銅雀青天何處臺宇宙尚留  
雄覽在山川應待好懷開河渠沛澤還多  
少取送春江濁酒杯

送傅大學歸新喻

一雨江城九夏寒百壺餞爾且為歡眼中  
故識麒麟種天上今遺獬豸冠舟楫大川

朱東器詩集卷之一

八

浮日月篇章辟水動波瀾鴈行歸日應相  
慰莫忘西風振羽翰

浩歌行贈荅陳思貞

我吟君詩如嚼雪齒間漱漱流清寒吳山  
秀色千里隔奄忽對面開峰巒憶昔扁舟  
指吳越布帆曉度錢塘月潮頭雷鼓動地  
來恍惚冒懷蕩溟渤青鞵却走吳山巔六  
橋烟水迥茫然石路芙蓉雲錦疊遺蹤無  
處尋逋仙手携蒼龍呼濁酒白眼青天更

搔首朱樓錯落空萬家逸思縱橫共誰割

北行獻賦大明宮一官南寄白雲中西署

逢君且意氣東曹為我生英風新詩幾復

枉珠玉雅韻時時聞絲竹昔時山水藏精

靈一朝會合玄湖曲邇來惠我論交篇援

毫濡墨興翩翩素絹百幅揮掃遍明花碧

草春相鮮蹇余把翫心自失旋斲芳蘭開

錦帙風簷展誦不厭煩餘香裊裊飛梁塵

鍾山青青大江碧鳳臺亭亭幾千尺長吟

朱東器詩集卷之一

九

太咲神氣揚習習清風生兩腋陳君陳君

何大奇君家兄弟雙玉枝伯也薇垣近台

斗嗟君此際還栖遲男兒懷璞自有遇寧

用悲嘆沉鬚眉天門仰視高萬億願得紅

顏生羽翼乘鸞直上青雲端與君披腹呈

琅玕宸居五色龍氣蟠仙人玉珮鳴珊珊

俯首赤陛不敢謹寸心耿耿中自丹為君

酣歌天宇寬下窺日月如轉丸

送唐吏部奏績北上



秋雲生漢闕君赴陟明期山月留冰鑑江  
風送羽旗還憑秣陵酒一唱渭城詩想見  
彤庭奏千官觀鳳儀

青溪聞還得家字

青溪何處遂古步隱人家隔水殘霞歛中  
天片月斜春風到楊柳秋思入梅花不見  
胡牀弄高城起曙鴉

寄金在衡

一諷青山句相期又隔年坐看鍾阜雨已  
入菊花天吳市曾耽酒青溪合放船相思  
不見面翹首白雲邊

明月曲

珠閣沉沉玉漏遲自調花露洗臙脂何人  
解得相思苦正是牙床月上時  
初月纖纖自可憐若為裁恨入詩篇莫教  
歌向清虛府惱得嫦娥夜不眠

楊祠部出守姚安暫寓南郭奉寄二

首

天涯原自隔春明况復熊軒萬里行是處  
風流堪白雪到來踪跡信浮萍碧雞路入  
寒雲盡丹鳳城連北斗橫莫把綈袍悲去  
住劍歌聊以壯生平

駿骨黃金向未訓翻憐五馬遠行遊千鍾  
琥珀浮冰雪雙劍芙蓉挂斗牛南詔兵程  
經鳥道西山寒色且貂裘君恩不薄揚雲  
賦好待甘泉侍冕旒

中山二首

峩峩中山城乃在燕都南星馳四百里整  
此停歸驂重闥閑積雪古塔凌飛雲遠懷  
樂羊子虎視何耽耽一朝建奇績千秋成  
美談

層水積寒光凍樹挂飛霧北土寒甚霧起  
着樹輒成花望  
之如瓊林玉樹所謂霧淞  
者是也土人謂之掛挂悠悠南行客渺  
渺中山路四望莽沉氛玄冬正凝沍向午  
忽復晴萬玉競披露安得千日醪酣酌暢  
情素

邯鄲城

客枕間晨雞夢覺邯鄲道叢臺歌舞歇滿  
地彫霜草修途無閒人華髮不待老誰傳  
金丹訣長使容色好玄珠非外求冥心得  
吾寶

鄴城別曹使君

鄴臺冬日暖如醺一咲重逢興不羣朋友  
舊憐寒范林弟兄今是大馮君杯光似借  
清漳色詞藻居然北岳雲馬首却隨南鴈  
去相思邠遣寄殷勤

朱東齋詩集卷之二

十二

古劍歌

我有古雄劍朱匣七寶裝床頭十日九風  
雨蛟龍天矯騰精光斗牛紫氣夜鬱勃雷  
電神氛朝混茫旄頭熒熒向未滅慷慨夜  
中歌激烈一鳴期取可汗頭再揮擬滅關  
氏血君王神武自天生干羽何須煩寸鐵  
旃裘帖首款塞來抵掌空憐負雄傑吁嗟  
劍乎爾誠奇匣藏未試疇能知呼樽酣舞

聊相藉看爾倚天光陸離

夜行

高天幕平野皎月帶華星匹練寒光迅孤  
村遠燎青勞勞歸未得栩栩夢難醒何處  
橫羗管羈人可耐聽

燕磯圖

十年騎馬叩巖扉曾記清風吹客衣畫裡  
亭臺春冉冉坐中烟樹午霏霏即疑雷雨  
翻江立忽有雲霞繞石飛莫恠汀鷗眠不  
去海翁今昔總忘機

朱東齋詩集卷之二

十三

桃樹

昨夜櫻桃樹凌晨開一花春風不自覺隨  
意到儂家

贈畫梅玉山人

羗笛悠悠吹夜雲江南行客悵離羣羅浮  
春色元無限難把瑤華更贈君

賦得秦淮新漲送華廣文歸無錫

秦淮一夜水新綠曉盈盈海氣搖虛閣雲

光渺太清停盃翻白鳥隔浦送黃鸝日  
梁溪棹中流恣遠行

桃葉渡

桃葉渡前芳草迷綠槐高柳岸東西停橈  
日暮行人盡流水一灣鶯亂啼  
謾將團扇寫詩篇桃葉桃根自可憐不信  
青溪今夜月有人吹笛對蟬娟

綠牡丹次四君韵

一水吳天共蔚藍  
竭來茂苑借花看  
枝疑

朱東器詩集

卷之二

五

筆格銅紋古影拂雲鬟鏡面寒乍許琅玕

圍玉砌可容翡翠傍雕闌臨卽綠綺心堪

寄一曲春風倩與彈

右陸山人

洛下風流定幾家  
儂家國色倍堪夸  
賸將

天上瀾裙水染作人間壓砌華書帶畫迷

齋閣草賜袍春剪曲江紗平生慣識陳玄

面未擬仙臺咀絳霞

右王觀察

秀葉穠華浥露光  
自憐顏色冠羣芳  
依微

乍彈秋蟬鬢宛轉頻矜墮馬粧金谷春回

珠有價藍田風煖玉飄香天然異態無雕  
飾漢殿空煩半額黃

右王儀曹

春色何來自洛橋  
夢經巫峽路迢遙  
玉簫吹霧憐秦女  
金屋籠烟憶阿嬌  
柳帶月明差彷彿  
荷裳風急轉飄飄  
誰言翠水山川間  
今日吳趨更有謠

右范方伯

半峰菴得光字

杳杳林谷靜陰陰雲木蒼盤盤紆石磴曲  
曲通禪房清言希玄度往跡懷支郎逍遙

朱東器詩集

卷之二

五

竹風細依微松日光流泉響琴筑幽鳥調

笙簧心閒百憂遣意愜千慮忘片詞晰要

眇九夏回清涼乃知象外境迥絕聲利場

如何塵中子高足空徬徨

穆皇帝輓詞

憶昨雲霄拜冕旒  
天人親策殿西頭  
傷心龍鼎成千古  
回首鸞輿杳十洲  
哀詔一傳窮海動  
遺弓未抱此生休  
空懷六載華胥治  
欲紀軒圖涕泗流

送張德南歸閩中

天涯何處送征鴻  
遶遶閩山障遠空  
龍劍夜光操北斗  
鱸魚秋思及西風  
自緣白雪人難和  
不是蛾眉畫未工  
惆悵鍾期欲分手  
更將流水寄焦桐

秋日宮詞

別院西風梧葉秋  
遠山猶自帶春愁  
千年巫峽空雲雨  
一水明河隔女牛  
金屋貯來惟有夢  
玉階坐久獨成羞  
情知炎暑須團扇  
未擬臨邛賦白頭

宋東器詩集卷之十

十六

扇未擬臨邛賦白頭

九日偕諸省丈登謝公墩

謝傳勲名照草萊  
青山秋色鴈堂開  
千年勝蹟遺墩在  
九日良朋結駟來  
江左風流俱寂寞  
天涯時序幾徘徊  
何人更負蒼生望  
潦倒萸觴媿不才

九日謝公墩感念

穆皇山陵北望賦此

萬里風雲碣石陰  
孤臺北望轉蕭森  
高天

白鴈來何遠  
落日玄猿淚不禁  
弓劍萬靈嚴護衛  
河山千古真高深  
攀髯莫遂從龍願  
搖落丹楓傷客心

九日懷江子望督學

天涯離思政難裁  
況復高秋鴻鴈來  
九日青山成獨往  
一尊黃菊向誰開  
遙空木葉晴飛雨  
極浦潮聲畫散雷  
悵望碧雲何處是  
蕭條千里罷登臺

雨花臺

雲公說法幾經年  
寂寂荒臺帶暮烟  
望裡丹霞雙屐入  
悟來白日一燈傳  
曇花歷亂疑巖雨  
仙梵依稀隱澗泉  
何事祇園最高處  
却從昏黑問諸天

陳烈婦詠

綠窓儒家女  
容顏如舜華  
天然賦貞特  
冰心瑩無瑕  
里中賣糕兒  
結髮兩相愛  
寧知雙鴛鴦  
羽翼中忽背  
夫身未易簪  
婦念已成灰  
紅葉非有憑  
何緣至中閨  
舅姑良苦

宋東器詩集卷之十

十七

腸憐兒故無匹願以未亡人殯此速朽質  
人生亦有死感此重傷心同穴苟得所豈  
在棺與衾手持金錯刀肺肝已寸折婦頭  
今可斷婦義不可缺揮刀向素領艷質殯  
飛霜烈聲震都城觀者何洋洋君看秦淮  
上精寃耿未墜清風蕩氛塵白日照天地

送何丈歸蜀

都門一尊酒惜別是春深綠草紆前路垂  
楊牽遠心蜀山青萬里楚水碧千尋無限  
停杯意東風吹客襟

朱東歸詩集卷之二

七

浣花溪上水歸日洗塵纓問園桑麻長掩  
關松檜清君恩餘皓首仙路通青城與客  
談玄暇能忘戀闕情

搖搖我心折去去轉憐君誰更懷忠鯁時  
方盛禮文古人今不見獨鶴渺難羣把袂  
成千里春深靄暮雲

午日憶家弟

故園諸弟隔誰與泛蒲觴此日青溪上空

憐碧酒香南雲望不極芳草思俱長獨坐  
看晴旭薰風吹葛裳

送程孟孺還玉山

久客還成送客行因君倍起故園情遙憐  
懷玉山頭路不隔黃金水上城玄覽誰當  
窮勝蹟倦遊吾已厭時名一尊且醉青谿  
酒莫聽桓伊笛裏聲

冬日承恩寺訪莫山人不遇

愛爾烟霞句能清塵外心草堂遲不見蕭  
寺遠相尋開戶白雲滿映階黃葉深無人  
奏流水掛壁有瑤琴

朱東歸詩集卷之二

七

莫愁湖小集呈汪仲嘉諸君子

莫愁湖上雲氣開蓮花雙漿盪舟來盧家  
歌塵久寂寞石城山色今崔嵬詞客千秋  
飛翰墨王孫此地有樓臺清時父酒能高  
會落日孤懷轉壯哉

觀音閣

城外巖巒此更雄芙蓉影盡大江東開尊

坐覽千山秀倚檻遙憑萬里風即恐波濤  
翻驚嶺恍疑金碧射龍宮飄飄條有凌雲  
思天上蓬萊日正紅

贈教大學

飄飄瀛洲客聲名動玄都鐫冰作肝肺琢  
雪成肌膚相識鳳臺上各有萬里圖遺我  
金錯刀酌我白玉壺半醉論寶訣太乙開  
靈符舉手招八公意氣凌虛無笑跨紫鸞  
去碧天明月孤

朱東齋詩集卷之一

夜酌對菊

余夙解飲比來金陵病痰止酒蓋  
五年于斯又病足醫謂宜酒然不  
敢忘戒因市白酒對藥物進一二  
卮又苦市沽不佳間命家人釀秫  
數斗是夕方熟對菊引滿不覺沾  
醉嗟乎余每對大賓接賢主雖投  
情甚歡而持戒愈慎菊乃能使余  
醉耶爰擬是篇然醉中語不盡工

耳癸酉十月識

良月好庭戶數枝甘菊花青燈寒並照綠  
酒夜堪賒世事無如醉浮名未有涯且拚  
丹臉色歷亂起晴霞

故園籬落下舊種兩三枝一別今何似重  
看定幾時望窮鴻鴈影歌罷鵲鴿詩此夕  
佳風月同誰泛酒卮

群芳秋並老憐此歲寒心未去嬌羅綺還  
來伴醉吟芙蓉江路遠梅蕊隴山深近砌

朱東齋詩集卷之一

五

頻相狎移燈更一臨

故人期不至花下獨飛觴有菊宜秋暑無  
營是醉鄉葡萄深借色竹葉暗浮香酩酊  
酬清夜寧知玉漏長

邵長孺既賦謝馬之篇諸子即席酬

和華明伯因舉美人走馬之什雲  
卿文學病其未盡乃為正之云似  
嬌還似怯憐駿復憐神於是長孺  
足成一篇余亦賦此

空羣稱驥足絕代有佳人振轡青樓道揮  
鞭曲水濱似嬌還似怯憐駿復憐神艷色  
全翻雪明粧不動塵行邊芳草媚顧處萬  
花新匹練光如曳雙鬟認未真追風期莫  
及奔月杳難親飛燕應相妬遊龍定此身  
那知桑下女辛苦立青春

賦得窓中度落葉

紅樹隔溪明開簾風雨生乍翻雲外影忽  
渡水邊聲寒覺千林動秋知一片輕倚闌  
題字者為爾倍含情

青溪對雨

古溪停轡處新雨對街杯雲似催詩過波  
疑泛酒來馮闌千里思揮藻一時才不覺  
銷銀燭簷花落又開

秋影亭得微字

幽亭俯澄碧臨眺夕烟微霜月不可掃寒  
光搖客衣翛然一葉下倏爾數禽歸去去  
重回首閒雲掠檻飛

鬱鬱園中柳

鬱鬱園中柳含烟弄柔條娟娟青樓女二  
八閑且妖以此百尺絲媚彼三春朝紅粧  
映翠色絕豔明丹青誰家治遊子三五來  
相要繫馬綠陰下咲解千金貂妍華不可  
常倏忽隨驚飈晨與群芳俱夕同百草凋  
念彼岩際松蒼然挺孤標

相逢行

邵生故是燕都客拂衣却走金陵陌翩翩  
四子三郡才亦復鳳臺張六翮鳳臺雅社  
結有年在昔風流稱八仙而我支離濫齊  
瑟攘臂亦向羣公前青溪水寒雲氣濕邀  
笛閣中飛霞入山川勝會當此時一十三  
人咲相集意氣能令華嶽傾光輝轉覺素  
霓生有酒直將河漢瀉有語直作天球鳴  
邵生倚馬賦駿足羣公和者聲相續雪裏  
仍翻白雪詞雲中更度玄雲曲玄雲白雪  
兩相高颯颯天風動錦袍此溪載閱幾人

代只今樂事歸吾曹  
七日之朝欣再晤  
蕭蕭落葉窓中度  
馮欄一雨萬愁空  
玉笛飛聲破烟霧  
乘興因過市隱園  
風光渾似武陵源  
楊柳鳴禽雖已變  
却喜言咲回春暄  
吁嗟乎留都佳麗古  
所欽虎踞龍盤雄  
至今六代繁華不足  
數臨春結綺俱烟沉  
雨花遺址但衰草  
桃葉桃根迹如掃  
臺城蕪沒冶城荒  
那得前賢共傾倒  
當年顧陸擅江東  
吳下還聞稱阿蒙  
王謝烏衣俱不見

朱東器詩集卷之二

五

宣城漫道澄江練  
謫仙酒樓無處尋  
洲前白鷺迷芳甸  
汎餘天外落三山  
感浪迴瀾杳靄間  
乾坤俯仰成千古  
留與我輩來躋攀  
丈夫七尺亦何有  
紛紛却笑翻雲手  
傾蓋相看即弟兄  
一日交情湏白首  
三山可撼此不移  
光風朗月共心期  
追踪大雅各努力  
筆花搖映黃金卮  
况值時清無所事  
臥向白雲稱散吏  
入門舉白湏盡懽  
賦詩即席堪言志  
我歌相逢神氣揚  
匣中龍劍

騰精光為君起  
舞豪莫當眼花耳熱天  
茫茫古人今人誰比  
方啓不見青蓮居士賦  
大鵬倏忽搏風九萬里  
八表神遊遇子微我輩  
相逢亦如此

塞下曲同社中諸君子賦

男兒許國心鳴劍  
指榆林朔雪一萬里  
冥冥寒氣深片鴻雲外  
影雙杵月中音但使  
匈奴滅寧論肘後金

移家

移家小桃差四尺  
忽過短牆三尺餘  
不看物態與時異  
誰覺宦情非昔如  
拊髀功名悲日月  
側身生計負樵漁  
客囊羞澁年年勝  
聊足床頭萬卷書

送蔣子徵持憲岳州

興都宮殿倚嵯峨  
地接巴陵王氣多  
日月雙懸衡岳色  
乾坤不盡洞庭波  
埋輪正借觀風使  
行部爭傳白雪歌  
覽勝登樓應有暇  
江湖魏闕思如何



過喻膳部小酌

擊筑一何壯，酣歌空復情。  
清時無戰伐，畫省有逢迎。  
一葉下高館，五雲寒太清。  
黃金向來市，努力慰生平。

送莫雲卿

綠尊重把定，何年握手空。  
驚是別筵念，我久為鍾阜客。  
送君歸泛泖湖船，愁邊鴻鴈江雲冷。  
夢裡梅花海月圓，莫惜十行題錦字。  
相思只尺是吳天。

秦淮烟月

淮水東流更不歸，六朝烟月半霏微。  
後庭玉樹無人問，天北天南一鴈飛。  
野水寒烟客思遲，女牆明月過來時。  
居人不解傷離別，把向關山笛裡吹。

立春日普德僧舍送莫雲卿

尋春到山寺，惜別柰春何。  
社裡故人少，愁邊芳草多。  
紅消南市酒，綠滿大江波。  
悵望飛瑤札，東風送鴈過。

寄荅張幼于

相逢其柰別，離何江上閑。  
雲日幾過使，者却勞通尺素。  
人還自隔明河，二陵風物春尤勝。  
震澤烟濤夢轉多，休戀芳園饒樂事。  
上林花鳥待瑤珂。

白下送周山人還永嘉

永嘉古名郡，謝客緬音徽。  
山水餘清曠，風騷今是非。  
昔從鴈蕩隱，今自鳳臺歸。  
一聽吟春草，千秋思欲飛。

春雪次廖水部

銀河幾萬里，天半瀉驚濤。  
碧動明蟾影，寒生白鳳毛。  
旅情開蝶夢，春緒入蚕縲。  
解佩憐交甫，仙人在漢皋。

誰結飛瓊伴，來看種玉田。  
霓裳飄颻羽蓋下，翩翩色借春相媚。  
酣知酒有權，獨憐雲臥者。  
閑戶日高懸。

東皇何太劇，吹雨作瓊花。  
轉覺春光好，無愁朔氣賒。  
映窓分夜色，著鬢感年華。  
為羨

冬曹客新篇艷六葩

送唐太學歸五羊

兩季吟社客千里故鄉情  
粵嶠迷津樹吳江帶石城  
芙蓉秋露淨河漢曉風清  
去還勞夢羅浮月正明

雨花秋色得溪字

渺渺澄江如練亭亭仙掌浮  
金此地曾經說法古苔幽  
草雲深

荒口舖

朱東齋詩集卷之一

天

荒口山頭飛客旌此身誰識宦遊情  
懸泉誤作雷霆聞絕頂斜衝霧雨行  
鳥道九回坡上下馬蹄千轉日陰晴  
何人解說登天易此地真疑入太清

謁張桓侯廟

英姿颯爽氣雄哉恍惚晴霄風雨來  
一代君臣元伯仲千秋祠廟倚崔嵬  
乾坤已限三分業熊虎空懷上將才  
最是雲安春月夜杜鵑啼徹不勝哀

祠堂鍾鼓肅威神千古巴東氣尚新  
香火乍疑餘漢燼風雷猶似避燕人  
潼關地險還通蜀巫峽江深不到秦  
莫恨當時偃雄略英靈長壯錦官春

再宿接待寺次東阜公韻

一逕寒濤入遠松倚闌風日澹秋容  
堂開栢子凝香處人在芙蓉最上峰  
雲木半空棲獨鶴斗牛中夜隱雙龍  
惟應歇馬藤蘿外一叩珠林南北宗

朱東齋詩集卷之一

元

中丞嵒嵒張公辱寄詩二首次韻奉

答

片帆春挂石頭城便作青天蜀道行  
客至總言三峽險公歸何啻一身輕  
尚憐去日登龍在猶阻當時負弩迎  
只恐山中難穩臥帝前章奏已知名

初度感懷

悠悠四十五年過勲業其如攬鏡何  
短髮以星差可數壯心非石未應磨  
南州天遠

凭闌久北關雲高柱笏多留得筋骸向黔  
首幾時重聽麥岐歌

送張德南歸閩中

寂寞故人歸天涯淚滿衣乾坤青眼少去  
住寸心違蜀道春啼鳥關山舊采薇龍淵  
空在匣對酒不成揮

送適巴江水春將別思長交情深白雪世  
事熟黃梁鼓楫山花亂停杯岸芷香渝歌  
初未竟恍惚下瞿塘

朱秉器詩集卷之二

夔州鄧使君以大母之變乞歸不得

乃檄狀請銘於蜀縉紳先生不肖  
才謝中郎無能為役爰賦一詩酬  
之

會憶長父擁膝過情如令伯報劉何德星  
影散賢人里烏鳥啼深玉樹柯粵微春雲  
迷望遠夔門夜雨向愁多中郎碑勒誰能  
續知爾家聲自不磨

朱秉器詩集卷之一終

朱秉器詩集卷之二

新淦朱孟震著

武昌吳國倫

新蔡張九一

晉江黃克晦

維揚柳應芳

臨川朱元芳選

秋日寄夏使君

風雨重陽又滿城懷君無柰此時情登臺  
賦掩朝雲色倚檻詩如秋水清錦瑟十年

朱秉器詩集卷之二

成獨賞朱弦三嘆有同聲山齋未下留徐

肅高士誰收海內名

平蠻凱歌

帝遣元臣西破戎千山風雨百靈從前茅

一指攬槍滅人道營中有臥龍

廟堂決策議平蠻勝筭原歸尊俎間聞道

元戎推卻穀虜虜先落武寧山

飛將從天下九絲登高正是菊花時罄將

綠竹書蠻罪磨取紅崖勒漢碑

首夏王師始建橐凱聲秋入五雲高不須  
雨雪嗟行役明月營前照大刀

銅鼓逢逢殷遠空前歌後舞氣如虹當季  
諸葛勞擒縱今日看收第一功

讀留侯傳

帷幄全收佐命功帝師原自有仙風拂衣  
未棄人間事進履先逢圯上公一劍夜寒  
芒碭澤五雲秋老未央宮到來鍾室嗟何

東坡詩集卷之三

晚羨爾深藏異日弓

博浪留城願已償歌風人進沛宮觴猶聞  
主煩商老不忝生兒是辟疆逐鹿久空  
秦社稷從龍那復漢侯王圯橋流水歸何  
處寂寞還誰竢道傍

小至前二日奉懷劍池味玄二詞伯

萬里懷人小至前忝叢西隔宛陵天瘦來  
沈約誰談劍老去揚雲獨草玄虎竹自分  
巴子國鴻書遙憶郢中篇五紋漫道添長

啓一日離情一線牽

胡張二文學來自麻陽言念舊遊不  
勝感歎於其別賦小詩贈之

二十季前把臂情天涯相見眼偏明寒雲  
楚水來千里細雨巴山話五更宦跡雲鴻  
飛不定客心風木夢猶驚可堪更作河橋  
別柳色青青唱渭城

千里征途一劍雄夜燈風雨聽鳴蟲行邊  
醉問壚頭酒夢裡回看江上楓巫峽雲寒

東坡詩集卷之三

迷去鷗武陵春早見歸鴻楚山蜀道俱非

易驛使梅花何處通

寄金山人在衡

誰道西南非壯遊峽雲岷雪望中浮峰巒  
挿漢疑無地花木長春不辨秋參井夜光  
橫劍氣乾坤勝覽入刀州文翁遺教何堪  
擬遮莫渝歌聽未休

資陽道中

寒雲低曠野細雨濕遙天客子望前路人

家炊夕烟柳條春欲動梅蕊歲將遷想得  
回驂日千花媚錦韉

春興

含咲桃花作態新綰情楊柳弄眉頻那能  
不醉雲安酒春色憐人似故人

春日夏使君留酌不覺移午小詩呈

謝

炙酒相看意氣閑况逢春日對開顏杯從  
語燕留偏洽座戀清風午未還江上似聞

朱東器詩集卷之二

四

歌小海琴中初喜識高山不知三徑雲深  
處可許衰羊得再攀

再送李太史

持節西南自蜀才使星行色傍琴臺天虛  
鳳閣仙人入江轉龍門太史來雙劍曉窺  
南斗動萬華晴擁別筵開舊知相見勞相  
報春夢瀛洲日幾回

禱雨

巴山石骨土少膚十日不雨豆麥枯平田

穀種初破甲忽復焦稿誰能甦膏腴盡作  
龜背坼農人失計空號呼嗟嗟旱魃久煽  
虐條壩相濟氛愈惡陽烏鼓翅不輟停高  
原下隰如燔灼屏翳振轡時下來烈風倏  
忽吹仍開皇穹豈不憐赤子無乃牧守貽  
民災詳刑慎罰乃天意蒲鞭示辱昔所志  
邇來稍欲懲刁頑敲咎未免干和氣昨季  
秋成苦未足積逋連歲相迫促催科撫字  
兩難兼赧顏坐食公家粟名山走謁叩名  
神守也不德祈自新一人有罪無以衆天  
乎滿目嗟窮民塗山之靈出雲雨林木網  
罟神所主龍門亟為起神龍頃刻滂沱膏  
下土

朱東器詩集卷之三

五

寄張符卿

桂苑當年第一流皂囊經國振風猷英靈  
海嶽收元氣文藻江山入勝遊湖上青雲  
聊自託塵中白壁向誰投西來捧得陽春  
曲長為巴人洗別愁

長壽七夕

天上秋初合人間夕顰離聚散每如此悲  
歡空爾為關山明日路河漢隔年期卻羨  
橋邊鵲雌雄得自隨

兒童戀瓜果競集綺樓前那識橋邊會  
匆是別筵誰人雲錦織何處網絲懸莫乞  
今宵巧吾生賴拙全

安岳道中

林谷去無際杳然隔紅塵安知採樵者不

是避秦人

道傍古墓歌

昔時墓中人曾驅道上塵今時道上客却  
吊墓中鬼世路悠悠無盡期昔人遺跡後  
人悲道傍老樹嘿不語曾見昔人氣霞舉  
縱令石槨千萬年只合春秋籠斷烟君不  
見前村酒旗招客醉百錢莫惜停征騎

述觀

帝開閭闔御明堂玉帛繽紛集萬方羣后

欣逢虞典禮小臣深愧漢循良塗山難比  
君恩重巴水遙牽客思長敢謂賜金蒙上  
賞喜隨鵷侶近龍光

灤西草堂謁少陵先生并懷蜀忠武侯

草堂重向灤西過遺像丹青故不磨楚水  
秦山春自老荻花蘿月夜如何杜鵑欲下  
千秋淚灝灝空回萬折波大雅未忘吾道  
在感懷天地一高歌

魚復江頭散曉烟白鹽山下浪兼天君看  
黯澹風雲陣何似琳瑯玉露篇吳魏經營  
開濟日西南漂泊旅遊年青峰不改夔門  
路匹馬經過倍愴然

玉泉山武安王廟

嗚呼武安漢熊虎鬼子貉兒那足數桃園  
解后託真龍一日風雲動千古情同伯仲  
分君臣百戰艱危擬致身曹瞞屈節留不  
得江東咄咄為何人悲哉炎燼苦難熾孤

鼠跳梁翻得志當塗魄褫襄水功一夜白衣人事易將星霄隕江漢愁探囊未取阿蒙頭遂令六合成鼎足山河分裂無人收白帝城中赤帝走七百連營化烏有丞相空煩六出師乾坤竟落奸雄手當陽境內土一杯鬼神訶護到今留覆舟山前有遺廟誰其構者孫杭州山中玉泉青汶汶千秋不洗英雄忿草木風號甲馬奔岡巒霧捲龍蛇奮君不見漳河疑冢七十處行客過之爭唾去又不見討虜當年三尺墳今日園陵為守門人生草露何常在王有丹城垂覆載空山明月殿庭深彷彿英靈還劍珮

習家池

斜日城南興不孤習池風景倍踟躕誰為馬上狂山簡我自高陽舊酒徒三峴凍雲迷遠樹半江寒月澹平蕪何人更唱銅鞮曲千古能消一醉無

殷太師比干墓

衛輝城北比干墓屹屹穹碑倚當路生季不忍宗社墟一言竟觸君王怒千秋無及黍離憂洋洋衛水自東流寒風蕭颯白日墜行人過者為生愁殷社既已屋周郊亦荒丘至今太師名赫赫萬古留精忠不磨元氣鬱勃磅礴宇宙充貫日月英靈不在丘隴問日與玄化相出沒黃河為腸太行作骨七竅之心不可求化為列星光芒射璇關我聞關龍逢當率同一死有墓不及殷王封亦無片碣紀邑里昔時埋玉今安在平原莽莽那能指牛羊狐兔誰為驅想量牧豎誰為止玄功冥冥誰測其理吁嗟乎人生遭逢顯晦每如此

漳河懷古

漠漠平沙送客襟乾坤雄峙昔年心春風銅雀有興廢斜日清漳無古今七子才名空寂寞三分霸氣總銷沉人間何處征西

墓凍草寒雲結恨深

望遠曲

綺閣春寒啼夜烏金錢沾淚卜征夫口中  
石闕綠何事山上刀頭得見無  
妾住高樓俯大隄春風一上一淒迷天涯  
芳草無窮綠何處郎君送馬蹄  
楊柳絲絲拂苑牆凭闌一見妾心傷如何  
百尺和烟雨不解留郎解送郎

湯陰縣岳忠武王祠

宋東坡詩集卷之二  
脉脉湯河遠邑流岳家祠廟枕高丘君臣  
南渡非今日父老中原憶故侯化碧未忘  
同社稷和戎遺恨晉春秋誰人痛飲黃龍  
府萬古胡沙黯客愁

叢臺用辟閭韻

鄴臺北去入叢臺羅綺凋殘過客哀野水  
有聲悲日夜寒光留艷與蒿萊城虛白壁  
名空在夢遠黃梁熟幾回何似燕昭能下  
士千金神駿至今來

金臺客邸留酌黃孔昭邵長孺

白日荆卿市東風郭隗臺相逢一盃酒春  
色為誰來擲管花爭發提壺鳥亂催西山  
似鍾阜蓮社好重開

荅于美

昨日與君初把臂舉白談玄方意氣並馬  
今晨獨少君碧山猿鶴笑離群城中車馬  
紛馳道城外遊人迹如掃待余踏遍青芙  
蓉為君還賦西山好

楊柳

夾道垂楊千萬枝春風吹作綠絲絲遙知  
娉婦凝粧日正是行人憶別時青眼可憐  
迎馬首捧心應待學蛾眉君看弱縷難盈  
寸一縈天南萬里思

南陽阻風宿觀音寺

燭影夜沉沉蕭然梁父吟長風萬里道片  
月兩鄉心憂國年華異懷人春草深空門  
寄孤枕不為滯幽尋



雜詩

驅車向燕薊玄冬風雪來駁骨久不至昭  
王安在哉昔時屠狗人零落空塵灰撫劍  
一以歌白日揚光輝蕭蕭易水千古有  
餘哀

幽壑生長松亭亭青雲端枝將鸞鳳宿根  
作蛟龍蟠晨露沐華滋剝雪凌歲寒閱世  
不知年匠石偶一觀自負明堂材小用良  
獨難

湯湯南溟波鵬翼方鼓盪因風戔飛沫一  
洒九天上雨電倏雷奔雪花弄飄蕩天吳  
驚魂銷海若悸精喪何彼焦冥生營營亦  
相向曠哉霄壤中小智焉能量

新月出雲間流光下庭除遠客萬里心悠  
然感居諸嬋娟杳何所風露寒我裾豈無  
九還丹矯翼凌清虛云胡戀升斗還策河  
上車寄言雙青鳥終當遂吾初

鷓鴣本智鳥春風雙飛翔啣啄杏花泥營

巢向高梁巢成哺新雛樂意何錚錚秋去  
春復還依棲主人堂主人漢公卿十季別  
江鄉堂中有少婦悲嘆春日長楊柳欽翠  
蛾天桃洗紅粧非無朱絲絃誰為鼓求凰  
君聽泥喃音寧謝宮與商

襄野平蕩蕩七聖迷途象罔何所營而  
能得玄珠大道本自然小智矜離朱渾沌  
日以鑿岐路日以迂具茨與廣莫誰為效  
前驅還當謝雕斲穆矣遊清都

綠水何瀾瀾流繞古葉前昔時飛鳧令云  
是蓬萊仙暮歸理赤縣晨往凌紫烟茲事  
已千古遺跡至今傳男兒懷經濟神化良  
亦然華胥有天地難為愚者宣

春風吹楊花散作彌天雪旅客感遊踪飄  
飄無定輟北行入冰天南還屆和節韶景  
目可娛遠懷心自愜我家湖水濱千樹陰  
澄澈清風冷然來曠矣神氣悅誰令策高  
車久與幽賞絕去去復何言塵沙暗行轍

偉哉鄧高密乘時邁雲龍弱冠謁真主顯  
效尺寸功披圖不數言羣策皆下風名高  
雲臺上業與天壤終我過南陽里佳氣猶  
葱葱美茲間世英遭遇良獨隆笑彼行路  
子寂寂悲途窮

南瞻臥龍岡攬轡思前朝一誦梁甫吟野  
曠風蕭蕭誰復三顧人雲雨空寂寥益州  
鼎足地王氣淪以銷悲哉伊呂儔魂往不  
可招千秋有二表白日明丹青

荆楚詩集

卷之十

十四

峴首有片石能墮萬古淚嗟嗟羊開府遺  
愛在天地人生百季中倏忽宛如寄燁彼  
三春花晨艷夕已瘁浮榮能幾何崇名永  
無墜

佳人久塵土况乃天萬里明妃生長處遊  
客傷未已悲哉青冢月何似漢宮裡誰謂  
長門人竟向穹廬死古來妾薄命未必由  
畫史千秋琵琶聲遺恨寄流水

田家麥秋早刈穫日初晴新秧綠盈疇布

穀村村鳴好雨夜來至欣此萬類榮農事  
貴及時催督無停聲旅途媿牧守無能省  
春耕寄言謝靈烏殷勤知我情

大佛巖午憩

大佛岩懸一百尺江濤東下湧驚飈舟航  
白日雷霆聞竹樹青天霧雨驕衲子誦經  
龍竊聽使君回轡鶴相邀蒲團小坐茶烟  
午舡得塵襟不盡消

久雨

錦官八月苦風雨攪屋翻空殊未休蛟龍  
怒捲滄江立鸛鶴高盤遠樹愁即使芙蓉  
終耐晚莫令秔稻不成秋客窓那待千迴  
滴一滴纔聞已白頭

次荅張中丞

梧竹原從老鳳棲追隨因到浣花西斗間  
紫借干將氣閣上青逢太乙藜何日再尋  
今雨約一尊相對暮雲低為聆白雪消煩  
暑乘興還疑在剡溪

張使君招飲杜園適有吳客能歌因  
泛舟東下飄飄乎欲仙矣幽懷未  
已清興轉深爰賦短章以識良會  
駟馬橋東駐馬蹄林塘宛在浣花西  
草閣家仍杜寶瑟朱絃客勝齊天淨風雲  
秋正遠水浮郊郭興還迷邀歡不是張公  
子誰造狂夫醉似泥

午坐

無事翻憐晝日長碧空如水澹虛堂閉門

朱東齋詩集卷之三

十六

鳥啄桃枝下隱几風飄桂蕊香幽興稍深  
從翰墨薄寒初至問衣裳披襟正憶東湖  
曲白鷺紅蕖對渺茫

青羊宮諸僚長同集

出詭雲霞拂繡鞍玄宮高樹暝生寒青羊  
一去無消息紫氣千秋正渺漫玉澗鳴泉  
空外落石橋流水靜中看醉鄉即是蓬瀛  
路莫恠尊前倒着剗

杯酒長林暑氣清葛衣蕭颯午風輕烟霞

不隔人間世花竹偏饒物外情河朔向應  
無翰墨浣溪今亦有逢迎淹留可待投車  
轄便欲茅亭老此生

蜀忠武侯祠

流水無聲繞薜蘿三分籌策竟如何南陽  
龍去英靈盡西益鶻啼風雨多雲鳥縱橫  
魚復浦星辰搖動錦江波千秋涕泗秦州  
表白日精忠更不磨

雨夜

朱東齋詩集卷之三

十七

不信客愁久題詩字欲磨浮雲歸未定流  
水去如何峽雨遲鴻鴈江風老菱荷鏡中  
雙鬢雪一夜為誰多

美人手

洪景盧夷堅志載紫姑詠美人手  
甚奇玉牀使君和之余亦賦此

翠袖紅銷弱不禁纖纖那復抱孤衾  
夜月鸞聲細簷捲春風燕語深  
題錦字喜隨羅帶結同心何當一顧牽郎

住含咲還拋繡閣針

抱得秦箏不自禁一簾香霧晝陰陰柔荑  
半掩羅衫薄纖箏雙籠寶釧深紅葉題將  
傳密意玉釵敲斷損春心何須七夕看牛  
女思極愁捐乞巧針

黛眉低拂思難禁却撚花枝坐夕陰羅袖  
裊雲春氣暖玉笙擎雪夜寒深舞憐漢殿  
垂時態綵憶隋宮剪處心不是靈芝有神  
解暗中誰與度金針

不寐

寒城秋氣早虛館夕陰多踈飲尊常綠長  
吟鬢欲皤坐憐燈影共愁柰雨聲何撫枕  
難成夢晨鐘帶雁過

秋日金沙寺贈珠上人

萬里橋東覺路偏層樓開傍蔚藍天閒雲  
幽鳥爾何意翠竹黃花俱可憐人去問奇  
空有字寺有楊升菴太史碑中多奇字客來聞梵欲忘筌  
出門相送蒼烟暮却對溪流一瀟然

橋轉金沙改化城何年卓錫謝逢迎江流  
遶檻心常靜竹色侵床夢亦清長日養花  
觀佛性有時面壁了無生是非不到支公  
耳寂寂諸天一磬聲

迎春詞

切雲高起看春樓女伴相邀樓上頭共祝  
春來蚕事好桑桑一陪去年收

江上送季弟

江上渝歌黯不聞天涯渺渺雁行分夢從  
今夕懸池草書到何時遡峽雲風雨夜堂  
虛剪燭鶯花春閣罷論文故園兄弟知相  
迂應念蚕叢滯使君

留別游大初

江上離情鬱未開江樓誰復遲君來還將  
巴嶽停雲思去逐梁園賦雪才春入花溪  
憐淦翰月明蓮社負啣杯芙蓉城闕曾娛  
處知爾登臨首重回

送任侍御

紅亭綠酒醉秋風南去還乘舊日驄圖史  
故應藏柱下尊鱸豈為憶江東陽臺路近  
朝看雨楊子波寒夜聽鴻不盡離人千里  
思劍歌空有氣成虹

越客歸心與雁期夔門行色去逶迤携囊  
句有江山入抗疏名曾日月垂天外暮雲  
回白帝夢中秋雨下鵝池故人江海頻年  
別轉為離筵倍所思

將遊大梁嵒嵒先生解佩劍為別而

朱東器詩集

卷之二

二

侑以詩蓋於是三贈言矣感懷高  
誼賦此為謝

神物何年出豫章流藏端合自雷張若為  
解贈人千里更擬相尋水一方中夜斗牛  
分氣色九秋水雪散寒芒雄心欲寄歌難  
寫倚向青天一髮長

寄胡文化督學

一別幾秋雨天長鴻鴈跡因逢越柱史數  
問漢相如賦筆江濤壯文心海月虛同聲

兩乖阻消渴向誰除

李本寧太史校士蒲城因讀鄙言枉  
章獎借寄謝二首

真氣綢繆二華間青牛消息苦難攀何能  
傲吏如仙令乞取玄言老抱關  
芙蓉飛翠削金天倒映河流入鏡懸秀色  
千秋全攬結恠君身是李青蓮

張維訓明府約桃林歸晤乃問道過

華州小詩却寄

朱東器詩集

卷之二

三

東望張公子誰將逸駕攀那知三徑裡獨  
抱一琴還紫失關前氣青餘河上山盈尊  
有桑落何日共開顏

宛平李于美明府示余古墨齋集其  
事甚奇乃秦蒲城亦有茲刻斷而  
復完之者則蜀中丞劉遠夫先生  
也二事一碑殆尤奇矣歌以紀之

雲麾將軍毅且武一劍開元靜輦鼓身後  
勲名十丈碑北海筆鋒雄萬古逸勢飛騰

熊虎愁寒光歷亂蛟龍舞真跡流傳數百年何事幽州委榛莽斑斕那遣蝕土花摧頽猶解支鬢宇護持神物春復秋往往精靈泣風雨青鞵布襪過者誰披尋邵孺心良苦仙李雲仍得宛平耽書嗜古識其精萬牛輦致不遺力珠斗恍忽回光明樹之高齋穎古墨奔走好事聲喧轟由來至寶不終秘天意若待人工并青氈爾况還故物白璧誰復窺連城君不見劉柱史片石蒲城亦如此鐵葉銀鈎照大河徹天古色今猶紫顯晦升沉各有時異人先後兩爭奇好將物態觀人理聽我長歌古墨詩

寄甘州張使君助甫

綵筆翩翩賦遠遊曲中新調是甘州輕分雲漢天孫手遙借風雲國士籌西上龍堆懸白雪東行弱水隔黃流相思一片函關月飛照干將匣裡秋

助甫書報俺酋動歸巢之興賦以志

喜

天轉河流列障前軍亭歌吹酒為泉芙蓉夜穩龍藏匣首荷風閒馬飲川萬里詎論投筆事九秋空憶泛槎年幄中訐畫看今日報說降王盡徙邊

七夕

翩翩秦女綺樓前素手金針巧自穿老去風塵淹傲吏狂來瓜果藉芳筵雲中機杼寧資拙世上窮通莫問天靈鵲可煩今夕

駕仙槎咫尺絳河傳

桃林秋早小憇玉皇閣有感

一眺周原入遠空旅愁秋上紫霞宮澤龍何處深藏雨林樹無端苦撼風天迴九關紆帝力聲懸千室待年豐登樓不為思吾土赤日黃塵感慨中

將雨

郊墟乍喜入新涼九夏炎蒸已伏藏林暗鵲鳩偏喚急江深燕子正飛狂雲看華頂

分羣嶂天借河流浥大荒豈有隨車慰黎庶將因露禱自天王

### 望嶽

看山況在華山中立馬涼秋氣轉雄天瀉黃河縈何帶地將青壁削成峰誰邀玉女池頭月共躡仙人掌上風綵筆欲教題絕頂恐驚星斗動高空

### 關城雨夜酌別王若思比部

西署翱翔共歲年分符猶得向渝川半輪

朱東窓詩集

卷之二

五

尚憶蛾眉月十丈今看大華蓮驛路星霜寒雁外關河風雨夜燈前素中知有中和什好待吹噓上九天

### 繡嶺

繡嶺颯高秋三郎舊此遊鳥殘歌後弄泉散浴餘流紅樹疑朱閣丹霞憶綵旂可憐歌舞地寂寞委荒丘

### 新豐

今代非前代新豐似故豐風雲千古思難

犬舊時宮開國家人業全生組上翁向來三尺劍誰與問英雄

東氏竹園年集呈李仁夫叅伯王陽

### 甫憲使

萬竹園亭倚華雲深冬風日暖如醺偶來乘興同王子况得邀懽御李君百道泉聲穿樹出千峰嵐影隔林分月明一派笙歌起猶似慈恩醉裡聞

流水冷冷雜嘯歌岡巒青引竹陂陀地疑

朱東窓詩集

卷之二

五

韋杜城南見客是裘羊徑裡過坐近禽魚心自遠醉邀風月夜如何倚闌一笑梅爭發春色逢人轉自多

### 芝川鎮過司馬公墓

韓城西上芝川鎮太史青山有墓堂高壘殘碑還姓字斷崖奇樹亦文章龍門地接風雲色麟史天垂日月光馬首經行冰雪路感懷空擬薦枌漿

新春雪後東氏西園酌文振甫叅伯

春日名園結駟遊雪山如玉坐間浮林舍  
細甲青俱動泉激寒聲碧自流久客髮絲  
驚老大故人尊酒慰攀留君看玉女峰頭  
月猶帶蛾眉一片秋

雪後遊華嶽

東風清曉上層巒嶽色真從畫裡看老樹  
半隨嵐氣入奇峰猶並雪光寒洞中人去  
還留骨天際鑪存別有丹不用茅龍飛絕  
頂扶搖原自起高翰

朱東器詩集

卷之二

壬午

薄暮望韓信塚

大息英雄畫斜陽指故踪名猶三傑並地  
豈萬家容春草荒秦甸寒雲暗楚封似聞  
長樂夜行客慘鳴鐘

肅邸冰燈和助甫本寧

春臺不動楚王風醴酒全將夜色融明月  
雙懸金掌露彩霞交映水晶宮詞人白雪  
欣相向仙客青藜訝許同却憶玉堂清漏  
澈火城凌亂曉寒中

前席休疑夜色闌雙珠的樂照明玕魚龍  
競舞交愁濕笙管深調巧耐寒獻壽客從  
瑤島醉禮賢地擬雪宮看何人獨奏春陽  
曲千古渝兒和總難

陶靖節詩云  
亭亭明玕照

七夕日寄李本寧

聞道黃姑駕還從此夕過風飄鸞吹香雲  
傍鵲橋多漫擬浮清渭翻如隔絳河山城  
醉桑落誰倚故人歌

寄上張中丞上谷

朱東器詩集

卷之二

壬午

佩來神劍定何年龍氣遙分上谷天風雨  
晴霄寒壁壘雷霆白日擁戈鋌軍聲夜柝  
傳鵬外胡部秋笳奏馬前聞道詩奇如破  
敵試將高唱勒燕然

寄荅張太乙憲使

詞客居臨太乙峰清秋寒色倚芙蓉嘯深  
鸞鶴天都近臥穩烟霞地睇重聽雨書傳  
檄尚濕停雲詩就墨兼濃却憐潦倒關門  
令愧爾文成伴赤松



中秋前二日送曹以漸參伯之太原  
任

河上重逢春盡期長安花鳥寄相思誰知  
秋月將圓夜又是詞人悵別時太鹵旌旄  
雲外轉龍門舟楫鏡中移投鞭欲作臨岐  
贈雙劍龍光自陸離

李襲美官久不調已作四詩訊之矣  
尋有比部之擢小詩志喜

花明赤縣久逾芬為政風流故不羣

朱東器詩集卷之二

主

帝為爽鳩逵直士人從飛鳥望神君詩成  
便可題丹筆興到何妨醉白雲西署由來  
盛才藻還誰公暇與論文

寄金在衡

秋曹曾賦紫霞篇八十于今又幾季白帝  
河山容吏隱青溪日月有神仙歌成合遣  
紅兒按賦就爭看墨客傳江水不西秦樹  
杳相思何處覓魚箋

九龍池夜酌呈別張使君助甫

何事離筵獨繫情一時文雅聚西京花深  
長樂聞鐘度柳暗新豐緩轡行渭水似添  
杯面綠南山偏傍坐間清干將恐作龍池  
別不盡中宵風雨聲

夏日孔先生汝錫招飲移酌海榴花  
下時余愁病未稍久失占謝偶以  
登樓餘興漫呈此詩

風輕簾竹漾湘波不飲其如此會何座上  
賓朋元北海囊中經術有西河花迎綵筆  
偏能媚月傍金尊轉自多楚客病來那復  
興却緣心賞一狂歌

朱東器詩集卷之二

主

送胡荊甫之上谷

荊甫早寄空門妙窺三乘壯懷俠  
氣神究六韜慕陶令之高風自擬  
詩宗栗里仰張公之雄畧行將銘  
勒燕然言自汾陽遙趨上谷清尊  
揮月皂帽凌風方懸并土之情忽  
動陽關之思因擊劒而為之歌

旗亭歌竟酒頻揮  
疋馬千山去似飛  
可道遠遊生俠氣  
却緣無住得禪機  
汾陽月曉河光散  
上谷風秋暑氣微  
車騎燕然今返旆  
幕中應待勒崔巍

用王敬美韻寄懷檀州張助甫

青門風雨別如何  
一騎遙衝素滻波  
組練寒光飄冀野  
樓船秋思入汾河  
佳人蘭菊空相憶  
俠客笙竽且和歌  
更上高城看北斗  
干將神氣夜來多

朱東器詩集卷之三

秋曉

有情何處不堪憐  
銀漢盈盈欲曙天  
淚盡鮫人珠萬點  
月明無地見嬋娟

曉行

草白凝宵露  
林香帶曉烟  
悲涼看物態  
奔走落塵緣  
斷梗憐今日  
題紅泣往年  
旅愁秋更遠  
一倍路綿綿

秋夜李比部襲美梅孝廉客生趙倉

曹夢白柳山人陳甫邸中小集得

杯字

清夜狂歌幽興催  
詞人並馬數能來  
乾坤自咲雙蓬鬢  
湖海相看一酒杯  
白眼途巡窮阮籍  
青雲蕭瑟傍燕臺  
坐深風露秋逾爽  
城闕雞聲曙色回

忻州道中

疲馬寧辭遠道征  
前驅猶抗鴈門旌  
星羅壁壘連邊郡  
天入風雲接塞城  
萬里羈懷春月色  
十年鄉夢曉鐘聲  
請纓投筆書生事  
雄劍中宵四五鳴

朱東器詩集卷之三

曙鐘

海上鱗膠何處逢  
蘭閨還憶舊時容  
風花潼水春三月  
雲樹蓬山路萬重  
珊瑚枕夢殘迷缺  
蝶玉簫聲冷泣芙蓉  
關情莫賦雞鳴詠  
腸斷寒城起曙鐘

崞縣對月次賀侍御韻

客路餘千里  
羈愁可萬端  
鏡從鸞匣掩  
月傍鴈門看  
孤劍霜華冷  
重衾朔氣寒  
寄衣

還自攬今日為誰寬

秋日王明輔方伯園池同張助甫憲

伯

樓閣并州十萬家獨從人境闢烟霞尊開  
北海還饒菊地近東門擬種瓜敢謂彈冠  
同貢禹豈緣問字識侯芭前池故是飛騰  
處還恐風雲起釣沙

四壁龍蛇迴自奇乍驚風雨暗堦墀一簑  
勝有玄真趣雙鳥將無汗漫期瓢掛潁陽

朱東器詩集

卷之二

三

呼進酒花開栗里坐宜詩分明丈室維摩  
地更著山公倒接籬園有一簑亭

冬日正甫宗正園亭

別館玄冬境自奇深杯晴引萬花枝山將  
瑤島規成洞水是銀潢瀉作池似有青藜  
回夜色將能白雪和新詩不知公子西園  
後千載風流寄阿誰

秋閨

月華如水下銀牀弱杵敲殘一院霜魚鱗

夜懸金屋冷鴻書秋去玉關長愁深牛渚  
沉烏鵲怨入秦簫隔鳳凰羅袂無風時自  
舉含情羞道卷衣裳

送呂中甫赴潘君訃

芊芊春草繞汾陽越客離心正渺茫回駕  
此時憐呂悌曳裾何處問梁王睢園花發  
雙懸淚潞水鶯啼一斷腸知爾白頭青簡  
在楚招賦就轉悲涼

汾水蕭蕭一棹橫潞州東去亂山迎哀猿

朱東器詩集

卷之二

三

偏解驚游侶啼鳥那堪別友生鄴下雲殘  
飛蓋影郢中春斷和歌聲到來叢桂應寥  
落千里驅馳見爾情

呈謝邢侍御寄示華頂之作

海內才名大華齊更從雲外俯丹梯咸京  
東下河山繞玉井西懸日月低紫氣青牛  
何處度白雲黃鶴幾人題可知綵筆關飛  
動五色池蓮滿袖携

水泉行

樓煩城頭曙光吐凌旦高原振笳鼓材官  
萬騎列鶴鷺甲士千羣擁羆虎戈鋌射天  
日月動旌旗捲地龍蛇舞猛志行疑踏賀  
蘭先聲似欲吞胡虜視師號令迅雷風大  
將行邊氣勢雄太子灘前雲結陣鴈門關  
上月懸弓劍光秋水磨成碧袍色春花深  
作紅後隊蚩尤驚涿鹿前軍渭水儼非熊  
晨經河曲觀營落午次水泉張燕樂天  
王威德被遐荒紛紛毳帳來沙漠胡婦如  
朱東丘詩集卷之二  
雲集固姑雙鬟高髻珠垂珞繡繡織帶貌  
妖妍粉澤脂香容綽約亦有胡雛逞飛鞚  
擘鷹走狗欣相控渾脫平翻河上波忽雷  
解作雲中弄名王辮髮錦衣裝猿臂垂身  
射奇中怒馬牽來是渴猊雕鞍鞚得盤公  
鳳紅門傳令劃初開九天晴日敞樓臺豪  
酋倏忽雲霧擁稽顙接踵來喧阗手奉銀  
盃傾乳酒跪獻天使身摧頽脫剝露頂  
起為壽風引長袖高嵒總中有一胡狗力

哥自言鄉里是滹沱一自丁年離代郡米  
天草地歲時過酪漿羶肉厭飫久雄長部  
落饒牛駝身雖夷狄心中國誓死款貢期  
無他那顏傳語豐犒饗紅錦輝煌出官帑  
肥羊千羣酒千甕陳列庭墀蹤歡賞拊膺  
嚙指喜融融天王渥澤沾窮壤醉胡鼓  
腹婦醜顏拜首額天頭搶搶辭將天使  
出城隅揔拳揆袖爭驩呼湏臾一胡簇長  
嘯笑把鳴鏑彎雕孤草間趯趯起兔兔一  
朱東丘詩集卷之二  
簇頭血殷模糊馳來城下上天使以手  
加額聲嗚嗚吁嗟爾胡命曰上天之驕子  
昔也何驕今若此秦后空連萬里城漢家  
枉走和親使只言晉絳有鐘懸不道唐宗  
雪讐恥擬金考鼓塞垣深朝絃暮管聲盈  
耳視師歸去報天子千羽兩階無乃爾  
小臣為作水泉篇億萬千季繼麟史  
贈王將軍寧武  
萬騎千屯靜不譁嚴城隱隱度鳴笳酒中

令肅青油幙樞上春閒白鼻騮虎落陰森  
飛夜月龍旗歷亂擁晴霞虛勞王翦紆籌  
畫胡越于今自一家

天門山

天門之山鬱何鬼鬼薄以日月黯然風雷  
晨策我車言遵其軌絕壁千尋峭如四起  
宛轉縈紆如往如復巨石我前岌如夏屋  
或如象犀如攫如蹲又如渴驥飲此潺湲  
載驅載馳既幽且阻欲往如窮漫無處所  
朱東器詩集卷之二  
言底其深劃然有天丹霞翠靄別放山川  
碧樹垂帷繁花綴繡綠草丰茸彌滿原岫  
交交黃鳥載吟載歌倏如鸞鶴聲轉陵阿  
巖洞嵌空玲瓏勃窣豁如穹如忽如城闕  
豈無仙靈脫屣其中我欲期之莫我往從  
金膏石髓可饗可飡誰為致之以永朝昏  
言出其谷回望杳如我心儻恍如隔清虛  
安得松喬晨夕我偕雲棲霧隱謝此氛埃  
秋日哭孔汝錫先生墓

殘歲龍蛇逼新阡雉兔過露隨朝槿盡風  
入暮蟬多坐失千鍾酒情傷九辯歌夜臺  
無白日一慟欲如何

好客名千古悲秋賦幾篇卜山無舊業綿  
上有新田菊暗寒城雨鴻沉野水烟分遠  
如昨夢愁斷白雲天

九日登樓有懷同社

入邇秋色澹汾陽把菊登樓旅思長鴻雁  
遠天雲漠漠蕪葭一水露蒼蒼相携誰落  
風前帽獨飲虛停月下觴苦憶當時搖綵  
筆只今難任野夫狂

和荅正甫

幽意苦不愜清歡良未期如何汾水上忽  
枉故人詩芳草王孫路朱華帝子池相思  
隔年歲河漢正高垂

寄費民益因懷青溪舊社

桃葉渡頭花亂明青溪浦口暮雲生當年  
邀遂行遊處只有寒潮挾雨聲

諸子飄零自可憐  
沉沉虛閣鎖蒼烟  
惟應

隔水青樓女  
長送嬌歌曲檻前

翩翩公子故多奇  
搖落今成宋玉悲  
聞道

吳鈞猶在匣  
報恩終竟識男兒

### 桂園留別明甫右丞

鼎足詞壇憶昨年  
一時才藻共翩翩  
斗間劍去龍難問  
汾上雲飛雁可憐  
我向浣花

稱地主君還繼  
嶺賦遊仙無須離  
合悲今

昔印擬星辰  
聚穎川

朱東器詩集卷之二

三

### 龍門賓陽洞寄謝李使君

賓陽洞前伊水長  
楚客炎夏來徜徉  
岩巒

只去天尺五  
關檻宛在雲中央  
使君別意

誰深淺遊子歸  
心正渺茫今日龍門還御

李不禁清興劇飛揚

### 用韻答丘謙之

十年飛札蜀江潯  
消息漂零直到今  
山水

錦屏成昨夢  
風塵玄閣慰幽尋  
乍投明月

千秋色一賦驪駒  
萬里心恠殺草堂還獨

往可能乘興浣花陰

夏日訪周子禮參伯

子禮兩蒞豫章而不佞久宦未

歸投刺時竟失修于民之故故云

十年湖上阻歸期  
澤遍甘棠總未知  
蔽芾

豈應忘召父  
疎狂真自咲  
吳癡重披曉霧

尊仍綠舊附春風  
鬢已絲肯為炎蒸辭卜

夜更燒銀燭慰相思

### 和答九江林使君登卿

九疊屏開飛翠明  
九江如帶遠孤城  
使君

朱東器詩集卷之二

三

臥治多文雅  
行客經過有送迎  
可但登龍

增意氣更從渡虎見  
功名一尊未盡平原

飲萬里還為蜀道行  
遠岫夏雲迎馬首  
近

村晨露候雞聲  
新詩捧得雙明月  
何限清

風到去旌

### 東林寺曉憇因懷林登卿使君黃孔

昭穎範卿二子

此日東林寺誰從  
慧遠遊入門千樹老  
憑

檻一泉幽勝蹟  
無今古浮蹤有去留  
寄言

九江守山水好相求

白兔亭

亭緣白兔起泉作白龍懸地氣金方合山  
形玉界偏振衣看下土飛蓋入中天十載  
風塵客馮闌一爽然

贈父和甫光祿

抗疏聲名白日懸秦城一札思翩然烟霄  
幾望金莖露踪跡空尋玉井蓮錦水芙蓉  
秋正好雲安麴米夜堪憐可須交誼論傾  
蓋意氣相投十載前

重入渝州

如雲父老走相迎夾道干旄喜氣生山色  
豈緣今日重江流偏向故人清六年顏面  
將無變四野桑麻幸有成舊橐瑤琴還再  
理併因鐃吹作歡聲

冠裳星聚兩江湄太守重逢喜可知暫止  
樓臺還舊主曾棲梧竹見高枝山川似識  
當時面桃李尤深別後姿却岸惠父成自

咲風塵羸得鬢如絲

用韻答陳于韶參伯

六載風塵困隙駒天涯同好調全孤山川  
再入三刀夢踪跡今成五石瓠舊業家仍  
懷敝帚新詩君已得玄珠錦屏夜夜占星  
象可許華陽一聚無

春日金沙寺訪羅孝廉元我

春水金沙是舊遊春風黃鳥況相求馬蹄  
一迳穿雲入花氣千林帶雨浮詞客雄父  
巴蜀檄故人清興刻溪舟草堂踪跡今猶  
昔好為狂夫十日留

送陳使君玉叔總憲閩中

何處東風攬別情嘉陵江上蚤鶯聲纔看  
蜀道停來節忽漫閩山引去旌巫峽朝雲  
飛作夢浣花春水送將行相思只有王孫  
草不盡天涯細細生

贈黃將軍

將軍能文復能武緩帶輕裘閑且都綵毫

花繞鐵如意玉管霜寒金僕姑黃石授書  
多勝算青春橫槊見雄圖聞道松川息烽  
燧白狼歌舞莫教無

寄本寧

不見故人久相思春草深秦雲一分手江  
雁幾霑襟夜迴青藜色天空白雪音綿綿  
竟陵道何處夢中尋

遇虹莊再送陳玉叔

馬首虹莊夜停杯重黯然傷離如昨日為  
別又新年柳色雲邊路鶯聲雨後天八閩  
何處兩悵望隔風烟

梅花館

君家梅花冰雪姿青春華館叢芳蕤娟娟  
只宜水月映皎皎不受風塵縹緲傳來世業  
故清白玉樹玉人交莫逆數聲瓊管曉雲  
寒一曲瑤琴暮天碧還誰寫作歲寒圖金  
鼎調和事有無何時為買竟陵棹相將跳  
入仙人壺

天尺樓為王井賦

誰家高樓瞰江許亭亭去天一尺五井榦  
縹緲掛日月闌檻縱橫走風雨城南韋杜  
異時名何似陳君奕葉聲輝煌綸綍斗牛  
動燦爛圖書奎壁明豪氣元龍自湖海高  
臥此中豪不改眼前碌碌田舍兒問舍求  
田那足采有時大咲歌楚騷髣髴毛颯颯天  
風高憑陵便欲窮八極揮斥靈驚鞭神蹇  
願龍為君雲作我上下相從無不可倦來  
暫息九萬遊還與清宵照藜火

讀于韶送見甫詩却寄

北來雙鯉慰飄蓬投轄還高愛客風為問  
雲樓今日會幾人驚座似陳公  
井絡迢迢丹嶂開千秋誰更勒崔嵬君看



劍閣雲中石似待芙蓉幕裡才

見甫丰神酷如伯氏讀其詩又翩翩

魯衛也喜極賦此

藉甚風流得二張相看一喜欲成狂弟兄  
才藻雙鸞翮湖海詩篇幾鴈行竹葉難忘  
燈下酒蓮花何似幕中郎季來頗恨交遊  
少青眼于今倍有光

五日前送袁茂父參伯入賀

鬱葱佳氣繞蓬萊仙吏西川畫鷁催五色

朱東器詩集

卷之二

五

纔分長命縷九重遙奉萬年杯為郎舊託

金門隱喻蜀新從錦水來想到

紫宸稱慶日千秋一鑑澈明開

楊以德給諫枉書遙訊却寄

巴江為別不知年北道書來思緲然老我  
漫歌廉舡誇羨君高著祖生鞭峨眉月轉  
蛩吟候巫峽雲開鴈去邊金碧舊遊曾寓  
目只今誰似子淵賢

十日西亭小集呈謝使君彥實

杯酒憐同好幽情轉自深風烟此時景松  
菊故園心瑤月動秋碧綵雲停夕陰有懷  
難自寫聊以寄長吟

朱東器詩集

卷之二

五

朱東器詩集卷之二終

朱東器詩集卷之三

新淦朱孟震著

武昌吳國倫

新蔡張九一

晉江黃克晦

維揚柳應芳

臨川朱元芳選

醉歌行送王使君希文還長安

使君坐恤刑時杯酒小失落職北

朱東器詩集

卷之三

還人皆惜使君才使君顧楫詩自

嘲且索余贈意甚適也余三復之

喜其襟度曠達無纖忽怨尤介之

胸中為作醉歌行以志其別使君

詩有云款段西風歸去早長安桑

落是佳期使君行得上計矣

王郎不作雪山使拂劍歸臥三峰雲三峰

雲氣遠相迓雪山寒色空氤氲憶昨汾陽

初握手干將出匣蛟龍吼春風丹筆有平

反夜月青尊饒笑口我提三尺塞垣遊君

行祖餞城東頭主為賓兮客置酒酒中把

贈雙吳鉤持君意氣凌大漠君却還秦醉

桑落風雲會合倏忽間錦水蓉城樂相樂

世事人情詎可期相逢轉盼復傷離旌旗

潘水愁無色鼓角松州黯欲悲碣房部落

初折箭十七官司罷爭戰誰知麴蘖有戈

矛却遣諸番淚如霰浮世浮榮事已非驅

車策馬去如飛棧閣高從白日度隴雲晴

朱東器詩集

卷之三

送紫駟歸糟丘速營計良早醉鄉日月亦

堪老何必黃金肘後縣但令綠蟻尊前倒

劉伶鍾黃公壚猖狂阮籍自窮途千古知

心到今日青天白眼歌嗚嗚主恩自深

臣分淺得返初衣從薄遣行行混迹五陵

豪抑抑無寧戒沉湎臨觴且賦歸去來帝

闕雙龍首重回願將仙掌芙蓉露還上南

山萬壽杯

容枕

青燈夜岑寂容枕到鳴蛩遠夢迷秋雨繁  
愁起朔鴻交遊生死外名姓馬牛中何日  
芙蓉水桃笙進晚風

徐子裁來自渝州小集長庚亭限韻  
天涯一見眼偏青江上今逢聚客星人物  
南州徐孺榻父章西蜀子雲亭坐來龍劍  
寒生色賦就蛇珠條有靈便欲浮查共牛  
渚此身無用嘆流萍

寶光寺訪徐子裁賦得潭影空人心

朱東陽詩集

卷之三

三

偶謝簿書勞言訪烟霞容禪林鐘磬寂迴  
與囂塵隔澄潭靜無波一鏡湛虛白青天  
入毫芒素月澹靈魄以彼清淨觀鑒此神  
明宅萬緣了何所欲覓誰能索乃知西方  
人曾不越尋尺顧我同好友趺坐竟日夕  
欲去更無言遙空暮雲碧

武侯祠

炎精已散芒山麓赤帝寰區半翻覆煌煌  
一炬起樓桑飛入蟠龍巢坤軸隆中梁甫

歌正哀蛟龍雲雨來不來自從三顧見肝  
膽茅廬一出天綱恢鬼域空將神器竊絡  
兒江左爭搖艤不緣一語定三分誰有討  
謨振鴻烈祁山六出走熊羆談笑長安屬  
指麾鬚眉伸達且巾幗何才宇宙能稱奇  
天星忽墮營中草五丈原頭秋色老西南  
一柱剴然傾九域河山盡摧倒祠堂冠冕  
護蒼烟魏闕吳宮荒草遍南陽龍氣今何  
在西蜀鵲啼真可憐可憐漢業不再耀可  
憐先主空遺廟錦水悠悠去不還蒼山入  
夜玄猿叫我携孤劍浣溪流蕭蕭古柏還  
生愁酣來長誦出師表白日照地行千秋

草堂寺送別徐子裁

百華潭前江水長杜陵異代流芬芳秦牛  
漢石久磨滅誰復來此歌滄浪錢塘高士  
南州侶並馬相尋向江渚雄劍蕭蕭氣欲  
飛綵毫颯颯情如語憶昔問關入蜀年片  
詞隻字生雲烟綠波渺渺去不盡青天白

朱東陽詩集

卷之三

四

鳥空茫然來陽樊骨呼不起恍惚英靈棲  
錦里古人今人千載餘酒聖詩狂無乃似  
酌君一斗華陽春君歌草堂歌有神東歸  
萬里欲乘興愁殺當時下榻人丈夫交遊  
意相結羞向江干怨離別青尊已竭歌未  
闌白眼驚看唾壺缺歸時應賦廣陵濤八  
月潮頭雪嶺高好馮天目寄飛翮萬古千  
秋見我曹

再送子裁賦得越鳥巢南枝

朱東蓀詩集

卷之三

五

羣生各有適所貴豈在它睠彼棲雲翼依  
依江樹柯西池秋月冷上苑曉風多此日  
投林意虞人柰余何

寄徐孝廉

美人消息阻經年何處樹花頌遠天徽省  
自縣高士榻錦江誰覓孝廉船春風古驛  
催梅發夜色空梁見月圓好在陳張吟社  
裡綵毫十丈照尊前

新春寄荅見甫枉懷四首兼以奉慰

寂寂芙蓉幕伊人興自宜沉醉一斗酒蕭  
散五言詩才豈江山妬名偏草木知相憐  
不相薦俛首媿吾私

原憲能辭祿曾參不殺人窮通眼前事得  
失夢中身器大寧嗟晚才多未厭貧由來  
賢達者一醉任吾真

臘隨錦水去春到劍門來柳色江邊度鶯  
聲谷口催年華惟短髻生事且深杯為問  
張公子新詩幾自裁

朱東蓀詩集

卷之三

六

劍閣雄如此春風好勒銘坐須中聖酒客  
聚潁川星底事憐同調將無笑獨醒錦屏  
楊柳色相望眼俱青

春日寄荅蔡伯華兵曹

一鴈春風自薊門新詩讀罷黯無言遙天  
草色憐公子久客花時憶弟昆塵土功名  
雞肋似雲霄籌策鳳毛存驪珠總入中郎  
握魚目何緣得並論

得陳甫詩寄荅

青林忽度曉鶯聲  
春色能牽遠客情  
萬里書來丹鳳闕  
一時花動錦官城  
山川莫嘆風烟隔  
歲序偏從物候驚  
今夜浣溪溪上月  
故應燕市見分明

送李使君總憲閩中

錦官春草綠浮天  
送客層城敞別筵  
南國十年思御李  
西川今日羨登仙  
青牛谷口雲隨旆  
黃鵠磯頭月滿船  
多少胡牀清興在  
好憑叅佐寄瑤篇

寄懷歐楨伯

水曹曾聽秣陵鐘  
聞說官梅寄興濃  
書到遙憐玄草色  
詩題偏問浣花蹤  
舊遊待詔三千牘  
新卜羅浮第幾峰  
漂泊故人還吏隱  
冥鴻霄漢杳難從  
錦水薰風吹綠波  
正憐朱夏入清和  
五羊人去仙踪遠  
駟馬橋存客思多  
龍氣迴分歐冶劍  
鳳兮長媿楚狂歌  
羅浮亦有梅花月  
為問才情近若何

送房使君憲甫入賀

河內當時借寇恂  
汾陽惜別幾沾巾  
重逢巴國觀風地  
却是堯階就日辰  
萬里去迷芳草色  
九重行醉碧桃春  
雲霄回首驚前事  
曾向南山祝聖人

蘭臺躍馬十年前  
簪筆曾趨上帝筵  
日麗蓬萊秋炯炯  
雲低巴蜀路綿綿  
故人別淚三江水  
遠客孤懷萬里天  
壽域八荒歸聖德  
莫因金碧事山川

寄荅陳于韶

經時不奉閨中書  
一札春愁總破除  
想得東山雲臥處  
酒尊棋局未應虛  
楊柳翩翩黃鳥音  
浣花無事獨行吟  
新詩忽枉雙魚至  
一字相思一字金  
綠槐高柳入清和  
葵扇涼生午夢多  
夢裡錦屏如畫裏  
一尊明月向君歌  
紫微春傍錦官城  
石筍誰題異日名  
猶似峨眉待鸞藻  
武擔山上月初生

草閣茆齋靜可憐故人相望浣溪邊聞山  
只在雲生處誰對南薰鼓舜絃

過新都懷楊太史用脩

天門痛哭憶批鱗餘事文章領縉紳絕微  
風烟無返日故家弓冶有聞人碧雞一墮  
千年淚杜宇長啼五夜春怊悵驛亭空駐  
馬青山何處吊孤臣

夏日金沙寺聽僧滿泰彈琴

一灣流水繞禪林幽意泠泠上玉琴何事

朱東詒詩集

卷之三

九

雪山天萬里長風吹送海潮音

萬里橋東錦浪迴千家蕭管沸樓臺南風  
一聽空門奏絕勝箕山洗耳來

和子裁二詠

一笑紅顏顙轉蓬障泥初試五花驄風雷  
屋水收神駿雲雨巫山冷故宮舊寵誤蒙  
金作屋新恩偏愛玉為駿燕樓無事悲雙  
翼龍塞晉馳萬里功

右愛妾換馬

俠客雄心寄莫邪忍看紅淚濕青蛙判將  
楊柳風前葉博取芙蓉匣裡花天上女斗  
虛伉儷床頭雷雨伴龍蛇何當三尺訓明  
主底用傾城說漢家

右愛妾換劍

石犀寺同子裁賦得看樓二韻

寺名石犀一名石牛在成都西門  
故為鄧艾廟元魏太和中改建殿  
前石犀相傳秦人故物其季代不

朱東詒詩集

卷之三

十

可知然金牛去成都千里不應移  
至此地或云秦太守李冰所鑿然  
應在離堆江中何緣置之平陸豈  
以艾曾入蜀祀之者因秦事以神  
其績耶抑冰鑿石時所遺耶然不  
可考竟矣

山寺雲深五月寒門前犀石倚巔岼波濤  
倏傍秦江轉神恠翻愁晉渚看未擬三車  
窺法界且憑二雅醉騷壇諸天風雨冷然

至不信恒河欲渡難

風栴雨竹午淒淒坐聽青山一鳥啼石上  
繡苔餘古色床頭班管試新題宰官已悟  
三生夢高士還堪半榻棲何事市塵渾不  
到化城原與白雲齊

入寺懷袁茂文叅伯用前韻

何處詞人獨倚闌凌雲樓閣俯江干烟霞  
想像頻呼酒風雨沉酣倒著冠河朔尚虛  
索紹飲浣溪難罄杜陵懽空門片石秦鐫  
在好待同來拂蘚看

朱東器詩集

卷之三

十一

覺路金繩到不迷况逢同好此招携松窓  
蘿塢留雲住竹徑梧垣有鳳棲把酒正懷  
三益友閉關何事一丸泥恠來笑語聞河  
漢地是成都卜肆西

金沙寺觀新水同子裁賦

入夜涼雲淨八垠曉看雙樹雨痕新波浮  
城郭兼天迴地湧樓臺拂漢親歌劇魚龍  
供起舞坐深鳬鷺傍垂綸莫愁野渡無舟

檝寶筏猶堪萬里津

督學曹使君雨後草堂小集

城南雨過風日鮮百草堂殊可憐門前  
流水碧於淙亭畔長松青更妍詞客篇詩  
且容與故人尊酒共留連馮高取醉歡未  
歇坐覺江樓生紫烟

送吳孝甫還新安無遊大峨

三峽猿啼秋氣深錦江相送此時心好携  
峨嶺千岩色去作黃山十里陰捫處井參  
窺鳥道賦成雲雨薄楓林莫將才藻悲楊  
馬詞客傷離正不禁

朱東器詩集

卷之三

十二

八十七盤高可憐相將蠟屐興翩翩雲霞  
變幻身是佛巖岫虛無人欲僊定有歌聲  
翻白雪可能搔首問青天扁舟明月平羗  
夜好寄相思浣水邊

送洵上人歸洞庭

歸去東吳問舊山十季猿鶴候松關杖頭  
峨雪寒生白袖上江雲濕作斑身似冥鴻

遊物外詩傳片玉落人間不知銀色靈源  
界湖水新添碧幾灣

黃山歌再送吳孝甫

我聞黃山之峰三十二上薄日月排雲烟  
岩洞豁所不知數一一鬼斧窮雕鐫明  
萬片丹壁挂飛流百道青冥縣誰其個儻  
吳季子卜築近與茲山連向平婚嫁願已  
畢芒屨竹杖遊蹊蹊楚樓東覓黃鶴侶蜀  
宮西訪青羊僊百花潭水一傾蓋尋幽吊

宋東野詩集

卷之三

十三

古心悠然題橋且擊相如節問奇直叩子  
雲玄君平卜肆今安在武侯祠栢高摩天  
青城玉壘發孤嘯聳身忽上峨眉巔千崖  
古雪寒可掬半輪新月秋相鮮更尋神女  
賦宋玉拂衣東下巫山船山川盡入錦囊  
裡菊松却詠歸來篇我歌黃山送君別秀  
色飛落瓊觴前雲蘿霧薜咫尺見山靈愴  
恍來周旋莫言傲吏無金骨八極憑陵自  
風緣

用韻寄懷梅吉士公岑

天入瀛洲望渺漫相思萬里一馮闌校書  
東閣青藜夜深翰西堂白玉寒蜀道客疑  
牛渚泛漢廷人作歲星看即今池草堪誰  
賦幾向中宵夢二難

送王比部時典文蜀中

豫章才子漢仙郎丹筆遙含五色芒望裏  
使星雙太乙佩來神劍一千將馬從羣牧  
占良驥珠向遺津得夜光多少英雄盛文  
藻可應收入舊青箱

宋東野詩集

卷之三

十四

益部掄才思獨勞漢廷得士望逾高綵毫  
蚤攬三巴勝畫舫秋乘萬里濤杯酒異鄉  
憐此別匣琴同調向誰操臨岐擬贈雙龍  
雀行色看君自佩刀

和荅楊孝廉觀吾

墨池水繞孝廉居玄閣寥寥此著書千里  
未收燕市價十年歸奉洛川輿總緣下榻  
隣高士還媿凌雲薦子虛聞道西堂新得



句思中春草夢何如

弱冠稱詩已鬢蒼  
溪勞詞客贈琳琅  
雄才似欲傾巴峽  
小隊真疑到草堂  
北斗夜寒低倚劍  
少微天近對飛觴  
浮雲富貴須臾事  
大雅千秋日月光

人日酬于詔為壽

安石東山臥有年  
姓名幾徹御屏前  
神龍窟澤風雷繞  
文豹巖巒霧雨偏  
久擬彈劾從物望  
那能捉鼻受人憐  
登臨不少陽

朱東齋詩集

卷之三

五

春曲知在峨眉白雪邊

指顧風霆片檄傳  
功名猶記豫章年  
賦來龍性堪誰擾  
畫得蛾眉祇自憐  
閑水歌翻波欲立  
微垣書到月重圓  
青春起色看非晚  
北斗馮陵一劍懸

劉道微叅伯至小集浣花草堂

春風回首曲江筵  
羽翮參差十九年  
鄱水魚龍閑舊釣  
浣溪花鳥入新篇  
杯前夜色青藜動  
劍外晴光紫氣連  
少日劉郎今好

在彈冠還自笑華顛

灌口謁李公祠

當秦之世早事并吞儀軼睢澤之徒爭以詐力取卿相糜爛其民遂兼天下公為蜀守獨修禹稷之業疏鑿離堆以祚斯土沃野千里至于今賴之藉秦人用公兩宰制六合當必有道傳世之久即三代可與幾也乃棄申枿蘇糞壤使公之功獨著于蜀蜀牛故在秦鹿已亡千載而下其寧無遺憾也既拜公祠爰述斯語復系以詩後來者其以余為知言不

朱東齋詩集

卷之三

十六

洪濤搏地灌門開  
萬里長風響壑雷  
宇宙幾人荒蜀壤  
江山終古見秦淮  
疏分績是平成後  
溉注功存樹藝來  
回首金牛當日路  
馬張遺跡總蒿萊

不寐

月色送清夜風聲生蚤秋光疑浮枕簟涼  
欲重衾稠肉食慙長計雄飛想壯猷終宵  
不成寐曙色灌城頭

中夜百感集更籌寤寐間濤喧偏到枕風  
勁欲移山旅宿淹王事鄉愁損客顏何能  
謝朱紱歸釣碧湖灣

竹軒雜興

幽軒坐停午翠篠對娟娟地絕紅塵外涼  
生白芡前葉飛時下烏枝響忽聞蟬無用

朱東陽詩集卷之三

十七

悲遊宦神清吏亦仙

山城倚岑寂竹樹轉深幽院靜疑無暑風  
清已報秋誰知行部使兼作采真遊因悟  
旬宣理無為得上籌

西征

夷德天方厭王師信有征幾年愁戰伐今  
日見昇平雪嶺風傳捷潘江雨洗兵村村  
樵唱起併作凱歌聲

懷汪子建

燕市重逢又六年相思何地不堪憐加餐  
誼重雙魚字歸去情多倦鳥篇玉壘風雲  
秋黯澹石湖烟月夜蟬娟何因便理夔門  
棹期爾滄洲舊釣船

王長卿內子繡佛工甚詞客傳咏者  
衆余亦賦此

化城何必在西方女手摻摻巧製將素練  
小開金色界絲絲長現白毫光尼珠忽自  
輝蓮座梵樂如聞出蕙房我欲長齋學蘇

朱東陽詩集卷之三

十六

晉逖禪還託醉為鄉

七夕劉道微同賦

靈橋何處是一水望盈盈萬里他鄉客千  
秋此夜情人間多聚散天路且逢迎願乞  
雙雲錦乘風獻 紫清

中秋月色佳甚因懷范太史金沙水

亭却寄

良宵佳月倚闌初正憶仙人水竹居地是  
金沙浮瀲灩天如玉署啟清虛飛空鏡似

窺斑髻出海珠，憐照使車三雅未邀今夕。  
賞乘風思欲附霞裾。

送何念卿比部

紅樹千山帶遠空，錦帆十丈下江楓。才情  
水部留題處，蹤跡玄亭尚白中。巢鳳天回  
軒后閣，啼猿峽繞楚王宮。西南此日勞宵  
旰，持節須君喻蜀功。

別李總戎

弭節初看潘水清，飛符又擁渡瀘兵。六千  
君子翹關易，百道戈船出浪輕。尊俎幄中  
儒將事，干旄江上故人情。浮踪南北無須  
問，但許銅標蚤勒名。

和別蔣使君節甫

甘棠十載石龍城，一畝成都竹樹清。廊廟  
舊推公琰器，江湖今擅客星名。別來錦水  
頻添淚，望裏芙蓉遠繫情。一把新詩如晤  
語，淋漓題墨認分明。

別劉道徵

詞藻爾稱雄，慙余故下風。才應三峽倒，化  
擬九夷同。喻蜀文難似，干齊瑟自工。離羣  
歌正苦，彈劍氣成虹。

余耳中巖之名久矣，晚自青神放舟，始一寓目。千巖萬壑，競秀爭奇。左右顧盼，應接不暇。即不待縱余周覽之懷，然所經行涉歷，亦足稱宇內大觀矣。讀王荈題名，謂長公生長斯地，曾無墨妙然文，忠正氣直，節磅礴，天壤精神靈爽，何所不在。豈必臨池揮灑而後為茲山重哉。夜一鼓登水月樓，因賦此章。異日者，玉牀僕見之，耶尚為余發一粲也。

狂夫夙有尋山癖，乘興來登百尺樓。一水蔚藍將寺繞，三峰蒼翠插天浮。池魚石虎逶迤見，飛閣層臺次第收。蹤跡莫須疑往哲，英靈終古此長留。

遊凌雲寺同范太史因寄周大參

盤雲一徑到崔嵬野色蒼茫四望開如練  
天浮三水下猶龍地拔九峰來招邀喜接  
瀛洲侶咫尺因憐郢里才不有上林詞賦  
客飄飄那得此對杯

曲磴回巒境絕奇半空蒼翠轉逶迤席前  
天近浮杯水亭際雲深洗墨池正喜烟霞  
供吐納更堪風雨滌塵緇不知飛鳥還高  
下為憶岑公卷裏詩

廣德寺

古寺停驂春日西尋幽何惜恣攀躋風飄  
鸞鶴笙簫起霧隱龍蛇草樹迷雙屐可能  
窮法界一琴聊與傍禪棲孤亭片石思元  
祐安得磨崖續舊題

聖水井亭有分寧黃太史題名云

內江郡王耽詩說禮樂善親賢以余

有貴竹之役特請于蜀國主集

諸大夫為餞清夜燒燈登樓把菊

綢繆愛戀泣不能相捨余行遣二

蒼頭持雙燈為別感其誼不薄為

賦一詩寄之

為憶秋宵醉九華臨分將贈麗雲霞玉門  
誼重留賢醴客路情牽繞徑花夢裏笙歌  
樓百尺行邊鏡鼓月千家古來相勗惟明  
德珍重東平樂未涯

春日洪世龍參伯招飲漁磯灣

林樹青蔥春日遲百季同好此相期前驅  
莫遣驚魚鳥小隊將無犯鹿麋時序正綠

人助勝山川偏為客爭奇釣船擬逐玄真

子獨立蒼茫有所思

鳳嬉堂讌集

一水藏幽勝千峰出畫圖魚知遊綠藻鳳  
擬集青梧野色時飛動林香乍有無朋簪  
欣此盍清賞莫令孤

貴竹山川舊中丞節鉞新鑿池分混沌開  
檻倚星辰孤嘯聞叅佐長吟泣鬼神不知  
蓬島外何處有仙人

到此空塵壒春風清客襟誰知城市裏別  
有閒壺心地積蛟龍水天高鳳鳥林都忘  
軒冕在幽意轉來深

把酒蒼山落揚歌白雪飛林光搖綺席花  
氣襲羅衣天地堪容懶風塵未息機便從  
河漢去高泛一查歸

劉子元中丞招飲翔雲閣移席泛舟  
遂凌日暮因次驛間嚴韻呈謝

虛閣馮陵倚碧空坐疑襟袖挾天風江山  
雙眼蒼茫外城闕千家紫翠中綺檻寒霄  
凝宿霧石梁晴日掛飛虹定知今夜青藜  
色來傍真人驛府東

寄梅禹金

憶昨長干上翠微春雲偏傍綵毫飛風塵  
漸老蒼龍劍湖海猶閒白鳥磯夜月分明  
狂客夢晨星寥廓故人稀交情未共年光  
變宛水陵山思不違

來喜堂秋霽偶成

微雨纔過暑氣清虛堂徙倚客愁輕碧雲  
秋色來千里高樹晴光散五城猿鶴山中  
人自遠芙蓉江上水初生誰家玉筵吹楊  
柳鄉國于時月正明

扶搖閣

莊生寓言浩無涖羊角鵬搏九萬里誰將  
虛閣扁扶搖畫棟雕梁矗天起巨鰲負  
怪蜃愁天吳愴恨妖蛟靡圖南一擊溟渤  
動三山簸盪驚濤裏中丞手握造化功貴

竹咫尺滄瀛通碧瓦參差怒翮奮飛簷天  
矯修翎翬黥南髦士龍鳳質變化倏忽將  
無同三年戢羽混泥滓一日噴沫乘長風  
楚客逢秋多感慨憑陵死在雲鵬背豈無  
八翼叩天門決飛尚落榆枋內奎芒冷浸  
玉兔毫斗光寒射蒼龍佩欲從希有志騫  
騰三千激浪爭崩潰

寄王奉常敬美

秦城為別幾秋風尊酒龍池只夢中久客

肝腸荒微外美人雲樹大江東千峰暝色  
迷飛鴈一榻深宵響候蟲愛殺芙蓉滿江  
渚無因持贈慰飄蓬

十載中朝尚璽郎風塵南北老秋霜政成  
粵微辭行省望重容臺拜奉常盛事再新  
周禮樂舊遊重覩漢封裳不知閑閣清齋  
罷對客如泥醉幾場

賦得秦淮月寄湯義少博士

秦淮千古月客子望如何涼露涵清影寒

朱東器詩集

卷之三

二十五

潮湧素波摩挲看玉兔想像隔銀河烏鵲  
棲難定愁邊聽雁過

秋日寄懷周國雍憲使

登壇詞賦蚤知名一劍還將建越清喻蜀  
再傳司馬檄渡瀘新握武侯兵柱標黎領  
乾坤正戈挽邛都日月明何必周郎是江  
左即今梁益有長城

錦水當時不解愁從君幾向月中遊無端  
貴竹山頭夜却憶峨眉頂上秋雲斷孤城

縣戍角風清絕塞擁羶裘可憐定遠虛按  
筆今日勛名未白頭

昔在都城山人胡茂承氏出錢如意  
詩見示今十又二年矣夜讀麗甌  
洞葉則明卿先生蓋兩及之豈異  
物奇人有不能忘情者倪仰遊踪  
觸而成感爰賦近體以當晤言

誰將百鍊錫嘉名古色蒼然逼太清談柄  
未隨揮塵盡詞鋒寧待吮豪驚提携花鳥

朱東器詩集

卷之三

二十六

行吟遍指點風雲坐嘯生持取遊踪窮五  
嶽不教魑魅敢縱橫

清明述懷因寄楊義叔參伯

殊方風日媚清明獨傍山樓感慨生榆柳  
萬家新火遍松楸千里暮烟平粘天芳草  
鄉愁遠繞樹黃鸝客思驚即有百壺粉社  
酒可堪相望不同傾

楚客逢春春思催却從荒微一登臺輕烟  
寒食遙傳燭佳節清明自舉杯遠水綠波

勞想像小山芳樹未歸來東園桃李深相  
慰盡日風前爛熳開

春日漁磯亭子偶成

翠竹青林春事深蒼山白水此登臨綸竿  
地僻魚偏樂絲管風微鳥自吟問俗偶穿  
桃李徑懷鄉遙繫薜蘿心美人綠綺空愁  
報一鼓陽和思不禁

用韻答譚總戎

威名大樹蚤稱雄節鉞南來此會同座上  
笙簧調語燕江間旌旆擁飛熊鏡歌響入  
行雲外帷帳春生坐嘯中今日前籌借尊  
俎好看銅柱倚高空

寄建昌周使君國雍

黔南北望建南天春草春花客思牽萬里  
獨勤黃石略十季遙和白雲篇夢回錦水  
題書後心折黎山叱馭前為問元功勒何  
地蔡蒙應不讓燕然

得于韶閣中書却寄

潁水星辰聚莫期年來世路轉堪疑江樓  
榻倚雲千尺山署巢懸月一枝麟閣勛名  
雞肋似羊裘蹤跡驚羣知遐方病色堪誰  
起還待陳琳片檄馳

綠波樓為助甫題

十萬熊羆細柳春歸來鳧渚綠條新還將  
軍法供行酒醉殺尊前罵坐人  
流水門前畫戟橫繁花樹底綠毫明東風  
盡日啼黃鳥好是春山求友聲

寄黃勉仁侍御

司馬祠前春草香藤王閣上暮烟蒼同時  
對蓋雲霄起一代風流日月光多角幾人  
瞻節槩鳳臺千古見文章鍾山玄水登臨  
處安得從君一舉觴

五懷詩

余昔官南比部一時師友有五人  
焉俛仰十五年先後淪歿暇日偶  
檢贈篇凄然殊不勝感作五懷詩

先師太常鄉許公仲貽

許公廊廟姿夔契思尚友自言平生歡愛  
我無如酒十日太常齋杯觴落吾手身名  
兩俱完拂衣謝氛垢悠然陟南岡歸與藉  
東畝時從支遁遊亦與長沮耦精靈返三  
山著作還二酉悲哉西州路一慟委榛莠

金山人在衡

在衡隴西曹居吳得幽寄蚤從黌校遊晚  
作丘園賁稱詩風雅諧頌曲宮商備九十  
烟雙瞳猶作蠅頭字天全神以完外物詎  
能累浮雲西北馳河漢東南墜斯人不可  
求憂來忽如醉

陳明府子楚

陶公厭彭澤解組歸柴桑翩翩陳奉新異  
代遙相望閒垂江漱綸偶踞青谿牀臨池  
友義獻揮毫出瀟湘千秋思古吟清風灑  
球瑯斯人今已矣岩壑無輝光

姚典客原白

典客謝金門為園隱城市翛然林水間便  
與濠濮似鶴逕與鷗波宛轉虹橋裏桃源  
有天地蘭亭忘爾汝悠悠遡河山冉冉隔  
生死春風楊柳條遊舫待誰艤

盛貢士仲文

野鶴自鮮侶神龍故難馴嗟此南金貢航  
牒誰為親竭來賦兩都綵筆空嶙峋青谿  
二三子文酒時相因一別萬里道意氣同  
比鄰俛仰十五年存亡淚沾巾念昔城山  
棲策蹇歲幾巡臨絕呼蒼頭酌取梨花春  
大笑付委蛻陶然返其真古來達生死獨  
有漆園人

哭莫廷韓

二十論文半百過青雲消息竟蹉跎手中  
向記陽春曲夢裏遙驚薤露歌秀色九峰  
空一靄夕陽三泖自烟波殷勤一束生芻  
意萬里黔南柰若何

送楊義舛叅知入賀



萬壽

小臣貴筑淹行省未上南山 萬壽杯君  
去停軒趨魏闕我從飛旆望燕臺星環北  
極紅雲捧天入西池青鳥來執法蚤聞多  
獻替即看金鑑御筵開

送蔡爾通憲伯入賀

萬壽

金風六月報初秋華渚虹將瑞氣流九閩  
雲霞浮帝座萬方玉帛拱皇州江天肅

朱東器詩集

卷之三

主

肅三青鳥驛路蕭蕭一紫駟醉把芙蓉照  
龍匣斗光隨處壯君遊

胡文化使君別十又九年矣茲以入

賀弭節貴陽尊酒論心有如夢寐

於其別賦詩二章贈之

杯酒秦淮十九年憑高長憶伯牙絃行旌  
尚帶蒼山色載橐應餘白雪篇湖海交遊  
雙鳥外風塵容鬢一燈前坐來初月當尊  
墮此夕清光倍可憐

分違何易會何慳聚散真成寤寐間三伏

炎蒸勞使節廿年風裁動朝班却從虹

渚呼天壽還就龍墀識聖額贈取黔陽

雲一片隨君飛旆入燕關

十五夜霽鳳嬉堂燈宴

此余新春元夕詩也是日新霽六

街燈火爛若綺霞觸目會心酒中

卒卒占此歸檢余金陵詩與斯篇

僅一二語不類因藏之笥中且六

朱東器詩集

卷之三

主

閱月會城炎暑兼苦應訓是月五

日天大雨新凉可人而逢迎亦稍

罷乃取二篇較之覺後差勝前因

兩存之亦以見殊方情景與中土

無異也戊子閏六月七日識

燈火輝煌艷綺霞殊方物色自京華條風

曉散千門雨明月晴懸萬樹花尊俎春城

歡此夕笙簫別館醉誰家何人為把青藜

杖書閣還來照五車

秋日寄懷張助甫中丞

桂園秋色繞汾流，憶昨從君結駟留。  
碧草池臺龍穩臥，青梧亭檻鳳雙遊。  
飛觴席地千花擁，揮麈談天萬象愁。  
當日歌聲振林木，只今回薄未全收。

千古詞盟狎主難，中原一臂倚高寒。  
乍舒雲漢天孫錦，還躡風雷上將壇。  
秋水綠波歸釣艇，春山黃鳥隔飛翰。  
何當燕喜從張仲，大笑尊前理舊歡。

朱東陽詩集

卷之三

三十三

賦得桃花源寄懷陳明府

秦宮晉苑已銷沉，異代仙源尚可尋。  
天地誰傳漁父記，山川君有逸民心。  
溪頭釣艇隨何處，洞口桃花開至今。  
聞道弓旌滿岩穴，避人蹊路莫教深。

客有以玉堂白鷺詩見示者，偶一賦之。

一水瀛洲碧渺茫，飛來素羽散搖光。  
天回東壁乘春早，月湛西崑度影忙。  
穿戶詎分

庭樹色拂簾，差識院梅香。  
烏衣見說多塵土，棲向仙人瑤瑁梁。

吳明卿先生書來惠敘小集，兼枉瑤篇，鄭重雅情，踰溢望外。用韻呈謝，且識余私慶焉。

歸鴻秋自鄂城來，一日蠻荒瘴霧開。  
人物家存吳季傳，山川代擅屈平才。  
洞庭波冷龍吟水，太別天清鳳嘯臺。  
東下江樓深引睇，白雲黃鶴兩悠哉。

朱東陽詩集

卷之三

三十四

天壤誰高七子名，文章驚代屬宗盟。  
楚書捧得雲堪附，郢曲飛來雪有聲。  
豈謂芝蘭同臭味，可緣杯酒接生平。  
武昌舊事欣重省，不少雙魚數寄情。

鄭克漸行部赤水，示余憫雨喜雨諸作，兼以見懷，和荅一首。

千里懷人興未裁，西風青鳥一書來。  
滌煩似瀉羣峰瀑，破夢如驚萬壑雷。  
遂有新涼生白苧，即看寒色上蒼苔。  
春秋喜雨堪重

紀良史于今羨爾才

白鴈

秋色冥冥素翮孤  
恰從霜候傍江湖  
遵來苻渚還高下  
飛入蘆汀定有無  
瑤瑟月明棲作柱  
碧空雲淨寫成圖  
冰天一札寒相照  
鬚髮猶疑海上蘊

秋日遊水月菴山行即事

風日茲辰好  
尋幽更省方  
岩巒迴鳳吹  
蹊路繞羊腸  
曉隴高梧竹  
秋畦滿稻梁  
樵人

朱東岩詩集卷之三

三五

厲斤斧  
饁婦走壺漿  
水柳盈盈色  
山花細細香  
天容時豁朗  
雲氣乍飄揚  
地僻人烟古  
情投物我忘  
依微開鷺嶺  
咫尺現虹梁  
浮梗原無住  
摩尼自有光  
禪心兼野趣  
都向此中長

水月菴觀新橋仙跡同克漸賦

溪潭千尺俯龍宮  
翠壁丹梯杳靄中  
山是祇園飛一鷺  
橋疑滄海駕雙虹  
神功彷彿鞭秦石  
仙跡分明落梵空  
不信蠻貊隔雲

漢滄波原與絳河通

竹香館為楊觀吾孝廉賦

琅玕才數枝  
幽芳已盈宇  
昨夜墨池風  
吹作瀟湘雨

莫作壺中隱  
應同嶰谷裁  
龍根一日化  
風吹九天來

和荅楊聞吾徵士

錦江芙蓉匝江岸  
宛似紅雲開絢爛  
君家兄弟玉樹枝  
若為纈取裁新詩  
把來恍忽

朱東岩詩集卷之三

五

成五色  
只恠錦江留  
不得迢遙却寄九夷居  
天風化作雙鯉魚  
鯉魚儼對故人面上  
有錦江花片片  
感茲意氣良已深  
一花剩抵雙南金  
殊方羈旅形容槁  
對之不覺纈色好  
仰天大笑歡未涯  
呼取金尊醉九霞  
九霞傾盡思難極  
安得逡巡生羽翼  
三季惜別蹤跡孤  
絲毫十丈今在無  
紫薇堂中月如水  
急掃鸞箋報千里

夢亡女

死別已十載淚痕今未銷如何黔水夢猶  
逐華雲飄存歿恩難斷遲回態轉嬌病中  
愁正苦魂斷不堪招

中秋臥病棘闥得助甫中丞書并惠

荅八篇霍然愈矣喜而賦此

明月中宵一鏡寒美人遙隔汝河干病中  
書有加餐至掌上珠慚報玉難推枕即看  
雙步櫟據床還復一彈冠仙查萬里期相  
訪不似山陰興易闌

朱東齋詩集卷之三

三十七

山河不斷故交情徙倚中天片月明一札  
題來鴻鴈色八篇吟作鳳皇聲西南天地  
揮毫近嵩洛星辰抵掌生病客沉綿無復  
似為君奇氣轉縱橫

入覲用韻別洪樂甫參伯

江浦芙蓉照眼明離亭秋色擁千旌千金  
憶昔逢燕市杯酒今看別渭城北走驂駢  
雲外路南飛鳥鵲月中聲莫因絕徼悲遊  
宦長劍相看壯此行

用韻別鄭克漸參伯

日出城頭驛騎催却從羣后覲蓬萊雲霄  
肝膽千秋見雨雪關山萬里開北斗獨憐  
龍劍別南天還望鴈書來紫薇花發勞相  
憶正爾情懸鄧隗臺

用韻別盧使君

憶昨南還識使君翛然標格出人羣春涵  
彭蠡雙湖色清入廬峰一片雲閣海蜚傳  
歸玉節黔山重喜挹蘭芬新篇把贈朝元

朱東齋詩集卷之三

三十八

客恍忽陽關醉裏聞

祖帳新橋秋正明勞歌雲樹緩前旌故人  
湖海重逢處遠客風塵戀別情黃鳥山中  
啼未歇綠楊江上送將行芙蓉晚色還堪  
醉却忘烟汀是去程

用韻別吳使君

黃綬當年政有神餘波散作淦江春鳳遊  
白下亭臺古龍臥黔南窟宅新正喜論心  
移晷日可堪分袂向秋旻贈篇知自觀風

得一曲能清萬里塵

使君曾掌樂安以南部尚書郎歸

飛雲洞

一徑躡飛雲千崖蒼翠分那知是仙吏忽  
自出人群窮窅鸞驂度依稀鶴吹聞瓊膏  
盈石穴持取獻明君

飛雲洞讀吳明卿先生詩用韻奉懷

迢遞朝元路徘徊郢客吟風霜千古色山  
水十年心壁動龍蛇畫天高鳳鳥音憑欄  
無限思清梵出幽林

朱東器詩集

卷之三

三九

寄懷鄭克漸叅伯

江樹蒼蒼江霧黃津亭離思正微茫九重  
日月開春殿萬里驂駢發夜郎望遠此時  
心共折交深何處酒能忘杯前咫尺分携  
地一水還牽客夢長

寄懷洪樂甫叅伯

春風回首曲江季遠道驅馳歲屢遷對月  
每傾金筑酒看花同賦桂堂篇南荒霧雨  
開蠻徼北極雲霞捧御筵一曲離歌心萬

里將因明發重留連

別譚總戎

一羽親提百萬兵直從蠻徼作長城還將  
武帳黃公略收取詞壇白雪聲銅柱西南  
瞻氣色綵毫尊俎見才情雄篇把贈縱橫  
甚白日風雲擁客旌

別伍督學

金馬才聞使節過便提文印向牂牁洗兵  
霧捲昆池浪深翰風行貴水波別去青山  
空暝色和來白雪是離歌看君絕徼傳經  
遍齊魯西南未足多

辰溪贈郭使君薦周

憶昨追隨古益州十年蓬跡五溪頭風塵  
老媿朱公舛車馬重逢鄧細侯秘檢且須  
窮二酉高情直擬論千秋雲霄意氣尊前  
見無事翻期汗漫遊

遊於將軍園林登層樓高處

一上層樓興欲飛高天雲氣轉霏微主人

朱東器詩集

卷之三

四十

丘壑堪忘世容子風塵暫息機烟渚故開  
魚鳥陳月林初掛辟蘿衣便從此夕乘槎  
去不到明河不擬歸

哭曹世登叅伯

世登以入  
于山東

賀還卒

金鑑瓊書事已空半生經濟逐飄蓬便從  
海岱還元氣不待雲霄翊化功故老甘棠  
思召伯諸生芳藻薦父翁蜀人今  
祠祀公白頭知  
已長安路矯首鄆山涕未窮

南陽即席分得庚韻呈孔炎子厚宗

宋東路詩集

卷之三

四十一

侯父子袁更生文學

蚤向詞場識姓名停驂一見眼雙明文章  
中壘還家世意氣西園有弟兄碧酒倒將  
銀漢落朱華寒傍綵毫生醉來咲把袁宏  
臂今夜星辰聚宛城

十一月十九夜宿新野瓦店夢亡妻

黃宜人抱一子臥余三四促之起

蓋此為舊遊地而亡兒崑壽往以

是日天於潼關不勝悲感因賦二

絕

舊遊蹤跡委飄風生死恩情一夢通誰道  
秦城千里隔芳魂飛度月明中

情緣不斷十年前浣水潼關客夢牽恨殺  
晨鍾驚却醒蓬山依舊路綿綿

俠客

五陵年少氣豪麗神臂能彎十石弧百寶  
裝鞍春戲馬千金倒橐夜呼盧稍聞擊筑  
從燕市亦復揮鎚走魏都到處無人識名

宋東路詩集

卷之三

四十二

姓藏身應自酒家胡

哭王奉常敬美

秣陵迢遞尺書傳想見維摩示病年豈為  
龍蛇逢歲厄却從笙鶴謝塵緣人琴竟絕  
生前響池草空題夢後篇擬奠東粵東海  
上極天風雨淚雙懸

一疏秋風歸故鄉澹園松菊未全荒那知  
綠野藏名地翻是玄都稅骨場正氣于今  
逐河岳文心何物因膏肓精英不向人間

盡化作雲霞海日傍

河上逢王升使君

錦里鶯花別恨多，惟來握手此酣歌。  
雁鷺低平野，水落魚龍穩大河。  
客路遙依黃鵠侶，鄉心長繫碧山阿。  
倦遊那得相如賦，不擬梁園雪裏過。

讀王升使君滕閣諸篇意興超然直

與江山增勝喜而賦此

崢嶸古閣俯洪流，真為高人壯此遊。  
浪闊

朱東坡詩集卷之三

四十三

魚龍翻窟宅，天空鴻鴈下汀洲。  
憑闌深翰

朝雲濕促席，飛觴暮雨收。  
一自三王雄藻

後千年君與大名留

北行旅夜從王升使君談藝甚洽詩

以紀之

弱齡操柔翰，騁逐文藝場。  
冥心到風雅中

迨漢與唐同時，二三子懷穎爭頡頏。  
以此

管蒯品藉彼芝蘭，芳敢云入壺奧庶或窺。

堂皇羽翼一乖違，邈焉若參商矯矯陳夫子。

子崛起汚之陽，萬卷恣繙繡。  
二酉無餘藏

賤微亮所捐，瓊玖貽琅琅。  
竭來大河濱，振

翮雙翱翔。晨征戴星月，暮止引壺觴。  
覽古

思方劇，稱詩歡未央。  
深談析要眇，至理窮

毫芒玄旨一契合，意象兩俱忘。  
緬彼兔園

人授簡，矜遊梁。鄴都盛父藻，趙歌多慨慷。

誰謂千載下，意氣遙相望。  
魏闕行且近，羣

后集萬方肅肅奉圭璧，依依日月光皇風。

正清穆，臣職思頌揚。  
勗哉太和音，載賡明

朱東坡詩集卷之三

四十四

與良

和顏範卿左史

白下分携飛夢勞，江州重戀舊綈袍。  
王門

已謝攀業桂，郡閣曾憐解佩刀。  
湓浦月華

邀送酒，匡山雲氣促揮毫。  
東風握手長安

邸一曲陽春轉自高

和荅正甫宗正

園亭飛蓋岳雲飄，潞水黔山別思遙。  
夷檄

轉看天不極，王門重憶月相邀。  
芙蓉夜色

還芳沼楊柳春風自畫橋萬里一減傳鳳  
藻依稀猶似跡仙韶

何仁仲二園詩

楚國名園此竄稀  
瀼瀼甘露見先機  
金芝玉樹盈庭長  
白鷺文鴝繞檻飛  
一水涵天浮作鏡  
千花遶架結成幃  
何時杖履遙相訪  
十日追歡未擬歸

右甘露

何處三洲是采芳  
鄭城東北水中央  
山川開闢從司寇  
堂構參差自辟疆  
學士傳經雲繞帳  
詞人分詠月臨觴  
金門却憶東方記  
恍惚瀛玄在此鄉

右采芳

朱秉器詩集卷之三終

朱秉器詩集卷之四

新淦朱孟震

武昌吳國倫

新蔡張九一

晉江黃克晦

維揚柳應芳

臨川朱元芳

讀李惟寅貝葉齋詩并扇頭二作卒

爾呈謝并巧小侯新集

羽林萬騎擁登壇  
耳詞塲指顧看  
望入碧雲春正合  
題朱明月畫生寒  
百年文武才誰憲  
一代風騷和獨難  
今日西平還有子  
篇中秀色總堪餐

春日酌徐子裁朱德輝共得流字韻

雪後長安淋氣浮  
東風吹綠滿汀洲  
病夫獨臥愁方結  
詞客相過意自投  
把酒尊前春色亂  
亂探詩掌止夜光  
流何須擊筑論千古  
此際真從汗漫遊



豫讓橋

石橋流水去無聲片碣猶題豫讓名三晉  
河山雲外盡孤臣肝膽日遶明世卿何代  
無興廢國士還誰託死生立馬春風一悲  
慨綠楊芳草倍關情

順德道中

驅馬邢臺風日鮮嬌鶯谷口報春妍柳條  
夾岸綠於染桃花滿林紅可憐物色化工  
勞點綴旅情芳景謾留連故園棣萼深愁

朱東萊詩集

卷之四

二

思腸斷西堂夢草篇

楊花

寒疑宿霧飛還起晴逐遊絲落更颺絕似  
漢宮垂手舞半空飄颻擁霓裳  
千里春雲擁使輶垂絲相引共飄颻若為  
化作風前雪不向征人鬢裏消

輓貞吉

雙鯉肝腸久自親幾憐蓬梗隔風塵朱華  
色借西園夜白雪聲回郢上春百里星辰

懸夢寐五遊山水想丰神平原十日歸差  
晚惆悵南州吊玉人

寄陳玉牀京兆

握手初從燕市來天風吹送鳳皇臺金銀  
城闕雲中見龍虎河山日下開佳釐好尋  
吳晉苑循良還借趙張才知君解道澄江  
練更上高樓一舉杯

寄胡使君

江城炎夏足幽居何自能來憲府書百里  
朱東萊詩集

卷之四

三

風雲飛尺素十行星斗照蓬廬愁多漸覺  
逢迎少病久誰知禮法疎今夜洪都江上  
月清光應傍玉人俱

寄荅芾斯宗侯

八月寒濤江樹秋書來還似廣陵游誰知  
叢桂山中色只向高梧閣裏求此日浮查  
憶陶謝何時飛蓋集應劉憐君夢斷春池  
草可解相尋鳳水頭

病中寄京師諸故人

蓬蒿外齋不厭貧深杯淺酌未辭頻漢廷  
幾日還京兆魯國千秋有素臣庭戶儘宜  
巢燕雀丹青漫擬畫麒麟滄浪一曲供垂  
釣慙媿雲霄問故人

送柳陳甫之豫章

不遠金川水西來問舊盟蜀山萬里夢燕  
市十年情柳舞小垂手鳥歌前緩聲扁舟  
又東下梅雨暗江城

送君江上去離思欲潛然寥落看行李輟

朱東器詩集

卷之四

四

勤把贈篇相携且今日一別定何年向夕  
孤舟泊漁歌起暝烟

維藩錄詩為希斯宗正賦

赤社分封舊青藜世業長銀潢回潤澤玉  
冊起輝光奕葉蘭重茂連卷桂有芳自公  
多暇日揮藻似陳王

寄題希斯逸園

此日名園裏西風作好秋芙蓉芳沼淨桂  
樹小山幽林滿烟靄色人同汗漫遊似將

蟬冕貴新博醉鄉侯

青藜閣為履方王孫賦

聞道真人閣岌嵒入紫冥西崑來氣色東  
壁發精靈雲雨通三島風雷走六丁千秋  
太乙火夜夜吐青瑩

艷歌行

華月皎皎臨高堂蕙殺桂酒揚芬芳銀箏  
瑤瑟陳四廂玉笙瓊琯行相將吳姬越女  
綵衣裳舞裙歌扇風飄颻鴛鴦七十儼成

朱東器詩集

卷之四

五

行遊龍夭矯驚鴻翔別有佳入出北方翩  
如行雲來洞房蓮花蹴步羅襪香凝眸引  
睇秋波長一時粉黛無輝光丹唇微啟按  
樂章春鶯流轉調輕簧登堂為君稱壽觴  
寶釵乍彈雙鳳皇願君福如陵與岡萬歲  
千秋歡未央

和荅鬱儀宗侯

漢家龍種大江西書疏翩翩手自題玄閣  
幾曾通夢寐青山今喜問幽栖新詩十月

晴飛雪奇字千秋夜照藜可信中庭多玉樹淮南叢桂詎堪齊

行甫將邀余蒼蒼閣余不果赴小詩

奉寄

結襪當年事彈冠此日情園花曾識面山鳥鮮呼名文酒三春集風雲萬里程陽和是何曲翻作別離聲

春日陶楊二使君招飲赤壁

幽亭突兀俯江天春色繽紛上綺筵憑檻

朱東器詩集卷之四

六

鳥聲來谷口開尊花氣落燈前周郎赤壁名千古蘇子黃州賦兩篇今日風流誰得似會稽家世永和年

憶昨燕臺兩驕驕翩翩曲水踏春陽十年霄漢心同遠一別風塵鬢已蒼交誼殷勤存管艷旅程迢遞入江黃君看赤壁雄千古今日還來對舉觴

百可園春日呈鄧震卿

繁花能笑鳥能歌春入名園興轉多看到

掖垣梧竹色十年魏闕思如何

茂林脩竹倚高旻曲迳迴塘次第經三月茲辰又三日風流何必減蘭亭

贈梅公春

牛耳誰當主夏盟君家詞翰最知名還從上國觀風地來聽高唐賦雨聲草色天涯春漸遠馬啼山店夢初醒相思未卜重逢日莫惜離筵酒重傾

將抵新蔡寄助甫中丞

朱東器詩集卷之四

七

憶昨長安話別時中宵風雨暗龍池十年塵土空奔走萬里雲山勞夢思片札西南神共往雙旌梁楚意先馳相逢此夕歡何似笑把花枝問酒卮

夜集助甫中丞乾甫貢元後之孝廉

同賦得文字

華堂燒燭話離羣月轉高天曙色分別久向懷愁牀夜瘦來今似沈休文夢中已命黃州駕望裏遙停汝海雲好是春園桃李

會不妨深酌到微醺助甫十日前茅不依相訪蓋不依時在黃州云

登綠波樓得珠字

縹緲飛樓入太虛  
汝流迴合繞庭除  
春風秀色浮金鏡  
夜月清光浸玉壺  
萬頃蒼茫空外落  
千絲搖曳檻前疎  
看君綵筆晴相照  
蚤探驪龍得領珠

泛舟汝海得人字

汝海流千古相携主共賓  
水疑河漢落地入斗牛  
親載酒浮青荇揚歌度綠蘋  
誰知蓮一葉坐有兩真人

遊百泉

靈源何但百泉名  
萬玉千珠隱太清  
風靜綠波浮鏡面  
月明幽響送琴聲  
還從半嶺聞鸞嘯  
便擬高天跨鶴行  
此日中原憂旱魃  
好將霖雨慰蒼生

宗侯孔炎子厚父子同薦詩

曾吟白水憶南陽  
尊酒經過意興長  
藜閣

漢家賢父子桐圭周代舊  
侯王姓名業已題金管  
詩句還應和栢梁  
千載兔園今寂寞因君詞賦有輝光

寄李本寧

邯鄲憶昨醉春雲  
握手叢臺黯忽分  
枕裏行藏元是夢  
尊前花草笑離羣  
重來燕市悲彈缺  
何處梁園與論文  
此日瀛洲虛左席  
待君長夏詠南薰

喜雨用韻答袁文毅

向曉玄雲逐馬蹄  
蓬萊隱隱望還迷  
黃塵五月飛燕市  
霖雨千山逗玉堤  
即有繁陰驕竹樹  
漸看新水狎鳬鷺  
蚤聞民切最喜歡  
聲澈禁闌露禱憂

湯堯文別駕以詩扇見遺奉答一首

紈扇勞分九夏涼  
動搖猶帶墨池香  
已知學擅青藜閣  
况復才高白玉堂  
綵筆艷翻歌裏雪  
佩刀寒吐匣中霜  
士元驥足良堪展  
今日燕臺倍有光

夏日邀殷無美李惟寅諸社丈湖亭

小集分韻得清字

近水亭臺暑氣清况逢詞客枉高旌還將  
河朔千年酒一散江湖萬里情山翠半涵  
朝雨潤波光遙帶夕陽明僕夫莫漫催歸  
騎共待天街片月生

一水微茫接太清望中蒼翠轉分明湖山  
今古如相待魚鳥浮沉自不驚調合更憐  
心共遠興來何惜酒頻傾歌殘高柳鳴蟬

朱東野詩集卷之四

十一

亂徙倚闌干看晚晴

次殷無美虛字

地僻難停長者車水亭何意枉藍輿到門  
碧樹初鳴鳥舉網澄潭更得魚歌散綵雲  
疑不去飲餘明月上何如西曹父藻知名  
久漢殿行看賦子虛

次李惟寅孤字

碧水溶溶漾綠蒲風塵幽興未全孤天空  
鳬鴈時高下地迥樓臺半有無萬柳門庭

看繫馬雙槐欄檻聽呼盧人間炎暑渾閑  
事寒露清冰自玉壺

次汪子建萊字

宛轉垂楊一逕開青鞵布機偶同來幽情  
似借烟雲吐野服疑將薜荔裁東壁星辰  
臨碣石西山風雨擁蓬萊當年詞賦推鸚  
鵡今日還多處士才

次袁文穀寒字

擬向湖亭作大觀自公清暇共邀歡滌觴  
雨過千峰媚捲幔風來萬木寒著論誰能  
似朱穆閉門人恐是袁安從教車馬闌城  
闕文酒相携興未闌

次朱可大稀字

風亭水榭景霏微才子聯翩到不違行處  
青山看未厭歌來白雪和應稀高談傾座  
渾忘暑逸思凌空只欲飛聞道兵厨多美  
醞可能携取醉漁磯

次蔡子瑞皆字

朝來晴色動天街為喜邀賓事已諧白鳥  
滄波遊泛泛黃鸝深樹語皆皆柳邊水綠  
窺人影巔末風生蕩客懷酩酊習池兼作  
賦高陽還自謝吾儕

次凌伯升迷字

帝城何處足幽棲傍水亭臺萬柳低遠俗  
乍疑彭澤里避人渾是武陵谿歌翻白苧  
花爭咲樂奏清商鳥乳啼不有金吾寬夜  
禁酒關歸路恐成迷

朱東器詩集卷之四

次申敬中移字

花源柳徑轉逶迤共赴平原十日期地勝  
坐憐青嶂合水寬遙見碧天垂菰蒲色借  
雲光動楊柳陰連日影移武庫由來誇紫  
電風雷恍惚起連漪

李將軍惟寅招集演梵寺蓮池分

韻得門字

尋幽遠塵市聯騎到空門雲擁西園蓋波  
搖北海尊魚龍親語笑鷗鷺對飛翻醉倚

將軍樹如窺萬柳屯

次殷無美天字

西山初過雨碣石且談天身自蒼生望吟  
多白雪篇那能書咄咄一任舞僊僊走馬  
來何地龍池采白蓮

次李惟寅秋字

萬柳城西曲涼颼入蚤秋青尊浮綠蟻遠  
水泛輕鷗便擬酣千日渾疑到十洲登壇  
君自貢兼領醉鄉侯

朱東器詩集卷之四

次汪子建人字

憶昔青溪曲翛然方外人醉吟邀笛夜行  
戀後湖春耐可來京國何妨作隱淪相看  
成老大莫厭酒杯頻

次袁道饒峰字

選曹稱獨步退食每從容柱笏憐朝爽街  
杯到夕春烟光浮遠水雲氣靄高峰河朔  
千年後看君躡舊蹤

次朱可大高字

能詩有光祿盈卷曲彌高水擊新鵬翼  
飛蕩馬曹劇談歡不淺縱飲興偏豪今日  
朱公舛真堪僕楚騷

次袁文穀送字

南國多才子翩翩集 聖朝清風堪却暑  
逸氣總凌霄坐嘯情偏洽行吟思轉遙只  
疑牛渚泛乘月夜相招

次蔡子瑞看字

綠水杯前繞青山席上看七言還破的四  
座欲生寒倒峽才難盡傾江興愈寬吾將  
繫歸馬長日罄交歡

次凌伯升卮字

避暑來初地臨流倒接羅境偏風更爽晝  
永席頻移楊柳張為幕蓮花把作卮金吾  
欣共醉歸路莫愁遲

次申敬中山字

此日同遊地何如消夏灣依人來白鳥對  
面出青山賓主東南盡風騷伯仲間和章

成率爾興到不須刪

次龍君御棲字

姓豈龍為友名將嶽與齊幾人矜宦達十  
載任卑棲神物誰堪擾雄談自不稽興來  
忘爾汝扶醉禁城西

次李小侯飛字

王孫張燕地逸氣欲雄飛軍令傳杯酒吟  
情入釣磯趨庭名不忝和郢客應稀醉戀  
浮查水厭厭未許歸

劉玄子比部獻獄淮揚便還光州小

詩代餞因懷助甫中丞

君持玉節向浮光何似相如在故鄉到  
幾人驅弩矢喻巴千載見文章湯仁已自  
開三面堯德還應被萬方聞道中原憂旱  
勞蚤將圖取上 君王

擬向蓮池餞百壺翻然歸思滿江湖春風  
楊柳空黃鳥秋水芙蓉自綠鳧燕市北來  
多賦客梁園南去盛文儒相逢為問張公

子汝海還堪一醉無

題袁使君名宦鄉賢冊

名家蚤識邵公賢宦蹟鄉評共蔚然去後  
甘棠還殺芾翹來業桂正連卷岱宗望擬  
千秋重淮海聲將萬派傳俎豆宮墻誰不  
羨庭堦蘭玉况聯翩

張幼于內子輓章

爾擅安仁賦余深奉倩情還因悼吳苑轉  
憶哭秦城改服能同隱齊眉不共生煌煌  
三秀色九地英精英

送塞司馬渝州省觀

薰風吹檻海榴明燕市南頭送客行親舍  
白雲回馭日天涯芳草倚門情廟堂重  
借金城略閭里欣傳玉珮聲歸到庭闈稱  
慶罷蚤看飛傳入瑤京

袁文毅司理招飲成國園亭分韻時

無美惟寅道饒可大子瑞子建余  
與文毅集者八人伯升敬中以疾

伯焜正甫君御以祀事小侯未及  
邀不佞得城字

上公別館傍層城宛轉溪流畫舫輕夾岬  
尊壘凭檻取遏雲歌管拂舷清只疑河漢  
乘查度况復郊原步櫟行歸路莫愁風雨  
至片雲依約待詩成

次無美秋字

遠水長天一色秋酒尊詩卷共夷猶但逢  
勝地皆三迤未必青山城十洲今日蒼生  
還繫望何人杞國獨懷憂到來罷草平胡  
疏借箸看君得上籌

次惟寅湖字

名園水色似蓮湖猶記張筵召酒徒興到  
柳營先客至情多花徑厭人扶塞余空帶  
木樨具媿爾高懸金僕姑西顧何當寬  
聖主蚤從黃石授兵符

次子建歌字

幸舍誰傳彈鋏歌北山歸計未蹉跎千秋



詞賦心非短十載風塵鬢已皤驛路旋應  
裁白苧岩居新擬闢青蘿洞庭湖水深千  
尺何日長竿釣綠波

次道饒重字

底事西曹有伏龍秦關但許一丸封畫船  
秋試玻璃瑩銀甕春浮琥珀濃野館雲光  
搖薜荔寒江晚色待芙蓉清吟好趁天風  
便吹澈蓬萊最上重

次可大天字

綠酒青尊泛遠天短簫長笛思悠然逢時  
不請朱雲劍取醉還浮畢卓船社裏漸看  
詩入聖飲中無辯酒稱賢獨醒却媿非前  
歲可得空囊尚一錢

次文穀黃字

愛客還君是鄭莊清秋張燕集對震西來  
山色遙馮亢南去溪流曲抱堂豈有詩篇  
同艱謝却疑身世在羲黃蕭蕭萬柳吟風  
葉吹作天街翰墨香

次子瑞風字

尚書勛德漢廷中遺笏知君有父風東璧  
文章千象緯西曹聲譽薄鴻濛即看清問  
承前席賸有新詩賦小戎可道儒生能料  
敵扶桑蚤擬掛長弓

次伯升寒字

金風吹水迴生寒北靚追歡興未闌不有  
賓筵來上客誰堪吟社命衙官峰巒凝色  
空相待竹樹含情只自看最是花間沾濕  
屐幾時重為拂銀鞍

次敬中村字

出詭涼颼吹野樊茅簷雞犬自成村招歡  
不是袁公酒選勝誰尋朱氏園肯信林亭  
同梓澤豈知城市有桃源懷人未盡登臨  
意何日相携倒綠尊

次伯焜遲字

翩翩麗藻自丘遲虎觀談經我所思正擬  
瓊筵聆緒論那知壁水阻幽期林間墮葉

疑來節水面浮花刺去危咫尺相望不相  
接賞心何以慰懸馳

次正甫雲字

禮殿巍峩傍五雲清秋崇祀秩繽紛美人  
肅肅從鵷侶狂客翩翩狎鷺羣詞苑固應  
虛左席醉鄉誰與對前軍中流簫鼓從風  
起安得吹教六館聞

次君御西字

記得蓮池秋日西當歌一飲醉如泥若為

朱東器詩集卷之四

二十

北詭虛前席不似襄陽倒接羅俎豆已嚴  
千載祀詩篇莫負此時題看君居處宮牆  
近大雅何當籍指迷

次小侯山字

帝城北去敞柴關遊屐聊乘此日間詞客  
一時還共集美人何處杳難攀浮空共泛  
逶迤水招隱空懷大小山欲擬扁舟重載  
酒與君携手弄潺湲

鄒孚如司勳程孟孺大學秋日枉駕

小集蓮花池

帝城鬱鬱氣佳哉萬頃平湖一鏡開醉裏  
談天燕市酒曲中歌雪郢人才晴光隱映  
西山動秋色蒼茫碣石來軫媿清時容傲  
吏柳風吹送晚涼回

蓮花池集王元德高正甫龍君御吳

伯焜分韻得終字

遠水帶長空馮軒望莫窮點衣黃葉雨吹  
幔白蘋風飲戀尊長滿歌憐曲易終不知

朱東器詩集卷之四

二十

天壤內高會幾人同

再得文字

坐愛石闌好相留到夕曛雲輕山展幔風  
細水成文隔岬雙鳬下低空一鴈聳誰家  
砧杵月萬里照離羣

蒼雪齋詩

蚤歲辭榮出建章高齋馮几雪蒼蒼嵐光  
曉浥琴書潤花氣晴蕪翰墨香座上客來  
歡不淺尊中酒滿醉何妨看君晚節誰能

似無限秋風菊蕊黃

雪後望西山

西山晴雪照長安  
徙倚高樓十二闌  
白草黃沙飛處遠  
碧簷綠樹落時乾  
蕊珠宮迥宵逾瑩  
羣玉峯高曉更寒  
稱瑞豫占農事好  
萬年長獻聖人歡

白塔

亭亭高入碧雲端  
飛映瓊樓十二闌  
縹緲只疑空外落  
虛明還似月中看  
天低玉筍凌霄起  
地迴金蓮帶雪寒  
九陌纖塵渾不染  
千秋一柱莫長安

送汪山人歸洞庭

楓風歸思動青驪  
况復懸孤向苑西  
為問金臺歌擊筑  
何如銀漢取支機  
洞庭水色兼天迴  
滄海潮聲入夜低  
不用泥途論甲子  
小山叢桂足幽棲

送何侍御謫楚藩幕用李師中送唐

子方韻

諫書朝上金鑾殿  
去國清時見二難  
要使九重明舜目  
却從千里別燕山  
鳳雛丹闕春猶淺  
馬渡黃河雪尚寒  
聖主恩深漢江水  
即看飛檄召君還

再送何侍御

大別山前春草菲  
漢陽江上片帆飛  
仙人黃鶴自來去  
柱史神羊今是非  
天上漸看鳴珮遠  
幕中行見賜環歸  
無嗟此別貂裘冷  
花滿征途照客衣

春日蒼雪齋梅

誰遣羅浮萬里來  
翛然丰格出塵埃  
只應楚客齋中見  
還勝揚州閣裏開  
日映綺窓疎影亂  
風移瑤席暗香迴  
看君不淺留賓意  
細摘春英薦酒杯

萬玉山房為張太常賦

滄江讀書處  
觸目盡琳琅  
綠水搖春浪  
青藜吐夜光  
冥心到淇澳  
揮藻出瀟湘  
今日伶倫管  
將無下鳳皇

十六夜蒼雪齋觀燈

帝京春色擁蓬萊綺閣華燈向晚催病客  
新年初試酒美人清夜再傳杯雲連火樹  
空中起月湧金蓮地底開遮莫前除奏羗  
管東風偏護九英梅

綵鳳金鰲百巧呈月華燈影兩爭明清謳  
細逐笙簫起艷色翻從綺縠生稍喜秦關  
傳捷至何妨燕市和歌行不知今夕珠宮  
裏誰奏霓裳悅聖情

朱東陽詩集卷之四

十四

賀李倉曹考績

才名奕奕度支郎蚤歲詞林獨擅場已向  
虞廷書上考還從漢苑賦長揚千門晴日  
催楊柳三月和風醉海棠想見倚闌揮綵  
筆野夫春興不禁狂

將母榮壽詩為鄒考功賦

南歸不羨洛川遊一疏承歡出帝州  
聖主恩深雲夢澤仙郎家是鳳麟洲風暄  
驛路花爭笑春入鄉園鳥亂謳蚤晚魚軒

新拜寵海桃看到六千秋

次荅張武選

九曲青青故有溪向來吟社夢全迷開機  
忽覩春風句捲卷空懷舊日題湖海交遊  
雙劍外萍蓬踪跡五雲西金臺千尺招賢  
地安得同君手共携

送穆銀臺閱視薊門

帝遣名卿春閱邊圖書九道出甘泉銀臺  
寵借鸞鷟色繡服新裁獬豸鮮朔漠幾聞  
虛貢市薊門行見息烽烟封侯此日看前  
輩定遠崇勛北斗懸

送喻倉曹

名家簪笏舊傳芳况復西江世澤長北闕  
新辭樞筦署南曹遙領度支章春風去路  
啼黃鳥夜月高臺憶鳳皇此別斗牛占紫  
氣雙龍千里鬱相望

春日顯靈宮偕諸君子燕集分得冬

一字

蓮池殊會罷，倏忽過玄冬。草碧春初展，冰消水乍溶。連鑣到琳宇，促席對瑤峰。主是金蘭聚，賓憐玉樹從。曲房行窈窕，深酌話從容。坐覺殘宵漏，歸聞報曉鐘。歌揚晴雪艷，杯泛晚霞濃。錯落移金鴈，低迴逗玉龍。欣傳秦塞捷，况息薊門烽。燕喜慙張仲，何緣荅九重。

春日同惟寅北鄣追送敬中不值有懷

長安柳色照離筵，出郭追攀客思懸。別去詞場空鄴下，到來軍實壯燕然。雲隨飛蓋行邊外，風引鏡歌落檻前。謾擬繞朝還贈策，憐君先著祖生鞭。

和荅玉井廷尉

青溪當日社誰並，孔璋遊二水杯前遶。三山席上浮登臺，飛翰墨驚座想風流却縱長安目。停雲向石頭。

閏三月三日卓漱甫程孟孺朱汝脩

何仁仲招同李惟寅小侯汝藩出遊西郊分得陵字

西來山色碧層層，春日春風逸興增。座上總憐人是玉尊前，况有酒如渾。即從柳徑開文苑，却訝桃花似武陵。還向佳辰脩禊罷，馬啼芳草暮烟凝。

和惟寅尊字

十里垂楊帶郭門，喜逢勝日倒芳樽。何緣傲吏神情王，詎識將軍禮數尊。歌逐流鶯聲宛轉，醉憐飛燕舞翩翻。滿前春色堪誰領，馮仗東風到小園。

和漱甫催字

名園夙擬倒春醅，出郭肩輿不待催。細草暗隨幽興發，繁花應對好懷開。還期坐月浮金爵，便欲乘風上玉臺。好似六橋烟水裏，盡船歌管鏡中回。

和孟孺飛字

憶昨陪京醉夕暉，鳳凰臺上鳳凰飛。六書

蚤發千年秘三雅還同此日揮天外鯢  
高振翮風前鷗鳥對忘機金川一水連懷  
王安得司尋舊釣磯

和汝脩花字

到此能令客興賒門前楊柳檻前花關心  
盛業還千古入座春風自一家醉去何妨  
舒白眼狂來不覺倒烏紗看君自是朱家  
俠酒興詩豪詎有涯

和仁仲人字

何處看花發興新名園如在楚江濱遙尋  
郭外蘼蕪徑來醉尊前麴米春鷗鳥憑將  
為狎客海棠聊復當佳人翩翩公子平原  
俠十日相過肯厭頻

和汝藩城字

車騎聯翩出鳳城東風吹送馬蹄輕花前  
對酒心無醉郭外看山眼倍明勝日芳春  
還上已名家有子復西子寧孤莫憚歸途  
暉射虎堪收舊日聲

壽陳思貞七十

蚤從滇郡謝浮榮四壁蕭然萬慮輕天末  
何緣來尺素海濱為報屆稀齡杯前羅剎  
供春酒戶外吳山列曉屏今日耆英還浴  
下極星遙映德星明

送羅藩幕之楚

三月春風吹別筵送君南去思翩翩携將  
楊柳橋頭酒醉取芙蓉幕裏仙萱近北堂  
歸屆壽桃開東海待論年白雲黃鶴遙凝

睇誰續崔公舊日篇

將之晉陽蒼雪齋主人以四詩見贈  
東裝勿遽敬和其一

綠槐高柳夏初臨蒼雪齋前散客襟開遍  
海棠紅雨霽翻來芍藥紫雲深聞歌忽謾  
生離思把酒還將寄遠心干羽舜階今日  
事不須銅柱勒千尋

用韻荅正甫宗正

十載雙龍別三秋一鴈來光疑動牛斗氣

欲走風雷豁子城邊國秦王詔裏臺今宵  
桂叢月相望思難裁

春日李太保惟寅張謙議玉車殷職

方無美袁計部文毅高國博正甫

姜客部永明朱光祿可大吳膳部

伯焜凌金吾伯升龍國博君御李

小侯汝藩會餞分得元字

狂來握手興飛翻不為離筵黯容魂千載

風流還北海一時詞藻自西園聽殘黃鳥

朱東器詩集卷之四

三

仍求友歌罷青驪已在門誰道河山隔三

晉夢中猶憶共朝元

贈劉大學

之子殊風骨名家汗血駒群應空異野價

已重燕都白雪晴飛動青藜夜有無高秋

還望爾躑躅上天衢

秋日重集明輔先生桂子園賦得七

言律四首

名園十載此重遊醉倚層軒散客愁檻外

寒光搖北岳杯前晴色帶汾流登山自我  
慙安石愛竹還君是子猷不信人間隔蓬

閨此身如在鳳麟洲

徙倚高臺到夕春故人交酒話從容幽花

似識曾來面芳草猶存舊踏踪有客山中

攀柱樹何人江上采芙蓉坐來恍惚風雷

動疑向前池起臥龍

記得當年醉玉杯相携秋憲府中來乾坤

俯仰空陳跡賓主東南總上才塵世幾回

朱東器詩集卷之四

三

悲聚散芳尊還此共追陪莫辭秉燭遊清

夜千古西園一草萊

孤臺縹緲薄層霄野色蒼茫入望遙十里

溪山開罨畫盡半空驚鶴下笙簫看花更泛

如渑酒編竹新成渡海橋好是緱山最高

處却逢子晉坐相邀

壽程孟孺母夫人詩

遠從懷玉赴金臺帝闕東風燕喜催將

母已馳千里檄承親還上萬年杯北堂日

暖暖長茂上苑秋清桂自開何必斑駁娛  
膝下綠羅看向月中裁

一孔汝錫先生卒十年矣余來晉陽聞  
其子容死詩以哀之

提携鳩杖話沉綿猶記西河永決季俎豆  
無人供麥飯園亭有客泣朱絃荒榛狐兔  
冱迷兩古木龍蛇暮鎖烟絮酒未酬千載  
誼冱風延首淚空懸

和荅若訥宗侯四首

朱東器詩集卷之四

三十二

遠塞風烟黯不開飛鴻何自一書來碧雲  
縹緲連三晉紫氣氤氳傍五臺帷帳向慙  
黃石略篇章誰擅建安才劉家桑落春如  
許何日同君對舉杯

提封十二故稱雄保障深慙異代功賦就  
樓船憐漢曲歌成慙蟀憶唐風重來蹤跡  
支離後舊附交游悵望中欲采芳蘭何所  
贈佳人原在大河東

畫船簫鼓出蒲津河上逢迎有主人今日

風流遺小阮向時書疏擬先秦十年短鬢  
霜華滿一札清吟雪調新莫向天涯懷往  
昔五峰東望倍傷神

鴈門飛雪暗玄冬此日懷人思轉濃興到  
未馳千里駕夢回還聽五更鐘北來烟樹  
春何處東望雲山路幾重安得茅龍恣登  
覽直從天外躡三峰

詠日和荅山陰王

壯心弧矢故難酬海屋知添第幾籌甲子  
朱東器詩集卷之四

三十三

可能論絳縣故鄉猶自認并州夢回心折  
金門曉望極情懸玉筍冱病骨瘦來無復  
似莫將燕領擬封侯

詠日和荅襄垣殿下

河上相逢十載餘竭來芳訊問居諸懷中  
久擬韜雄畧意外驚傳篋謗書舊釣坐虛  
江上石遠遊閑老道偏樗關門熱氣今何  
似安得青牛返使車

雪



太原飛雪莽瀟瀟曉色寒光入望遙掃去  
玉階看復滿粧來瑤島積難消梅花笛裏  
逡巡落柳絮風前歷亂飄莫向天涯妬霜  
鬢已拚蹤跡混漁樵

別王明輔

十載重逢喜可知揮毫還續舊題詩自憐  
病臥文園客却賦歸來栗里薜花下一尊  
難共把竹間雙屐更誰期桂叢秋色年年  
勝何日同攀慰所思

贈李廣文

北地才名一代雄百季誰復見宗工歸來  
梁苑清芬在別去秦山紫氣通爾向青蓮  
稱後葉我慙白社邇遺風新篇把贈飛揚  
甚散作前茅十丈紅

得請酬寧和王繼齋投贈之作

聖世分桐獨著聲千穉帶礪屬宗盟居然  
白社天西北一繫黃圖國重輕日月重開  
唐郊廟河山還壯晉陽城長裾不是當年

客曾侍蓬萊頂上行

病客歸心逐去鴻勞將仙翰下高空憂來  
未賦梁園雪興到還歌晉國風冀北春花  
何處色淮南煠桂幾時叢一竿得返滄江  
釣尚憶遊魚碧藻中

將之新息馳書報助甫中丞見甫少  
府乾甫太學

天涯聚散倏三春汝海猶憐泛綠蘋今日  
東風到新息尺書何惜報君頻

謝家兄弟出羣才玉樹春風秀色開為問  
東山雲臥處何如范下醉瓊杯

懸瓠城頭命駕時洗天風雨碧淋漓東山  
欲起蛟龍臥箕畢先從護羽旗

余發晉陽久矣助甫中丞將遣力枉

訊而余信達至

故人意氣向來同萬里精神咫尺通君擬  
馳書問朱博我方飛傳候張公春風碧樹  
聞啼鳥曉日青天送去鴻匣裏龍光今在

否併將行色照高空

將至新息助甫携見甫乾甫相近是

日雪分韻得四支用選體

古道日云邈誰能憐故知多君念夙昔百里遠相期春風麗韶景桃李吐芳姿誰令六出花亦復舞參差剡水有餘興灞橋富新詩况爾謝庭中玉樹森高枝碩此薰與蔭何幸遙相依登堂續舊歡臨觴起遐思美哉陽春曲千載誰當知

朱東器詩集卷之四

五

栗生所訪助甫見甫乾甫分韻得十

一真五言律

一別心如搗相看意轉親髣毛隨日短肝膽向誰真匹馬衝風雨雙龍泣鬼神不須疑夢寐座上有陽春

邀助甫見甫乾甫小集新息公署

隔歲春陽一再過翻從握手動悲歌誰同三鳳高霄漢自喜孤鴻遠爵羅曲度墳荒穀更遠尊照風雨思偏多莫將離合論今

夕東燭西園柰樂何

助甫偕二弟招集呂氏山亭時牡丹

初開

何處山亭麗曉霞主家春色似姚家故人意氣凌賓席客子風塵倦使車舊業擬栽彭澤柳新歡同看洛陽花那能不醉尊前酒明日青山去路賒

濮公山與助甫見甫乾甫言別

濮公山前春日高客子驅車辭故交故交

朱東器詩集卷之四

五

執手未能別把酒臨風飛思勞憶昨秦城初識面白首交情傾蓋見弟兄湖海總人豪賓主東南皆國彥橫汾曲古和非難劍閣銘高時共羨李也相携知北遊五雲宮闕帝王州方擬獻書登碣石却從揮藻照江流邇來聚散成飄忽三晉山川行仗鉞偶緣衰病賦歸來却憶故人書咄咄淮西風雨暗淋漓馳書百里遠相期那知旅客飛檄日正是同心遣訊時新息城中春色

好條忽相逢意傾倒園亭共賞主人花關  
山又送王孫草丈夫意氣萬里同莫將離  
思嘆飛蓬但令肝膽常相照楚甸梁園咫尺通

寄湯堯文郡丞

鬱孤臺俯賴江流佐罷憐君得上游書罷  
蘭亭傳藻麗詩成芸閣想風猷曾從金市  
瞻神駿擬酌廉泉慰別愁龍劍一分秋幾  
換却看紫氣澈天浮

盛泰甫遠枉山齋以卷索題倉遽賦

此

主如春育萬方誰令高士走倉皇為憐

人日不似當季結客場縱目江湖

身天地與燕長相留正媿朱家

后宿

朱東器全集序

余治兵朔方東器以金陵秦晉蜀詩  
來業為敘之矣已東器尹京兆訪余  
于蔡以貴竹詩來已罷鎮會余于新  
息以燕晉詩來已歸玉筍山房以詩  
文尺牘并雜說來曰吾之目營心匠  
以程千古而鏤萬形者具是矣吾所  
行役則紀地吾所居守則紀官吾所  
締交則紀人吾所祖餞則紀情吾所  
談說則紀事凡吾之目營心匠以程  
千古而鏤萬形者具是矣子再為我  
序之余既卒業懔然曰嚮者於東器  
窺一斑嘗一嚮耳今乃覩其大也廬  
山七嶺共會於東合而成峰江發岷  
山共會于潯陽分而為九惟合然後  
成其大惟分然後見其大而廬之為

嶽江之為九皆標勝于豫章部蓋至是然後覺磊塊非奇湍湍為嶽矣秉器之文似之詩云維嶽降神生甫及申信與豫章稱文章家無過晉淵明宋永叔氏者晉人趨綺麗而淵明質宋人崇怪僻而永叔法疎宕者或易之卒之綺麗怪僻詘而淵明永叔擅名于天下若秉器者固鍾間氣于江山振采于淵明宏體于永叔而並不朽也或曰文章與時高下故取文之元朔元封詩之開元大曆罔不知為盛世之音而延平永嘉之俳開成中之佻音與世並趨于式微是則然矣獨不曰淵明當六朝之靡永叔起五季之弱乎盛衰者天也挽衰而之盛者文章與有力焉秉器際右文之

時屬

國家全盛其所遇過淵明永叔遠甚又接踵北地信陽並驅厯下瑯琊颯颯嶽嶽為盛世音抵掌孫叔敖而昂立豫章何疑也余為之評曰五言古之源於選也而李唐錯歌行之源於青蓮也而高岑錯近體之源於王孟也而錢劉錯文之敘事源於遷固也而談理醇於韓論說之似向也尺牘之似左也啓之似蘇長公也世之稱豫章文章家前淵明永叔今秉器矣

友弟汝南張九一譔



朱東器文集目錄

卷之一

賦

海屋賦

買鶴賦

敘文

賀母舅見塘先生六十敘

東壁遺稿敘

憲伯陳先生職方題稿後敘

先大夫詩集敘略

岳母黃太夫人五十壽敘

黃先生八十敘 南明去思略敘

渝貳守趙君奏績入京敘

渝倅朱君考績敘 周隱翁九十敘

刑部侍郎李公巡撫江西敘代作

邑大夫健所黃公榮獎敘

太常石城許先生七十壽敘代作

梅禹金詩敘

大河志敘

春雪稿敘

對山康先生全集敘

敘河上稿

郁木生自敘

河上楮談敘

雄風閣稿敘

艾和甫西戌稿敘

卧雲樓詩敘

勅遊編稿敘

金筑稿敘

意白楊先生經書時義敘

汾上續談敘

浣水續談敘

刻豫章李右齋先生聞詩紀訓敘

湖亭倡和詩敘

莒州謝氏重修族譜敘

遊宦餘談敘

賀大父母意白楊公榮膺內召敘

壽立齋曾先生聶夫人夫婦六十敘

卷之二

記

重修華陰令克齋何公生祠記

籌筆軒記

邑大夫意白楊公去思碑記

傾日樓記

題跋

平菴紀事

書用夏錄後

傳

李太翁傳

竹亭王先生傳

明資善大夫南京戶部尚書先師可泉

蔡公傳

表

朱東陽文集目錄

擬賀 皇上加上 兩宮徽號表代作

擬賀 聖母仁聖懿安皇太后表代作

擬賀 聖母慈聖宣文皇太后表代作

擬賀 皇后殿下箋代作

箴

敬天勤民箴

解

名教真樂解

問

芝問

啓

奉李老師

賀呂相公實錄成加宮保代作

賀張相公實錄成加宮保代作

賀馬相公實錄成加宮保代作

賀蒲州張相公轉首相

壽蒲州張相公 壽申相公

賀許相公 壽太倉王相公

朱東陽文集目錄

賀御史大夫王公存問

奉陳松谷少保 送曾司馬還朝

謝曾司馬 請羅中丞代作

賀羅中丞壽帳

賀部中丞考績蔭子代作

壽傅撫院 賀曾中丞

壽王督府代作 請徐撫院出巡

壽徐軍門 謝張中丞

請房鹽院遊西嶽 劉按院復命

答屠侍御

臬司賀按院

答張助甫賀婚

壽張助甫

壽劉左使

賀韓憲使生子

答王明輔賀壽

答袁茂文壽

寄鄧方伯

答各道年節

寄徐憲使七夕

答徐憲使七夕

回各道中秋節

卷之三

啓

朱東岩文集

目錄

五

三司奉張司馬求文

寄史侍御

答孫少京兆

疏文

玄天上帝疏啓

告文

玄帝告文

告武安王文

大河告文

謝雨告文

祈雨告文

貴州祈雨城隍告文

謝土告文

祭文

祭馬相公文

祭烏程令叢豹卿

祭李太翁文

牋牘

奉少師申相公

奉張司馬

奉舒司寇

與軍門議邊事

與曹以漸

報梅中丞

答曾司空

與曹大參年伯

朱東岩文集

目錄

六

寄塞督學

答李元甫

答曹世登

答謝彥實

九首

答史應之大參

與聶子實

寄彭方伯

與蔡駕部

答徐憲副

答周憲使

與朱比部

寄甘節推

答李彥和少參

答黃子原兵憲

四首

答譚廣文

答李總戎

與丘謙之

與李子蓋兵憲

與蔣伯孝

寄王比部 二首

上何工書

答張肖甫中丞

寄楊明府

答張助甫 十首

與王敬美 五首

答張南榮諭德

寄王伯同孝庶

答李本寧 六首

與王明輔 三首

答劉郡丞

與陳子韶 四首

答范翰檢

答陳玉叔 二首

與唐都諫

與柳陳甫

與鄒爾瞻

朱東畧文集  
目錄

寄陳思貞太守

與楊義舛少介

寄李靜美

寄劉道徵憲副

報劉維南中丞

寄袁景從

答曹仲平中丞

答葉岡卿

答孟憲副

寄莫廷韓 二首

寄梅客生 五首

與王仲房

答梅禹金 二首

寄沈文學

寄邵長孺

與胡茂承

與趙夢白

卷之四

賡續

與蔡伯華 二首

與朱方伯

與汪子建

與歐柏伯 二首

與李襲美

與游太初 二首

與陳子楚

與姚原白

與金在衡 二首

與盛文學

寄任少海司直 二首

寄艾和甫

與郭相奎 二首

答丁右武憲副

與周國雍

答邢子愿 二首

奉吳明卿 三首

與劉士和

與陳明府

與袁茂文 四首

寄胡文化

與貞吉宗侯

與灌甫宗正

寄子厚宗尉

答若訥宗侯

與楊行可

與黃州陶二守

與呂督府 三首

與吳大參

與王行甫

與喻邦相

與蕭明府



與張公武

與衛君大

賀分守袁公

與潘憲副

荅陳明府

與張恒卿廣文

奉馬贊學

上首

荅何郡公

與鄧勝之

荅希斯宗侯

與楊明府

與見甫乾甫

壙記

先考文林郎麻陽大尹墨泉府君妣吳

孺人合葬壙記

朱東器文集

卷之九

行狀

亡妻黃宜人行狀

墓誌銘

明朗泉簡君傳孺人夫婦合葬誌銘

盧母曾孺人墓誌銘

明封孺人胡母劉氏墓誌銘

明慶士九峰鄒先生墓誌銘

贈廣西道監察御史仕彥朱公配太孺

人張氏墓誌銘

朱東器文集卷之一

新淦朱孟震著

武昌吳國倫

新蔡張九一選

賦

海屋賦

歲戊辰余識海屋姚先生於都下越數歲先生走書問余因索余賦余既得諸名公篇詠誦誦再三輒飲衽腐毫為賦曰

朱東器文集

卷之一

伊環瀛之渺瀰兮總乾坤之奧區中靈山之嵯峨兮表神祇之宅廬瞻鱗鱗其比列兮萃靈宇之珍儲粲金碧之煒煌兮上焜耀乎冲虛爾其虹梁四架龍桷競起朱鳥爭翔白麻羣峙文鴛戢羽兮攢寶瓦之叅差神魚收鬣兮簇金鋪之迤邐瓊窻玉闌兮綢繆連延貝彩珠光兮閃爍難擬初錯落若天星兮散下土而靡窮復微茫若倉粟兮布廣除而莫指乃使天吳罔象驚矚駭視靈鼈負屭而不前長鯨奔噴而欲止爰有

玄聖飛仙羽化神遊鍊九華於丹鼎握秘寶于  
玉樓呼吸若木之朝偃息大椿之秋謂億載若  
如旦閱滄桑若若流粵混沌之始判已戾止而  
夷猶每撫辰而紀載放瑤局以進籌既委積其  
無算曾攬結之可周噫變幻之靡常余初聞而  
心異乃駕言兮四馳庶彷彿於顧諟余既汎東  
瀛以前訊兮阻弱水之茫洋訪安期竟罔從兮  
誰與究其荒唐顧西池而引眺兮將遠詠於王  
母青鳥問其無蹤兮空惆悵而翹首南溟鬱其  
蒸蒸兮驅祝融以前諮叩玉壺而莫應兮竟悵  
望其何之渤澥吁其湯湯兮快鵬翮之扶搖海  
若咲而無語兮余何為其嘒嘒彼真境恍無稽  
兮嗟神人之難遇夫何美人之好脩兮乃託情  
於所寓余聞大道之冥冥兮先天地而獨尊繫  
卦畫之精微兮亘萬古而斯存羲文周孔曠千  
年兮雖至今其猶在惟哲人之妙悟兮託不朽  
於忘言美人之棲遲兮有石如斗日懸象齒兮  
數刻奇偶冥心兮焦思忽豁然兮若剖仰大虛

朱東坡文集卷之二

三

其無際兮乃囊括於韋編今古杳其何極兮曾  
不越乎席前苟斯理之得心兮吾何羨夫彭錢  
果靈壽之可稽兮吾猶謂其非然矧大海之泛  
濶兮既不可以少處惟吾心之澄澈兮儼神明  
以為侶玩吾畫以終身兮信萬壽其無疆託斯  
室以寓言兮聊逍遙乎容與

買鶴賦

任五安光祿買鶴蒼潤軒軒主人盛仲交氏爰  
賦其事余媿不文不能希跡明遠聊述厥旨致  
私羨焉辭曰

朱東坡文集卷之二

三

有釣海之公子謁開徑之主人遵冶城而命駕  
美風日之鮮新望蒼潤而至止御瑤席之清塵  
縱霏雪之玄論思飛越其紛綸爰有芝田仙客  
縞衣玄裳抗耀日之丹頂引咲月之員吭粲冰  
膚兮姑射麗粉質兮何郎抱明心兮清迴秉曠  
志兮飄揚爾其棲神三島縱翮十洲右揖子晉  
左接浮丘餐瓊田之珍實濯瑤池之碧流厭靈  
區之岑寂斯振迅而來遊度弱水歷崑崙凌月

殿翔天門眇鯢鵬之九萬恣遐舉而高騫睖  
皇都之佳麗乃戾止于茲軒星精乍回霜翰載  
整徐引趾于業篁時翩躚而頽影初翬却而忽  
前俄欲休而復逞儼趙壁之連城介和氏而造  
請於是主人顧客魄動心醉褰裳締觀態有餘  
媚豈仙靈之有知倘句曲而迴翅將 皇澤之  
遠涵望岱宗而表瑞夫其華亭露警緌山月明  
蘭巖頤步金火養精洛京儼紹華表歌丁江夏  
之樓棲莫觀溶溪之水飲空名孰若徘徊墀砌  
依息琅玕倚玉人而容與偕仙吏以盤桓諒匪  
羣於雞鶩庶允廁於鵷鷺幸公子兮結佩儻並  
駕兮雲端公子離席正冠肅容頌茲冲度託彼  
高蹤捐瓊琚以代聘控乘軒之難難邈大雅之  
逸響日鳴皋兮相從

敘文

賀母舅見塘先生六十敘

吾臨春秋之學始自宋名臣劉原甫伯仲追我  
明興練中丞金文靖相繼而魁天下一皆節義  
助庸糲耀宇宙卓乎莫與之埒百年以來士更  
習他經始稱安成之學我先君擔簦躡屨受業  
於予岡東廓二先生乃甲午遂魁西江臨春秋  
之學自是再振從先君而遊者則我舅氏見塘  
先生先生天質穎特尤多溪沉之思每傳註有  
疑窮探竟日必灼然無謬于聖人然後已間以  
所得發於文章雄涵之氣河注嶽立先君輒大  
奇之乃先生亦自負中丞文靖可匹而三即二  
劉氏不難繼也孟震兄弟從先生遊每當大比  
見先生豪視無前然試屢躓歲戊午孟震竊先  
生緒餘附名賢書先生冢嗣子明氏亦領辛酉  
薦先生獨困二十年視其髮星星白則大咲曰  
窮達在命出處惟人冀野之耕夫一薦而致卿  
相殺陵之俘帥三敗而霸秦君絳縣之老人泥

塗而論甲子彼不各有主之者哉攝相墮都饋  
藥去魯可則進不可則退吾有家法矣遂盡棄  
其所為舉子文而日以野服混渙釣歲庚午七  
月二十有一日先生局六十孟震竊祿留都不  
得奉觴獻壽則令二弟具卮酒以上於先生曰  
嗟夫素王道絕二十餘年漢董仲舒氏而下說  
春秋者無慮數百家然往往醢駁相半率能取  
助名垂竹帛臨之學盛矣願獨靳於先生茲何  
故哉彼劉氏諸公非產於他固郡先哲也乃先  
生遭盛時遇明主曾不得如諸公者大行其所  
學謂山川之靈將有異耶將自有命而知之  
者希耶然不肖眇然得竊以先生之道少自表  
見諸兄弟雖不敢望于原甫氏而為忠為良所  
共期于吾子明者則未嘗一日敢忘中丞父靖  
之休烈是獨非先生之教哉子明伯仲既才且  
賢今歲秋屬賓興明年春又當天下大比桂林  
之枝必有挺然秀出於萬玉之表者先生雖不  
試願其身所樹立詎與其子先生得無大快乎

矧 天王明聖崇尚經術網羅麟鳳不遺數澤  
先生今六袞耳目聰明精識完固異時躋上壽  
以安車蒲輪徵召赴 國門若漢中公者事固  
有待然則臨春秋之學有以高年碩德顯名  
當代者先生始之矣

### 東壁遺藁敘

余讀東壁藁蓋悚然奇之及觀祝京兆所紀丹  
臺數言則其事尤異嗟夫蔣君豈果與長吉遊  
清都上耶君故樂亭令遺腹子母徐夫人在蓀  
即有異徵少神穎九歲通經書十一入為郡庠  
生十四應鄉薦聲稱騰起藁蓋君所為舉子業  
雖非古文詞然其言出入子史與古人上下即  
經生宿儒竟歲彌月有所不及蓋神駒墮地千  
里虎豹生而食牛不直負其氣而已豈不奇甚  
哉乃年十七而卒卒之先夢老父引登紫府瓊  
臺帝命作丹臺記君以母老辭不得乃卒卒蓋  
三月七日也卒之後復見夢于母夫人茲其事  
與長吉玉樓蓋甚相類吁異矣朱子曰余於蔣

君事蓋竊有疑焉夫天道不遠其福常在善人乃才之生尤其所獨厚樂亭君沒所不絕惟君也而徐夫人矢栢存孤賢而能教生君而才疑於福矣乃生也閱歲十七又復奪之將厚之耶長吉事去今千有餘載人猶傷之乃又再見於君使鴻濛之上即有紫府瓊臺如所云意帝左右才當不乏也而取必於竒獨之子使貞母不獲字若孤人間世不獲借若人也竟何道耶今誦夫人哭子詩其詞痛裂肺肝使人涕淚雨下悲不能已君亡即賴茲藁不朽然茲藁存而悲君者益無窮矣傷夫余友貞亭陳君曰盜跖頑壽人至今唾之顏淵夭死誦其言者不棄意在君也噫使君不死可傳者詎獨此耶余於是有所慨焉君從子僉憲子徵重梓是編而屬余言故為論著如此

憲伯陳先生職方題藁後敘

夫兵事蓋難言矣漢父時賈生陳三表五餌欲以試屬國繫匈奴其志甚壯帝時亦拊髀思願

牧矣而大臣絳灌少之卒以不用我憲皇時華容東山劉公為職方尚書事大小裁決必問劉郎中云何乃公所云輒效迨敬皇時遂以大用日造膝論天下事斯良稱奇邁於劉公後數十年而沔陽蘇山陳公為職方公資稟剛正論事中機宜不謬毫髮肅皇神武天縱留意遘事屬南北交警每事下尚書議公一一引著陳說可否疏以聞輒報可人謂公楚材計所遇不下劉公賈生非所期也而一二大臣以公言鑿柙不入出備兵井陘公遂歸漢陰園以其抱犛於詩久若見南諸藁海內士爭傳誦之然而職方所題秘不得見公仲子五岳公督學按渝乃得請竊觀焉蓋所論帷帳千里決勝若目睫世言表餌術尚疎若劉公阻交南貢道二事公當之矣嗟夫使公竟所用詎不烈烈稱鴻績哉夫天下事患不能言言矣或無當於事當於事矣又患不用以肅皇明並日月光昭敬祖無論漢父而公所遭與沔湘事大約相類曾不得

遶會雲龍如劉公陳密室之論彼絳灌者何為  
哉然公悠然鴻舉無少介於中今且哦風觴月  
逍遙江閣之上茲豈必曠達之度勝於吊屈諸  
篇即劉公末年間關戍所將無少下公矣藁四  
卷為條若干中丞嵒嵒張公雅敬服公為序諸  
首簡其未得見公而辱公知景切則校而壽諸  
梓而私述所向往焉噫海內士有知公者求公  
於此藁之中若公所未試而逸於斯藁之外者  
當必有俟於我五岳公而非某之所知也

先大夫詩集敘略

先大夫自童子時即已留意風雅稍長從安成  
弓岡周先生先生見所題壁間有紫戶風敲燈  
蕊謝竹窻雲掩夢魂飛之句因大奇之既又從  
東甌鄒先生先生尤所器異比歸補博士弟子  
員與二三同志結社滄洲冥搜邃討日夕靡置  
風軒月榭草閣花林或搖膝腐毫或倚馬拂素  
遲速任之天造欣戚本乎性真於是人珍隋氏  
之珠家寶崑山之玉矣然堦蘭久虛園棘再曠

情悰既鬱篇什多遺甲午之年大夫當強仕始  
以麟經魁西江時大父母髮已垂白乃授睢寧  
教諭為祿養計不肖孟震亦稍識之無每趨庭  
所得受而筆之僅存百一丙午冬授麻陽令值  
蠲爾苗帛靖三省協攻大夫內嚴守禦外調兵  
食日飯數箸猶不輟吟碩凋瘵之邑摩撫為勞  
夷徼之鄉眄睐無色故其為咏率多謾興癸丑  
之春大夫賦雪詩并登樓之作不肖竊恠其語  
六月不肖夢大星殞庭中大夫遂以疾終于官  
舍易簣之頃猶誦蟬蛻楊花之詩嗚呼痛矣不  
肖收拾遺稿扶襯南還乃又訪之朋舊皆獲片  
楮積二十年昨官南曹以示秣陵門人盛仲交  
氏銓次成帙同寅陳思貞氏博雅君子也見而  
愛之為題簡端懼日久且渙茲來渝得於退食  
少事校讐付之梓氏他日有得尚當續附焉大  
夫早歲稱中峰山人既又稱崑崙中歲稱墨泉  
蓋邑有陶桓公洗硯池池水清澈歲有魁選水  
輒墨色云晚又更小臺然而墨泉稱最久題曰

墨泉詩集

岳母黃太夫人五十壽敘

孟震自童子時侍先大夫先大夫為余言外舅  
舉齋黃先生未嘗不心念之也先生故在膠庠  
與先大夫以父行相許可 肅皇帝初年甄拔  
庠校異材先生選入高等乃淦庠選者以意氣  
凌先大夫先生奮曰如朱君者奚藉此爾乃欲  
齟齬嚇之已先生與先大夫先後舉于鄉又十  
數年孟震不肖竊附名戊午鄉書先生時守忠  
州聞之曰是朱君子也厚德者必有報果然  
是子者殆未可量矣先生既謝棄忠州而太夫人  
陳氏挈余婦歸又五年余婦始歸余為余言又  
未嘗不心念之也嗟夫先生豈知不肖今日為  
先生子婿耶然不肖得為先生子婿者實惟太  
夫人太夫人家世出故大司寇靈齋陳公自歸  
先生即以雍順間先生守忠州至于今有遺愛  
太夫人實相之先生謝棄者數千里外奉先  
生歸教子女以有成立然甚鍾愛余婦不欲輕

朱東萊文集

卷之一

七

許人自忠還議婚者無慮數十家比及孟震太  
夫人輒欣然諾之不肖於太真逸少諸賢雖非  
所敢望若太夫人明智殆庶幾哉傑然女丈夫  
古所稱劉夫人輩非所論矣於是太夫人矢栢  
十有六年是歲丙子六月初七日壽屆五十孟  
震竊祿渝州不得於數千里外捧觴為壽渝又  
僻在西南無水陸之產可致以佐觴世所言交  
梨火棗瓊漿玉醴又誕漫無當非所以祝太夫  
人乃余婦則為女紅數事以示余曰是數者是  
昔所夙夜執以承太夫人者也請以為壽則又  
言曰子自操鉛槧以從先大夫也人惟子一言  
是重即吾母知子亦惟子之自樹以有言也為  
足以承二父之志夫壽所以致虔也奚必在物  
即子之所有事以致於太夫人奚而不可也蓋  
余於太夫人於其擇婿也見知人之明於秉節  
也見持身之潔惟潔且明於以凝其神也是故  
可以徵壽夫水惟明也不可爽以毫髮惟潔也  
不可淆以涓滴於是乎流而不息也故稱壽者

朱東萊文集

卷之一

七



曰如川之方至太夫人之謂矣夫是日也太夫人二子三孫環膝而慶頌余二人在數千里外將無勤念也耶聞余斯言必且莞然為更進一觴矣

### 黃先生八十敘

天地間正氣發於人也其奮激而峻烈者往往若颶風迅霆不能以日乃其沉鬱抑塞當發也而未盡洩則必停蓄融液薰為和氣而又悠長紆遠愈久而著是以介景福而躋永齡故貞人名德其發也人羨焉其發而未盡洩也人惜焉其未盡洩而為景福為永齡則又人之所深羨而未易覩者吾江以西川岳之秀甲天下其以正氣發於時而忤權貴者明興以來二百載凡得三人曰中丞練公脩撰羅公暨我北川黃公練公革除之際廷擊曹國而竟以完節照映汗青羅公疏論南陽朝野動色而金牛倡道屹為海內儒宗二公者剛大之氣發於一時沛然盡洩至于今凜凜我黃公當今上御極首抗言

指斥承輔乃坐是屢譴竟不復遷西江正氣二百載發於公者若洩若壅若闢而散者或歛而窒沉鬱抑塞于今四十季然而停蓄融液薰為和氣於公之身而且悠長紆遠愈久而著今有子若孫三十餘人而繼芳絕武者方燦然星列公童顏孺齒撫視庭下蔚若老鳳將雛郁然為一世瑞是歲八月十一日公壽屆八袞蓋自昔以直諫見斥者未有若公之抑而優游家食以介景福躋永齡又未有若公之伸者嘻盛矣哉夫天之生賢也不虛而其用之也不偶其發則樹勲績而振綱常其未洩則養休光以作來哲愚少讀中丞傳未嘗不追想風烈頌為執鞭及觀羅公一疏又恨生之晚不得見儀刑於金牛之會乃今於黃公生同鄉又及其時矣而公不以晚進鄙夷其兄弟使日領緒言於門下天之於公也復畀之遐福使日誘引後學於不窮是公之發也則國家之休而未洩也則孟震之太幸也已雖然浩然而常存者氣也公之壽無有



極者也浩然而塞乎天地之間者氣也公之壽  
非私一人者也今而後公且優游鄉里誘引後  
學以獨為孟震一二人之私矣乎將盡洩其所  
發為國元老如文呂之于宋郭裴之于唐矣乎  
將遺諸其子孫而親見其發之宏也以償其所  
未盡矣乎是三者孟震皆有望矣

南明去思略敘

全吾蕭先生起制科為新昌令政化洽于甌庶  
播紳大夫士交口而頌德當道廉其賢薦剡騰  
起是皆天子以春宮覃恩賜勅褒異三年召  
入授南京刑部尚書郎民不忍去其地若赤子  
之戀慈母也而播紳大夫士尤惓惓焉於是立  
石樹德建祠彰惠若尚書沃洲呂公水濂潘公  
暨諸名章咸有紀述某得而誦之則嘆曰嗟乎  
古所稱循吏者其揆豈與今人異哉乃余所親  
尤異者則若鄴縣投巫中年馴雉咸揭之吏傳  
必為吏若是將循吏者何以稱焉夫甘露醴泉  
迅雷奔電造化者以此新耳目昭瑞應良不可

朱東器文集

卷之一

十六

七

少然必若是以為造化其寧可繼耶故兩陽寒  
暑順布而時行萬物不知其然而然而咸得其  
所此造化之妙也夫長民者何以異於是哉先  
生為政持大體不務為詭世駭俗之行惟吾所  
當盡行之必力無或撓阻而溫然長者使人望  
而親之即如教書云築石堤捍水以固城申  
鄉約導民以善俗議郵傳省供應之煩清改折  
免陸輸之苦法不撓於豪右惠先及於窮民嗚  
呼數言也大哉王綸先生治行具見之矣故三  
軍之內不必嚴為之禁而民不簾於刑不必求  
於雉之馴而肖翹動植亦各遂其生而無害蓋  
先生之治與民相忘民不知其所以然而然比  
其去而後知邑之不可一日無先生也而播紳  
大夫士頌之去二載而思思而無抗所寄也而  
建祠以祀此豈必有詭世駭俗之行致然盡吾  
所當為而順土俗協民心民愈久而感逾深即  
古循良其奚以易此也余於先生為年家又以  
桑梓之誼得侍同曹凡先生一言行余竊心師

朱東器文集

卷之一

十七

八

之既觀斯篇益契余素先生門人欲請而盡梓之先生不可余則以天子之璽書光於史書之紀載播紳之論著切於夙昔之傳聞是不可泯而無傳則取其最要者而名之曰南明去思略而以璽書刻之先生以余為然則為敘次如左

渝貳守趙君奏績入京敘

大夫介石趙君蒞渝三年今上方綜核吏治罷縣自守令而下得捧牘奏績闕廷蓋大夫

朱東器文集卷之一

十八

由筮仕入蜀者十年茲既得望見天子之光又以其便還過鄉里與親知握手敘論往昔甚懽也乃渝二三僚友與父老子弟不得輟借寇君蓋喜其行又重其別雖然大夫之仕也豈余二三僚友與渝父老子弟是私其才而賢亦豈余二三僚友與渝父老子弟是藉夫劍稱大阿弗煉弗利矣然非薦之武庫則光景弗彰玉璫趙璧弗斷弗美矣然非登之寶牘則父采弗耀士稱才而賢弗久弗試矣非陳之闕廷之下

則經綸弗究大夫初試為成都司理用法平恕每直指使者行部輒咨大夫部內聞大夫來輒人人色喜於是稱名司理既守印漢夷棋錯又費侈無節大夫稍調劑歲省穀數千銀數百漢夷按堵又移署瀘篆瀘素數奸積弊如獄大夫一裁以法豪猾逃罪歲課入九分積賑穀千石有奇皆自昔所無於是稱名州牧比來渝清戎使者將按部有司承望風旨追逮無虛日大夫謀於余下令州縣惟取逋逃諸蔓引者丁產絕者調而籍尚存者置勿問民以不擾部使者又借大夫長壽長壽里甲素苦無名錢大夫為省數十事又多稽留過賓大夫至賓不留行以余闇昧凡所匡益而相成之者不啻千百余大計大夫視罷篆士民益謹然得所渝故劇罷頃又多役大夫處之若無事則又稱名罷公益先後十年試輒效至其事上接下處僚友禮士大夫溫然如遊春風中而冰蘖之操愈久愈勵茲不亦才且賢哉巴渝去京都最遠水陸險

朱東器文集卷之一

十九

阻郡縣吏才賢所藉一二奏記乃得占聞聞又  
最後大夫薦剡屢騰矣藉令如往時俾且留渝  
二三僚友與父老子弟其亦幸有資庇也然龍  
光以鉛刀襍置虹氣以砥砭列函即天子夢寐  
求賢側席而望治誰知之者今行馳騁燕市中  
上黃金之臺以大夫素所蘊蓄叩殿陛陳之若  
劍在佩玉在櫝以服天下班羣后惟天子所用  
耳大夫故秦人也不聞高帝斬蛇之劍與傳國  
之寶乎一旦遇明主御之其以肅清六合照耀

朱東器文集

卷之二

三

千祀視歲沛澤抱荆山何如也行矣大夫既才  
且賢剡割四海珪璋治化余二三僚友渝父老  
子弟誠不能私藉之矣於是郡倅丁君周君朱  
君司理王君壯大夫之行乃秣馬膏車祖帳上  
南門呼酒為大夫別

### 渝倅朱君考績敘

余少讀班仲升傳蓋躍然興感焉何則士束髮  
操鉛槧耽玩墳籍其要在脩聖賢之業達則與  
明公卿論道廊廟豈顧樂功名萬里外哉顧昔

有所不可則桑蓬之志抑而冲擊之願違忽而  
龍變鯢化以舒其所蓄積蓋趣舍異途而經用  
一致壯哉丈夫今誦其言想見所樹立視伏窮  
巷竟老無所聞者較何如也余同寅朱君家世  
建業以金齒籍薦名滇南既彬彬稱儒生矣仕  
為縣者三乃後授彭水彭水渝屬邑界在酉夷  
峒苗出沒又屬叛目內訌民人騷動君恩以撫  
摩其民而威足以警遠邑境內晏然既奉檄勘  
酉獄酉素畏懷君弟令人持片紙入酉夷帖首

朱東器文集

卷之二

三

服蓋在事初起也人人咋舌難之君既不勞而  
定於是彭水名籍藉會當書三年考銓司以是  
才君既擢渝倅又以播借君播古夜郎地遠界  
貴竹其酋長素豪於他夷且孺子好弄諸流徒  
遁入以為淵藪教之淫恣玩侮又數數聽悍目  
擾我邊氓每官司至閤不相見又不令通一語  
君察其姦狀先馳檄喻播旋履其地召使來見  
見則宣諭主上明德誨以忠順酋感悟泣下  
酋本龍名是日大獵得一虎以獻播因有降龍

伏虎之謠自是稍稍循禮義間有梗頑君裁以  
法播又帖然又當書三年考孟震辱同寅之誼  
絃重地兩得藉君則嘆曰嗚呼世謂古今人不  
相及今以君觀定遠豈不偉然相望哉或謂書  
生弄筆無益天下事至又岐文武為二途夫班  
氏父子代擅文詞及定遠投筆起英風馳於絕  
域卒取三十六國以歸漢廷君文采宏麗無論  
仲升乃二夷叛服靡常據岩箐深險玩狎縣官  
其利害視車都諸國不啻十倍君折筆筭之不  
四五年使群僚格心向化功若易易此其機遠  
於萬里而捷於數十年藉令定遠當之其才力  
先後寧獨多讓國家懸高爵以待異等今且以  
其績奏之殿陛之下即封侯萬里奚論哉余知  
卓異之名清華之選必不次以答君余少所希  
慕而不得者於今竊僚案之歡以為榮又何多  
幸也夫計功程能使賢才之臣顯名於當世者  
銓司之事也敘勞紀績使賢才之臣顯名於後  
世者太史之事也余非其人也顧所聞見於君

庶幾挾而實也書之以備異日史傳無獨羨仲  
升哉

### 周隱翁九十敘

古之君子無所用於世退而龍蛇則必有所托  
以抒其真若司馬季主之於卜長安工之於筆  
蘇雲翁之於履浮沉澹泐含光而闕彩世亦均  
有濟焉吾鄉隱翁周君早倜儻有志天下事需  
於時不得行所願乃托於醫其言曰自農師氏  
未百草軒岐氏肇方書世之順陰陽調元化以  
造斯民之命者久矣不復聞吾薄視八極含齒  
而戴髮者蠢蠢然玄黃間藉色貨利以干其靈  
府而憂喜哀樂以伐其天和即好生之君救時  
之輔循良之牧撫摩休養而安集者無得而藥  
焉吾憫之吾察其六脉而審其虛實順天地之  
宜而輕重調攝焉以濟斯人於壽域吾取於身  
者膏而資於物者豐為力也小而成功也大吾  
紆朱而綬紫也吾與其優游於壺天吾駕輕而  
策肥也吾與其守價于市口吾居朝廷處官府

吾與其蒙蚩妄薄炎寒而老於宋清之肆也故  
翁之門登者如市凡受翁施者弱者壯朴者立  
瘠者充貧不能報者聽翁年益邁濟物之念日  
益殷即有遠不及翁門者翁肩輿往起之蓋嘗  
慕董公之事手植杏于山之陽因號杏山云此  
其人司馬季主之流歟於是十月之朔翁届九  
十翁二子某某薦以父學鳴於時而是歲五月  
翁孫子某六與游芹泮其世翁業而讀遺書者  
鸞停而鵲峙方勃然以興翁壽於人者衆而其  
自壽也亦甚永當其身以儒術隱而其子若孫  
也又將以儒業顯而揚之豈造物者殆有意也  
夫神完而守固者天之所薦也而令德以綏之  
博施而厚積者神之所相也而賢子孫以昌之  
其躋上壽而溥福澤於天下也必然矣此尤古  
隱君子所難者而獨於翁萃也其謂無天道歟  
某諸君子謨以是日觴諸堂謂余當有言余通  
家知翁之素者於是乎述其前所稱以為翁羨  
而以後所稱為翁祝

刑部侍郎李公巡撫江西敘代作

皇上御極四年軫念下民大飭吏治各省撫臣  
間遣重臣以往於是南少司寇建德李公以少  
司馬兼中丞往撫江西凡秋官曹諸僚屬僉以  
御史臺並司法紀又余昔同官雅知公相率來  
請言余比視事臺中遵長堤入貫城仰觀鍾山  
蒼翠千仞雲木交翳則喟然曰巍巍乎巨鎮也  
哉又俯而觀於玄湖蒼茫萬頃天水上下則又  
嘆曰浩浩乎巨浸也哉又徐而觀於烟靄空濛  
晨夕異狀光景恍惚晴雨迥色則又嘆曰造化  
靡常機山水有定體丈夫周遊六虛閱歷萬變  
不當若是哉公自昔筮仕即冰蘖自持入為今  
秋官郎治獄明允時已聲稱溢都下迨守金華  
屬當道者威勢炫灼公坐伉直見忤將憑怒而  
父致之聞者為公縮舌負汗公屹然不少回折  
事竟得白尋以父望督學河南蓋天下仰公風  
采久矣皇上御極再新朝儀公遷鴻臚卿班  
列正肅遂更同卿作納言若寄養牧畜與夫宣

帝命達下情尤悉心其間大禨初政自為秋官  
郎迄今十有餘年乃復以貳卿來掌邦禁吏治  
民情既夙所練習諸屬每有獄獄一裁以律尤  
期以宣布德意事至無滯民來無冤畿輔之內  
奸宄讐伏而良善按堵竊計公先後入仕途其  
清介則伯超超衰濟弱則昌黎正朝儀則琳孫  
秉心塞淵則衛父出納惟允則龍式敬由獄則  
蘇公其大要則岳峙淵蓄愈久愈著向余所觀  
者隱然若有當於公乃山水之靈亦若有借公  
而重者茲上意所由深嚮也哉夫江右東控  
荆楚南引甌粵浮江而下千里是為舊京茲南  
土之屏障而九丘之重地也列郡棋置壤地綿  
邈軍民錯布或潛隱豪猾又庸切閩廣海上微  
警頌於閭井非公竣節偉望其孰與鎮服土田  
高下歲登不常卑夫細民計粒而炊稍有蓄儲  
則懼刑辟士風委靡摧折日維慈母是依也非  
公弘度淵識孰與涵育皇上加惠豫章之民  
茲特借公鎮靜之公行試觀豫章之野有山窿

然千雲而薄霧者非匡廬乎由匡廬下窺平湖  
無際吞天而浴日者非彭蠡乎彼山川之靈當  
且為公效職其借公而重者不特鍾山玄武已  
也公行且晉陟台衡以終皇上簡命至意余  
惟日望公俾他時法紀之司得有所藉以為光  
榮是余私也抑亦諸僚屬意也書以俟之

### 邑大夫健所黃公榮獎序

邑大夫健所黃公者歛人也歛故多前哲乃公  
父古潭先生蓋於嘉靖間稱名御史云公績家  
學成隆慶戊辰進士初授浮梁令浮梁地隣歛  
素號難治公下車未幾民乃大和任九月以內  
艱歸歛人尸祝之而金太史為之記既除服起  
補吾淦淦前大夫臨川李公者烏程人也亦戊  
辰進士其治淦豫章十三郡中稱最然其政尚  
嚴民有弊剔去之不啻稂莠然其利也興之不  
崇朝而集也任三年以內召去為禮科給事中  
中民蓋難其代矣比知公來則已習聞浮梁之  
政公至民果大慰蓋其興革一如李公其未備

者增而葺之而又稍易以愷悌民熙熙然若遠  
嚴父而即慈母也無何淦之治於十三郡中又  
復稱最直指使餘姚任公廉公賢乃移檄獎異  
焉其稱若瑞世之資經邦之具不虛也檄下淦  
士民譁然歌且舞爭頌為公賀乃公僚友走使  
金陵以贈言屬余余嘗觀載記若鄭子產魯仲  
尼蓋嘆賢聖初政得民若此其不易也以今觀  
我黃公其治蓋未以月計矣而民速化之上之  
人獎而異之又若此其易者遵何道哉夫龍泉  
出匣固不立斷名駒墮地即可致千里其分然  
也化難易直所遇耳漢之世稱蕭規曹隨而唐  
光弼於子儀軍稍易以嚴則旌旗變色何也道  
法有定守而事機鮮常形其不可易賢者遵而  
守之其有變而通之不必於執故常則所以新  
民之耳目而操神化之宜也公之治淦蓋用是  
道矣余獨謂淦下邑也比年而得賢大夫二又  
於戊辰為同舉茲豈直淦之福已哉斯其慶在  
家得入其究也固天下所具瞻而廟堂之所

倚賴也一獎詎足為公重余言又詎足為公頌  
耶雖然余於諸君之請誼有不待辯者且益諒  
公於僚友信也然則公之獲上治民信有道哉  
太常石城許先生七十壽敘代作  
古所稱文學儒雅之士恒多不顯於用乃或顯  
於用矣又仕宦以老不能優游于其鄉若漢董  
仲舒氏天官首對乃相膠西宋歐陽氏以直道  
輔人主端坐習頤不獲歸老廬陵而託於穎上  
豈事有不得無而造物者或靳之耶余觀奉常  
許石城先生蓋竊歆艷之矣先生天稟英異弱  
冠即以文學儒雅鳴于時嘉靖乙未舉禮闈第  
一授銓部尚書郎時天子勵精求才敷治先  
生佐太宰甄別人物進退用舍一持以公一時  
號稱得人迨晉奉常先生名位駸駸通顯矣無  
何為忌者所中出判浙鹺務先生視鹺務務輒  
理晉江右督學江右士涵濡德教翕然嚮風文  
體一變浮薄就正晉貳符卿時年未五十輒謝  
事歸日與鄉騷人勝士登覽觴詠二十年趾未



嘗一及公府而又破去邊幅坦然和易使人忘其貴而樂從之遊乃先生亦自以順適其天和而完養其正氣二子長君大學少君光祿又才且賢諸孫蘭玉交映于庭先生益融融然釋其所累而紓其所自得蓋其學則廣川其用則六一至其歸而優游難老即二君子者生當今日與先生並駕而騁殆未知其孰先也蓋鍾山石城龍虎踞踞既巍然壯天子之都其精英含毓發于偉人龐厚完固獨稟其全殆有間值而

朱東器文集

卷之一

三

非偶者是歲四月朔先生屆七十壽凡江右官留都者咸人人願捧觴為祝謂余宜有言則相率來請夫年壽者易臻而奇觀者難值以三君子所歎者而先生擅之奇矣余江右士於先生又千里而覲盛會抑又奇矣夫奇觀者曠世之所希而玄造之所為也今以往先生稟受於山川者將無有涯極焉異時以安車蒲輪徵入如漢三老五更諸子若孫且以家學踵成芳美於二君子不啻遠駕焉余茲竊占之矣矧今 聖

上初元恭默思治先生懸弧之辰實九重夢弼之始茲其觀愈益奇也意鍾山石城將有默為之相者與即今日捧觴而俟可矣

### 梅禹金詩敘

梅禹金詩若干卷其前若干卷余見之金陵其後若干卷余去金陵領渝州不及見也禹金數千里走書渝州而屬余序其首禹金宛陵人父參知公以直節清風著聲海內二伯氏才而早卒禹金時尚穉參知公尤憐愛之初誨之舉子

朱東器文集

卷之一

三

業禹金即工為舉子業然心厭棄之而獨好為古文辭參知公喜延接方外士時陳山人鶴王山人寅皆以詩鳴江海間每來輒留數月禹金皆從之遊二山人顧心服禹金為忘年交在宛陵所交而最暱者則沈太史君典隆慶壬申來訪余金陵揮麈劇談四座風動膚玉色朗朗照人無何別去癸酉復來已又下第去余去金陵禹金詩道日進已從黃白山遊作黃白遊稿械書示余渝州書歲三四至余入汴禹金簡余詩



四有云逢人馬首中原入憶汝嵩山畫戟前又云抱關小吏勞君問亦有夷門任俠人意余顧何人禹金獨殷殷繫念之也禹金齡最幼筆最老才雖最高然心最下以彼其負視青紫不啻拾芥取之而屢試屢躓然遇屢塞而業愈益進其於人交愈久愈益親即遠數千里外情若在目前曉其詩出入盛唐上薄騷選格力雄渾不露翩翩逸思誦之如見其為人云朱子曰宛陵之先有梅都官者在宋詩名最著廬陵歐陽公一

宋東語文集卷之一

三十二

### 大河志敘

大河亘天地之中遠自西極綿延幾萬里而入於海蓋宇宙一大限云古今談大河者亡慮數百家然皆基列蠅見人私其識渙散無所總紀博雅君子欲以考鏡往蹟經畫世務將奚從擇焉左華張先生居河嶽之間嘗試觀洪流慨覽

千古於是統纈前聞刪撮繁要挈綱維則敘志例本聲實則述名義驗精氣則表應天覈源流則按行地觀象畫則徵龍馬重天險則紀河套究遷徙察疏濬則稽行道存治法通典常極理道則敬祀禮陳襟記樹德表靈抒情寫態則述藝文終之別為十二都為一書上下數千年東西幾萬里一按指求之無所不見又何其約而盡哉余嘗究覽典墳自積石崑崙見于貢道乃世儒者遂援博望窮源之說謂河出崑崙至班氏引本紀言日月避隱為光明斯其說抑又玄遠矣嗚呼彼安知所謂星宿海哉龍馬出圖易象乃著聖人憲天垂訓其於道精深微眇即學士大夫難言之又安所究其始也夫推本窮源以契於自然之畫斯於易幾矣山川丘陵有國所重自寧夏內徙而河套虛分宜柄而貴溪死封疆之臣至于今扼腕言之藉銑也不亡復不復事未可知也然與其得地不尤在得人乎淇竹下蘇子歌河歲徙歲脩迨于今時逼泗嚙徐

宋東語文集卷之一

三十三

矣當事之臣蒙霧露冒雨雪窮年究夕無所寧止則安得為慮與余蓋於賈氏之策歛衽焉至他典章文物紛見錯陳諸所遺逸靡不搜括按茲篇者其寧不躍然有會於心則先生之嘉惠於人人者良厚矣余不敏于役河華既獲卒業於先生乃弁數語而歸之冀是書之成他日為山川重先生名某字維訓仕為令

春雪藁敘

春雪藁余友任山甫氏所為詩而李本建氏兄弟刻之以傳者也山甫為留都光祿結社青溪於不佞為文酒交其為興都留守叅軍又雅善本建兄弟已去興都倅滇南已又去滇南歸五安山中太史本寧氏雅知其賢乃因本建之請謚其篇曰春雪敘而傳焉謂余不當無述也蓋余交山甫最久而知之最深山甫齡甚清於稱詩外尤工行草法又博雅好古凡三代以來鍾鼎款識靡不精究問以其意勒之金石諦視之即三代物不加也而又以其餘達之政若城孝

昌城當陽功過成而民不告病其署當陽也去後思倅滇不暮月不能齷齪附時俗即拂衣去蓋其尚若此夫詩之為道其大要在昔學士大夫論之邃矣不佞嘗與山甫淺言之蓋其始在別雅俗夫夷光靚粧素服却扇一顧則魚畏鳥驚邢夫人衣故衣來而尹夫人為之掩泣甚恨其不如也茲非以雅勝哉三家之子夜以文繡薦以珍錯彼即規行矩趨偃蹇而自矜而往態故在也故稱詩者或之於文而俗或之於靡而俗或之於誇炫而俗或巧而俗或弱而俗或怒罵而俗或深情厚中矜持刻削求免於俗而俗涵之性情達之物理本之天則融液流貫無意於合而自然得之以是質之古人之論其幾矣山甫以余為知言今觀山甫之詩要未足以盡其所詣僅余所謂雅者其庶幾揖讓於尊俎而無所事於飭者乎況其所長固多也山甫尚進焉寧獨編太史氏他日木天芸閣傳之文苑固自今後之余不佞又安能盡其所詣也

對山康先生全集敘

康德涵先生以文章名海內不佞自束髮談藝心竊嚮往之于今數十年而始得從關中讀其集既讀之則又心竊有疑也乃以訊之李太史本寧氏太史曰集固非全也曩先生沒其遺文散逸無次友人張孟獨氏彙而刻之辭之寶玉瑜瑕並矣又多珣珞燕石間列而錯陳殊弗類也余從先生嗣子孝廉子秀訪之蓋得十之四又從其外孫張明府維訓訪之得十之六集庶幾我稱全矣第無有能為先生忠臣者嚴覈而慎選之請以屬子於是以前全集畀不佞既辭弗敏則又私念曰曩見先生集恨不得其全也既全矣辭弗竟業則嚮往之謂何不佞即弗敏訕若為太史前驅刪其訛謬其當與否姑就太史評定為其奚而不可乃取先生集伏讀數過輒借為甲乙之以上之太史太史覆覽而加評定謂不佞曰是庶幾稱完璧矣雖然余二人者奚足以盡先生余取其甲以付孝廉其乙者後將

或有取也余從諸體之後虛其白以待為其可矣刺既成則以孝廉之請敘之末簡曰嗟夫文自司馬氏以來作者代起蓋千有餘年而無能得其似先生崛起弘正間逸才天授不假人力遂升子長之堂而入其室與李何王馬彬彬然朋炳交映斯不亦間世之傑哉先生素絕閹瑾之交乃以微權緩頰而解北地之厄至琵琶擊客一事海內士大夫類能言之此其直氣雄萬夫與文力相肩願語云文從心生又云文類其為人

之變震動河華至 當宁旰食先生移書曹帥  
謂當謀之仇鉞乃後咸寧竟收擒逆之功乙酉  
之歲妖人煽逆三輔盜賊蠭起先生徙薪之論  
發之二十年之前乃其究也較計案情言賊出  
沒合散之狀如指諸掌卒如其度不爽毫髮今  
集中與馮乾州姜武功書可按而知也先生之  
經綸不獲盡試乃微見於此世談者謂先生為  
文章之士知先生者或又以氣節掩之嗟夫先  
生之經綸不見於世獨歸其氣節訾訾之論或  
成貝錦猶謂先生與瑾有密并氣節少之世所  
僅知者獨文章耳而散逸之久真賡並行悲夫  
先生全集行而覽者因得其氣節經綸之槩自  
于今以往先生為不亡矣非太史氏博求而精  
擇誰其任之哉誰其任之哉

敘河上藁

余昔孺子時從先大夫湖上趨庭之暇間事誦  
吟始學為楚音既官南曹結青溪社一時遊集  
大槩三吳騷墨之俊於是始學為吳音既遊南

曹領巴郡符巴人士故多大雅乃余願習於下  
里則又為巴渝之音是三音者余海內知交所  
睚聞也萬曆戊寅謬承潼關之命乃以十又  
一月由巴入秦司關城啓閉之役居河上者于  
今二年大華終南之勝近不出眉睫時得流覽  
秦漢唐以來故宮遺蹟間寓目焉名卿大夫惠  
而好我復相為唱咏雖未敢望先秦之躅然總  
之有小戎駟鐵之遺意焉久之成帙時取而玩  
之則大笑曰是將為秦音乎因命之河上稿而  
以請正於同志或曰先儒有言秦俗強悍尚氣  
槩先勇力其於詩也亦然然關以內岐豐之地  
周之所以興也二南之化寔因之子將畫於秦  
與夫奚擇而不為周也曰不然也夫希古者眇  
今行遠者自邇蓋有周而後有秦余由秦以遡  
周又奚而不可也且關城控接梁晉桃林之塞  
洛之遺黎在焉河以東蒲坂固舜都也今海內  
熙恬 明良在位薄虞周而上之封疆之吏幸  
枹鼓不鳴烽燧無警得以其暇詠歌太平庶幾

哉習而進焉由秦而風而雅頌又由是以追喜  
起以揚解慍阜財之風其在茲也余不佞故楚  
孺子誠不足與言詩儻藉是求正先生長者得  
無意乎余將有得於河之上

郁木生自敘

余家玉笥山下可三十里許山有郁木洞志所  
稱曉日朝溶溶溪頭采木首者蓋其地云余自  
稚齒趨庭從先大夫每搖筆諷詠輒興念山靈  
思欲枕石其間未能也先大夫既宦遊四方不  
肖往來隨侍二十年餘既又獲側名薦書與計  
偕而後於是燕齊吳楚之間足跡殆遍其間名  
勝若恒岱衡廬靡不周覽意興所到輒復有言  
頌越吟而秦贅心未嘗一日不在郁木也戊辰  
之歲備乏南刑曹白下山川故稱佳麗又刑曹  
枕玄武湖上鍾山冶城近在履舄之下燕磯牛  
首栖霞諸山遠不出三數十里曹務且簡得與  
諸大夫方駕而遊間遇山人墨客相為倡和甲  
戌春奉命來守渝遵長沙經武陵道巫峽入

夔門白鹽赤甲宛若舊遊渝有塗山涪洞蓋禹  
后所生伊川程先生所從點易處也又西上入  
錦官謁昭烈武侯二祠浣花之上草堂在焉則  
杜子美氏所嘗流寓者也自惟簿書之吏雖有  
登高懷古之思然塵壒滿其前逢迎奪其慮即  
耳目所及尚不相入矧郁木在東南數千里外  
其將謂何則又自解曰心遠則人境無喧卧遊  
則山水在目使余塵滓其中未能免俗即身處  
郁木恐玉山之靈移矣却謝余不得有之矣余  
且以清露漉漉清風浣浣呼吸日月之華以代  
芝朮徙倚几席之上以代罔罟茗盃以代瓊漿  
陶泓以代飛瀑木杵杵有俟諸他年庶幾乎滿  
瀛曠達之懷於雲壑無負於於是檢囊中所得  
者彙而集之題曰郁木生吟稿蓋以志夙心焉  
郡縣解唐二廣文暨張羅李楊諸生為請敘於  
中丞劉平川戶曹江雙城二先生余蓋甚愧之  
已友人莫雲卿氏又為敘於雲間遠來寄余不  
欲重負諸名公爰述所由付之梓人用歲家壑

若曰以秋水自多而貽笑大方則余豈敢

### 河上楮談敘

余昔在金陵往從諸長者遊得聞所未聞遇曹中無事時取架上書誦一二過稍紉繹其義偶見管一斑又憶往昔長老所稱說一一命楮生錄之積幾成帙會領渝州守郡故繁又多奔走之役更不暇理既由渝守移潼關關地雖當險塞然簿書少暇賓客軒蓋來有時是歲夏五月天雨閉門獨坐琴鶴軒中取襄所錄閱之意稍

朱東蓀文集

卷之十

四十二

會又更益數語追念金陵舊好及生平所知交亦略疏其出處大槩存之為停雲小志以示不忘蓋旬有二日而畢視曩日三倍之乃刪其繁襍可以代客言者都而命之曰河上楮談而附以志其言漫無詮次惟所手錄為先後曰庶幾籍以贄客無事咕咕為也或曰桃林之塞為函谷即今關內地昔柱下史乘青牛過焉關令尹喜強為著書今其言五千故在也言道德者師之河上公者當漢景帝時結草河湄為菴居之

景帝從授柱史言已雲霧晦冥天地斗合失其所任在彼二氏所言何如哉而子顧從河上為是也余曰唯唯否否夫子不云乎不有博奕者乎為之猶賢乎已余茲備潼關之吏幸皇路清夷桴鼓不驚不以其暇從牧豬兒袒跣呼梟盧又不解奕不能效蛛絲蟬蛻敝其精力為爛柯者所竊笑吾庶幾為此即不得稱賢於無所用心殆將免矣儻以是質之長者為發墨守俚淺陋日有益又詎知非厚幸哉則吾籍吾談多矣

朱東蓀文集

卷之十

四十三

因敘次其語弁之以俟後之日

### 雄風閣稿敘

雄風閣稿者何審世君氏所為詩也蘭臺之遊宋玉對楚王曰此太王之雄風蓋諷也則何以氏閣又何以氏稿也審先王居高而視下念民之隱而若內之閣中世君趨庭之暇矢而為言於是乎氏之乃山人呂中甫氏與正甫宗正又取而壽諸梓以屬觀風之吏孟震而為之序嗟夫詩未易言也自康衢擊壤昉于有唐重華

氏作歌南風以解愠阜財而風之名始著三王  
代興皆采之間巷歌謠而播之朝廷郊廟即婦  
人女子不廢也宣尼氏剛為三百於是雅頌之  
外言風者十有五國焉而蟋蟀諸篇寔為晉詩  
之始詞不云乎無以大康職思其居是何其敢  
本尚實風風乎有唐堯之遺風也夫能動物之  
謂風感人情之謂風無所分雄與雌也惟所動  
而感者異則王與庶民於是乎分而不可以槩  
論大人者齊物我合遠邇而奚以雄雌為故坐  
而思游心乎萬里之外矢而歌摠情乎部屋之  
下桂樹蓉蕙不以為芬也而迨乎窮巷堞塵中  
庭玉堂不以為麗也而通乎沙塢溷濁羅帷洞  
房不以為邃也而究乎甕牖蓬廬吾以愈病折  
醒而念乎慘怛病熱吾以發明耳目寧體使人  
而憂乎啗齧噉獲猶之乎風也夫其琴瑟乎飄  
忽溯滂激颺標怒所自来也豈擇貴賤而異尊  
卑而處哉其於詩也亦然今世君之作首之以  
野老而叅之以晚眺其間聞砧觀魚諸什冷冷

乎刁刁乎在貴而不驕居尊而不亢噉然若有  
隱嘆焉穆然若有深思焉無論精工雅麗約其  
趣直執於三百之旨歸蓋真之野有唐風焉而  
解愠阜財駸駸乎上矣是蘭臺之所謂風者非  
耶余不佞非可與言詩第推二甫所以氏稿者  
如此以歸之世君其必有進於是者乎非余所  
敢度矣

艾和甫西戍稿敘

和甫詩父流麗俊逸迭宕不群如飛天仙人吐  
納沆瀣非食煙火人語乃其勁節直氣可以扛  
九鼎雄萬夫頃以言事謫戍西寧死生禍福一  
付之無何有之鄉蓋杯視黃河塊視崑崙驅振  
風霆以遊於八極之表終南太白二華之間其  
以六月息者也余為關吏訪和甫雲臺三往返  
而不一見比來益州和甫已發巴渝為余留者  
信宿和甫處夷險順逆固自有道哉和甫既出  
峽遣吏人持是稿還走書屬余校余讀其詩至  
夢裡雷霆亦自驚則為憫然汗下至只憑九死



訓明主則又突然壯夫及所為報孫山人書宏  
識遠覽若憑虛御空下睇塵壒非淺衷曲見之  
士所能窺其彷彿卓犖和甫彼其視崇名顯秩  
炫目耀觀不啻涖濬之在滄瀛毫末之在馬體  
也即 大廷奇節何足芥蒂其胸余蓋於是稿  
見杜權機焉和甫間與余言抗疏狀甚異若默  
有神靈呵護西寧之投魏魏龍領虎口間而竟  
以倖脫不載列稿中余姑校其詩若久而引其  
端若此

朱東器文集

卷之一

四六

卧雲樓詩敘

陳于韶先生當 世皇帝朝以詩鳴郎署間一  
時同聲之士若七子三甫相與排簿靡艷力挽  
古初迨于隆萬之間海內幡然改易弦轍以追  
往始陳先生殆與有力哉陳先生既謝事歸臥  
雲樓二十年而詩益奇進於是摅續二稿次第  
成編而屬不佞為之敘蓋不佞為舉子豫章始  
讀先生石鍾山二詩既守渝乃以尺一通而甫  
倡和即以遷去去渝又六年入成都而後從

朱東器文集

卷之一

四十七

先生誦全稿若是乎遭遇之難也然而地雖風  
馬而應若雲龍趾似參辰而誼深僑札則安得  
無言先生蜀人也岷峨江漢之精族而為功烈  
文章爭雄並秀故評先生集者謂自西京以來  
若長卿淵雲迨君家拾遺比類考父後先相望  
乃其氣節矯矯隨所樹立過三四君不啻于其  
詩然余竊以謂先生奇於詩匪節弗顯先生奇  
於節匪詩弗彰合詩與其節而槩論之又若有  
奇於遇者先生之詩峻拔雄峭若劍門壁立天  
日蔽虧而信意所之滔滔澎湃澎湃噴薄瞬息  
萬里操觚之士見之辟易其守官也文牒旁午  
運肘風生頃刻立辦老胥猾吏咋舌噤不敢出  
一語先後為江浙三遇兵寇之警先生出片紙  
傳諭督府方坐帷帳中深慮密籌而外已帖然  
屏伏先生尺牘殆賢於十萬師歲辛酉先生監  
兩浙鄉試錄遺才蓋試者千人而投刺者三倍  
先生念曰是其中獨無借交貴近以情相託者  
一吾念且諾之必遺十之九吾不可因吾一二



知愛而負諸生取其刺盡火之無何竟以監試  
事去諸愛先生者咸以此尤先生先生莞然謂  
曰吾火數千刺吾誠過矣然主於得士人殆不  
我尤也吾行骯髒而寡與其知我者吾昵之諸  
非生平交吾無所瀆吾其比於嬾且慢乎先生  
居閒閉戶讀古人書足不履公府而於不佞即  
遠千里閒問不絕歸閤中二十年薦剡十九上  
先生視之澹如也故十九上而不一起先生之  
不遇奇甚殆過於所挾哉今 天子嚮意材賢

朱東蓀文集

卷之二

四

數詢名公卿以巖穴抱奇之士網羅殆盡寧獨  
靳於先生藉令起卧東山出而當郅隆之際計  
所注措當必震耀一時凌轢百代曩昔諸賢循  
數行墨者將瞠乎其後蓋非常之士非常人所  
能知亦非常人所能用若先生之詩業有諸名  
公敘論不佞又安所喋喋為

### 勸遊編稿敘

友人朱貞吉氏寧憲王裔孫也任俠而好遊又  
攻為詩遊輒有賦與不佞同產豫章自燥髮迄

于今四十率而不一握手然交遊中竊耳其誼  
擊即其所為詩自余入錦官吳山人孝甫為通  
一訊余已神往已入貴筑豫章朱文學某某介  
其書來曰烜沉冥邁軸二載矣呻吟反側則詩  
以自娛兒子編而名之曰勸遊茲欲泛彭蠡浮  
洞庭尋武陵漁人牽百丈牂牁以從足下未能  
矣請以是當參晤焉而乞一言為弁蓋烜於癸  
未歲某月入玉笥歷閭皂青原迄於宜春之臺  
感慨賦薄遊則張羽王為之序八月濟楊子往  
來金焦望海上積氣吊李供奉采石則吳明卿  
為之序遠遊甲申自黃白岳登會稽探禹穴泛  
震澤樓虎丘則王元美為之序澹遊丙戌渡鄱  
陽歷武夷息宅阜則李本寧為之序美遊茲四  
遊也者藉名公不朽惟吾子圖之不佞反覆其  
編蓋其蹤跡類司馬長卿才亦相等願長卿遊  
梁而後始倦而之臨邛其後以子虛遊獵受知  
天子恨不得與同時又最後建節使西南夷至  
蜀蜀太守以下郊迎縣令負弩矢迄于茂陵遊

朱東蓀文集

卷之二

四十九

固未倦也長卿之詞賦有司馬子長之傳在今  
讀之猶有生氣貞吉是編不佞求之臨印以前  
似矣 國家令甲天潢之派例不得通籍仕版  
貞吉即欲與長卿同出處將安所繇乃今主  
上好文詞與漢武並異日者有秦是編徹 睿  
覽得無起不同昔之嘆又飄飄凌雲氣而上乎  
意石渠金馬當有操史筆如子長者傳之而余  
非其人也迺次其語歸之若貞吉生予節俠與  
其詩品格四公業已悉之茲不論

朱東器文集

卷之一

五

金筑稿敘

譚將軍金筑稿為詩八十二篇五七言絕得十  
之一五七言律十之九五言律僅二十之一云  
將軍才豪而思敏揮筆落楮瀋淋漓若雄師  
百萬霆奔電燁倏忽風雨而部分肅然嚴整無  
有譁亂茲於律深哉世談者謂隋陸無武絳灌  
少文若岐而二之彼烏觀古豪杰之士哉栢梁  
歌咏司馬嫖姚二語何媿風雅景宗斛律對客  
口授于今以為美談至人天稟固有無材將軍

之詩鼓吹呂韜鏡歌石略取精於尉繚借響於  
孫吳鏘入春雲逸諧味籟今海內文墨之俊揆  
摘華藻頌歌太平將軍握長槩撫雄劍登壇一  
鳴令人有封狼居胥之想乃其優柔敦厚揖讓  
雍容方之文士詎或多讓金筑古牂牁靡莫之  
墟萬山叢菁瘴霧壅閉崗巒溪篠肩弩腰刀在  
肯出沒剽掠叛服靡常 天子威神遠警萬里  
即有不逞咸帖首歸命將軍尊俎餘閒矢而成  
聲不數月而所得若此其富藉令容慎操觚之  
賓柳營草檄之客為之反覆而咏嘆焉當與司  
馬嫖姚諸君對壘千載異時旗鼓亦略相當他  
日紀金筑者謂今代騷壇將闔仗鉞擁麾咸出  
以律文武兼材有將軍在諸蠻夷君長且日漸  
於風教白狼歌舞于茲再見不佞抑亦有厚望  
哉

朱東器文集

卷之一

五

意白楊先生經書時義敘

今海內以時義擅名者亡慮數十百家其言人  
人殊也然詞約者晦思深者離務侈者繁而寡

要尚奇者誕而失真其造理邃密鑄詞典雅不  
詭於聖人之道者百不得一焉我邑侯意白楊  
先生起家姚江蚤遊膠庠即究心理奧深味道  
腴所為舉子業海內競相傳誦不佞嘗得其二  
二讀之爽然悅於心恨不從先生遊也歲丙戌  
先生成進士授新淦令乃盡出其稿式諸生不  
佞得卒業焉蓋詞約而不晦思深而不離理有  
一言不能盡則豐其詞而兼得其要意有正言  
不能達則極其變而不失其真若尺杼之引萬  
緒也若入武陵之谷窮極幽眇忽有天地與秦  
人邂逅而話漢晉也若大將登壇千乘萬騎部  
分嚴整一聽約束而不敢亂也若白日行空明  
蟾照夜皎而風雨驟至雷電歛忽已乃寂然若  
無湛然復於其故也而其大要期以發聖人之  
蘊而不詭於道蓋先生稟完而識朗學邃而心  
虛其言足以屈羣辯其才足以雄萬夫而其衷  
若有所不逮其自視也歛然而海內操觚之士  
望之不啻退三舍而避見大巫而却走也先生

鄉先達文成王公以良知之學倡道東南其文  
章炳炳燁燁學士大夫至今以為楷範先生生  
同鄉志同道發而為文章其以式於海內宜矣  
然文成氣節勛名後先與青田相望先生仕為  
邑宰循良之績如朝日之方升異時德業勛名  
赫然與二文成並茲固肇之哉不佞於先生樂  
觀其盛因為引其端若此

汾上續談敘

襄余在潼關每吏事少暇坐琴鶴軒中取古人  
書讀之意少適間出舊所紀錄傳聞暨一時意  
識付之楮生彙為卷三以代客談於今三年所  
比來汾上奔走簿書之不遑而積習未能盡捐  
間一涂指復取赫蹠稍從繕錄事少涉隱僻恠  
異可資抵掌者俱不忍敝帚視之較昔所存得  
四之一因思綿上龍蛇之篇列之遷史泌立貞  
隱之勒播在人間感白雲而興歌者素波激其  
餘響援巧笑而稱詩者寓跡振於西河古人往  
矣撰述如新不敏辱夫故非流品而河山之美

向在目前撫景興懷寧當與草木較然同朽茲欲以區區片言存故實闡幽微補逸漏糾訛謬託諷諭考文辭蓋聊從所好一寄壯心於是別為一卷以命梓人即不得當上客之解願庶以佐醬人之覆瓿云耳

浣水續談敘

余飭兵河上有楮談三卷迨移汾稍續之為一卷每朋儕接席出以佐塵賓主訓應竟日忘疲歲癸未再入蜀叨總臬事蜀三面邊夷犬羊內

朱東器文集

卷之一

辛酉

訃時煩大吏以故臬事視他臬稍繁然藉一上寵靈督府直指威德所填懷未期年戎楚冉寵以次馴服得稱無事又長夏風雨門絕車馬之客馮几據梧頗自暇適乃取笥中舊帙時一展玩以代晤言復憶今昔傳普與所睹記援管濡墨登之陟釐可得五十餘幅方較前紀差有異同內輟楚史丘索之儲外乏鄭美臺駘之辯腐毫梁苑庶云託點馬卿尚白玄亭聊用解嘲揚子

刺豫章李右齋先生聞詩紀訓敘

夫詩也者矢之間巷歌謠而奏朝廷享郊廟本之家人父子而達四海擴九州發之心術性情而通天地理萬物欽之不盈掬而充之溢宇宙其為教深哉而局學者膠以字句工拙乎窮年月日而不輟獎甚矣蓋余讀李先生紀訓而重有味乎其言先生豫章豐城人也以父學行誼世其家余髮始燥上滕閣俯長江始讀先生詩得百之一又十季官南比部郎讀長公轉運詩

朱東器文集

卷之一

五五

得百之二又十有二年與少公司理共事幾業聽其辭粹如也察其政恢恢乎若庖丁之解遊有餘地而目無金牛疑有得乎詩之教者又一年山人吳漢氏出紀訓示余於是始卒業於先生之詩適少公伯仲趨庭磨咏詩出其中蓋藹乎家人父子之相與也鶴鳴子和融融怡怡竟讀之如入萬花之谷和風麗日陽春盎然余不知朝廷之尊郊廟之盛四海九州之廣遠窮天

先生深於詩矣先生以明經舉于鄉仕為郎不  
竟於用退而與其子若孫講道脩業明孔氏之  
教登山臨水悠然樂也雲臥之暇發為詩神  
動天解諸子若孫擁膝而侍頃吹竽奏翕然一  
庭鄉父老子弟扶杖執羔載酒問奇時復唱和  
洋洋乎中於洞庭之奏斯其無懷葛天之世哉  
孔子不云乎不學詩無以言又曰詩可興可觀  
可羣可怨可邇可遠多識於鳥獸草木他日又  
曰誦詩三百授之以政不達雖多亦奚以為至  
朱東坡文集卷之一  
端木語切磋卜氏言素絢則深有取焉以是觀  
之先生深於詩矣夫仕而止止而樂曾不以滑  
其和而以泚其子孫為郡而郡治司理而理平  
庶門之才接武而登仕版者足相踵矣和氣萃  
一門禎祥溢宇宙即三百篇所稱何以加焉叔  
世言詩者殫精竭神鴈首立骨景不逾花月句  
不出雕繪又或啞啞叱咤目動意恣欲以凌駕  
風霆震動千古若是者以為詩即工若曹劉沈  
謝哉奚有於孔氏之教余于是益信先生之善

為詩也詩凡若干卷少公伯仲先後壽之梓總  
而命之曰聞詩紀訓云

湖亭倡和詩敘

金臺自 成祖開基聿新文治風雅翕然丕振  
惟時鄉先達楊文貞公暨一時名輩相與倡和  
迄于弘正北地信陽相望而起 世宗時厯下  
瑯琊諸子廓而大之明之詩無論晉唐殆軼漢  
魏而上矣不佞為舉子時竊心艷其事比官南  
刑曹結社青谿又十年先後入都門同調彬彬  
雲合景附頃一時賡咏久且散逸今殊恨之是  
歲夏承乏京兆歲旱得雨以其暇訪殷無美職  
方無美故欲遊青谿以領薦不果乃茲與同鄉  
索司理文毅同部郎蔡武選子瑞申武庫敬中  
朱光祿可大相約為文酒遊而李通侯惟寅汪  
山人子建凌金吾伯升皆舊好也爭願同集余  
乃假戚畹王氏園亭烹茗蓮池之上晨起理薄  
書罷趨往候焉則無美子建伯升敬中咸先期  
至已惟寅至已可大至最後文毅至時天雨初

霽西山爽氣隱隱向人高柳萬株交蔭水上亭  
之後雙槐如障翳可人青蒲綠葦翔鷺浮漚  
上下左右不知有暑隔岸琳宮梵宇紫翠參差  
若有若無童兒數十舉網得魚進以佐酒薰風  
南來羣籟競發語鳥鳴蟬與絲肉交應賓主勸  
訓相與懽甚呼楮分韻用紀勝遊已而夕陽在  
山照映東市車馬襍沓如郭熙山水中人取路  
言歸片月初上賞心樂事千載一時後數日諸  
君各以分韻詩至仍次坐中諸篇燦然盈帙因

朱東詒文集

卷之一

五十八

莒州謝氏重修族譜敘

新淦謝氏族譜自宣德以來續而脩者凡再若  
金文靖楊月湖諸名公各有敘迨嘉靖乙酉諸  
宗老渡懼久而渙也萃諸子姓謀焉於是自某  
至某凡五世一准歐陽文忠譜例而以班史年

表稍損益之蓋為卷若干既成未有敘萬曆己  
丑不佞某養疴山城杜門謝客妹婿以成偕其  
弟世臣姪命召家樹款關來請不佞既諾之明  
年奔走燕晉未遑也歲辛卯不佞得請南歸候  
代三月於是取先後諸敘并所述世次閱之則  
謝之先肇於炎帝迨周宣王時申伯以王舅受  
封於謝始以國為氏歷漢至晉太傅安有社稷  
功至唐有叔芳者仕為洪州都督家筠之高安  
傳至德宗時有彥章者生子華於憲宗元和間  
自筠徙吉之新淦莒州之謝華蓋其始祖也迨  
今凡廿五世子姓振振凡若干人析為支者十  
有八蓋其源遠其流長由今而後繩繩螽蟥者  
百千萬倍之可卜而知也不觀之江乎發源于  
岷分為九幾萬里而入于海夫謝氏之盛奚以  
異此然不佞尤有進焉在昔唐虞之盛八元八  
愷凡十六族皆稱才子茲豈以人乎德尊者流  
光道固然也謝之族無論炎帝周宣自晉以來  
若太傅之勲烈康樂之父章炳朗朗輝映史

朱東詒文集

卷之一

五十九

冊至司空福以義勇仕宋代不乏人今莒州之  
謝自侍御公階以直節徽猷著聲弘正間其諸  
子姓翩翩競秀直與江左烏衣千古相望由茲  
以往念乃祖遺烈思所敬承將支派愈繁德業  
愈懋萃渙之道無以加此謝之子孫雖百千世  
可也寧獨今日已哉不佞才謝文靖月湖諸公  
顧於以成諸君竊葭莩之好誼不得拜則為引  
其端而歸之

遊宦餘談敘

朱東萊文集卷之二

六

某不敏筮仕戊辰于茲二十有五幸矣生平宦  
轍所至殆遍九州所未遊目者僅閩粵滇雲遼  
海而已少日趨庭習聞詩禮定省之暇間事篇  
章既為南比部尚書郎金陵佳麗自昔所稱一  
時海內騷墨之士相與倡和雖不急廢職業而  
良時勝地文酒為權命我良多啟予不淺已守  
已罷備秦關分守西河總憲全蜀旬宣貴竹尹  
順天司銀臺出撫三晉郡國之繁簡關梁之扼  
塞山川之雄勝文物之巨麗風氣之滄泊名公

碩儒惠而好我即朦昧不足與言而耳目見聞  
漸次開朗因循授簡亦復書紳蓋自壬辰以前  
列為五卷壬辰以後統前所未悉者彙為一卷  
命曰遊宦餘談山林幽邃與世相違自是以還  
斗酒盤飧第從田父野老相周旋不復及朝市  
事矣知我罪我意在斯乎

賀大父母意白楊公榮膺內召敘

朱東萊文集卷之二

六

不佞某筮仕以來所遊邑賢侯多矣乃以同升  
蒞淦者得二公焉若歛徒所黃公桐鄉臨川李  
公俱以內召為臺省名臣邑士民至今頌之不  
置繼二公而後非有同升之誼而相知獨深奉  
教獨久者則我姚江意白楊公公以名進士令  
吾淦五年澤同膏雨化若景風諸善政縷縷固  
已記之去思之碑矣若公玉質和粹秉心謙抑  
退然不勝其衣而遇事所當為即萬壯夫退却  
而不敢前者毅然以身任之而不恤襟懷恬澹  
居身純白一切氛塹若將浼焉而事纖忽有利  
於民利於久遠者孜孜焉營之而無所于避諸



賢侯尹吾邑屬時和歲豐即有小青不必焦勞  
其心慮乃公以戊子蒞邑歲已丑滂庚寅旱且  
病疫卒卯旱壬辰又旱疫繼以滂公賑恤祈禱  
撫摩安集邑無寧歲歲無寧月智營神折若痼  
痼之切其身而芒刺之在心也其難百倍於前  
而事所圖惟更僕而不可悉公今去難而即易  
去疎遠而即樞要凝神定慮遇經國大機人所  
不能任不敢任者公毅然為天子任之冰檠  
之操愈久而堅事有利於國家利於生民者

宋東坡文集

卷之二

李

疏而陳之 殿陛為薄海造無疆之福在茲行  
矣不佞某即退伏草野不得日聆螽斯望丰神  
然得與海內士民均被德化其大小遠近相視  
豈不尤幸哉昔西漢伯起以茂才起家入為太  
尉風節表表在廷大臣無能出其右者公其同  
姓也其不佞竊於公抑又有厚望矣

壽立齋曾先生聶夫人夫婦六十敘

立翁先生自荆尹擢南曹也便道歸畫錦乃七  
月六日為先生嶽降之辰而先生夫人亦以是

月廿二同躋六十五叅忝姻晚進得與稱觴乃  
再拜而昌言曰壽難也壽而榮尤難也榮壽而  
雙茲世罕儔矣先生與夫人曷以臻此哉聞之  
男子生而素孤蓬矢以射四方女子衣褐弄瓦  
設帳于門謂將脩內事相夫子而罔弗順也故  
丈夫揚聲于寰區夫人肅雍于門內是曰同德  
榮壽其矣先生少嗜學潛心古聖指夫人躬紡  
績同其勤先生事親盡顏色奉甘旨夫人操井  
臼同其孝先生慈祥溫悌敦厚鄉里夫人潔中

宋東坡文集

卷之二

李

饋同其誠貧賤同苦富貴同樂推于南樵收于  
賓佐政于荆先生治其外夫人相其內蓋自結  
禱以至于今日一如也茲而盛德格神明天錫  
之壽休光被黎庶帝陟之階位與德崇壽與名  
並固理也有弗同乎是故壽難也有先生夫人  
之德天弗靳也榮壽難也有先生夫人之德帝  
弗勒也榮壽而雙難也先生夫人之德並美也  
可同致也彼木稱連理壽或可必矣而不可以  
有榮花言並頭榮或可觀矣而不可以有永簫



史秦女乘鸞於赤霄君子弗壽者誕焉而不信也伯鸞德耀托迹於瀟陵君子弗榮者隱焉而弗彰也孰若德與身崇名隨壽顯如先生夫人者哉然孟震猶竊有頌焉夫六十中壽也六卿分職也等而上之則阿衡師保帝之所以簡有德者益崇萬壽無疆天之所以報施善人者益厚今而後意先生策勲粉署馳譽清都則台垣虛左帝眷寔隆而魚軒象服夫人又當同其耀由是自六十而百自百而上遊神鴻濛之澤采藥北海之濱將歲歲如天孫河鼓之萃茲辰也夫然后帝眷天休永其無極而先生夫人之德於是乎食報而稱矣翳今日已乎先生之冢嗣燦孟震之婦丈也孟震所聞於先生夫人者為詳茲祝也不敢諛其他而敬徵諸德

朱東器文集

卷之二

六

朱東器文集卷之二

新淦朱孟震墓誌

武昌吳國倫

新蔡張九一選

記

重修華陰令克齋何公生祠記

前華陰令克齋何公者內江人也由麻城舉諭擢華陰令三年後又以襄陽二守入為南比部尚書郎與不佞同寅又相善也公謝事歸不佞

朱東器文集

卷之二

以渝守往來從公江上遊五年而余由渝再陟潼關兵憲華故潼屬既入關則時時問長吏賢否乃華父老子弟獨嘖嘖稱念何公曰安得何公令我哉已行指華下諸渠曰此何公冒暑而疏者也指庠之宇曰此何公捐俸而構者也指秦嶺之間曰此何公請甦吾民而免供帳之累者也又指西關之祠曰此邑民思何公而生以祀之者也夫何公之去吾華十年所矣余為肅然嘆曰嗟夫是古所謂去後思者非耶夫民之

於上也。庶若所萃然其要歸於一誠夫甘言飭貌矯行深衷謂可以詐愚也而偽久則敗厲詞峻色密網繁禁謂可以威弱也而法久則離言不出諸口行不暴諸外煦煦焉養之春陽之中而胥之乎法戒之外此若無營也而天真流貫浹洽膠結于民心而不自知此其故何也熊渠子之射石也飲金沒羽商丘開慕范氏之勢入水火取珠錦而無焦溺之患茲非以誠哉民非水火金石也至信之人其感物也動天地感鬼神亘六合而況於邑之民乎公治華事具在王冢宰文中乃其為人大都質直而寡言其於人也好善惡惡若切於其體平居悶悶似一無所能至義所當為直以身任之而無所顧往在比部諸曹郎視之若丈人行乃獨忘年友余曹有死獄寃甚然先沒傷異大司寇竊難之公咨于余余曰傷先重沒輕顧其情真否耳所為難者輕或緣賄今其人窶子何所用賄為公躍然曰吾得之請于司寇檄下余會審因得白是獄也

朱東詒文集

卷之二

二

稍緩之死矣因叩首血墀下曰何公再生我公又愀然避之部當齋宿諸曹郎例釀金為會公獨啖蔬持戒甚固然亦從諸曹郎會不為異也以故諸曹郎率心敬憚公蓋其誠如此一日語余曰吾聞仕者尚通隱者尚默吾默默而仕又吾壯齒去矣吾家成都江上薄田數畝聊足備饘粥大峨青城之間多異人芝箭滿山谷吾長蹤往與遊吾孰與東帶日僕僕塵土中也遂拂衣去余從江上再見公頽色丹澤神翩翩若仙蓋所得深矣夫誠者不援物不擾生隨寓而施緣感而動於人則澤於已則安此其於華愈久而思若旦夕然者殆非偶然矣公冢嗣今中丞萊山公往令蓋屋蓋屋之民至于今思之若華關以內談循吏者必首二何公籍第令郫縣君公與公並世而騁無論治績即家法不遠謝公哉於是焚香禮公踟躕祠下諸湫隘而頽毀者屬今令宋君稍廓而新焉蓋公於余為舊知其嚮往固最切乃彰善報功順民心昭國憲固觀

朱東詒文集

卷之二

三

風者之事而非以私也工既成因次第其辭勒石以風來者

籌筆軒記

費子佐左軍幕三年矣間與朱子結社青谿與之言詩若宿將談兵抵掌而嘻倒囊而出也既擢視幕篆乃即其署之西構軒為貯文史其中而時花卉其下朱子往與落之費子頷其頷曰是可名朱子曰請名籌筆曰何居曰子之去西臺而參幕府也固前籌是借也今海內無事鍾山石城龍席蟠踞介冑之夫方擁統綺於歌鍾鼎食之側子即有石畫勝算無所用之而獨以其精神發之詠歌金陵多佳山水搢紳先生時而過從騷人墨客相與倡和奇花異石幽鳥鳴泉四時之景不同而吏隱之情共適子騎而出乎軒之外耳目所應接當心而快意歸而息乎軒之下援毫而賦之當其冥搜也默然玄窅若帷帳運籌焉其立格也若堅壁清野嚴刁斗肅部伍敵不敢犯焉其變化也若三軍大張八陳

森列龍豹鳥蛇開闔進退倏忽靡測焉至其得意又若勝而奏凱鏡吹絡繹策勲而飲至焉蓋詩曰律師亦曰律將曰登壇詩亦曰登壇彼其本之乎性情之和而約之於什伍之度發之乎瀟灑之趣而神之以闔闢之機其未得也沉冥乎九地之幽而其得之也逍遙乎九天之上此軒輳黃石之所不能傳而穰苴孫武之所不能喻也故曰籌筆子誠有意耶我且執鞭弭屬橐鞬而周旋從子矣費子輟然笑曰疇昔之夜吾夢偉丈夫至吾軒授我五色筆吾心恍然若有得也乃今吾徵於子之言

邑大夫意白楊公去思碑記

大夫意白楊公尹吾邑五年政化翔洽聲聞達于朝宁屬臺省員缺有司以公名上邑大夫士既慶公顯用有日乃湛恩渥澤淪浹于鄉父老子弟無能解于心謨勒之金石以垂永久謂不佞某受知于公為獨深而知公且悉也相率來請言誼不得辭公舊邑賢大夫李公鄉人也

初受命邑民情吏習事所當因革一咨于李公  
比下車復訊于邑士大夫老子弟靡不得其  
要領故所注厝事緩急次第惓然當於民心公  
又臨之以清白一切徵輸夙弊釐革殆盡民以  
獄上為之理其枉直惟殊死者上官所檄問者  
留之餘悉遣歸民以獄詞上悉內之篋笥吏毫  
髮不能窺伺所斷決情偽刃迎執度敏而不爽  
民入縣庭不旋踵而休舍若出堂皇而過遂于  
室也戊子己丑歲相繼旱公竭誠祈禱竟大不  
登民飢饉無生日公蒿目而嘆曰嘻民甚矣憊  
於是多方賑貸審視飢民轍環山谷靡不周遍  
民賴以全活者無慮數萬人淫邑素稱文獻乃  
近稍不振公究心理學以其所得發為制義汪  
洋爾雅出以示諸生又為之課試文業評校優  
劣倚筆軒輊諸所物色者皆尚行誼鄉先指中  
丞練公祠故在郭外公曰忠孝大節如公臣子  
萬世鵠也建祠學宮之右裨知所式士日蒸  
蒸於父行而尤優禮鄉士大夫無大小顯晦若

不佞某者公更惓惓焉其他若用一考以司二  
賑取冊結以止盜竊取新丁以補故丁取客戶  
以補絕戶凡可以便民者固不修舉公茲行矣  
而遭變在民入于肌骨異日者賦者思寬訟者  
思決還定而安集者思恩撫父而振藻者思式  
公雖去吾淫而士民之懷思不啻日噢咻而提  
命之也昔漢宣帝時郾縣何武與成都楊覆眾  
等習歌中和樂職詩後舉賢良拜諫大夫遷刺  
史歷大司空所居無赫赫名而去後常見思淫  
之民思公益不待其去而仁思所固結若是豈  
不尤異哉公茲以往晉陟樞要若郾縣君公入  
為大司空有日矣以公文章行誼黼黻經綸我  
國家文明之治超軼前古他日人指而頌曰此  
淫邑舊大夫玉山金水亦與有榮艷矣不佞某  
所託以不朽寧有涯涘哉寧有涯涘哉

傾日樓記

邑故中丞練松雪先生舊有祠在郭外三里許  
道宮之偏大夫分守景孟劉公謀於邑大夫意

白楊公謂其遠而襲非所以表忠義勵士風乃為祠學宮之西又慮無以妥先生之神也復建樓其後扁之曰傾日而屬某為之記某先生之鄉後進也居常慕先生大節不及為之執鞭茲得執管為役竊有厚幸大夫忠義人臣之大開自有天地以來未之有易也乃日之中天葵藿所共傾亦未之有易也革除之日墮虞淵入昧谷矣而先生之心未忘忠義直以身殉雖累十族而不悔天植之忠蓋誰得而易之樓成之後

朱東蓀文集

卷之二

八

先生之靈歸來故鄉撫檻抒懷二百年來身雖殞而人心之景仰有如一曰神其妥是哉公所

以扁斯樓者蓋得先生之心矣鄉之後進其亦知公命扁之意與先生之心乎忠義之心油然而生百千年而後風化懿美利于豫章過吾邑者將指為忠義之鄉浩然正氣流布金川玉筍之間而塞乎天地自今日始之矣

題跋

平羌紀事

皇帝神武御宇十有四年化洽中外諸荒服君長雕題獬髮文身黑齒窮極山海日月所出入靡不奉琛歸命關下獨蠶業以西羌夷不靖阻絕王化煽亂流毒幾二十年神人憤疾督府大中丞徐公赫然馮怒請於上特簡二憲使檄大將軍部署五將軍深入險塞命無養奸蓄禍毋恃勝長驕毋喜功多殺期以綏靖西陲諸將吏奉命惟謹不數月逆羌授首繫頸餘衆創虜面埋奴投款永康以北龍州以西夜戶不閉旅行如歸使者行部款羗爭負弩矢訶護無敢後餘威讐于白草額歲增上課額西陲大定於是公取先後奏疏及與諸司將吏檄草付華陽尹劉寅詮次成帙臬大夫總憲傅君較而梓之以彰殊伐孟震自受事以來與諸大夫日侍帷帳聞密議甚悉尤有溢于茲錄之外者蓋當事之初一時狃習故常謂循從姑息即用武不

足煩大旅公決策濟師尅日大舉部分甫定而  
叅將朱文達以論劾去二兵憲以大察去公撫  
几溪念知文達可任留守浦江關擇監司賢者  
請代二兵憲而賊氛甚惡圍浦江一月擐甲矚  
集道梗不通發礮石下擊關屋瓦震動而碎城  
幾陷沒文達率敢死士舉火器突前衝賊賊數  
百中火器死乃大燭不復出公於是檄大將軍  
李應祥移住松州率守備劉繼祖曹希彬出營  
營溪所命松潘兵備王 監諸軍威茂兵備

朱東畧文集

卷之二

十

謝紀功兼督軍餉各便宜相機剿處命帥郭  
成營黃沙壩築高城斷賊往來要路命遊擊周  
于德營百勝岡邊之垣營壩腦參將朱文達營  
白茨溝劉用光營永太堡星列基布無有譁訛  
國師刺麻灣仲者夙與賊為嫌時洩我軍事而  
中取利公知曹希彬熟賊情命首取國師灣仲  
賊無與為嫌謀益鮮然猶負險阻擁衆馮高談  
伏要害計撓我師公曰河東近在肘腋不可浚  
命周于德率播州兵首取八寨焚碉房數百松

朱東畧文集

卷之二

十一

是五將軍並進天大雨雪賊前戰不勝退阻雪  
雪深沒腰膝野無所為食號泣動天地衆數千  
叩首伏款二兵憲以公命許之是役也非前有  
約束諸將稍喜功蹂躪以進賊殆無噍類我河  
東既平河西賊倚江為固江漲惡賊從高噪我  
軍將吏意稍阻公移鎮灌口檄知州汪楚軫知  
縣劉寅往督之夜未半劉繼祖曹希彬乘筏濟  
諸軍賊出不意謂大兵飛渡人人奪氣鋒始交  
斬數大酋賊披靡遁去遂乘勝以次克諸寨而  
牛尾素稱雄控弦貫戰謀甚狡殘賊數千咸依  
之未即款首公曰此不剪後且生心又以遺君  
父憂非策也諸將得無逗遛乎十日不克必爾  
乎取之諸將聞命賈勇馳八十里厯巖嶺上下  
溪雪中且踣且前進薄牛尾人勅死力賊大劒  
號伏四野縛首禍羗乞哀納款埋奴為信計河  
東西拔砦四十八斬首虜二千死火器飛箭墮  
砦谷溺江水萬生獲酋長部落數百戰馬百僮  
僕牯牛羊萬焚燬碉房二千六百有奇埋奴數

十首相望於道所活羗數萬歲減公私浮費無  
筭餘賊皆仰天叩首曰奴死命皆公所活所不  
為白人報 天朝恩有如日蓋公所始計則斷  
臨事則慎知人則招任人則專先機則智無多  
殺則仁為國計慮深遠則忠至調和大小將吏  
委曲婉盡使力同心一所向無前每寒則念征  
西將士觸冒雨雪下有司犒賞恩若挾纊所委  
托官司推心置腹情均父子以故人皆感激次  
骨固不殫力用命羽檄交馳警報踵至意氣安  
閑取赫蹏尺一援筆授諸將方略罔不曲中機  
要賊寨去和門千里近若坐照每事機緩急當  
事者慮無能請命帷下公業已計度區畫檄至  
邊咸愕然駭異服公睿筭賊勢始張人心皇惑  
每草奏務張大 國威振作士氣既平定安集  
勲烈震宇內幕府上功次則過自抑損歸美  
主上辭不敢受賞自丁大夫以來所稱平羗績  
最者無如公所全活羗數萬則丁公疑少謝公  
所書旂常銘鼎彝者無論首功矣昔唐貞元間

朱東澤文集

卷之二

十一

韋武臣斬吐蕃數萬獲論芥熱開國南康太和  
初李文饒簡練士卒威聲大振大酋悉怛謀舉  
衆內附二公者功著已蜀紀之唐史赫赫尚有  
生氣公之績不沒唐二公觀斯錄仰公文武風  
烈輝映絢素若錄所未悉一時二三大夫蓋習  
知之乃先後遷去 茲且行恐後來者無復識  
公之大輒冒昧握管紀之末簡俾傳 國史者  
異日有所考云

書用夏錄後

朱東澤文集

卷之二

十三

督府大中丞宛陵蕭公仗鉞撫黔崇尚德化所  
宣示教令率以身先一時文武將吏奉飭惟勤  
諸郡縣武衛翕然嚮風惟是郊圻以外迄于諸  
司夷貊錯襟岩居箐處椎結卉服循叢荒陋無  
與蒯淪則喟然曰嗟嗟夷豈異人哉吾觀於父  
成王先生何陋軒記而知貴之為貴也夫其烏  
言啁哳狂狷秦何所望中土碩其琬琰以較  
中土猶不如中土之甚也以較黔民猶不如黔  
民之甚也國家三百年来道化翔洽永剏文物



彬彬郁郁即夷之民漸不類往昔文成起罪謫  
小吏一提示良心當其時無不灑然動容改慮  
矧開示綱要則有 皇祖之訓在總齊渙散誨  
諭諄切則有先正之緒言在吾二三大夫與郡  
縣武衛父老子弟第舉而振作漸摩何渠不逮  
中土乃取貴陽趙守所為鄉約刪而訂之名之  
曰用夏錄以示藩臬諸僚命孟震鋏而布之遠  
近蓋黔中之地自秦迄漢阻絕聲教久矣數千  
年來 明二祖始為張置官吏夜郎牂牁同師  
靡莫之屬始知有王化又二百年文成講學龍  
場稍稍變矣然猶未大振公茲不鄙夷其人倡  
正學與之更始宣布 聖訓一切湔而滌之時  
固有待哉夫夷之人戴履天地其父母長上同  
也鄉里子孫同也生理同也本無非心為於何  
有第上之人夷視之夷亦甘自外耳今茲論道  
遇誠千載一時況以未凋未琢之心察此其違  
承率化誨固尤易易者茲以還窮山遂谷不毛  
之地服習 聖訓洋洋禮讓如異時龍場之民

灑然感惕於文成之教與中夏埒公之心也亦  
諸大夫之願也藉猶然安習故陋蠢蠢烏獸  
攫伺隙乘便以侵居人禍行旅是取完璞投之  
汙濁其誰與為理直自棄耳督府剗制一方東  
旋決策持三尺按之夷安所逃辟夫遵 皇軌  
干刑章二者果孰為便利我諸夷誠復思之當  
翻然改而嚮道恐後矣詩曰出自幽谷遷於喬  
木用夏之謂也孟震不敏請俟左券焉



傳

李太翁傳

李太翁者楚京山人也諱景瑞字德徵其先為西平忠武王之裔有諱佛奴者由吉水尉京山因家焉傳四世至諱珏者翁父也娶杜氏生翁翁生十四而孤庶母陳者柄家政陰令族子構翁逮竟陵翁事陳愈謹陳卒乃以家政屬其配楊恭人而身隱於奕於是方伯公長矣因顧謂之曰吾李自柱下得姓至隴西而大又至西平而有京山伐故多顯人也當吾世而亢宗是在吾子夫奕有先沒著令近市以居日令從馭僧以貲相甲乙是賈人誨之非算也其亟往從王先生遊王先生者獨才方伯公因戲曰而翁不賈人若而欲賈人我耶夫奇貨者舍若奚居也因以兄子妻之沒方伯公盡王先生之學三十年成進士拜虞部郎李駿顯名海內於是鄉里咸相謂曰王先生知人哉翁既以方伯公貴稱郎輩之長安屬分宜當國所絕愛幸客趙與

朱東畧文集

卷之五

十六

朱東畧文集

卷之五

十一

圻表比周為姦表亦為郎日伺諸郎異陰斥之無敢誰何會翁內親御史王宗茂上書斥言分宜姦狀去而其父適以廣右方伯入賀主郎郎中客以為言翁曰吾豈以浮榮間吾親耶彼恥不與黨人者誰也表以聞於分宜竟出郎為浙東僉事時浙東苦倭夷蹂躪又徽處間礦寇蔓延意方伯公文人不知兵且奔命不暇安得從容郎署效汲長孺意氣為也翁勉之曰若奚困今使若披甲胄冒矢石誠困矣若以憲大夫坐策帷帳中固甚裕也且不聞諭蜀與立功萬里者耶夫島夷輕懦難久又多堆埋烏合非人人能死戰是可以奇勝抑有鄉大猾為之藪試先微得其間餘可不戰潰矣方伯公往如其言行之大敗倭夷于崩山又偵得開化豪某厚勞之戒無藏姦賊進不利還無所伏乃大崩潰浙東以寧會趙司空來視師方伯公與之持論不相下趙愈益銜之抑前首功不錄又諷御史中以飛語列調籍方伯公將上書自白翁止之曰若

奚以白為夫直道忤物若所自至柳下李有言  
真若師也姑俟之居一歲趙以不法敗方伯公  
補山東會奔母楊恭人喪歸又三年分宜與束  
郎俱敗天子將錄方伯公功竟以翁陳情還  
里舍其秋孫維楨舉省試翁促裝屬之行乃就  
銓得參議河南又三年翁以今上東宮覃恩  
稱大夫而孫楨成進士又四年楨為太史方伯  
公屢遷至廣右方伯乃以便道還過里舍奉觴  
為翁壽竟戀戀不忍去也於是再請得歸養翁  
父子相羊泉石間而以其暇課諸孫學又五年  
孫柱標並舉省試又三年為萬曆己卯太史視  
關中學政孫楨就楚秋試翁一日忽顧方伯公  
曰吾聞物禁大盛吾生於孝皇帝極治之朝  
以若故至肅皇帝而稱郎莊皇帝而稱大  
夫又及見孫楨為太史柱標以童子登第造物  
於我厚矣吾不能湏臾忍死以待極也蓋自是  
寡言節食逾月無疾而卒卒之十日而極舉於  
鄉朱孟震曰余聞之楚蓋多隱君子云當春秋

時接輿隱于狂歌漢陰丈人隱于灌園漢之季  
德公隱廐門山乃翁隱于奕此數君子者豈不  
翩翩乎楚澤之冥羽哉然翁以其餘算計度先  
後卒成方伯公與太史兄弟今海內以文章氣  
節名者李氏稱首焉此於道深矣至其獎忠抑  
豪出奇策紓國難隱然有烈士風託之乎隱而  
卒以大顯夫玉韞于璞珠潛于淵乃其精光內  
溢輝媚山澤蓋不可掩矣

### 竹亭王先生傳

先生諱濶字汝觀鄜州人先世家保安高祖諱  
春者始遷鄜傳三世生鳳儀公介而好施攻舉  
子業貢入大學歸隱不仕以上壽終寔生先生  
先生性至孝其操行制義一軌於鳳儀公少游  
州庠濡首讀古人書數十年若將終其身於世  
味恬如也居閒課其子惟乃祖懿行是述遇事  
援引史冊津津數十端不輟大而事親敬長細  
而灑掃應對靡不率於道諸子處齋中即終歲  
足不及城市其嚴毅類如此嘗念風俗侈靡

愀然聲聲繼以慨嘆見浮薄之士若將挽之曰  
壞天下者必此輩也甲戌歲貢入京子邦俊成  
進士矣不欲入太學授富平縣儒學訓導既然  
以力行教化為己任既為有司所抑鬱鬱不得  
志則扼腕奮曰 國家所使學官教弟子者願  
若是也與哉即日掛剝歸優游泉石陶然適也  
與鄉之人居怡怡和悅絕不事城府然有非義  
不少徇鄉有不平者來就質為論決曲直固不  
心服竟以不爭以故鄉之人無賢不肖悉嚴事  
朱東壘文集 卷之二  
而樂親之先生雖處於山林乎然心不忘世每  
勗其子曰吾與若祖幸生太平之世老為逸民  
若當強仕其為我報 國家以畢吾志歲己丑  
春秋屆八十遺邦俊遼左書曰毋以吾老懷內  
顧心無何病癰康寅春病且劇遺書邦俊欲與  
兒相守邦俊即上書辭不獲請以夏五月八日  
卒卒之前二日有輿詣祖墓告别迨卒盥顙具  
衣冠危坐曰吾無所恨獨不見吾兒與孫云其  
神識不亂乃爾先生生正德庚午年八十有一

初封四川重慶府推官加 封奉政大夫整  
飭寧前兵備兼管屯田山東按察司僉事配雷  
氏屢 封宜人丈夫子二長邦俊整飭廣寧前  
屯兵備山東叅議次邦秀廩膳生女三孫男二  
孫女八曾孫一鄉里稱竹亭先生朱孟震曰語  
有之積水成川積土成山物固當然德亦有之  
以余觀王氏之積自鳳儀公至先生而益厚矣  
其孝不忘親慈不溺愛和不絕物貞不徇俗卓  
乎有先民風至掛冠富平蟬蛻穢濁嚙然湮而  
不淄彼飛鳶以腐鼠相嚇謬矣邦俊宣力塞垣  
長城一面乃復辭榮歸養即志不得遂忠孝之  
道其於風昔庭訓無所復憾矣夫  
明資善大夫南京戶部尚書先師可泉蔡  
公傳  
益嘉靖丙午先師可泉蔡公督學豫章孟震以  
童子受鄉時公年三十有六又十三年己未孟  
震上春官不第庚申肄業南雍公年五十以南  
司徒罷歸歸五十日而卒於是三十有二年矣

公次子應麟以武選尚書郎考績被恩復公  
官復請邱疏下所司議上命予祭二壇給水  
衡錢庀窀穸而配留夫人亦得並祭合葬應麟  
乃述公狀請碑銘于少傅海陽許公而屬孟震  
曰先司徒督學豫章也去今蓋四十有六年今  
所稱門下士以名卿官闕下者惟三四君而子  
遠先至天其或者不棄余孤乎夫知先司徒者  
莫如子子孟為傳之孟震即不敏謹安所辭按  
狀公名克廉字道卿先世自唐光啟間由光州  
徙晉江累傳至高大父真有善行為鄉飲賓真  
生廣州照磨紳紳生寬為公大父寬生祐領弘  
治辛酉鄉薦應新寧海寧教諭至湖州府學教  
授卒祀名宦鄉賢公父也公貴而大父父並贈  
通議大夫戶部左侍郎侍郎公娶包氏生子克  
敬克誠繼娶封太淑人包氏其姊也寔生公與  
教授克熙公以正德辛未三月二十九日生海  
寧黌舍生而風神秀朗了悟絕倫書過目成誦  
為父纓纁多奇語侍郎公心竊器之曰是兒也

必亢吾宗遂棄官歸歸以易學授公蓋所受於  
蔡父莊公者公內承家學而外師友名人以故  
業日遠戊子遂舉于鄉己丑舉進士第疏乞歸  
娶年纔十九耳辛卯授戶部主事乞改南葵已  
召為刑部主事陞員外郎先是大同總督劉源  
清以軍叛坐死獄久不決公署山西司郎中案  
治謂源清大臣坐死以快叛軍非國體且先  
助破寧庶人有功宜宥肅皇帝從之劉得毋  
死諸所平反類如此用是得平恕名亡何坐張  
廷齡事出為廣德州同知張廷齡者孝康皇  
后弟也下詔獄諸視獄主事恐傷母后心寬  
之上庶知怒責尚書罪諸更直視獄者遂及  
公公在廣德所更定賦役法及議歲襍辦馬政  
民以為便戊戌同知廬州府有青天之稱己亥  
陞南京禮部主客司郎中便道歸省庚子陞貴  
州提學僉事未行而侍郎公卒甲辰起補江西  
群諸生講院發明身心義理之學諸生以擬前  
父莊公稱小蔡夫子云丁未陞廣東提學副使

規程視江右兩省士先後成進士者亡慮數百  
率多為名臣已酉陞浙江分守金衢嚴右叅政  
督賦多從寬貸尋以廣東平黎功 賜金幣康  
成陞江西按察使辛亥陞江西右布政使時左  
使缺攝藩事兩臺使者交薦公遂陞僉都御史  
視師江上公以捕盜責專官以察盜責邏卒以  
主盜責保甲江防宴然癸丑島夷犯太倉公行  
部至州擢甲登陴授諸將方畧出奇制勝冒矢  
石者七晝夜孤城以完復平定嘉定吳淞餘寇  
有陶御史者惑蜚語論公歸勘乙卯孫御史為  
白公枉且薦公遂以原官起撫江西公脩復前  
規仍置水兵創條鞭法民翕然稱便會海寇平  
敘前功 賜金幣丙辰陞右副都御史督河漕  
條漕政八又議造樓船留班軍借戰馬備倭又  
請城寶應悉報可倭寇通泰公馳至揚州督將  
士禦之俘馘甚衆馬御史敘公功陞俸一級  
賜金幣如前已入為戶部右侍郎俄轉左已未  
以三品秩滿封三代如其官任一子應龍入大

學時邊餉告訕 詔九卿廷議公上十事咸見  
嘉納尚書賈公每議覆諸章奏輒以詢公賈公  
以病告公攝尚書事若議銀庫議邊糴皆切中  
時務已未陞南京戶部尚書公年四十有九以  
先後馳驅壁面勞瘁過度遂病羸比至南京遂  
卧病會振武營兵以減餉故射殺侍郎黃公變  
且不測公輿疾出視不旋踵而定然竟坐是罷  
歸歸五十日而卒時嘉靖庚申八月十日也公  
年僅五十自弱冠登 朝啟歷中外為督學者  
三為督撫者三十七遷而至尚書 明興以來  
衆郡官尚書蓋自公始所交遊若安福鄒公昆  
陵唐公吉水羅公俱雅重公乃公所切劘開發  
亦惟三公交相贊也至投大遺艱處繁應變如  
郅匠運斤庖丁游刃不動聲色而動中窾會即  
三公猶或難之假之以年其勛業所就詎寧惟  
是乃天授公才又不竟公用悲哉語曰闔棺事  
乃定公歿矣然竟無有能明公者去今三十餘  
年而以待其子謂人定勝天非耶公生平詳在

陳司寇墓誌其大者具許少傳神道碑孟震敬敘次為之傳

贊曰溫陵當大海之濱洪濤巨浪吞吐天日萃精毓靈垂二百年而始得公固不偶然也觀所樹立炳炳若此殆前無古人乎世所扼腕惜者獨謂公曾不得下壽嗟乎學足以範世作人才足以濟時經國彼生而無聞沒沒死牖下即齒如彭聃於世何補也然則公所不朽者詎獨在年哉詎獨在年哉

朱東澤文集

卷之二

二十六

表

擬賀

皇上加上

兩宮徽號表

代作

伏以 大孝尊親佳氣輝騰於寶冊 徽稱振

古歡齊上達於璇宮壺掖承休震區交慶恭惟

皇帝陛下 神明先物 仁孝孚邦帝度其衷

長樂之懼日奉天作之合洽陽之禮斯成博稽

千古之彝章並薦 兩宮之尊號 恩覃臣下

朱東澤文集

卷之二

二十七

瑞協神人臣奉命三已馳心九禁觀 鴻章而

知喜敬虎拜以颺言伏願 宗廟子孫永孝思

于虞典 岡陵日月集壽祉于周詩

擬賀

聖母仁聖懿安皇太后表

代作

伏以瑞啟 元良初日簾璇宮之色禮崇聖善

前星騰寶冊之輝喜動家邦光增史冊恭惟

聖母仁聖懿安皇太后陛下 坤德夙聞 母

儀懋著頃 翼子念貽謀之遠乃俛天開文定

之祥爰薦 徽稱用光 慈極允惟周室益宣  
思媚之音載遡虞廷備極尊崇之典 恩敷錫  
類澤被殊方臣西益叨巡北辰紆望喜心飛動  
賀臆遙馳伏願 慶衍百男長閱子繼孫繩之  
盛 福綏萬壽永符天長地久之禎

擬賀

聖母慈聖宣文皇太后表 代作

伏以璇宮慶洽喜嘉禮之告成寶冊輝騰仰

徽稱之特薦六宮胥喜九寓同歡恭惟 聖母

朱東詒文集卷之二

慈聖宣文皇太后陛下 齊莊繼美 恭儉垂

休 電繞虹流異兆早徵于誕育 虞嬪周室

嘉祥眷切于簡求欲報劬恩爰稽令典金根玉

輅備膺奉養之儀寶冊瑤章尤極尊崇之禮

一人之孝思既萬萬方之忭慰何勝臣幸際昌

辰欣逢盛事喜有同於躍雀祝敢後於呼嵩伏

願 長樂凝祺千百世綿本支於不替 重聞

欽福億萬年永壽考於無疆

擬賀

皇后殿下箋 代作

伏以瑤圖天啟肇先 王教之端寶冊星輝首

正 母儀之位慶綿 宗社喜動臣鄰恭惟

皇后殿下 安貞應地 柔順承天當塗山興

夏之辰協渭溪迎姜之日樹房溫暖多祥已兆

於蕃盈蘭殿綢繆繁祉蚤徵乎奕葉振麟基化

鳴鳳占祥臣叨列外藩心馳遙賀伏願與天合

德引壽考於萬年如日之恒綿本支於百世

箴

朱東詒文集卷之二

敬天勤民箴

臣惟自昔帝王奉天命以撫有六合匪以崇高

富貴能自暇逸實惟兢兢焉上承下念淵衷澈

乎玄極深慮周乎幽遠是以大命遠長而鴻烈

昭於萬禩矧我 皇上握九五之禎符撫盈成

之景運以上承我 祖宗億萬年無疆之統惟

我 祖宗祇事之誠軫恤之澤光乎往牒臣發

迹草野謬登仕籍竊仰窺我 皇上至意實惟

我 祖宗家法是繼是述應乾而昭事靡違向



離而痼瘵彌切方駕前烈垂輝后王非小臣所能名狀輒不自揣度敢以覓天之見竊效春鴈之鳴臣不勝隕越謹稽首作箴曰

惟皇上帝降茲下民作之君師以奠玉京玉京鬼我匪以尊貴曰敬曰勤時自抑畏敬之維何曰惟時憲勤之維何曰惟軫念惟天惟民上敬下勤民心既得天祚益殷在昔聖帝於昭令德救命英邦萬世為則下逮來哲亦有辟王悖之則亂循之則昌惟我祖宗開闢宇宙一掃腥

朱東陽文集卷之二

三十一

膺仰承帝佑豈不鴻功而心靡寧豈不駿惠而慮愈精皇皇九關漂爾碩謨盤盤九土時惟軫視精誠存心帝訓赫赫雲漢昭回天衷鑒格蠲租憫農聖諭洋洋草澤被潤山岳騰光迨我世宗於昭烈祖欽天幽風垂綸煥組丕顯丕承以啟我皇民心肆協天眷乃康郊祀凝誠籍田躬耒於惟皇心念哉罔墜小臣何知仰窺聖真所期曝獻愈敬愈勤母曰崇高淵冰是履母曰治安朽索是馭惟命惟懷自

晉靡常曰敬曰勤以保無疆法宮密席凝神淵默我有萬機我惟一德勿謂天遠而墜在茲勿謂民僞而或勝予我敬我勤誰其弼我我敬我勤誰其替我其違其庸度於我秉庶幾盛治保于有終天庥民和永綏無極祥風協氣惟皇之力堯天舜世臣心與遊願俾翦替少助鴻猷

朱東陽文集卷之二

三十一



解

名教真樂解

名教真樂晉人樂廣語邑夏明府書以贈廣父楊君廣父間出示余余謂真樂在名教惟真儒有之亦惟真儒知之西晉諸賢放浪於五酒談燕宜不及此廣之譏卓似矣而要其自處亦不盡然則知者蓋寡而況能有之余非知廣父者顧接膝撫塵之暇竊有羨焉乃作真樂解

廣父先生沉酣仁義厭飲典籍藝圃之芳流

朱東蓀文集

卷之二

手二

鼓儒林之珍液乃於燕暇命酒延客於講堂之上皆碧桃已花海榴初放薰風南來客主交暢雅歌投壺咲語相向客曰樂矣茲會也先生曰客亦知夫名教之樂矣乎客曰吾聞咀聲利之濡者難與洞玄遠之趣餌紛華之載者難與通要眇之音茲者主人愛客客醉主人但知公瑾之醇而已敢知其他雖然願竊陳之而先生擇焉夫自庖犧氏作易畫乃肇嗣為墳典屈曲闢與詩三百為委婉微妙麟出經成於昭孔道流

為史傳益闢厥抱諸子百家殊辭異造莫不策罄南山之青墨灑北溟之浩籤牙軸錦炫爛炳耀窮三島於老氏緘石室於仙宗侈充棟於田郎邁插架於李公帝敕六丁之斧日貫夜船之虹爾乃藜然太乙囊記紺珠雪窓冬啟月梯夜儲燈帳凝烟坐几穿膝卧枕警圓立趺隱石馳騁乎千祀玩味乎古昔忽然有得煥若氷釋又若獲至寶於沉淵恍心融而神懌茲亦窮今古之至樂也不識何如先生曰古人糟粕輪扁議焉無與吾樂也客曰父辭者玄黃之英華而生人之極詣也大則包涵元氣噬吸陰陽藻繪乎雲霞決裂乎天章次則紆發性靈闡揚聖理秋蟲春鳥啁晰而嚶鳴苑草林花開落而榮靡有觸乎中言經語緯自莊騷而降馬班代作長卿淵雲金追玉琢韓柳歐蘇江停海落徐庾鮑謝侈變態於風雲李杜陳黃錯至音於韶勺咸振美於詞林沾殘膏於來學先生上薄大雅力追古人搦管而鬼神泣揮翰而風霆生若夫晨烟

朱東蓀文集

卷之二

三十三

夕月悠然會心命酒獨酌矢口為音或大篇之  
春容或短述之精澁能使長林助韻遠澗諧響  
神翩翩其欲飛興飄飄其增放雖晞髮扶桑之  
巔長嘯蘓門之頂未足以喻其暢也不識何如  
先生曰文辭枝葉也吾聞務華者實鮮吾何樂  
乎是客曰天下之言樂者莫真於吾性自鴻濛  
既判清濁乃分惟人有性天命之精參三才以  
並立首萬物而最靈彼或戕之以機巧汨之以  
利欲辟則牛山之木伐以斧斤蓋以樵牧曾所

朱東陽文集

卷之二

三十四

存之幾何而牯亡之反覆此其天真既喪淳風  
已漓營營擾擾迷不知其所之也而何樂之可  
幾先生洞覽玄化完養真性師友今指祖述往  
聖機巧無所戕其天利欲無所汨其靜乃其優  
遊道岍出入禮門靈臺湛若泰宇常明盆魚庭  
艸何物非我風梧月柳何境非真曳履而歌若  
出乎金石曲肱而枕無羨乎浮雲蓋不知天壤  
之間何樂可以易此而奚區區口耳之足云先  
生曰樂矣吾聞之乎中者不願乎外飽乎仁義

者不願乎膏粱吾性之樂口不能喻其美筆不  
能寫其狀信吾子之雅言固名教之所尚然體  
用合一君子所貴獨善其身達者不為樂而不  
與人同吾病其未廣也願吾子少進焉客曰泰  
山之高凌虛而薄霧則群岳宗焉滄海之大吞  
天而浴日則百川鍾焉君子善有諸身贅求氣  
召故有秦楚燕趙之朋荷擔而從業縉紳佩玉  
之士樞趨而問道彼天性之惟均在斯人有同  
好先生真樂具於所性推以泚人無遠弗應吾

朱東陽文集

卷之二

三十五

塗諸士雖未足窮海內之雋若其父采華嚴問  
學淵邃追三五之玄風遡魯鄒之遺泳濯以金  
川之秀表以玉山之峻殆亦可與樂者先生坐  
絳帳擁皋比或載酒以問字或援物以言詩或  
談天人之奧或究性命之微夜雪門立春風坐  
披於是回琴初泛點瑟載鼓浴溫泉而詠歸咸  
足蹈而手舞蓋西周濟濟之士雍容乎一堂東  
都橋門之盛曾未足與伍也先生進是乎先生  
曰得天下英才而教育之三樂也吾誠羨乎是

然仲尼講學於杏壇之上蓋從者三千而不憚  
夫微迹之遍孟子與萬章之徒談仁義而傳食  
之泰初不避焉夫古聖賢者何汲汲乎彼意尤  
有進焉者願吾子終陳之容曰方今聖明御極  
崇儒重道豪傑蒸蒸並列華要廟廊之輔皆為  
夔龍藩省之長皆為方召吾皇方且側席焚寤  
恒若有遺搜岩穴而靡及張八紘以置之乃者  
中書建議三途並錄先生坐冷青氍盤空首宿  
泮渙芹池寂寞天祿今且遠食雀環之報近符  
鱣堂之祝振六翮以高騫邁鳳池之芳躅諸士  
又將爭附雲翼乘時並興盡性之學沛乎大行  
將使泰階正皇風清朝有師師之德野有皞皞  
之稱四靈畢至萬國咸寧太和之氣充塞乎宇  
宙廣樂之奏洋溢乎無垠吾意先生下則與含  
哺鼓腹之民樂乎沕穆之化上則與賡歌喜起  
之士樂乎唐虞之庭孰與夫耽糟粕而苦志事  
枝葉以疲精畝畝之誦慕無係乎天下之重庠  
序之授受罔臻夫世運之亨夫明興以來代

稱三楊之業先生誠樂乎是得無方駕而同聲  
耶先生曰堯舜君民與莘野之樂一也雖然吾  
奚暇外慕吾願養吾性偕吾徒熙熙愉愉遵循  
皇路苟有用我執以時措可也客乃舉白再酌  
為之歌曰噫彼靈鳥兮集于瑤峰文采英英兮  
德音雍雍渴飲兮玉液饑啄兮珍桐舒翮兮八  
極胡為兮芹宮彼群雛兮咻咻翮上下兮相從  
嗟聖化兮方洽竭來儀乎庭中吾將振吾羽兮  
日下共搏激兮天風

問

芝問

玉山夢客者浮游乎金水之濱偃息乎石室之下窮物象覽元化乃癸亥元旦仰龍門之清光遵龜石而命駕醉春風於紫微觀瑞芝於綺榭歸而繹曰瑞哉芝也珠明玉華霞彩雲霞丹府溢精銀海炫睇世不虛生也必將有徵矣乎夫朱草托根於華土卿雲借氣於川岫景星耀天以生明嘉禾棲畝以建秀鳳胎於鳥麟產於獸疇龜影假符龍蛻就乃芝則不根而生匪植而茂矧其五岳應色九莖擬貴翼翼羣興屹屹並埒或若連理或若抽穗若呼而生若約而萃茲其尤異者也欲詳其徵展轉思慮草木無言請託夢寐於是呼童薦熏齋肅就几遊神莊蝶托意焚蟻縈情乎華山之石馳志乎邯鄲之邸夢入一竅別有天地鶴鸞鏘鏘瑤草蒼蒼瓊田金界渺邈無際振衣疾前異有所遇浮弱水涉紫淵爰息駕乎玄圃復逍遙乎閭仙汗漫罔象莫

朱東器文集

卷之二

三十九

朱東器文集

卷之二

三十九

可與言乃御清風凌紫烟追日馭歷星躔仰窮乎清都玉臺之上叩帝閭而請焉帝曰咨爾介士七混未鑿彼芝有神往將爾覺稽首拜命心膽戰惕見一丈夫冠星帔霞進而揖曰余芝神也子有疑臆尚悉言之余當子新乃問曰鴻濛既分厥有萬類伊群卉之托質亦含靈而表瑞睇乎藜芝於焉拔萃爾其房宮發祥於軒后甘泉毓秀於漢皇儼珊瑚於魏闕宛龍鳳於有唐亦有金莖玉葉黃精紫藤樓臺比勢車馬象形句曲良常著其異包山鍾阜標其靈斯蓋無感不應有開必徵茲乃憲節初建行省載闢不先不後茁瑞於堂成匪山匪陵紛祥於密室蓋自鄒湖以西曠今昔而未覩也豈其無因而忽焉出耶夫搖光感精草木被德土氣和而始生耆老寵而必獲茲帝王之瑞吾無論已若其依繡裳映華几擇地而產待人而啟斯其應於我陳公固可以數指也吾且以世俗所稱為子問之夫赤箭神芝仙靈之所服食也故有烏御鳳騰

燕胎龍仙螢火熠燿雞蘇滑鮮蔣九實於茅君  
紀百種於稚川斯可以揮斥八極而飛凌九天  
公氣和色充守固神完屬抽鴻寶之秘遠究道  
德之玄芝也或將荐五味之馨香葆千歲之剛  
堅者耶抑猶未然也神曰至人稟命包含大始  
呼吸順乎陰陽流行合乎四氣彼長生久視乃  
其自然之理而無假於襲取芝固不得而與也  
客曰上林之桂郁郁芬芬薄蟾窟而彌大清河  
陽之花芍芍蓁蓁蒸霞綺而絢朝曦屈軼指佞  
於帝座甘棠遺愛於南人此自昔而有徵者也  
公金籍早擬牛刀初劃執法殿中則回邪落膽  
旬宣藩省則黎庶仰德爾其喜如釋褐溫如綰  
銀粟如戕矛燁如橫金意或彰榮名於勿替著  
令德之惟馨者乎夫邵君之於新昌蓋有然矣  
神曰君子不以名位為通顯而一物不被其澤  
則心有餘歉焉公方當大用以弘濟於天下茲  
特其槩也而奚瑞之足云客曰人材者瑞世之  
禎也上則列宿儲其精焉下則河岳鍾其英焉

風虎颯躍雲龍鬱興感景運以間出應昌期而  
彙征若其本枝奕葉華實並帶斯不惟家族之  
光抑亦為邦國之賴故元凱舉而帝治昌八士  
產而周道泰莫不炳燿一時掩映前代紀籍為  
之增榮草木為之生態公蔓衍有虞麟振全楚  
南山之橋鬱其俯矣而鳳毛麟角爰踵厥武木  
蘭玉樹生於庭階信斯言也則夜光熒熒星表  
爛矣白符煌煌雪膚燦矣隱辰厯厯斗氣煥矣  
參成繹繹道脉貫矣考之人事固若此驗之物  
采又如彼應將在此是與神曰瑞人為上物次之  
夫東山慰望於蒼生而封胡羯末奕為江左冠  
冕茲人瑞之至也芝何以稱焉客曰天不愛道  
厥有至文照以日月揆以烟雲澹以霜露經以  
星辰其於人也則宏義肇其龍畫倉頡倣其鳥  
跡昭為六經炳燁赫奕公早遊藝苑心沃華腴  
上窺姚姒下跌徐庾振藻而神鬼泣揮翰而風  
霆驅是其三花之秀搖映乎几帙五雲之彩焜

衛待風氣之宜者廣壽也巨廣壽而右有山類  
然逼城闌絕江水湫隘而鬱塞者古泮宮也自  
公之來也相地勢開山經帳古臺之無浸爰鳩  
工而構楹揭華堂於舊址敞繡閣於高冥雪窻  
重營月梯載啓燈壁如新榮囊若聚渚硯露於  
朱池榮筆花於芳署爰度廣壽厥有礪場祝融  
赫其荒穢奎壁發其輝光眇黽校之鬱抑將鼎  
建於斯因於是啓天關撼地鑰指巨靈以劈山  
命夸娥而夷壑離朱工倕之徒走斤斧以司削  
虹橋卧波星關挿雲桃李灼其春華槐柳鬱其  
夏榛馥秋香於蓉桂含晚翠於松筠瀟水內遶  
淦江外巡閣宅東峙玉筍南陳峨冠襲衣者襟  
帶而續紛蓋山川靈秀匿乎千祀者至是而始  
發閱於無垠者至是而始振夫祥瑞所鍾不釀  
為甘露溢為醴泉則必輪輪菌菌結而為芝焉  
是其勃矣幹別條片葉連殆山靈效其光彩川  
后洩其幽玄者耶神曰然然子不見夫桐魚扣  
而石鼓鳴地鍾隱而車鐸振玉律吹而寒谷春

一陽生而葭管噴氣有所感迅若奔駿而矧其  
至近者也抑子知其一未達其二得其粗未究  
其精夫聖人之道在宇宙間運若元氣循環無  
端匪時弗顯匪人弗傳自唐虞之統紹於洙泗  
思孟揚其流瀛洛絕其緒寥寥指人代不一遇  
豈玄黃之英有時而歛抑礪礪之氣待人而著  
公秀發名川氣鍾喬岳掇六籍之精華綜百氏  
之糟粕原睨指之性成慨羣言之淆錯遠窺微  
旨獨契聖心洞玄剔隱極遠鉤深驪珠既探荆  
玉斯出言入宮牆百官秩秩是故書臺爰宅匪  
直寄退食之安也崇宮肇遷匪直窮壯麗之觀  
也審局據勝匪直奠風水之奇也卜吉歲事匪  
直考時日之良也蓋將振文明之昌運沛天地  
之正氣倡姬孔之絕學而構亨嘉之盛會者也  
昔易卦既演靈著乃生魯史告成瑞麟斯獲地  
不愛寶乃有蓂芝是固兆道脉之重興曠千載  
而一時也若乃武略振而櫓槍滅文輝貫而斗  
牛接多材集而德星聚榮名顯而三台燁公餘

事也彼神仙之渺茫又奚足掛之齒頰客乃恍然夢覺躍然心悅如食蔗花七竅俱澈

啓

奉李老師

伏以麟服舜榮閱萬曆調元之會龍門啓瑞衍  
千齡歛福之辰仰山斗以陳詞效岡陵而致祝  
恭惟老師台座三朝元老一代儒宗五百年再  
應昌期獨首大廷之對十六載存登元輔丕陳  
密席之猷百僚率濟濟之風四海仰休休之度  
朝廷正而天下治弼亮心勞陰陽和而風雨時  
燮調效著納羣生於仁壽養兆庶於和平德逾  
大而心逾虛位益高而心益下謂作鹽梅勲業  
在以人而事君粵收桃李參苓實薦賢而為國  
頃以白雲念切黃閣功成整舜天上衮衣還問  
庭前綵服二人具慶春風彌綠野之堂三載歸  
休霖雨切蒼生之望銀管載傳盛事金甌永覆  
完名矧惟太老師台座熙朝人瑞間世耆英淮  
海鍾靈佳氣長浮於謝寶崑山毓秀陰功汎肇  
於楊環合一門祖父子孫萃千載康寧福壽丹  
厓青壁山中瞻宰相之光華玉醴金漿地上儼



耀乎圖書昔父如蘓軾而石井見夢肉芝著異  
爾芝之生抑或為是也神曰父經世之華也有  
實焉應不在茲也客曰天有迅雷激電然後生  
機發焉人有捷伐奮擊然後治化理焉君子心  
韜龍豹手握風雲帷帳運籌決勝千里凡以機  
亂而興治也爾者閩廣弗靖機發萑葦江鄉之  
民惕然風靡公以我藩守臣督率虎旅三翼浮  
空而海波震盪鐵騎撼震而山岳摧圯鯨鯢授  
首妖祲一洗於是綸巾羽扇凱還至止庾嶺以

朱東陽文集卷之二

四十六

南民安厥里夫芝有威喜所以辟兵也爾豈蛇  
龍蜿蜒旆旌乎金玉宣映炫韜鈴乎紛若魚  
鱗昭奮揚乎俯若獻凱彰廓清乎神曰武勛亂  
之具也有本焉應不在茲也客曰名山大岳靈  
秀所存匪絕景於千祀閔元精於無垠不發其  
軸雖祥弗顯不振其機雖瑞弗呈臨之為郡也  
上控素吉下引筠豫其據龍石瞰鳳水巍然而  
出乎東南者行省也行省之南兀然有基設於  
祗園者讀書臺也又其南京高而中坦龍翼虎

神仙之丰致豈今代所云曠見雖往籍未之前  
聞某等指鶴駕于揚州瞻鯉庭于海曲青雲遺  
過幸仰依陸相之門白下追隨尚遠隔揚公之  
座擬申賀燕未遂樞轡想東山親浣滌之儀徒  
夢寐於繡裳赤帟肆北海頌延長之壽尚依稀  
於蘭砌槐庭敬陳篚筐之微遙濟台衡之重伏  
頌重闈慶洽鼎席祥開邁大椿萬六千齡永綏  
福算歷中書二十四考尚賴均調庶門墻遠藉  
於末光而海宇長沾乎休澤

朱東陽文集卷之二

四十七

賀呂相公實錄成加宮保代作

伏以麟筆父成祖烈煥金縢之色龍章寵錫皇  
仁增玉署之榮千祺芳流群僚喜動恭惟老師  
祥開八桂望重三台嵩嶽興歌想見鍾神之日  
渭濱入兆寧需鈞瑞之年金題標甲第之聲華  
玉管述三朝之忠孝於惟肅祖肇嗣丕基四十  
五年之厚澤深仁際天蟠地百千萬世之豐功  
偉績裕後光前悵神帛之既成悲遺弓而莫及  
昭哉堯曆非椽筆其何勝煥矣軒圖詎機才之



能任乃容元老爰搆鴻編如大匠考室掄材雖  
棟榑榑櫨各當其任若良工繪天摹地即星辰  
雲漢咸著其輝玉書成東壁之歲金軸動西崑  
之色成功魏文章煥何帝德之難名作者聃述  
者明想皇情之益豫允茲殊賚載陟崇階陰陽  
實調天地維典恩同雨露聯台階天柱而奕為  
光榮寵洽神靈藉寶笈金書而侈為盛美某質  
慙桃李品謝參苓瞻喜氣於北辰曷任見龍之  
慶依餘光於東閣可勝躍雀之私伏願八柱高  
擎永相覆幬之德四時默順大弘亭肅之功庶  
幾萬曆之雍熙長觀三階之明潤

賀張相公實錄成加宮保代作

伏以紫極輝騰帝曆喜成於寶笈青宮色動宸  
章寵借於金題侈萬年繼述之休萃千古明良  
之慶恭惟老師上台凝瑞北嶽儲精派衍青陽  
早識神明之胄書傳黃石允為帝者之師青錢  
標萬選之聲華金鑑炯千秣之諷諭堯階就日  
當肅皇御宸之辰唐陞回天屬今上續圖之日

惟大典有關於世德乃鴻功特借於元臣事就  
討論自可兼乎四美功成筆削誰能贊於一詞  
肆祖烈之載揚識天顏之有喜賚茲宮保之重  
爰集閣學之榮羽翼攸資調和寔賴葭莩借色  
桑梓為榮某幸廁鳴珂親承撰仗俯西川而陳  
賀臆寧知行道逶迤依北斗而望休光殊覺喜  
心飛動敢效臺萊之頌載申蘿薦之忱伏願飛  
鵲占祥長衍三師之忠孝銜鱣表瑞永開萬曆  
之太平

賀馬相公實錄成加宮保代作

伏以編成帝紀故萬年金匱之藏寵借皇綸侈  
一代玉堂之盛榮生袞帟喜溢宮牆恭惟老師  
氣毓三秦望隆八座春秋射策何殊異日游卿  
龍虎圖形寧謝當年洵美儒雅遠超百代忠勤  
夙著三朝功弘禮樂之司經綸造化業在圖書  
之府進退古今八索窮探三長獨擅維世祖垂  
衣四紀錄籍纂脩乃聖皇授簡群工事先裁正  
爰咨麟筆載飭鴻猷迨成書上乙夜之觀乃盛

業動九重之喜爰加官保之秩脣昭華通之隆  
其雲寄遐陬同聞盛事春融絳帳懸知佳氣之  
氤氲天遠青城何任歡悰之飛動敢效巴渝之  
舞竊頌臺萊尚須吉甫之風仰歌台斗

賀蒲州張相公轉首相

伏以瑞啓槐庭首正中台之位香傳桂殿逾增  
東閣之輝國倚元樞代稱才子家邦慶洽朝野  
惟騰恭惟閣下興百年豪傑之期值千載昌明  
之運華夷望重六符允協於泰階廊廟勳高八

朱東坡文集卷之二

平

葉宜光於世澤方上宰司調梅之味乃郎君首  
擢桂之芳功佐垂裳賦成鼓瑟羽毛池上已欣  
騰薛鳳之三頭角雲中行載起荀龍之八其幸  
廁門墻之下走遙依台斗之清光曳殿上之履  
聲應知有喜觀榜中之題墨倍覺生春願禪聖  
治於唐虞佑啓清朝之元愷必為狀元宰相庭  
階玉樹合萬葉以同榮以保子孫黎民社稷金  
甌亘千齡而永固

壽蒲州張相公

伏以嵩岳生申甫春秋慶衍八千蒲坂相參夔  
元會數符五百冠裳交慶廊廟增輝恭惟閣下  
一代儒宗三朝元老發休祥於舜地河流汾水  
並毓精英啟泰運於堯封西華中條共鍾靈異  
當社稷豐亨之會協明良喜起之交象八柱之  
擎天宛四時之順序左旋右轉乾坤默相其清  
寧外攘內安宇宙同臻於仁壽勝茲五月慶衍  
千齡紫闥彤弓瑞騰雲漢丹臺玉錄光動星辰  
況日當庚午之交實數啟文明之兆無用開翠  
水瑤池之燕金甌斟酌恍蓬島於人間何須慕  
赤松黃石之遊玉鼎調和儼神仙於天上其賤  
同蒲柳仰託椿松瞻黃閣之衮衣未效封人之  
三祝獻燕宸之金鑑還期大老之千秋不盡芹  
葵竊陳蘋藻指汾流而加爵百千世振振公子  
福同河海之延長望雷首以稱觴億萬年衮衮  
公侯慶協岡陵之鞏固

壽申相公

伏以崧嶽生申黃閣重典調之望保衡命爽紫

展修綸綍之頒惟帝心特簡於儒宗乃相業逾  
光於德傳九圍胥慶百辟同瞻恭惟相公閣下  
柱石三朝斗山一代天人首策蚤傳漢殿之臚  
喜起載賡遠協虞廷之詠廊廟經綸而華夷綏  
靖出鵠調燮而天地清寧乃晉三孤用承九命  
傳德義爰稱國老道經術允為帝師蓋天生堯  
舜湯武之君必代啟稷契伊周之佐嘉氣澈三  
階而明潤喜聲騰九列之歡欣其遠藉悒悒夙  
承陶鑄觀茲雲龍風虎之會曷勝縱魚躍雀之  
私敬潔篚篚載陳蘋藻五百年而名世魏未申  
芹悃於西南八千歲以為春頌遙祝椿齡之萬

賀許相公

伏以黃閣調元帝齋凝承之佐青宮拜命天資  
翰翼之忠慶洽簪紳歡生海宇恭惟相公閣下  
滄瀛毓瑞鄩岳儲精收竹箭於南都才傾三峽  
攬菁華於中秘業擅九丘十八載不出都門游  
登台衮五百年會逢世運興起經綸爰簡宸衷

聿承恩齋謂道之德義實賴宿儒而資以保衡  
允歸元老綸音寵藉鼎軸光騰昔唐虞四岳之  
咨望先申許在湯武三孤之命功懋伊周豈繁  
增少海之光華予以佐太清之沕穆龍雲邁會  
魚壑騰歡某才謝參苓質慙榘桷媿樂籠之謬  
入荷斤斧之無收延首門牆念芹悃夙依於左  
右傾心台斗願葵誠未效於西南不腆篚筐仰  
塵冕烏何蘊藻頻繁之足擬聊以告虔與岡陵  
日月而長新頌言頌德

壽太倉王相公

伏以紫閣彤弓輝懸南極朱明金籙瑞協中台  
喜風清槐位之三宜壽衍椿齡之萬懼騰朝禁  
慶洽華夷恭惟相公閣下膺國家亨泰之期稟  
天地中和之氣星辰明潤箕尾神鍾江海停涵  
滄吳秀毓時方倚為耳目帝用作之股肱鼎鼐  
均調九圍咸登於壽域棠蔭蓬輝映一身宜集於  
禎符賤此佳辰誕開華祺朝廷有大老奕為庶  
尹依歸乾坤產異人獨擅兩儀靈秀佳氣遙騰

於東閣歡聲上激於中天其識固夏蟲質同朝  
槿觀天地之廣大媿摘藻而未能瞻日月之升  
恒竊揚眉而知慶故陳芹藻仰頌臺萊西金母  
東木公百千萬億春煥長引神仙之歲月左千  
戈右組豆父子祖孫名位代承將相之箕裘不  
盡虔私幸垂恩鑒

賀御史大夫王公存問

伏以衮衣薜霄漢青林壽引期頤華詔下星辰  
綠野恩霑耆舊一代人推大老三朝望屬宗臣

朱東器文集卷之二

五十四

恭惟臺下德重岷峨度涵江漢五百年有周召  
適當天地之昌期八十歲為春秋駿發山川之  
閒氣方白首屆奇齡於壽域睽丹霄隆寵渥於  
高年况謝家庭玉之生代承詩禮而韋氏箴金  
之遺業擅弓裘紫府彤闈門多將相赤松黃石  
地有神仙某等近瞻尺五之天媿未效瓊漿於  
洎渚遙祝岡陵之算願永躋金錄之綿長不盡  
芹私仰祈台鑒

奉陳松谷少保

伏以黃閣辭榮久繫三台之望青陽開泰喜收  
六合之春即看北斗之璇杓載轉東山之瑞靄  
恭惟門下兩儀間氣一代宗臣鍾岷峨江漢之  
祥降神而出繼益稷伊周之躅名世而興紫府  
丹霄功成輔弼赤松黃石貽託神仙蚤辭天上  
之繡裳還問山中之白石十年几杖逍遙於烟  
壑雲岑奕世衣冠照耀於蘭階玉砌當頴水聚  
星之會又嘉江獻歲之辰大老岡陵逾增福算  
野人芹曝莫罄謹呼敬依東閣之下塵仰祝南  
山之遐祉斟酌錦江春色載浮栢葉以陳詞招  
要玉壘榮光敢託樹花而獻頌億萬年壽長開  
雲曆陽和八十歲春何論蓬山日月

朱東器文集卷之二

五十五

送曾司馬還朝

伏以樞垣入晉星辰催聽履之聲聞節遙臨草  
木借停驂之色睽巴渝之僻陋瞻袞繡之光華  
敢布燕私載康驪唱恭惟門下南衡間氣東魯  
儒宗歌雪郢中總失巴人之和詠風沂上盡收  
天下之春擢南呂而荐典父衡歷躋華要由廷

尉而出司閫鉞想著勲庸當一琴入蜀之年適  
五月渡瀘之日秋霜春雨並濟寬嚴白叟黃童  
載懷威惠何嗟鼠輩尚負虎嘯不得已興撻伐  
之師曾幾何著肅清之烈重關突入疊嶂飛凌  
詎煩一尺之箠立破九絲之竹昔湯東甌瞿塘  
之捷尚假歲年而彭蘭州崇慶之功未探巢穴  
豈若運機籌於談笑剪荆棘於腹心矧當祭戟  
之燕閑載觀文華之飛動朝馳露布寧借綴於  
陳琳夕采風謠肯謝芳於司馬夔門魚鳥色動  
旌麾錦水芙蓉輝騰翰墨文武信萬邦之憲斗  
山高一世之名迺者帝簡相才國資樞輔日射  
天門之榜特下紫泥風清折坂之塵載馳華轂  
武侯威靈已服南人父相功成言還北闕幸蜀  
道昔難而今易柰雪山來重而去輕某桑梓末  
才馬牛下走自分載量於車斗敢希采掇乎參  
苓惟大匠廣聚群材構榱並用而良醫不遺庶  
品洩渤兼收何意頭童誤蒙齒錄半生甲子久  
混泥塗一經品題便作佳士恩敢忘於覆載報

朱東陽文集

卷之二

五十六

莫罄於涓埃占紫氣而拜車輪歡生負弩望青  
冥而辭斧鉞心折祖筵知元公行踐乎斗台顧  
下吏難攀乎鱗翼不慙機線爰頌臺萊率爾僭  
踰何異鼓雷門之布頌言斷削儻希運郢匠之  
斤

謝曾司馬

伏以華階曳履愧攀附之未能紫極飛章驚品  
題之誤及有懷推轂莫罄報瓊械鯉尺以陳詞  
望龍門而申悃恭惟門下經文緯武激濁揚清  
倡正學以淑人心羣黎嚮道秉至公而端物軌  
百職效能膚功懋著於西南正氣蚤鍾於川嶽  
豈繁窮鄉下邑感德化以輸誠凡茲度索尋樞  
慕威聲而獻悃頃帝命借絲綸於天上騰公車  
下斧鉞於川東集思廣忠既鑑衡之夙定薦賢  
為國乃桃李之無收豈以市私粵惟彰善如某  
者分甘擣散質謝梓材十九人中碌碌詎能脫  
穎三千門下庸庸敢謂空群惟大造之無容遂  
匪才之誤錄尺疏方騰於白簡微名早徹於丹

朱東陽文集

卷之三

五十七

霄五馬非良何意當乎中駟八鸞並騁爰忽振  
於前驅俯已懷慙感恩知奮無能報德惟夙夜  
之在公何以酬知尚洎溪之必效伏願繡裳赤  
舄備膺五福之全紫閣黃扉允陟三台之上爰  
作股肱耳目豈以私于一人以保子孫黎民尚  
永光于萬世

請羅中丞代作

伏以玉節星移欣觀龍光萃止牙樯風送爭看  
鷗彩飛來睽攀附之末由幸趨承之有自恭惟

朱東萊文集卷之三

卷之三

五十八

門下鍾神衡嶽毓秀洞湖芳聲蚤振于琳瑯風  
望久崇乎山斗帝煩西鎮勲猷增重岷峨天假  
入毗光采行依日月喜西益之幃帷暫駐棄北  
辰之履舄方催草木迎輝已渝動色台衡虛席  
朝野傾心某等素被恩私莫訓知遇敢效野人  
之芹子仰干鼎席之鹽梅座俯塗山念平成之  
有繼樽浮錦水知揚激之無私伏望豫允光臨  
謙尊惠賁藉從容於台範永言荷重丘山假咫  
尺於霜威何啻榮踰華袞

賀羅中丞壽帳

伏以斧鉞秋明北斗耀中天之色桑蓬曉映南  
箕懸西益之輝暉生甫之嘉辰快仰韓之夙願  
恭惟門下神鍾衡嶽秀毓洞湖元氣中涵吞雲  
夢十常八九壽祺天植邁大椿萬有六千允文  
武為憲千萬邦維孝慈足正乎四國綵筆早占  
桂籍銅章首綰花封郎署回翔冰檄之聲逾著  
封疆駁歷鎖鑰之寄彌堅迨東山一起乎薜蘿  
乃開府再專乎麾鉞風清貴竹雖雕題斷髮咸

朱東萊文集卷之三

卷之三

五十九

懷德而畏威春滿蠶業即度索尋樞亦輸心而  
嚮化西南天地盡歸壽域之中光岳精英宜歛  
大人之福惟茲初度適屆季秋五百年名世而  
生稟金天之淋氣千萬人拔萃而出應玄月之  
良辰桂魄將圓先壬癸而預邀清景菊觴既泛  
越已庚而再引修齡挹錦水以為漿指雪山而  
效頌巴歌渝舞總騰下邑之歡叩杖漆砂盡是  
仙人之瑞曰儒紳曰武弁咸期君子萬年若白  
叟若黃童共羨元臣百祿如某者質同蒲柳功

謝參苓奔走何能濫馬牛于巴郡品題誤及側  
桃李于秋門感知遇之獨隆媿報稱之罔效喜  
隨賀燕仰翔鳥而竊頌岡陵材之雕龍瞻飛豸  
而載歌袞繡伏願望隆社稷名重鼎彝功業似  
西平殊績共天庥並茂績眉如老子奇齡與國  
壽同綿敢陳下里之聲少助賓筵之慶詞曰

天門秋曉正風細菊葉露華容沼玉帳懸弓瓊  
臺授錄衡嶽誕生元老新曲初翻飛鶴舊瑞早  
符吞鳥共羨是台垣輔弼人倫師表腰褭看振  
蹕天上風雲逸足人間少鶴箋龜齡金魚玉帶  
好待雍容廊廟雪嶺銅標聿元麟閣丹青輝耀  
頽歲歲上星辰聽履遠同周召

賀部中丞考績蔭子代作

伏以日麗燕臺當聖主陟明之會風清冀野正  
元臣奏最之辰恩章並龍軸以輝煌喜氣增鳳  
毛之灼爛明良交慶朝野騰懼恭惟門下望重  
準繩名高山斗壺關栢谷鍾秀特於千尋藍水  
漳流會汪洋之萬頃指貴陽而攬轡再看楚澤

澄清撫京兆而埋輪一使臺端正肅白簡晉專  
乎獨坐朱衣洊入平中司天近五磚九列素推  
風裁霜寒八印百條共仰威稜頃芳聲首最于  
虞廷睠寵綽親承于漢殿惟忠臣克成主德眷  
乃自天知才子亦有父風賞延于世光生列栢  
榮藉維桑某鄉里小生章縫末學瞻避馳於前  
路曾聞糾慝繩違追飛豸之沒塵仰見揚清激  
濁傾言馳坂寧知劔閣天懸何以趨隅空羨蘭  
臺地遠心搖賀燕望渴棲鳥伏願台斗光崇無  
異太微之執法風霜氣轉載回大地之陽春皇  
恩將恒岳同高世澤與河流並遠

壽傅撫院

恭惟北嶽鍾神南箕表瑞蓂數十三葉當朱鳥  
之方中椿茂八千齡並玉麟而交映三秦喜動  
庶尹歡騰某猥以疎庸叨承約東桃林絳柝地  
幸切於瞻依栢府稱觴心竊馳於賀燕敬陳葵  
藿仰頌臺萊惟麴蘖惟鹽梅蚤正三台之位如  
岡陵如松栢永綏萬壽之祺庶幾桃李之門長



效構楹之用

賀曾中丞

伏以牙繡飛霜夙望久隆執法龍章麗日新恩  
特晉司空方南臺共仰乎準繩乃北斗載資乎  
喉舌允惟元老簡在宸衷聽履而上星辰爰飭  
八材於周典秉軸而依日月行咨百揆於虞廷  
其幸託門墻仰瞻山斗質慙桃李遠莫效於登  
龍頌擬臺萊切願希乎賀燕仰祈台矚俯鑒寅  
表

朱東器文集

卷之二

李二

壽王督府代作

伏以霜清斧鉞當蜀山瑤鎮之秋星簾桑蓬正  
楚岳誕神之日敢祝南衡之算爰開北海之尊  
恭惟門下江漢偉人扶輿間氣文章代擅青箱  
將椽筆同輝簪組芳聯白簡共佩刀增色藻思  
擬雄風之對名重蘭臺高歌揚白雪之聲氣吞  
雲夢項驄馭先馳于九折乃庶車重駕於三巴  
蜀道易難尚藉澄清之戀雪山輕重還須濟世  
之才芙蓉秀濯於錦江棠樹陰連於益部瞻此

季秋之月粵惟初度之朝父老興歌快覩台星  
之炫爛山川生色仰承卿月之輝煌其幸挹瀟  
光欣逢盛會錄成金鑑敢期壽國於元臣丹就  
瓊臺尚冀引年於大老欲申虔悃載卜嘉辰暫  
依老氏之玄宮聊效野人之洄酌伏願前旌風  
駕小隊遙臨紫氣千年還閱仙家之日月青羊  
萬里願同柱史之頤肩

請徐撫院出巡

朱東器文集

卷之二

李二

伏以斧鉞下青雲萬里風行豺虎旌旗飛錦水  
三軍氣壯熊羆於昭捷伐之威喜屬清和之候  
三巴慶洽庶尹懽騰恭惟門下具經文緯武之  
才負安夏攘夷之略輕裘緩帶漢征虜之憂國  
奉公羽扇輪巾蜀忠武之集思廣益春風時雨  
澤被域中驚雷迅霆威行徼外蠢茲番部密邇  
松州忘天地之震懾負山谿之險阻狼奔虎負  
叛服靡常鼠伏鴟張憑陵益甚軍民之荼毒已  
極官司之招撫莫從一怒興師事豈由於得已  
九重請命兵蓋出於有名指麾部伍之驍雄奔



走蠻夷之君長圖開八陣虜已在於目中謀定  
七擒功造成於日下載勒台節遠蒞雪山星列  
五營鳴劍逾增勝氣雲屯萬騎掛弓爭奮雄心  
某幸親承履舄之光媿莫效韜鈴之用請纓空  
切負弩無從竊陳俎豆於前茅並展葵芹於下  
走捧卮而侍即看露布之飛傳握管以須貯聽  
鏡歌之入奏

壽徐軍門

伏以繡襖錦裘高武帳西平之績金弧玉矢絢  
和門北斗之光閨閣增華冠裳動色恭惟門下  
神鍾箕尾功著蠶冕江漢地西南四益恩沾雨  
露岷峨天尺五百蠻威懾雷霆拯黔黎於畧獲  
陷穽之中安如衽席取夷楚於卉服鳥裳之穴  
被以衣冠俎豆干戈才兼文武旂常鍾鼎望重  
華夷人物在春臺快覩世還盧赫山川開壽域  
即看境入蓬瀛維此季冬欣逢令旦人中騏驎  
蚤騰千里之聲天上麒麟先啓五雲之兆錦城  
絲管氣入春陽雪嶺冰霜寒銷歲臘暫駐嘉陵

之斧鉞借箸功成載揚錦水之鏡歌鳴笳凱奏  
人事與天時並盛壽祺燕福復同臻某繫跡黔  
南飛心蜀道想庶尹沸羹菜之咏敢後稱觴念  
遠人抱葵藿之誠何當效祝鬚眉似函谷額永  
躋柱史之歲年圖倅在凌烟尚擬頌宗臣之勲  
烈青城玉局地有神仙紫閣黃扉身都將相

謝張中丞

已檄遙傳寵踰華袞秦絨侈錫榮借繡裳挾纊  
知溫解衣為德美人繡段媿青玉之難酬君子  
素絲望紫氛而效頌願言拜賜敬以銘心

請房鹽院遊西嶽

伏以紫氣東來寵借金天之色繡衣南指暖回  
玉井之春澗艸迎輝峰蓮待盼恭惟臺下代天  
持憲與嶽同尊稟蒼溪朗澈之姿鍾天目英靈  
之氣埋輪都下風行遠道之豺狼按節關中澤  
溥層霄之雨露三秦振肅八水澄清茲星輅將  
返乎河東乃霜簡載臨於華下某叨承奔走幸  
被光華飛九節於雲間願窮登覽指三峰於天

外敢藉攀留儻暫停軒蓋於須臾尚增重山河之百二

劉按院復命

某馬牛下走樗櫟庸材愧乏張籌濫承齊瑟斤斤奉職寧能資吏治於毫芒碌碌無知詎堪濟時艱之萬一雕蟲靡補僅以枝梧食肉何裨每虞滿溢夙借繡袍之輝煒重蒙金管之吹噓揣分增慙拊心知感恭惟門下鑒同朗月節厲清冰渭水華山精英兼擅蘭臺栢府風裁獨持惟

朱東器文集

卷之二

六十九

鴻聲特簡於九重乃多色遠臨於三晉天工勤代吏治肅清懸鑑以臨即魑魅莫逃其照運斤而用雖櫛櫨亦效其能在海宇爭覩其風猷惟廊廟雅資其節槩詎期對菲亦在甄陶仰勤華袞之褒莫罄瓊瑤之報願言頌德庶以酬知舉筦庫者七十家期欠子聲名之益永厯中書者廿四考與令公福祚以同綿

荅屠侍御

附驥竹林韋叨末誼避驄栢府竊仰高蹤曩擊

析於秦關茲濫竽於益部鴻泥舊雪猶記歲年多繡清風切連封壤心馳往跡潤借餘波臺下簪笏承家準絕御物鍾天目錢塘之氣秀出三吳振埋輪攬轡之聲名高一代觀風秦甸增山河百二之雄摘藻漢京挾道德五千之秘鳳麟毛羽共仰禎祥牛馬賤微尚違瞻侍茲乃先勤呈使飛墜雲械恍忽過承何異從天而至循環把玩真同就日之輝雋字蒙褒光生唾玉在銖為德寵溢兼金被華袞以何勝瑰瓊瑤之莫報敬裁鯉素聊託鴈鳴依詠門牆儻不棄其管蒯傾心台斗尚終效於芹葵

朱東器文集

卷之二

六十七

臬司賀按院

恭惟臺下春妝六合澤遍三巴栢酒香浮淋氣先騰於栢府蘭堦瑞靄嘉祥駢集於蘭臺即看簾日之舒遲共仰法星之炳朗某謬承煦育尤切瞻依出海雲霞喜動繡裳之秀色渡江梅柳遙分袞席之光華擬中賀燕於逡巡耶效鳴鴈之萬一恭承憲禁未遂心期延首臺階敢竊陳

其踴躍頌言袞帝尚俯鑒於惓誠

荅張助甫賀婚

汾陽寄跡敢希秦晉之盟楚甸驅車詎是江湘  
之遇騫雄詞之下訊併寵錫以增榮某譽媿王  
龍卜慙美鳳雙星天漢竊承台斗之餘光匹鳥  
河州猶憶雨雲之昨夢情懸新故景集悲歡喜  
春風生金雀之屏何當坦腹幸秋夜永銅龍之  
漏儻遂齊眉重拜蕃儀敬聞嘉命念當今夕慶  
洽同人雲中萼綠華自解前歌後舞天上張公  
子也將西抹永塗媿莫報於百朋聊用資於一  
噉

壽張助甫

恭惟門下鍾神嵩岳按節晉陽華國文章上應  
魁衡之光耀濟時籌画中涵帷幄之經綸得祿  
得名既永綏乎繁祉壽民壽國更遠引於奇齡  
茲當建未之辰爰值生申之會章臺京兆覓眉  
嬋之生春柱下相君喜齒牙之逾健盡呼萼綠  
飛瓊之侶大啟瑤池翠水之筵某幸交契之最

溪媿頌歌之獨後謹諏桂月再祝椿年弧矢門  
高知舊物有光於閭閻棄蓬心遠尚膚功特著  
於旂常行看遽伯之歲年早受留侯之封拜赤  
松黃石世有神仙綉襖錦裘位都將相儻託歲  
星於左右同攀桃實之三千不腆承筐頌言加  
爵

壽劉左使

恭惟鍾神河嶽毓羣星辰茲當初度之期懋引  
無疆之慶某舊承輝於梓里今借光於薇垣泛  
錦水以稱觴尚阻振翅於咫尺指雪山而效祝  
頌綏壽考於岡陵不腆虔私伏祈鑒納

賀韓憲使生子

恭惟庭玉光騰掌珠榮捧啼聲初試知英物之  
不凡吉夢載徵喜嘉祥之早兆弟幸叨下采遙  
借餘輝玉果犀錢未效追歡於末座桑弧蓬矢  
懸知佳氣之充閭敢擬弄璋聊將實篚仰祈涵  
鑒曷任寵光

荅王明輔賀壽

某賤同蒲柳敢論歲年仰托椿松獲承庇覆愧  
瓊瑤之未報乃繡段之再勤葉縣飛鳧願希蹤  
於仙令成成都問卜期受訣於至人遙拜驚城有  
同龜籙無聞五十空慙汾水隙駒一實三千還  
聽緱山笙鶴

答袁茂父壽

某風塵遊宦不記歲年樗櫟餘生空糜月日曠  
此迎長之月繆逢初度之期念莫報於生成有  
慙弧矢幸竊於甄植詩附冠裳驚翰貺之枉  
臨捧檄題而增色吹噓為德暖回六館之春晷  
刻知恩喜溢五紋之綵手八行而拜賜首九頓  
以登嘉

寄鄧方伯

春陽載啓榮發有期斧鉞承恩即擬名高虎帳  
雲霞出曙已看色動龍門遙獻臺階竊陳筐篚  
仰祈惠鑒不勝寵榮

答各道年節

序屬王正朔開人統璿杓轉北斗青皇淑氣初

回綵仗擁東郊錦水陽和正藹恭惟門下春收  
六合氣備四時出海雲霞喜見光生衮繡渡江  
梅柳行知澤遍闔閭某幸承愛日之光華更借  
和風之披拂菜盤栢酒媿未頌於耕花潢水溪  
毛敢竊效乎芹芹仰祈鑒納不任寵榮

寄徐憲使七夕

龍門地隔難從博望之槎鵲駕河懸喜屆天孫  
之會敬陳瓜果聊效蘋蘩絳水浮天任離合悲  
歡之迭運銀河此日知富貴壽考之兼全不盡  
悃誠仰祈涵

答徐憲使七夕

暑太塵寰佳節漸當七夕秋回天漢美人猶隔  
雙星恍青鳥之飛臨儼黃姑之遙駕俯憐拙守  
巧分綺閣之珍仰諷鴻詞光奪雲機之錦七襄  
未報拜命為慙一水相望感恩何極敬陳謝臆  
伏冀照涵

回各道中秋節

伏以入春風之座幸即溫和侍霽月之懷夙承

臨照况佳序欣逢乎端正而清光喜及於圓明  
玉兔影涵未得泛桂尊而延勝賞銀蟾彩動聊  
將陳賴篚以慶芳辰仰冀鑒存不勝榮幸

朱東器文集卷之三

新淦朱孟震

武昌吳國倫

新蔡張九一選

啓

三司奉張司馬求文

某等謬承職守近側門牆未遂振趨久疎候問  
茲者松茂二州番夷不靖十年以來生靈被其  
荼毒有司若失招徠懲悔無期猖獗逾甚神人

朱東器文集

卷三

憤疾匪夕與知一賴督府徐公決策請征直指  
陳公同心共濟假天之靈因時之便大兵一集  
羣醜伏辜捷代之威大張擒縱之籌已協一方  
綏定萬姓謹呼是宜銘勒燕然勛標銅柱匪藉  
輝於鴻藻曷永鎮於窮荒况大方文獻實在鉅  
公而後進瞻依總歸大老爰齋心而仰斗敬叩  
首以陳詞所願揮麟筆如椽深鸞毫而倒峽  
榮光錫之此目盛績永於他年片言價溢珠璣  
敢不銘心而拜賜一字寵踰華袞尚當異世以

承恩不盡懇誠伏祈照鑒

寄史侍御

門下經緯全才斗台重望蒼山洱海鍾泝氣於  
扶輿栢府蘭臺蜚英聲於廊廟某猥緣微署韋  
側花封弱質焉羅竊託長松之末蔭散材樗櫟  
繆承列棘之餘光鷺藻飛揚枉動萬里魚書迢  
遞未報七襄敬因北啓之迎長聊假南雲而致  
悃想繡斧輝騰於日下與陽德以同亨念薰蔭  
氣動於管中巡春風而借吹仰希涵照曷任寵  
榮

朱東器文集

卷之三

二

答孫少京兆

恭惟臺下海岱鴻公扶輿間氣蘭臺栢府英聲  
蚤著於埋輪彭水匡山風裁曾彰於攬轡瞻此  
保釐之重寄暫借神皋佇看經濟之弘猷庸熙  
帝載某質同社櫟材謝豫章甘雨和風夙承嘯  
拂長松小草重托攀緣驚赤牘之西來雲漢輝  
騰五色依然宸而北望星辰光動三台敢不夙  
駕宵征趨承寵命尚冀左提右挈長奉清塵

疏文

玄天上帝疏啓

伏以紫極星懸佳氣遠浮於九有玄宮春朗恩  
光遙暨於三秦敬陳祝賀之私載致報祈之典  
竊念某質同蒲柳跡類萍蓬五十年無片善之  
可稱數千里緣一官而暫寄堦蘭遲發僅二男  
一女以相依帳蕙重諧何卜鳳求凰之能擬度  
分已踰望外秉心敢復他求願繫孽之積既深  
乃留害之來計及去年十月內旅寓宜城縣女  
狹重弟偶緣傷食遂患積痰遙叩紫霄仰申丹  
悃幸蒙恩佑遽獲生全方圖報之未能柰積殃  
之莫解於十一月十六日次男崑壽未半月忽  
以痘疹喪生而重弟僅一句亦因前疾殞命又  
於十二月十八日舉家十口並患風寒而身與  
室人綿延未愈一擲僅同於孤注餘生敢丐於  
重玄顧下臣何德以動天惟上帝有心於濟物  
授之藥品托以夢徵某銘心何以酬恩殞首詎  
能報德爰因令節遙竭悃誠寸草雖微向日之

表故切老牛何賴紙積之念猶存既申頌祝於  
瑤階載致懇祈於璇陛忭隨懼集淚逐心懸恭  
惟玄天上帝祖師闕下進退陰陽絪縕天地凡  
在覆幬之內悉蒙惠育之仁久知心變於寒灰  
敢望光生於腐草但大化者情尤牽於父母而  
生存者愛難割於衷腸爰考古先曾觀非常之  
異每於身後獲終未了之緣探環早驗於羊公  
泣血再生乎顧子雖死主永隔莫窺測於幽冥  
而靈爽未亡儻庶幾於病一伏願慈靈默鑒聖  
德

朱東器文集

卷之三

四

### 告文

#### 玄帝告文

伏以虹流紫極九重春醉仙桃日麗玄霄萬里  
光垂寸草敬陳燕賀載致報祈竊念某萍梗浮  
踪蓬茅末品守株湖上身慚一介之微擊柝關  
門名忝三秦之憲器小而受踰分量才疎而德

匪栽培追惟臨蒞之初禍延骨肉爰竭賤微之  
悃疏叩闕庭瞻皇仁之覆載無私荷帝鑒之照  
臨不爽雖冥漠之游魂未返漢壁久沉幸神明  
之渥澤重新隋珠再捧荆釵蓬鬢漸脫沉綿蕙  
帳蘭房獲延歲月沐恩深厚顧愚庸何以仰承  
微福遠長即叩結詎能為報爰因聖誕遙剖丹  
衷既陳蒿嶽之呼爰效尼丘之禱歡忭上徹悚  
息中含恭惟玄天上帝祖師闕下恩施不報澤  
溥無疆陰火陽符進退悉由乎掌握秦關楚甸  
西南總入於生成某履地戴天喜祝無疆聖壽  
鳴鳳詆牘尚懷未已秉情敢竭懇誠再祈福祐  
念殤兒夭女分隔死生而弱子病妻心懸旦夕  
二天有託冀全家獲共保於安寧九地何深倘  
朽骨尚重逢於彷彿伏願聖慈廣大曲賜矜憐  
帝澤恢弘默垂寬宥室家偕老鏘鏘永協乎陳  
占嗣續繁生誦誦載歌於周詠

朱東器文集

卷之三

五

#### 告武安王文

嗚呼王之神鍾恒嶽而孕中條王之生翼炎精

而開蜀土王之義昭白日而服奸雄王之勇冠  
三軍而壯熊虎夫其正氣久返於重冥而英精  
尚騰於萬古異世之下仰遺烈而竭報祀之誠  
者蓋九有同然而不可以計數况王之鄉密邇  
三輔惟此潼關昔崇殿宇歷歲海深上下風雨  
門庭湫隘曾不容武其忝關吏夙承靈祐顧瞻  
惕然爰命斤斧爰飾闕楹爰葺廊廡輝煌戟鉞  
鏗鉦鐘鼓龍蛇蜿蜒鸞鶴翔舞風馬雲車恍忽  
在覩不腆庶牲介以清醑肅告于王其不余吐  
庶幾明威載臨載俯雨暘以時民物安堵荏苒  
肅清以寧以撫邊塵不驚罔余敢侮於億萬年  
隆貺昭溥

大河告文

惟茲神宇閱歲一新玉殿丹楹煌煌翼翼天開  
良會地發榮光神之威靈茲焉是安敬陳明薦  
爰告成功伏冀神明俯垂庇佑人民按堵波濤  
不驚百二關城封疆永奠

謝雨告文

伏以早連春夏久深雲漢之憂澤溥昏朝大慰  
滂沱之望四郊沾足萬姓誰呼某等忝司芻牧  
遠媿循良民瘼未知官常多缺是致條壩煽虐  
旱魃為妖田野焦枯民人憂苦齋心省濯敢云  
天意可回叩首禱祈終恐農功罔措仰賴神明  
俯鑒帝德昭敷方烈日之晝懸忽濃雲之夜合  
甘霖普濟亢旱潛消百畝充盈赤子之倒懸盡  
解九殊穰足蒼生之慰望何勝某等幸逃鰥曠  
之愆莫罄涓埃之報敢抒誠悃仰謝恩私伏願  
惠澤常流神功終賚五風十雨永無愆伏之虞  
百室千倉大有豐穰之慶

祈雨告文

惟茲仲夏雨澤愆期二麥雖登秋田未種軍民  
嗷嗷罔知所措惟某不德致罰于民敬用齋心  
省咎恭率羣僚用伸祈禱望日之夜皇天仁愛  
已錫甘澍尚祈普濟決於四封庶幾有秋大慰  
黎庶

貴州祈雨城隍告文



惟茲貴筑壤土磽瘠歲比不登民用艱食自春  
徂夏既耘既耔綿綿者未朽腹是資何彼修壠  
決句為雲雲龍不興高原焦灼嗟此下民痛心  
殞首哀哀廷羸命懸千畝帝心仁愛豈不爾恫  
惟是某等奉職罔功致罰我民存懼當青朝夕  
皇皇載循載省惟神明聖下民寔依是用滌衷  
齊潔以祈尚冀明神請命于帝一雨九天靈澤  
昭沛裨茲枯槁既足既霽春回漢羅歡洽閭閻  
昔也罄懸今焉百室今也萬箱昔焉立壁易歎  
以豐轉災為祥吏安職業民樂阜康神之降庥  
錫我肺腑尚千萬年食報茲土

謝土告文

巍巍徽省奠貴之陽環以碧嶂帶以澄江中有  
連岡蜿蜒特峙彷彿神龍驤首雲起桂堂翼翼  
昔據其巔元氣踰伏鬱其莫宣某以樛材茲烏  
是主隕越寔虞安無虞所考之掌故質以龜筮  
鳩工飾材曰徙新之惟土之神默相其事風氣  
完好惟神之賜何以報神牲醴潔齊庶其惠我

祭水臚

祭文

祭馬相公文

嗚呼三秦寰海名區也自昔鴻公鉅弼相繼而  
起蓋史籍可觀記矣乃明興以來以魏科碩  
望光輔皇猷者則自我公始茲豈直涵大河之  
秀鍾華岳之神已哉蓋在有虞五臣敷治益效  
其能辟之大始五氣運行金宣其化夫傳蓄深  
久振發遠長宜永奠台階弘襄聖治而輔政  
未幾條焉觀化蒼生之望方慰拍人之萎遽聞  
當寧興悲八埏哀動况抱關下吏奉職茲土望  
鹿車之北來嗟鶴馭之西返山河還其正氣箕  
尾輝其英靈雪候冰天傷恫曷已束芻不腆介  
以滌潢公神未亡庶其鑒止

祭烏程令業豹卿

嗚呼神龍夭矯潛鱗熬淵一起海門雷雨九天  
翩翩靈鳳言栖于棘載翔赤霄凌厲雲翼嗟我  
烏程龍章鳳姿安胡此沉化未竟厥施憶昨都門

看花躍馬彤陛敷陳聲動朝野乃綰銀黃來歸  
錦畫鍾阜凝輝石城增秀絃歌往蒞治績有成  
岷山蒼水赫彼令齊謂當為霖以澤兆庶謂當  
鳴陽以肅朝著庶幾同籍借以為光何彼郎星  
遽歟厥芒張晤幾時忽此長別嚴霜夏飛見者  
心冽嗟嗟烏程人孰無死君死何其哀恨無已  
君有老親鶴髮垂堂君有令妻含悽蕙房君有  
愛弟夢斷池草君有麟兒哀激穹吳矧我友朋  
義均骨肉君茲我道爰痛我腹龍江悠悠鳳臺  
朱東坡文集卷之三  
岳岳君神何依悲此吊鶴鬱鬱佳城往即而室  
央央靈旒黯黯寒日東蜀非腆掛劍何年君靈  
不亡尚鑒哀虔

祭李太翁文

嗚呼先生毓粹凝和葆真含璞濯足洞庭振衣  
衡嶽愍凶蚤遘幾穿于仇為龍為蠖歲名奕秋  
惟奕乃玄先後是擇去質從儒以啓方伯既訓  
義訓孫謀載貽英英五桂集於庭墀太史登瀛  
封李競秀仲也嗣興若引其後龍馬之軸煌煌

自天爰豐其報亦永之年踰耄望耄于以逍遙  
丹頰倪齒何謝松喬嗚呼先生德福罕儼隱則  
亢宗壽則昌世漢陰有叟老于灌園豈其孫子  
華較朱軒惟彼鹿門鳳雛則一豈其仙李翩翩  
奕奕嗚呼先生生順死榮寔然委蛻以還九京  
訃來秦中太史心惻西風長號天日慘黑嗟嗟  
太史繫我兄弟今也同官昔焉附驥若祖吾祖  
義分則同指人逝矣能不惋恫潦水澗毛介以  
歸東何以誄之其人如玉

序

奉少師申相公

予備員巴蜀蒙戴恩庇已溢分涯去歲獲奉手  
教感激千萬蜀大木大兵皆仰賴師垣軫念一  
方官民特與甦減至松州之後蜀文武將吏一  
一仰奉廟算遂收奇捷乃窮寇逃匿雪山寒餓  
垂絕以師垣有招撫之命故諸將不敢貪功所  
全活者幾萬此其勛德在諸番尤有加於擒王  
破國之上者某錢穀之吏止司出納分毫未效  
仰承齒及惶汗轉增乃過蒙甄錄且拜加俸之  
命聞報已於冬月離任至獻歲仲春抵貴陽貴  
陽遠在窮邊而司事瑣屑諸夷襍處一應軍儲  
取足他省計一歲所入不足以供一歲之出又  
多逋負良可寒心凡百處分尤望主持為荒徼  
造福謹齋沐啓事兼申銘刻之私仰希垂鑒不  
任感激

奉張司馬

川下望重寰區勛高曩鼎長城師閫北

行機星馳機籌雷動乃復勤心梓里回矚蓉城  
遠枉材官遙飛藻翰捧讀長貽目眩神搖簿書  
之吏碌碌逢迎僂僂磬折抗走塵俗三復十行  
心曠開朗門下以薊門寒雪清其肺肝易水悲  
風濯其垢塈不然者百花堂千載無色矣珍  
貺之損踰溢尋常踈節如某豈應蒙德若此無  
亦以夙昔微賤不忘車笠耶感刺感刺扇頭二  
作字挾風霜雪嶺之高峨眉之秀不足喻其峻  
潔門下尊俎餘閒揮毫成錦繩樞之子誠媿縮  
不知所為地詞人岳牧何以當之材官還肅此  
申謝不盡

奉舒司寇

某以桑梓晚進欽仰台斗為日滋多十年以來  
奔走秦晉梁益間曾未獲以片札通候門牆私  
心甚恨恨無所自託茲值朝政清明老成登用  
當宁首眷舊德借重西曹而不肖又遠在蠻貊  
延頸霄漢未遑趨賀念大江以西自昔賢哲奮  
庸表樹勛烈邇來稍懈不競茲得門下振其靈

秘一回往初俾後生小子有所景嚮良甚幸矣  
用是不以僻阻自遠輒敢齎沐勒狀陳布素衷  
惟門下察其誠而進之不勝大頌

與軍門議邊事

查得松潘威茂二鎮皆氏羗居之自漢以來叛  
服靡定國初克服其地乃置三衛後併松潘  
為一而總以松茂兵備尋以遼遠分設松潘威  
茂安綿三兵備蓋其地分東南二路僅通一線  
而諸番慕布星列又北隣奄虜正嘉以來烽燧

朱秉堯文集

卷之三

十四

屢驚頗稱要重建昌一鎮本古西南夷地自

國朝始置行都司領轄六衛成化間始設兵備  
副使雖稱土沃物繁然限以大渡一河隆慶間  
土官爭襲致煩廟議迄今阿祭嶺酋往往竊  
相仇構總較兵糧視舊制少減碩逋虜羗夷獸  
心頗測松建二地彌望數千三寨稔亂雖已剿  
除而生熟諸番每伺便利竊行邀截沙嶺二酋  
幸且伏首萬一仇構不已兵釀禍深生靈夷毒  
將不可解兵事貴神取辦呼吸今日之兵糧何

又不虞之邊事故先任松潘道楊副使議欲  
去遊兵募養精銳時以事關改設未敢輒題  
便調他鎮兵守之即今議欲題請加糧誠莫安  
邊鎮之長策也今據原額糧餉為數頗多見在  
支發為數頗少欲照今數為准將來議加徵派  
未易為力不若據今日見在之兵數以發見在  
之兵糧存舊日額派之兵糧以備他日不虞之  
邊備則倉卒有警可省徵派之煩緩急有資永  
壯邊陲之氣矣

朱秉堯文集

卷之三

十五

與曹以漸

一別參辰相視雲壤感念今昔能不悽然故人  
授鉞賤子折腰又蜀大木大兵相繼而起當事  
者稍一嚴治之而朝野閑然每一事行即切責  
不置况藩吏冗下者乎浣花溪水依然故踪而  
風塵懷抱有媿昔人多矣然不敢忘昔日之教  
時一操筆如嫺母引鏡自照不覺赧然中丞公  
坐擁熊羆時出奇語便是鏡歌鼓吹乃知橫梁  
賦詩君家故事豈下里敢望哉近刻數種呈上

大雅惟裁正

報梅中丞

自與臺下別河東也未幾聞新命英姿偉望仗  
鉞擁麾主上釋西顧之憂關內藉北門之鑰營  
平定遠之勲行且立建所為鄙人踴躍者固不  
啻燕雀之私而已擬勒一楹因循未遣乃使者  
自萬里外儼然翰貺先臨之感刻在衷視恒情  
百倍不才幸側名藩諸大夫之後然碌碌少所  
樹植近者大木之役官民疲困又益以建武之  
事今仗餘芘首惡伏辜人心稍定臺下還念桑  
梓何長策以授孱人俾有所持循則拜賜愈益  
隆渥矣方奔走梓州中途遇使者停策卒卒勒  
謝不盡

答曾司空

齋扇官行草草具一楹中候台履承差還再捧  
手劄長跪捧讀媿感併之門下垂念驥繩憐切  
周至顧駕騫之力日夕支吾每虞蹉蹶即目今  
大計方懼擯斥何所以仰副眷知大木事極荷

留神一方民力困而復蘓門下之施於巴蜀者  
功德益弘遠矣某不肖即百叩首為蜀官民稱  
謝亦何罄其佩戴哉因來山翁郎君北行冗次  
齋肅勒此再陳不盡

與曹大參年伯

承教松栢灘事詳且覈與前聞稍異豈前輩誤  
傳耶或葉先生托之徐姓耶然葉亦翰林則又  
似一人關疑可也建文君事王中丞考異以為  
楊晃偽託事與戾太子頗同恐前輩不應誤傳  
乃爾金陵地道今尚在黃督學曾及見之如王  
所云或國史諱言之也又大梁宗正灌甫亦曾  
云先憲王在日諸孫訊之云無是事辯其誣甚  
力然考建文之出在天順六年憲王卒已久則  
其語亦未可據也又中丞紀劉文安母亦與來  
教所云大同小異大抵本姓銘氏為實傳為尹  
宗伯作其云張姓或為劉先生諱之抑今日改  
以為張也尹宗伯又云張姓今族亦蕃永新佃  
人多役于豪族世世不改邑前有士夫築新居

遣張之後為運木石安諸子孫在邑庠者言之邑始得免蓋劉氏世世為於外家又以見古人厚德若是也今錄王公二則以上惟門下正之諸不悉言

### 寄塞督學

秦關一別冉冉三秋不佞某奔走西河亦已二秋矣風白雲故人在念久不得南雁之羽於門下然莫知為計頗聞齊魯之士渡還洙泗之風則門下之有大造於山以東也如不佞故冗

朱東器文集

卷之三

六

吏弟解攢眉濡首簿書塵土中無尺寸可以自樹言之汗沾沾溢襟袖矣門下績用已成計遷轉非久儻不厭薄豫章一馮軾為不佞得從編萌蒙被文教不勝甚幸偶因吏人之便倉猝勒狀一布積私小詩二章獻償前諾門下其莞而置之或不遺而惠賜之一言則斗酒彘肩之求所得侈矣

### 答李元甫

瀛署清嚴借主文柄留都人士皆屬門牆豈繁

驅尾之蠅藉以光艷即三巴草木亦與有寵榮焉遠奉手教兼拜試錄之教大篇春容雖馬卿喻檄楊雲玄草當且却避三舍何論其他一論五采琅琅金石之奏意經生不能及此豈亦經鴻筆剛潤然耶把讀循環神氣飛動所為寵錫於蒙昧者南金大貝不足為重也惟是使節未西成都駟馬之橋不獲一承車騎即欲負矢為役無從而致延首金臺則不勝戀戀耳使者還珂里卒卒申謝不能致一虔仰祈鑒照

朱東器文集

卷之三

十九

### 答曹世登

某獲微天幸於蠶業數千里竊奉大君子之教蓋四年於茲誼均骨肉一聞新命悵結滋深然猶得借福星照臨江右某叨編萌之末復竊餘潤別來晦朔再易地方事松茂已底寧中丞以門下之故亦獲優敘建昌事甚迫業已遣將調兵矣不知得如松茂否也蜀日多故而塞劣病日增不自知為計

### 答謝彥實

別來十又五日真以日為歲邊地苦寒夷歌成  
角旂夕互發得無增客子羈思乎按君已發錦  
官欲新都止一日廣漢一日以次至梓州計初  
二三方可駐節門下不得送可一差人候之三  
鎮事體何如督府已如尊議徵兵不知主將有  
石盡否今 皇上面諭二司馬差官訪實昨已  
見督府即刻詣二處何巴蜀多事獨厓 聖念  
若此曹使君因按臺有約以月終月朔詣梓州  
弟與念老落落二三人相守人生離合真不可  
期因李指揮行附此奉候貴衙俱平善併白不  
盡

朱東器文集

卷之三

二十

又

承教松州事情雖稍改前議然兵機似難膠執  
頃主將調度何如耳門下以為何如老嫂喜全  
安郎君亦平善門下無煩遠慮弟司中缺已補  
初恐有他議閱邸報始知留以待起用而蘓公  
祖以敘轉粵西弟幸無他量移計當在九十月  
方有缺也此詩以此道無人肅理不得已暫借

督府臨茂之意近亦遲遲蓋恐騎從絡繹供應  
煩勞臨時終不免一行也今擇以四月初三不  
知果否用兵大計要在將士協和若主將爭功  
人各自為非策也凡百仰仗臺下約束調和之  
土兵犬馬耳猶之諸番第須以大義責各酋而  
以恩賞激勸庶或少戢然喜則人怒則獸固難  
一一盡必也安綿道已行周丈兼攝矣只數日  
內至幸無慮諸不能盡貴衙俱平善附白

又

朱東器文集

卷之三

二十一

解銀官尚未回未得領尊教敬刑錄得門下一  
跋旌旗改色弟寥寥數語何足有無蜀中計吏  
兩司即前所云云者疏詞甚恕州縣十二員皆  
兩司前所擬者如門下精金美玉當受上賞若  
弟為憐人所構政恐不免耳何如蒲江近捷第  
糧運尚未通門下何以為之策

又

差官今日始至則前已領吏人書矣竹木建營  
仰煩籌畫有蕭簿督理可無慮也用夫至五千

曹文川中事日煩官日少奈何賞票已請詳督  
府不用督餉止門下請按院印發可也久日再  
報旅次寥寥要當強自排遣弟司庫錢糧十分  
差錯幸督府相亮不深究前官則弟可免傾險  
之咎只目下多事不能即完曹丈已陪湖廣恐  
陞遷有日不知可得了此否諸不盡惟台照

又

左轄近已補劉節齋公祖弟循資敘轉前尚有  
三人以蘓心泉公祖計之尚在明春方可離此

朱東陽文集卷之三

五

前竊意附近推補皆誤也又敢復過望乎安綿  
道撫翁有行又就近無人似不可辭弟事體重  
大安得新任諸丈一時雲集以辦此也奉教時  
弟以在庫發銀未見兩臺計念橋近陽二丈已  
入言之矣不知撫翁意何如也按臺以初旬出  
上川南撫翁出茂州意稍緩然不可不預備也  
貴衙清安不煩遠念諸不盡悉容圖便再白惟

台照

又

該縣疲矣董益又必由之路則何以寬之幸便

中賜教蒲江一捷殊快人心總鎮不出為自呈

也昨得一息恐尚不動劉使君得報即行督府

日云借重門下黃使君又有河南之論且居首

不知可得留否督府甚憂之今亦不敢使之知

已行三司委周使君監軍便欲揭部加銜大苦

事奈何考察報一冊奉覽恐抄不及門下欲見

之速也弟或可免京中此一度皆仗台庇魏相

新婚前書無人領敬附入具復不盡惟台照

朱東陽文集卷之三

五

又

曹希彬首著擒獲之功良可喜各兵雲集大捷  
可期門下發蹤指示功不小矣督糧事承教似  
甚不便但未得與督府細言之今具文復臺下  
希裁示轉呈萬荷

又

雪山瀝水萬騎雲屯麾節所臨羣兇授首今默  
駭魚驚竄伏深箐第須嚴飾將吏相機剿撫萬  
全之策在我破竹之勢可收矣計凱還自有日把



握非遙捧讀來教益用懷渴

又

安綿事屬周使君任之今已到省會矣聞總戎  
且至東路可以無虞大兵與群虜交和而舍決  
勝之策門下籌之熟矣今督府意在擒剿首惡  
餘寨儻可一面招撫乎播州兵克八寨儻可以  
寒虜膽乎乘此機撫其餘黨專力以圖三寨不  
知可否土兵之擾誠如門下之教有司大約處  
之不得其道不可專責之諸酋也大兵一動地  
方騷擾賴門下一區畫處分庶幾少戢第恐  
日當何策而可敕司庫歲屢承垂念第勞心焦  
思日如芒刺在背賴二丈同心兩臺相信差可  
少逭罪責今史丈已還吾省不日且行止曹丈  
一人又兼攝司務弟何日得了此安枕也新會  
錄附上清覽督餉事容代呈允日報臺下不盡  
答史應之大參

某疏劣年來獲附班行之末荷臺下雅度真情  
愛念周至常恐青雲高足去此遠駕則繩附無

從也乃茲復有天幸以龍城僻陋臨之台斗之  
光某再以子民沾被膏澤揣度秉分果何脩而  
得之第熊軒過發寸敬未申鄉之父老子弟雖  
蚤慰延領之望而暫違衮繡莫遂追攀戀戀下  
情不勝悵結謹專力將護前茅以代負弩不腆  
芹子併以搞諸從人仰祈俯鑒

與聶子實

日遣力候門下忽又踰歲矣足下提父柄六詔  
山水間碧雞金馬洱海滇池魚鳥向風草木承  
色何所不增重况諸生誦法往昔有不被德而  
化者乎登歌庶鳴上之春官海以內以文學教  
化書上考足下其較然最矣弟承乏藩垣疲病  
日甚兢兢奉職無所建明偶因龍庫官之便聊  
附十行以當一面諸不悉

寄彭方伯

建南之捷不世之功也馬湖之夷某爾跳梁非  
戰之罪無亦當時督兵者輕視蜂虻深入寡援  
又或行伍中以漫詞恐駭致醜類驚動耶稍

聞今且集師計下已有勝算矣大要一賊乃為亂而蠻夷中其誘惑遂至鴟張儻軍門與臺下開三面之經使烏合者解體而責擒首惡以大兵臨之未有不濟者第傷三將官不知廟堂意何屬耳諸不盡

與蔡駕部

憶都下馬塵中卒平一瞻拜芝宇敘世契無何策騎春明趣作巴渝遠吏便相望雲壤矣然十年以來時時若恍忽聆螭歎未敢旦暮忘也萬

朱東澍文集

卷之三

二十六

里貴陽自分與世契疎絕乃門下以先師餘誼猶然念其駕蹇惠枉手札寵之珍貺感戴感戴老師經濟之業未究厥施今門下踵芳接武奕然光而大之俾海內蒼生承戴勛德若老師在天雨沐而風被無間今昔良足慰快不佞某茲來蠻徼日就墮落安望竭涓涓樹分寸以答知遇幸門下不鄙遠夷時賜督詔儻萬一可策而進乎至望至望

荅徐憲副

憶門下駐節錦官也以不肖閑劣得奉杯酒接殷勤之歡日月如馳言笑猶在耳也而寒暑再易每一瞻思能不依依秦蜀連壤螭歎相聞而望若參辰無從樞侍齋錄人還辱門下存念得奉手教感企轉增茲因吏人抄報之便敬附尺牘一候起居不腆篚筐聊將芹子仰祈慈鑒

荅周憲使

木務事撫臺意甚美而按君已發一應文移俱不收且政府亦欲於中調停第此時事皆出

朱東澍文集

卷之三

二十七

聖斷又未知將來何如耳減價折筭之說容伺間達之撫臺又看楚中頭運何如方敢定也承教感感兩院大計疏已行一毫不得與知第庸劣方岌岌待罪不知可逃擯斥否丈之清望復何所疑而云云者無亦撫謙太過乎按臺欲久駐梓州俟請告命至而後行計在明春正月初旬弟輩僅送至郭外惟約曹近老於梓州一別則老丈欲一會須得就近各道同往可也惟台裁何如諸不盡惟台照萬萬

與朱比部

臺下持三尺益州理雪枉抑布宣天子德意不  
佞某竊伏下風日承矜睇乃不獲終徼福左右  
遠宦貴陽臺下存之至於三四瀘陽卧病復枉  
問遺感勅高誼皆切心骨抵任來三閱月以初  
任鞅掌未遑裁謝懷積歉媿以日為年茲者朱  
煒行天南薰薦爽旌干所指草木待榮不佞延  
首拊心不勝欣企

寄甘節推

朱東器文集卷之三

三

錦水濫竽重承雅誨貴陽承乏更竊餘輝力疾  
南來日多鞅掌送役回僅附一檄申謝而馳懷  
尚未盡布也遠承使翰感戢愈深渝州丈勘非  
足下公平庶正不足以服人心讀記文所造於  
巴人者非一朝夕敬羨勘夷事雖難處然委曲  
寬平即非族類亦有人心自可不煩口舌而定  
矣賤體未安歸念益切第難得旦夕如頴如何

答李彥和少參

都門奉雅教匆匆為別屈指又十年矣瞻依之

念在衷而蹤跡參辰久不奉聞問乃於曹別駕  
得拜手教真從天而下北風簷捧誦宛若參侍  
感領至教即商鼎周敦不為重矣東山雲卧望  
切蒼生即今朝野清明一時名碩先後登進益  
悔舟楫舍我父母而誰耶某謏劣無當於用二  
十年來時路轉難宦情愈倦三復來教賴汗雨  
下因曹君之便附布下情仰祈惠鑒

答黃子原兵憲

朱東器文集卷之三

三

松州久為番夷騷擾非大創不可而主將逗留  
不前昨撫臺得臺下前所條陳甚服雄才稱之  
不置請兵文一到即於播西平茶調兵一萬赴  
臺下矣第彼中兵食糞未俱應料理路遠近險  
要將士應作何調度俱候裁議的確見教庶第  
得以具詳兩院免致臨時羈悞往返遷延也行  
糧併預支即擬解發有應解發者望蚤詳兩院  
弟即如命也即今本兵及廟議欲用部成而省  
中亦有疏上不日議復即催發至松州又得一  
助也延首和門以俟飛捷

又

天涯春色千里相望故人斟酒無由共把使來  
知松州已竣賞番事不覺慰快清江少阻糧運  
如何督府甚懸心不知近稍通否有便望蚤示  
督府近又調楊家兵似可得一助高氏賞銀望  
蚤給以示激勸使待盡力也

又

門下清操雅望久著仕材大梁飛語從何而至  
弟閱邸報久矣以督府雅賴前籌為地方重不

朱東器文集

卷之三

三十

欲使門下聞之且謂廟堂必有處也而事有大  
不可料者往例松州須候代故督府有行留代  
因差官之便先此一布區區幸旌節為松人稍  
留且以慰督府不知可否延首臺階不任軫結  
惟門下為松人念置得失度外早運石畫以靖  
一方是弟至願冗極不盡欲言

又

閒足下得代蓋不勝喜躍都湖之濱可以垂綸  
即萬鍾九鼎不與易矣弟碌碌世途尚在風濤

中走不知稅駕何日人情難厭轉切長林之思  
念聚首劍江有如飢渴來使欲走嘉州草此具  
復昨遣一力馳送不盡

答譚廣文

昨獲手教回首塗山不勝舊遊之感乃少微隱  
約雲中意執事携古錦從奚奴吟眺林藪間令  
人思極而重之嗟惋矣青城大峨故稱名勝右  
軍以不得寓目為恨乃執事擅之昔日封疆之  
吏一旦舍而他往夢寐中固不能忘今即有大  
華嶙峋若去故人就新交益深情戀耳肖甫中  
丞開府三秦某生平之幸也顧舊屬眎昧之末  
而又以疎庸繼之旦夕兢兢恐貽知己之累執  
事倘終教之俾不殞墜幸甚

答李總戎

承教具仰雅量高情以大將軍威名而折節若  
此謙尊而光矣敬服敬服曹使君端人也中無  
他勝遇事輒發無所委曲麾下幸諒其直專人  
賜一書敘致高誼共事地方若同舟之人彼此

望濟小憊何足介乎

與丘謙之

過洛得訪司馬甚慰也又復聆大雅承杯酒之  
歡生平奇遠無以踰此矣別後渡潯陽以月之  
廿六抵里舍十年逋客得與親知握手日夕揮  
汗應酬不復能唱渭城一字九月入蠶業簿書  
塵土又作俗吏面孔足下得無咲之駒隙奔馳  
倏逾一載登高把菊懷思轉深適接耿使君云  
有便鴻謹附片札一申覲縷升菴全集一部敬  
以償前諾近刻五冊便以請正幸教之

與李子蓋兵憲

關門一晤倏忽三秋酒泉張掖之間時有夢寐  
昨聞上谷借重竊幸同事一方可得與竿牘相  
慰問而又不能徼福左右尋有霸上之命矣遠  
辱使者持手教至并誦雅篇碣石之間故自有  
仙人氣奚囊字字得無從安期輩挾十洲鸞鶴  
來耶健羨羨茲劉山人往候起居敢此附問

與蔣伯孝

南分袂十載有奇弟奔走風塵足下亦往來  
南難音書不乏而握手無從每一念至輒歎  
歎不已茲者仰藉尊庇復濫益州抵任來兩奉  
檄頭一詠一感知故人不志遠吏時時置之肝  
膈顧弟何以報之足下積望有年久淹何謂今  
廟堂新政必當優敘儻以久宗借重江右更所  
願也風便幸不吝德音

寄王比部

不佞某於足下生同桑梓又且同業也而不得  
從門下供灑掃之役乃茲于數千里外一覲清  
光蜀人士彬彬盡為門下桃李封疆之吏又竊  
餘艷焉則何厚幸也頃簿書錢穀碌碌從人無  
緣假晷刻之暇私奉言笑而干旌又東指矣天  
涯良覲倏聚倏離延首匡廬可勝軫結足下反  
命闕庭副主上得人之額不孤此行而不佞  
此頃蓋之雅則謂之何倘呈下不以疎賤  
人時惠德音開其蒙昧則不佞大幸冗次  
將護不盡頌言

又

錦官出餞秋水長天送目江雲不勝馳思冉冉  
歲時忽已玄冬之朔同鄉知舊萬里相望門下  
報命九重不佞留滯西益知何時可得握手重  
聚也因劉理問入計輒附此布衷不盡

上何工書

日因貴省官民之苦惻然有動於中知門下幹  
旋之力可轉天日又繫念桑梓非常情比故不  
揣一陳布烏不意對菲之采遂得聞之政府一  
朱東畧文集卷之三  
方民力困而復蘇門下之大造于蜀者至弘遠  
矣某即百叩首何能代諸吏民致頌祝於門墻  
之下哉

答張肖甫中丞

日聞郎君北行倉卒附一檄無何又拜翰貺之  
辱河山悠渺信使往來眷賚頗仍感德懷恩益  
不知所為報矣都下事近覺稍定一應處分皆  
出聖斷不惑浮言本兵之任非我公不可前  
有所屬今在可否間必威望如門下而後足以

厭厭衆心稱上意門下即不自居然輿論固  
終有歸也大夫人行謹如命專力將護第不能  
躬負弩矢以効區區如何新撫臺至引燭勒狀  
申謝不盡仰祈台慈俯垂鑒察

寄楊明府

臺下藝苑宗工儒林領袖不腆敝邑惠借照臨  
又幸不鄙夷其土沛然出經術之餘藻潤荒僻  
邑士民欣欣承被德教不啻時雨之於枯焦春  
風之在朽槁也而不佞某獨於西南數千里遠  
朱東畧文集卷之三  
蒙眊昧勤枉瑤械珍貺頻煩爛然篋笥遐隔遠  
吏久溷纒裹臺下滌之神瀟濯以清飈所榮錫  
於不佞者無可喻其優渥矣黔中故鬼方地也  
殫九黑子不足以當中土一郡而土瘠民貧凡  
百餽餉仰資川湖夷情深於虺澤吏弊侈於蠅  
毛綿力病軀分寸未効今幸書三年之考倘竊  
餘庇俾先人一沾恩典便圖陳情闕下尋金川  
片石為漁釣計叩謁臺階或有日矣

答張助甫

昨遣羽騎奉尺書臺下念山妻墓石仰拜金諾  
乃不得稽顙轅門一布肝膽犬馬心神固已飛  
馳鈴閣之下矣使君在長安昔但念僕鼓盆潼  
水豈知亡婦一脈夭折西河卜商之哭千載相  
尋其今木強一身而心作死灰冷矣昨敬美書  
來見送使君詩不知韋杜之間爾時作何氣色  
獨未見使君留別詩為復重增沉渴耳遶山人  
胡荆甫往謁遂用前韻作奉懷四章為補往缺  
使君能竟負龍池贈否胡生早入空門妙悟禪

朱東器文集卷之三

三十

又

再入晉陽侍足下燕笑如鄧林渴走沃以滄海  
之流腹果然矣王園觴詠不似從人間遊足下  
舉白長吟不肖為之却避三舍蓋不止小巫反  
走而已歸汾上坐簿書業委日夕不遑即四詩  
故墨淋漓尚未及刪裁以上足下其謂我何別  
來動是旬日雨後四野疲民稍有生氣守吏意

虞亦藉此少解足下撥悟清興為復增益  
召倘有以教我乎

又

王園聚晤遂忽經年憲節入都門擬汾陽清道  
以俟乃門下以計事相迫不佞又匏繫署中不  
能縮沁陽百里地豈知一時去住遂爾雲壤哉  
門下東麾鉞入秦關丈夫弧矢差足快意想按  
轡之日將吏群趨叱咤颼霆呼吸雲霧當不似  
龍池風雨中矣儻念西河小吏作面孔向人乎

朱東器文集卷之三

三十七

又

于役大行遠拜雲翰循環捧誦隻字生春而又  
益以華幣佳杯推解為德足下以中丞尊重猶  
不忘狂子耶感激感激某一宦十年去家四千  
里冀毛種種湖濱歸計竟復杳然舊瑟未更後  
薪方起今且索居無侶一二同心參辰相望懷  
如之何足下奚以詔之也對使匆匆不能萬一  
力旋得奉手教殷殷僑札之誼也愛弟來又兩  
拜芳訊高義薄於雲天真情溢於箋素桂園風



度故在目前是夜酌見甫亦眉宇半神酷如  
伯氏促膝縱談逸興飛動坐中及吳虎臣事不  
覺大咲中丞難為兄見甫難為弟以其之孱劣  
得先後託膠漆之好殆奇觀哉西蜀非壯遊與  
異人遊然後知汝領大峨之為雄勝也閨中彈  
丸地何足以淹國士然有子韶在差不為惡弟  
久宦折腰向人亦自無賴天下事難盡如人意  
今欲左持鵲印右把蟹螯從足下狂呼爾汝於  
浣花山水中世間那得揚州鶴也見甫行甚迫  
引楮喋喋知不為罪製扇二十柄画扇二柄附  
上記室得入故人懷袖亦一快也近作一帙請  
正

又

錦江玉壘序入清和綠楊黃鳥物色堪憐賀蘭  
積雪萬里在望言念君子我勞如何見甫自去  
秋行不復聞西夏消息忽奉來檄知敲冰咏草  
弟勸足訓赫號半幅把誦循環如坐我西堂夜  
雨中矣省署棲遲宦情愈落無論東螯孤擁

斧即左丞咫尺不得分半席何敢望與足下鞭  
弭周旋哉來使過還卒卒具復晤言未卜珍重  
加食

又

見甫陸沉閨中謂旦夕敘遷乃猶從西夏還也  
能不悵悵聞宅眷將返中州恐入閨大遲諸相  
知當道皆去矣如何得蚤趣西來幸甚

又

華堂張樂汝海泛舟促膝論心援毫矢志人間  
至樂何以易此山途五十里勞騶從追餞故人  
意良厚碩孺子何所承戴哉感激感激纔入都  
門百爾訓應又屬亢旱抵任來素衣革帶夜四  
鼓起禱于群神便持刺伏謁諸貴人如去閨風  
入苦海憊欲死矣仁兄如弟何乾甫兄初擬留  
此見風土人情不便又改而南勿冗中遽爾言  
別意殊不堪草草勒此一布耿耿諸不能悉惟  
仁兄亮在

又



一別三春懷仰如渴幸以請告南還假道新息  
不能一登龍門領雅教乃屈仁兄走二百里  
泥途又風雪滿天故人剡水非渡爾時興盡且  
玉昆金友更倡迭和自有天地以來如茲會者  
能復有幾奇甚矣別後跋履山川戴沐星雨以  
月之十八始抵里舍檻猿籠鳥得返故棲其為  
愉快良不可喻弟與仁兄此別不知握手何日  
為復增悵悵耳五詩一一課上請正不知果合  
作否幸便中批教或付藍倅家人千里書郵可  
當一面不猶愈乎送役還勿遽勒狀附布謝私  
併以為候景入清和薰風薦爽惟仁兄加愛

朱秉器文集

卷之三

四十

又

自新息別來以三月中旬抵舍送役還曾具尺  
一併課分韻諸詩附上典記不知果浮沉否敝  
鄉今歲春夏之交風雨淋漓而六月苦旱又苦  
酷熱父老相傳二百年所未觀者弟歸即病痰  
已又病足半月來又病痔杜門謝客屏居小樓  
之下日惟席地而卧然猶無所逃暑發狂大叫

不知所為觀邸報時事紛紛寧夏之變大傷  
國體今以一重臣三中丞制之而愈肆猖獗長  
安以北將不知所脫駕晉三關密邇搶首聞亦  
私為羽翼弟歸來幸遠席穴而時事若此能高  
枕而卧乎仁兄試策之將何處而可仲秋稍涼  
敬勒短狀遣力恭候興居有懷不盡北望於邑

又

日前小葉上仁兄奉求大序併乞刪削知己就  
緒矣茲近得數篇併上乞將前稿一一批抹不  
必求多惟求其當如俱不可存則置之可也相  
知相信如仁兄相成如仁兄當不得以形跡拘  
矣近日大失望一一見示山郡無可與言得此  
一洗俗塵賜我多矣

與王敬美

日敝同年蕭君行曾附尺一比得手教浣誦循  
環蘇臺蜀道萬里相望隻字千金非浪語也讀  
邸報知借足下浙中浙視秦人父特盛非足下  
不足當則所以處足下者非復異日觀矣朝政

清明群賢彙起一學事不足煩左右其以黼藻  
皇猷潤色鴻業在旦晚耳本寧自郢入吳情興  
過剡溪百倍蜀吏遠羈西益安得晨風之羽相  
從五湖三泖間耶前寄園集因來力單行不便  
齋尚留蕭君處窮苦無佳書得再致一冊甚幸  
升菴全集其中最善本也然訛謬尚多未及校  
正附上記室足下以為何如南望吳雲怒如饑  
渴春風漸和惟足下加愛

又

朱東器文集 卷之三  
足下持文印擁朱輪八閩山水間能使士詠菁  
莪民歌蔽芾而又以暇日追覽名勝侈之風雅  
殆稱仙吏矣秣陵故舊遊也足下駕赤綰蒼再  
典夔契之任鍾山玄水復還故物海內大觀盡  
為足下擅亦大愉快哉蜀吏昨歲還得捧閣中  
手教諷誦三四不能去手屬以兵事奔走未遑  
嗣布比西陲告捷獲少息肩俄有貴筑之命十  
月初旬已發錦官卧疴瀘陽奄忽改歲今春二  
月始抵黔南丹服檀裘日夕為伍九夷可居故

非謬言若歲荒民病力詘財殫萃之一時即有  
聖智當之恐難措足豈顯蒙之子力疾能任哉  
所幸者風景清佳山水奇秀時一策騎便足會  
心第恨不携足下驚人語來為復寐寐耳助甫  
西夏久不聞問本寧堅卧不出一時朋舊落落  
非足下起而振之如吾道何博士湯生吾鄉人  
也今以叅佐屬在門下金陵城樓不減鄂渚足  
下月夜胡牀與之吟眺能一興念遠吏乎

又

朱東器文集 卷之三  
龍池兩夜杯酒分宵一別青門忽如萬里曾草  
草附一檄并惡詩呈謝今懷朱明薄命之人在  
長安時驚心潸淚悼往傷離鬱鬱已不堪為抱  
枋汾未廿日糟糠之婦所遺一脉又成天化造  
物苦人不意慘毒至此某即生存天地復何賴  
也草野舊氓仰承矜矜隆眷錫銘感至矣乃  
下里之子得奉陽春老公祖不鄙夷之而曲為  
接引開其茅塞特賜指南切恨二十年来不獲  
早樞趨於門下而今晚矣又無能倚玉附喬黥

然為別蓋於我老公祖暨勛甫使君若晨星相  
望而三也可奈何可奈何婦子瑣細易貧之言  
殷殷在耳向已剖心祈懇重荷惠俞茲謹述短  
狀瀆之典記其可哀憐不待喋喋咕咕於老公  
祖之前也龍泉大阿豈以雞肋輕試一割然使  
枯骨復春死灰生色固仁人君子所不吝也謹  
九頓附來役惟老公祖留意焉外薄儀二事一  
以謝秦中一以瀆清嚴惟慈炤萬荷

朱東器文集卷之三

四

又

久不獲奉大雅今又作九夷遠吏蠻歌鳥語日  
夕相和足下何以洗而清之俚言二冊較前稍  
增益之敬以請正幸不惜斤斧即身在夷荒固  
不啻日侍雲門之響也閩中辱雅貺無以報不  
腆野芹知瀆清貴萬惟涵入薛濤箋苦不佳雲  
根在元祐時以為珍贈然蜀工甚拙不善製斷  
須得京工脩飾蓋以良毫為妙耳此種出忠州  
似斑竹而實非其紋理可玩又冬月握之不覺

冰手差為貴耳僅在故人掌中亦足當參侍一  
咲

又

各酒長安獲從清燕龍池一別風雨彌天使君  
留滯西京助甫提兵燕然不佞鄙人依棲汾水  
晨星落落相望而三自謂頗同疎遠豈得復勤  
使君存念而比者禁劉生來重拜檄題爛然盈  
楮竟三四幅情懇未終材官還得劉使君所遺  
詩扇鏗然諷之洞扉之奏也至亡妻一銘九幽

朱東器文集卷之三

四十五

生色匹婦微賤何足以辱雄父而仁人長者不  
棄么麼齒牙所及則寒谷回春藻翰一揮則哀  
蟬助響鄙人某誦之口結手之涕零使朱黃二  
氏世世子孫榮艷靡既何使君加惠隆渥至是  
也犬馬無知欲訓罔自藉婦子有靈地下即為  
老人結草以謝恩貺願安所盡其感激於嘉貺  
之辱種種過情若玉簪獨鉅金爵遙揮念重盍  
之幾時思共酣而未得觸物興感更復黯然使  
君足下河汾一水秦晉之舊也傷離春草綠

邑今爲念別秋風白雲情以景滋物緣時改把  
玩來教謂有尊鑪之思顧鄙人湖上芙蓉相遲  
已久欲因入賀懇疏乞歸爲亡妻一理松楸復  
還漁釣異日者儻扁舟吳越從使君於洞庭虎  
丘之間便足償一生矣其諸醜縷不敢瀆陳伏  
祈裁鑒

答張南榮諭德

頃使者來秦關也得奉尺一之教愁結中匆匆  
勒謝不成報章念兔園鳧渚間得瀛海神人主

朱東澤文集卷之三

四六

之千載生色矣頌不佞不得從子墨後聆賦雪  
之聲則有餘羨焉尋奉檄書倉皇入晉薄命屯  
塞連遭骨肉之戚更未由嗣致一椀延首中蒿  
良深企望于役介休從烈日中觸冒塵土汗沾  
沾浹衣帶乃邑大夫儼然奉手札至開械展誦  
穆矣風生青松短壑赤脚層冰如置我玉壺間  
矣感刺感刺一二年來宦况如水塊然成一病  
夫茲將有入賀之行欲於此時便上一章乞歸  
湖上尋舊日漁釣儻可得遂否天上故人行且

入廩喜起佐太平之業弟從草野拭目觀之固  
一大快也

寄王伯同孝廉

十年前於白下誦雄父蓋嘆王氏之多才也頃  
以華河之役得侍敬美使君而不獲奉几杖於  
尊公門下心殊恨之矣茲聞足下發解南都科  
目得人於今爲盛通家下走竊心艷之計大廷  
之對連冠群英以光吾黨在此行矣玄甫孝廉  
於足下稱世契茲入酒人之市必當鞭弭周旋  
謹附此陳踴躍便一問訊敬美使君泥金之報  
三月上浣可抵吳門風塵千里傾蓋何時言之  
神馳於碣石矣

朱東澤文集卷之三

四七

答李本寧

春初旌節駐蒲城今茲纔仲夏而足下持三尺  
按金秦若朗鑑霄懸多士鼓舞逾巡間足跡殆  
遍又何其速而神也弟伏首桃林日與老輩輩  
憑試而語決大河之波不足洗其垢濁忽不知  
歲月久近聞足下且至則雖然心嚮往之二華

在前明星露掌若睥睨而俟者顧不能拄杖矚  
履相從交酒間足下以為何如矣謹布區區仰  
惟台鑒不盡

又

弟自潼入蒲又自蒲入華今從華走馮翊往來  
隨二直指僕僕不暇然稍得從二丈遊時取片  
隙酌酒敘致差足強人意華有東氏竹園簿書  
塵冗間連騎一寓目為二丈清興暢發是日飲  
各至醉弟坐中少李君即翩翩乎神遊八極固  
未可得也足下校士三原得一奇士誦其父如  
芝九英在齒頰間視俗吏酣弄杯酒無論雲壤  
相去矣誦代直指三作便令人飄然欲仙齒錄  
後飲一洗塵滓 明興以來尤稱獨步前三同  
非秦人莫當也題名作更有關世必傳矣乃  
下弟蓬心得有開式良幸周田公詩文非太翁  
不足以發其奇然太翁之奇非張君亦莫發也  
襄陽耆舊中儻曾有是耶弟亦欲附巴人一言  
弟續貂之誚恐不免矣

又

風塵澗絕音問杳如人生百年同心其幾助甫  
付鉞夏州弟又驅車益部計足下宅憂已久即  
吉有期圖南之翼當以六月息於瀛洲西南遠  
吏又何時復得望見眉宇

又

山人吳孝甫來知足下遊覽三吳與諸名公文  
酒觴咏甚適也且欲登陟嵩少足下意將遍五  
嶽耶丹臺石室誠不謝鑒坡玉堂顧東山出處  
海內士皆引領以望如弟者尤忝知愛所期潤  
色鴻猷為吾黨主盟者是在足下足下能晏然  
竟向卒之志乎弟別來一入三巴百務叢委大  
木大兵相緣而起官民交困心力兩殫誠不知  
所稅駕足下幸為弟策之冗中屬孝甫行卒卒  
附片櫛為候近藁一冊艾和甫集一冊呈覽和  
甫在三峰屢索之而不可得乃以一日聚首渝  
州此君個儻奇士一見若平生歡舟已發龍門  
弟留一日十年肝膈為之盡吐別時以焦屬

弟校之足下知和甫儻以一言覓便寄之令  
他日作秦中故實足下其有意乎惘惘不能悉  
陳惟惠子亮在

又

宜祿中宵黯然離色深衷未吐相視淒其春草  
六青晤言未卜雲棧月祇令人增其忉怛耳  
吳山人孝甫行曾附十行不知何時得上典記  
春來閱新鄉錄知愛弟禮聞良快人意第不  
能執羔鴈從諸賀客後如何海內弟兄晨星落  
朱東器文集卷之三

五十一

落助甫東西夏鉞頗樹勛猷乃遂為飛語所中  
敬美迴翔閩署弟亦留滯蜀垣世事人情難於  
九折麋鹿之性已在長林豐草中矣儻得泛舟  
沔水與足下期十日飲乎武使君來奉手書不  
覺神王扇頭詩一字一珠且一字一淚也故人  
分誼深重不佞則何以報之佳刻敬領弟得附  
名其中幸矣然將無點完壁耶四遊敘讀之已  
窺豹一斑顧不獲從小胥窮海嶽之藏但言之  
心已馳於左右矣錢穀之吏日與筆硯疎不

唱渭城不能作片語為答足下得無咲之首夏  
清和南薰入奏願言加飯以慰懸馳

又

郎郎杯酒不及一炊黍而別今茲猶夢也還里  
一年高枕山齋已無意人間事聳京兆之報如  
嚼蠟然苦為親知從吏又不能自決扶病而出  
過新蔡訪助甫登綠波樓觴詠三日擬從百泉  
馳一介相訊乃不知前旌已指陽翟又擬避衛  
輝即縉葛不二舍而遙柰直指諸公在即微服  
而過人其謂我何勞仁兄相念遠煩使者鄭重  
亢旱中媿汗淋漓若雨仁兄儻亮答之乎久滯  
周南物望逾切不日返瀛洲之署握手有期謹  
九頓附此以謝不盡布

與王明輔

名園觴詠殊愜賞心別來簿牒縱橫赤日如火  
令人愈切青松短壑之思烏四詩亦坐此改竄  
未就足下神仙中人亦曾念及不佞煩苦否也  
汾陽玉黃雖未抵房陵來仲然就此中亦稱鮮

品敬上數枚以佐甘瓜解炎暑也玉露二埕聊  
供河朔一罇幸莞入諸未得悉陳

又

匆匆起行懷抱作惡又聞貴體偶爾違和不得  
握手一別心殊怏怏行次徐溝遠勤令孫文學  
追路相送感勒如何海內故人一時星散不佞  
弟偃息山中日從漁釣長與世慮辭矣良晤難  
期興言嗚咽惟故人加飯

又

朱東山文集

卷之三

五十二

十載重逢可勝慰忤名園觴詠殊愜賞心謂庸  
劣無當或勉竭駑鈍奉教尚有日也而衰病侵  
尋致滋多口然猶仰藉芘植得請南歸月之十  
八幸抵里舍麋鹿之性故在山林殊以為適而  
側身北望日與故人踈遠悵結之謂何山川遼  
邈歲月如馳惟故人強飯

答劉郡丞

門下泛瞿唐而東也不佞無從一握手相送使  
者費書籍來得附一械無何則得西曹之報矣

巴蜀遠地不足以煩玉趾然同鄉知舊相望數  
千里竟不能頃刻晤語遂作參與辰能不悵悵  
留都雖不及內地而山水清曠又多文酒之遊  
門下作鍾陵吏隱立馬長隄吟嘯後湖之上良  
亦不惡人生貴適志千鍾萬戶於我何加不佞  
羈縻此中作錢穀俗狀又值兵興僕僕不暇恨  
不縮地相從也門下得無念之乎使者還卒卒  
申布併以為謝

與陳于韶

朱東山文集

卷之三

五十三

見蒲至與之談宛然中丞丰采也誦足下贈章  
飄然若有神助不肖謂足下新詩奇進見甫亦  
以為然足下久卧東山時且至乎與見甫酌過  
夜分渠感國士之愛不容口佳稿序文欲託見  
甫致上而見甫行甚迫不肖病痰晨起又病足  
良苦引楮作助甫報章便頭岑岑欲卧容一二  
日課上也

又

錢塘徐山人以白燕擅名都下昨携玉舄書來



相與倡和數日時出佳語輒能驚人慕足下高  
誼欲得不佞先容與玉牀書而兩幸足下試之  
凡甫久落莫得山人來相從足下益以徐孝廉  
錦屏佳山水當作五色雲輪囷先後隨綵筆驅  
使也不佞得浣花裊九地無與語者北望閬中  
不能不生妬

又

日奉手教向未得報俗吏之冗一至於此曹使  
君自梓州還具道按君重足下併所以推轂足

朱東園文集

卷之三

五十四

下甚備不佞某彈冠以慶在此時也第使君日  
下校士成都絕不通往來書翰使者所貴敬為  
領下俟見問道尊意陽春且至足下何以待之  
菜盤樹酒安得從容對語令人心渴松州息甚  
緊督府決策大征方調兵食不盡布

又

江陽卧疴遙枉手札惠以仙方何必觀濤霍然  
病愈入黔來吏事廟午左右枝梧海內知交晨  
星相望即尺書片語將致無繇日者吏人以太

比事赴閬中才一申訊時蠻山菲雪沾洒鵬鵬  
故人剡水悠悠我思即有扁舟何從命棹因賦  
短章上塵典記書太神馳今且改歲春風黃鳥  
物候一新渝吏遠捧瑤械恍惚與陽和俱至病  
夫魂搖目攝殊不勝情把讀循環懷感增至足  
下高誼上薄雲天不佞鏤肝劘心何以為報張  
司馬歸卧銅梁不減東山遠志助甫中丞久絕  
音問夷荒落落僅得足下一書令人短氣丈夫  
出處良有天命泥蟠雲舉隨遠而安今與弁裳  
椎髻混跡而和光亦可與足下登樓把臂擊劍  
而浩歌亦可附青雲入紫閣鳴玉拖金而雍容  
廊廟亦可秉黃鉞擁朱旗叱咤而生風霆呼吸  
而動雲霧亦可頡與足下聽之所須雄黃奉去  
大者半觔附渝吏轉上幸足下養氣順神昕夕  
加飯臨書惘惘不知所云

荅范翰林

日承大雅之音未遂執鞭之願俗吏碌碌錢穀  
中不復能為增減一字有媿教愛多矣別諭知



門下萬存世好意諄切願此事兩院聞之且  
久又喧傳一省即不佞亦稍有所知又為縣民  
告發日當事者幾以此得罪按臺故又行不佞  
與學道會問不佞弟伴食此中無能主持主之  
者則臬司事也如何冗次草草復峨眉佳勝挾  
中巖凌雲而三海內名區在門下履舄之下恨  
不得相從吟眺門下其有意鄙人乎時以瑤篇  
心教則可坐遊之矣不盡

荅陳玉叔

朱東陽文集卷之三

五十七

虹莊之夜風雨一尊浣水再春鶯花如昨故人  
相望我懷謂何閩使者還曾附一啓申謝蓬山  
不遠九曲可航門下操如椽之管吟眺其間足  
使鯨海澄波慢亭生色儻復西顧華陽興念舊  
好峨眉夜月巫峽朝雲想當往來眉睫間矣閩  
中桃李皆門下所樹乃不肖感激私衷則又安  
能以楮穎罄也

又

漂泊殊方疏遠大雅夷歌蠻語觸耳生感弟以

山川奇麗居閒無所事事時一策蹇縱目舒懷  
即有一二篇章未免幽憂踟躕何足以辱宗盟  
乃勤鴻藻弁其卷端遂使昧谷之陰一吹而煥  
蕪陵之賤倚玉為榮雖門下念其同籍尉之和  
璧願某俚野何所蒙戴能不汗顏

與唐都諫

某爾魚鳧遠動龍節八州人士仰藉鑑衡某以  
守土之吏竊被光榮自台駕東行鄙人之心蓋  
搖搖與去旌俱懸矣省垣天上巴蜀窮僻何緣  
復望見台斗餘輝頃衷誠一念無日不在掖垣  
梧竹間敬因計吏聊一披陳仰祈鑒察

與柳陳甫

承役還知有太夫人之戚足下哀思甚矣讀來  
教一言一淚藉無情聞之尚自不堪况不佞乎  
然足下迎養數千里外人間甘旨備極情禮於  
子職無所復憾足下儻自節乎則太夫人地下  
之目庶可瞑也燕蜀相望不能絮酒一奠几筵  
奈何

與鄒爾瞻

景不敏幸同桑梓且封境比連企仰高風為日  
滋久乃以宦遊南北竟缺樞趨往在益州甚媿  
鄙劣為鄉里點門下不鄙夷之乃引之門牆之  
下特疏薦達某何修而謬承矚睞若此感次心  
骨無可為報比方裁一檄馳候不一月而門下  
以抗疏還矣銓卿榮召大慰人心方遲回欲嗣  
致風私則聞門下又以直道不容復堅東山之  
卧吾鄉泰運所賴門下振起之者猶然前却如  
朱東岳文集卷之三 卷之三 卷之三 卷之三  
是如蒼生何遠在牂牁習聞門下神化方駕文  
成每與楊義林談之輒復神馳左右念無以自  
達因入賀之行肅此附布積悃門下儻終惠念  
之有可以指誨蒙昧者乎知不吝金玉之音某  
即不獲面承罄歎固萬里而提命之矣勿遽不  
悉下情仰祈為道加愛

與楊義林少參

亢旱二十日幾於束帶發狂幸十日夜大雨如  
注槁者蘓病者起然後人人有生色計貴治茲

時亦然玉壺寒露可無事赤脚層米矣軍門取  
先後覆丈數前去役匆匆未暇悉具茲補上一  
文但中間的數前令吏人帶去以便造冊儻見  
軍門若中間有錯誤即發出吏王一麟改正可  
也吾鄉洪水不知作何狀差吏未還懸心不可  
言儻過貴治望令速來以慰區區風教名箋得  
便付去役借來一覽覽後即完上附懇

寄陳思貞太守

金臺邸中僅一再晤足下以疾請得遂鴻飛而弟  
十載風塵猶然回翔夷微人之度量相越亦若  
此矣屢於交游奉足下手札便似與故人捉麈而  
語曾附短啓便鱗不知浮沉何似年光數易交  
道未渝白下同遊如足下指不可一二屈足下誼  
如陳重才如孔璋庶如仲子今棲迹吳山使鄉  
人誦大丘大史奏德星為吾黨赤幟因風懷想不  
覺神飛遠吏走蠻山瘴霧遙憶西湖一鏡安得  
從足下浣滌其間浩歌舉白也江郎守閩中聲  
譽鵲起沈廷尉何時北上不及附一書為候如何

寄劉道微憲副

十八年同升兄弟又同桑梓而不得一握手歡也憶北道風霜倉皇車馬片詞未展羽翼西東即鐵人木心能不涕泗乃茲於數千里外遠借文星遥瞻錦水蒼梧雲氣且憑憑然來也喜慰如何歲月易馳容鬢俱改南來駐節當不莞然相視哉然故人之心不異夙昔其以開鄙吝起蒙昧於不佞有深望焉三巴父老延企干旌惟忘然命駕不勝至願

寄李襲美

憶丁丑入計時僅與足下從和法一再晤遂忽忽四載兮茲來不逾月幾於十日之飲且揮翰捉麈竟日通宵限韻賦詩連篇累牘又曩者之晤止用昭文卿纔三四人耳茲從足下識客生定甫又從客生識景從夢白陳甫中父最後得平仲幾盡天下之士矣不大奇絕哉別後風雨難鳴僕夫在道走七十里泥途始達良鄉公署頓索中有諸子詩時一詠詠便翩翩欲仙已復

延首金臺渺如辰參人生離合故自有數纔一俛仰倏忽天涯即行路無情能不作淚數行下也弟一劍相隨遠入汾上風塵下吏簿牒鬪午將欲從襲美生舉白狂呼耶何可復得也足下去僕尚有諸子旦夕相持此道庶幾不墜計燕晉尚為接壤他日無忘尺書相命實至願也名義考携去倘有餘力當刻之秦中昨未及訊作者姓名官稱履歷欲作一引語幸教之

寄袁景從

昨歲春奉一檄典記即聞足下有梁苑遊不佞弟亦叨益州之命風塵跋履蹤跡各天久不聞問懷思如結力自都門還訊足下消息未得計今且至矣足下周覽齊梁吳楚之墟還觀滄海武夷之勝俯仰今昔舒發性靈所得奚囊中物幸一一見示有近作在夢白兄處儻一觀之幸有以教我

報劉維南中丞

人不奉問然心神固無時不往來於渝江烟月

間也使來拜手教知瀛山岩洞今屬霞棲安石  
東山子真谷口蓋無之矣而又據渭川之勝槩  
詠淇園之新篇人間清樂寧有逾於門下者華  
陽俗吏近在浣花不得稱吏隱良媿矣來教賦  
詠並佳白雪陽春第難為和耳然奉雅命敢不  
勉承容稍暇課上諸不盡言惟台照

答劉平甫兵憲

昨閉台駕遄發卒卒遣力追送蚤得手教知旌  
節且少留此中既奉軍門有行若未發且留數  
日另具一稟帖道所以難留之意知必首肯也  
而人情兩盡勘合昨已許想此時已填發矣承  
差容見史丈言之心事萬端言不能罄故人行  
矣弱弟尚留風塵作吏宦海波濤稅駕何期聚  
首何地念之於邑如何如何遠道晨昏幸眠食  
加蒙古云無官一身輕有子萬事足此還有夢  
熊之兆當不羨侯萬戶粟千鍾也

答曹仲平中丞

新春屢奉手教無何忽聞老年伯之變駭然久

之渝水塗山炳靈毓精二百年而生名世豈惟  
巴蜀之光寶國家元氣所關也茲老成殞棄  
後進何依不肖某所請益而樞侍者於茲無復  
望矣如何飽繫成都不能効鄉人束芻之敬專  
力稽首代申惟老公祖為國加珍少節泉毀  
則老年伯雖逝猶生之年不肖某不勝企戀懇  
切之至

答葉岡卿

蘇業萬里鄉舊寥寥幸門下密邇左右提誨乃  
今旌干北指矣天涯握別懷感轉深宦海風波  
令人不勝長林之想門下誠心直道隨在動人  
罔收之暇校索虜情長城一面屬之臺階萬里  
封侯此其會矣計榮發閣中有日敬專力代布  
將護行軒外薄片併上仰祈台慈俯鑒

答孟憲副

夷方多事仰藉廟畫弟得高枕而卧藩垣皆門  
下之賜也承教感媿增至謹因使旋附此申謝  
各堡增兵事督府欲覆議妥當蓋意方欲有所

行恐兩相妨也幸再加裁酌不能面叩千萬詳教至懇

寄莫廷韓

舍人自北來奉手札三四紙幾千餘言言言文質炳錯詞情宣溢六年舊社烟月蒼涼一詠來章倏如對晤關吏迎首二華謂千里之足長價於郭生之臺襄所云五色日下可不待句臚而決也天意何知乃使英雄牢落至此也足下意氣如百鍊鋼平生所自信與弟所以信足下當愈抑而奮然賢書中少莫廷韓將經羅麟鳳無乃疎也可一咲置之矣數日攢眉作迎送吏良苦徐使君遠過引燭草此聊洩憤懣諸石刻已走人諸處塌之今尚無以復命吳中有新刻佳書能寄示不

又

力回奉足下十行勝於握臂連床喜可知矣又聞足下卧病長安邸中長卿消渴豈緣携欠君來耶諸貺一一祇領元人書內著足下六紙遂

朱東蓀文集

卷之三

六十三

朱東蓀文集

卷之三

六十三

掩前良扇頭詩感慨激烈令人毛髮竦豎劍鉤古色隱隱可掬但無延津雙龍不疑樞具何以當之潘氏帖大佳曩曾見其原本即出宋人手然中亦有一二魯魚豈傳襲日久漫漶訛舛前輩固不免耶酌虎阜精牙如親玉川風味併以拜賜長安諸刻因弟初至汾有骨肉之戚將圖請告遂俱令豚子帶回用脩危言則自益州發去矣昨家信來謂書扛在中途為水所侵日久不開遂致過爛如塵兩漢書與諸帖俱作烏有先生可慨也幸猶有裝潢者注別笥中不然者奪我萬金產萬戶侯矣楮談三卷今尚存內足下長歌缺一句幸為補之筆塵有副本乎極欲一觀倘擲來弟有暇為足下梓成傳之好事令千古而下知有我輩亦一快事西河故文學地有一孔先生遂已作古人太原王明輔相去三百里助甫開府寧夏不佞頽然索居又以吏事相溷奈何邢侍御數有書往還意甚憐切不作俗曹面目大為吾黨生色也客生墳麓併作大

廷詔武有來秘書柳陳甫曾與足下識面乎嘉  
定興都臨川饒諭湯顯祖一時並奮名下士無  
足下第竢之昔日五雲之祥終當作文苑左  
券也永寧州十六尊者足吳道子筆今致一束  
併緒談三冊幸照入

寄梅客生

舍人還奉足下書及扇頭詩良慰離索第還自  
三關簿牒山積酷暑病軀揮汗盈几勞勞竟日  
夕欲再致一箋未由也襲美聞請告而錄中尚

朱東畧文集卷之三

六十五

有名郎報中亦未及豈少需耶抑太翁恙已瘳  
耶有一書致之恐其行或足下為轉致或夢白  
兄處有汝南人往還可便寄之都下人文比來  
想日益盛聞比部有濟南周君大自可人職方  
郎于君故澤守也其人為于鱗門人而所撰著  
不師其故可謂善於學下惠者足下試與往還  
有篇章訓倡以示遠人一開蒙昧甚幸泰甫寄  
來二種書佳甚何以報之印譜再分鄴架之儲  
殊不安也感感漢書計此時已至可付來後領

回都下有新奇書石代英日對案塵將借此一  
濯之幸留意

又

武功康子秀孝廉來自都下為不佞談足下雄  
才雅度口津津不置又取足下詩誦之恍如對  
飛天仙人食沆瀣御冷風也足下果今人耶乃  
不佞不獲從執鞭弭心益欽然動矣李太史本  
寧足下同鄉人也謂足下大似廣陵宗子相恨  
不及一見乃不佞同鄉人湯義少者不佞亦不

朱東畧文集卷之三

六十五

及一見之各心為恨何意足下不遠關吏從數  
千里外以尺箋枉訊哉不佞於足下蓋稱神交  
乃今又若目睫見之矣足下詩大有天趣即尺  
牘數言襟以詠諧愈見其致不至落尋常蹊徑  
如不佞曩僻在湖濱雖有志此道而聞見寡謬  
近得從一二名公遊處稍為開益然亦晚矣足  
下其何從示之越人之砭也羅封君壽章最不  
易作得足下數言踰於金漿玉醴拜賜良厚謝  
謝不佞二月初叨濫汾陽之吹而山妻以三日

前奄逝兩年中天一子一女併山妻而三慟欲  
絕矣初擬掛冠神武扶柩南還作長林豐草間  
遊比得報又念國恩隆渥無故輟棄去且重  
負廟堂知遇忍心割愛東渡蒲津比至汾水又  
天一子蓋山妻所存一脉亦不能有能薄罰深  
分甘荼苦碩病軀益增昏瞶將何能樹立以荅  
清時今此心搖搖不定晉中入賀以次相及或  
當策駑蹇從長安市與足下為酒人遊乎足下  
其有意否也偶緣便羽草草附謝引楮不知所  
云惟惠子諒我

朱東昌文集

卷之三

六十六

又

巨源此來聞欲作歸楚計不知果否此君義俠  
又足下暱交弟視之猶足下也客歲欲留之久  
處索其性不任馴擾時時從俠斜遊此自吾輩  
習之在汾人莫不駭異故不敢強留之亦不敢  
聞之左右也王門諸君素非慷慨之士祇緣弟  
故勉強支吾其禮父甚恭非本心也萬一久而  
有他弟且無益甚矣望付一書達此意蓋以全

交道順人情也足下今且遊方之內幸不為訝  
又

耿使君入計曾附一檄爾後溷跡簿書錢穀間  
又值蜀大木大兵相繼而起一攝司事百責萃  
之尋以庫藏欠清吏弊叢委兩院屬臬司會盤  
蓋三閱月執牙籌與筭庫日夕校計鉅兩苦心  
縈慮甫畢事而百病交作又值嚴禁無一好況  
訊及故人牀夜之嬾慢相成三閭之形神憔悴  
蓋無得之矣量移貴竹卧疴瀘陽手足木強幾  
不能起賴足下之靈幸免墮墜因循赴任夷方  
山菁茂密瘴霧冥濛舟車言日夕為侶欲去  
不能欲留無據四月之初幸以米鹽瑣屑入上  
三年之考非材無當於用自分擯棄猶憑藉天  
幸儻萬一獲沾恩典為先人九地之榮即出望  
外青雲茂宰久樹芳猷入柄蘭臺乘輿衣繡在  
此日矣遠更無能躬執羔鴈為賀敬因承後之  
便一展積悰

又

朱東昌文集

卷之三

六十七



容生足下僕自得康寧庶便與足下神交矣比  
以尺書往復敘致情懇頗慰夙心然宇宙寥廓  
山川間之豈謂復從長安市中與足下文酒遊  
也足下才高千古詎復倍之湖上鄙人又簿書  
俗吏果何足以當足下一盼茲來曾不踰月窮  
罄懽恰一觴一咏竟日連宵雖復汗漫之期膠  
漆之投無以易此矣心賞未畢離緒忽牽風雨  
長途僕馬相向念欲從足下狂呼五白露坐中  
宵那可復得也人生白駒一隙惟不朽之業可  
朱東昌文集卷之三 李八

與王仲房

記長干別時誦足下詩云老去還應善寶刀則  
意氣颯然飛動矣一作巴渝冗吏便僕僕塵土  
中為斗米折腰官之於邑比來秦關雖得從諸

大夫之後然路當要塞迎送為勞旦夕延首關  
門與候吏伍即有二華在目無能清俗子肺腸  
父從至得四詩讀之大覺神王不佞今已去中  
州而桃林一帶猶屬彈壓皆洛中封邑去緹山  
非遠也足下倘笙鶴來遊乎即御天風攀嶽蓮  
亦一奇也誠有意耶不佞當望真氣之來掃塵  
以俟

荅梅禹金

一札秦關久成闊絕河汾遠宦蹤跡參辰海內  
故人如足下者指不一二屈乃竟踈節若是謂  
交誼何再入蠶叢簿書鬪午又屬三巴多故稍  
聞足下與周使君赤牘往還然不得附一楫足  
下曾督府徐公仗鉞茲土徐公故足下鄉人也  
倉卒間持片楮為致虔足下併敘使君數千里  
便鴻自姓名外更不暇附一語足下得無咲之  
力回奉新集為之神王便酌酒向浣花翁讀之  
百花潭上盼嚮增色矣嗟嗟禹金足下歲月日  
馳頓髻俱改惟是金石交情不殊白下耳頃不



佞學植逾落舊業總荒見足下新詩不覺慚汗  
足下非吳下阿蒙而不佞猶故吾也矧風塵奔  
走分寸未效俟河之清當復何日足下遊道日  
廣黃白九華諸勝俱屬在履舄間足下何以贈  
我湯君來知足下不遺我於西南萬里之外讀  
漢魏詩乘者證弘博評較精確斯集之董狐也  
讀名香賦如見幼于足下扁舟五湖載異人而  
歸鷗夷子不得專美曩時矣賦所稱工繡能文  
屬通內典詠禹金詩脉然心許不知浣少之女  
朱東畧文集卷之三

又

升菴全集刻多舛謬華陽國志初刻之河東此  
中乃再刻而益以註疏不甚佳俱以上典記昨

過新都訪楊先生遺稿僅有三十冊餘俱散逸  
倉卒不及取俟續致之先生夫人黃氏嫻於文  
學生平琴瑟頗不諧先生卒遺稿有存者盡付  
之丙丁其為侍御公收拾者十之五六耳尚寶  
君世其後曾一訪之後稍錄一冊來皆集所有  
他無可再得矣長卿故倦遊不佞於今尤甚蓋  
時情職守頗費調應一年來以庫藏不明經營  
清理賴中丞公主持今就緒矣而殫精竭智旦  
夕與完庫為伍鬢雪盈盈攬鏡不覺自失幾欲  
投劾去而中丞公推轂甚至詎不敢相負輒復  
暫留孝廉君與足下同志不敢通問儻為不佞  
一謝之乎鄱湖一曲久矣相待欲霸哉而從吾  
好乎晚矣足下試買一棹期一二年後索我於  
孺子雲卿之亭可得把臂長嘯足下其以為何  
如

寄沈文學

與先太史傾蓋莫愁湖上於今十又三年丁  
巳之春相尋於長安旅舍僅一握手不佞遂振

策西邁不數日則廷對之息至矣風塵作吏一  
宦邊陲久不相聞無幾何則聞太史以直節還  
又無何則聞以壯齒卒嗟乎使太史少留一二  
載今勛名節槩豈在一時名碩下哉名壽德福  
世不兩值信矣不佞在交遊之末曾不獲如鄉  
孺子炙雞數千里外又無可通於足下因禹金  
為太史知厚兼值便翎特附短狀為致足下外  
薄儀充一奠上之先太史几筵併託禹金轉致  
嗟乎生死故人十年契誼因風寄洒如雨斯零  
幸足下存照不盡布

朱東陽文集

卷之三

七十一

### 寄邵長孺

給由吏回知足下將返鄆山且聞有焚舟之後  
此秦穆所以興也長孺生平作古文詞若金鐘  
大鏞奏之東序今且少貶為舉子業夫夷光靚  
粧烏驚魚畏其教之歌舞也七日而傾吳宮足  
下第不為耳稍為之自足驚動千古殊風文戰  
封殺尸霸西戎豈異人任哉關吏日與門卒送  
迎悶悶無所可述惟拄笏大華雲氣差足當心

近以簿牒稍暇欲理舊社篇章第散逸頗多不  
能悉收以成全集祇於所記憶人為錄數篇以  
識不忘業就緒矣足下昨稿今在否幸擲教之  
良鄉北海碑自足下發之大奇事秦有數刻因  
歐丈欲之今便致之記室想亦所欲見也卒卒  
無能傾布俟便羽再悉

### 與胡茂承

握手金臺于茲八載流光易邁良會難期辛巳  
之秋曾入都門訊足下動履云在曾司空館中  
遠吏驅馳生事又屬時禁嚴迫策蹇長安市卒  
卒勾當公務便督促就道即司空故舉主僅一  
再面不能三四語揖而出意興可想見矣寧暇  
尋故人蹤跡哉入蜀中得與令親曹使君朝夕  
晤言燮燮骨肉曾於談間一及足下知為里舍  
昵交足下與使君書齒及不佞嗟嗟足下無忘  
故人即不佞亦何敢頃刻忘足下也黃定甫入  
汾謂足下詩奇進不佞篋中二僮傳故在便取  
讀之如對茂承言笑碩安所得足下新詩哉

朱東陽文集

卷之三

七十二

與趙夢白

自旌節使天津也每馳書入都門則未嘗不一  
訊足下眠食安否巨源再入晉而不佞有大行  
之後不得面訊起后旋奏益州之命則倉皇就  
道矣同遊朋好  
歸釣楚澤裝美  
陽客生綰符花縣曩時  
操觚之士止一陟甫留滯侯門耳憶中庭露坐  
刻燭宵吟俛仰之間歲華四易足下今得時行  
道海內才傑俱屬在啓事中為之進退  
有餘艷哉第銓曹禮數崇重平時不敢以隻字  
溷瀆尊嚴恃故人舊誼輒題尺牘一布腹心足  
下其有以教我

朱東器文集卷之三終

朱東器文集卷之四

新淦朱孟震著

武昌吳國倫

新蔡張九一選

箋牘

與蔡伯華

汾上奉手書草草附謝有冠山人來得雲從尺  
牘云足下在長安文酒高會殊無虛日良快哉  
晉陽冗吏日夕對簿書與輿隸伍即口聿聿矣

朱東器文集卷之四

之然在苦海中無能縮咫尺地相與一身愧矣  
馳坂西來幾一年所聞足下腸環之命不勝慰  
躍皇路熙明一時正人君子相繼登進遠人僻  
在萬里不覺生色閨中倡和曾得一二讀之今  
且益富矣儻不吝珠玉擲誨當呼酒浣花溪上  
為少陵誦之老子有靈必為擊節不致落莫楓  
林草閣中矣吏人便聊布區區

又

海內兄弟以文章氣節相砥礪固不乏人若足

下風猷意指如長松聳壑皎月中天令人灑然  
捐其垢滓於渝州得和甫把酒道風昔不覺髮  
指天劍斫地也足下傳經全楚又得和甫相對  
岳陽萬頃吞吐日月酌酒相勞其樂何如有自  
楚來者偶一訊之既為足下快又恨流落遐方  
無從假晨風之翼與二雄鬪峙天固限之哉今  
世談豪舉者比比索其中不足當鷄狗鳴吠若  
足下和甫豈直稱俠蓋玄黃正氣固有所屬弟  
非其人也然慕魏信陵之為人輒欲為之執鞭  
今有二足下何用求之異代乃楚黔相豈把酒  
靡由柰何乎不心折而氣結也使者來誦藻翰  
便如在瀟湘洞庭之上覽近作當與衡岳爭雄  
人間培塿那敢復言高下足下命我哉

與朱方伯

某鄙賤無足數年來幸備執鞭未能少自樹立  
以荅知愛而仰承矜睠踰於骨肉遂使樗散再  
辱除書犬馬之私無所為報而我翁厚德隆施  
愈加無已蓋自離長安而翁憐憐若旦夕視之

也某即木人石心能不知感顧能薄任重致罰  
不已甫抵汾陽曾未二旬山妻一脉遺孤又忽  
天逝十六年伉儷之情所繞偉萬一為慰恃此  
耳而今已矣某即生存人世復何賴哉異鄉數  
千里歸計未成又且有賁捧之役我翁念我其  
何以教之送役留之久矣拈筆作書又以氣結  
而止茲勉勒短狀一申謝私語多不倫伏祈台  
慈俯鑒其不勝仰望之至

與汪子建

莫愁湖上蓮花雙槳蕩樣於綠荷芳藻間取大  
白從大阮醉也蓋九閱秋風矣每一念之宛若  
昨日舍親張水部還寄足下所遺佳冊把誦彌  
日穆矣風生昨人往仲淹令姪處僅僅致一聲  
比王敬美使君來再奉教言情至誼切不佞一  
飯未敢忘鉅鹿惟是簿書之役日夕旁午入秦  
中來連丁骨肉之戚頽然一病夫念海內詞人  
如足下即一傾蓋可白首相投而塵土中不得  
一引青牛之駕則無可柰何已矣敬美使君云

足下今從凌金吾遊燕市酒人故亦不惡昔時  
屠狗其人今尚有似者耶清時無事咏歌太平  
綵筆一揮當使卿雲五色瀾漫日下不作白虹  
連卷風蕭蕭寒易水上矣

與歐楨伯

關中人還得九日和章暨羅封君壽詩字字驪  
珠也不佞某以魚目先之愧欲死矣河華擊柝  
甫踰二年分寸未效殊負干城重寄頃藉寵靈  
復濫汾陽之吹聞命之日殞越不勝又再命之

朱東坡文集卷之四

四

及

人積累深重糟糠之婦以三日前奄逝蓋自入  
關來骨肉之戚合兒女而三矣天涯萬里旅櫬  
何依即擬掛剗神武為死者理窵窵之事而  
國恩未報寸效未訓屬當聞報之初不得遽為  
此舉勉強遣人護婦子西還而身且東渡甫抵  
汾水又有次豚之戚婦子所存一脉亦不能有  
天平不佞愆尤多矣婦子辛勤中饋十有六年  
更無血胤造物者毒之至此其復何能為情乎  
哉身無蒙莊達生之歌又乏東門齊物之見安

仁之髯已星西河之明欲喪足下宏覽朗識其  
何以教之愁中閒除目知已轉南曹揚州東閣  
水部舊遊梅花萬樹欣欣色動矣意干旌且留  
都下敬附竿牘一布縷懷惟宗盟存亮

又

不奉穎色于茲九年足下吏隱秣陵不佞遠宦  
西益闊焉不相聞問乃冥鴻羽翮竟脫虞羅霄  
漢神遊視人間塵滓不知何物蠶叢傲吏直埃  
壚等耳又安能承藉下風足下勤念舊人再枉  
瑤札新詩惠教如吸三危之露啖五色之芝飄  
飄然欲仙矣延望南雲不任馳結

朱東坡文集卷之五

五

與李襲美

舍人還得新詩誦之泠泠白雪自河山來也不  
佞某所投里語不堪奴僕足下得無瓊玖報乎  
薄命積愆株守關城已喪一子一女春二月四  
日糟糠之婦又忽奄逝十六年相從宦轍荼苦  
萬狀乃客死數千里外即蒙莊達者當不能鼓  
丘歌矣三日後又聞汾陽之報某菲劣何所憑

籍不意及此然三喪旅寄欲送不能晉命方新  
又不敢輒為掛剝之舉拊膺長慟進退若鶖觸  
藩愁欲絕矣不得已遣人扶柩西還而勉強抵  
晉無何而山妻一遺孤又忽夭折豈不佞某罪  
罰深重不可解耶何其至此極也數月來沈憂  
如醉長林之思愈深第例當賚捧不敢他辭羈  
紲官途益增惋嘆計七八月間可得一聚首足  
下求故吾於我當不能矣賴伯丈南轉水曹此  
時或未行有一書幸達之如行或為轉致也愁  
中屬使聊此申情聊落之懷不能作一語近刻  
中有送往一篇故是苦語倘憐死者賜一輓章  
耶感感諸不盡布惟台照萬萬

與游太初

舍人還奉手教滿紙又得新詩詠之宛如在浣  
花時舉大白作狂夫態也秦關故不惡大華削  
成四面東望雷首北眺恒山足當壯遊而薄  
命之人以病婦牽愁蓋二年所春二月一病竟  
不可起十六年伉儷之情客死數千里外即鐵

人石心不能堪此况脆如弟者將柰之何遠籍  
寵靈三月後復有汾陽之報不得已遣一力送  
柩還而勉強抵任而一稚子為亡婦遺孤者無  
何夭折將弟罪逆深重致然耶弟今省咎思愆  
悔之不及第日昏昏如在醉夢中當復何心戀  
升斗也秋間例應賚捧又不敢辭今已應承計  
得入都門與足下一握手得便以情達之廟堂  
賜我湖上一曲為婦子裏窀穸之事吾志畢矣  
他復何求來羽之便敬問興居因復塵瀆足下  
其憐之耶別刻中有送往一章得名公賜輓歌  
以光泉壤不勝至幸

又

花鳥浣溪沉酣倡和風塵回首十有六年辛巳  
之秋入賀至都門僅一覩光霽自後奔走印焚  
貴竹之間尋藉范門下尹京兆司銀臺出撫三  
晉於不才叨冒踰溢甚矣卧病南還閉門謝客  
久與故人聞問踈闊翟生來一奉手教無何辱  
專使兼拜翰貺長者存念舊好彌久彌親捧

諷誦涕淚俱下讀佳稿并先隱君集八閩詞賦  
遂為名公橋梓所擅嘻盛矣見懷詩在集中不  
佞弟得附青雲不朽抑何厚幸山城酷暑大異  
往昔病夫日席地而卧擬附一言為謝未能也  
近稿四冊兄談六冊聊代晤言風便不惜德音  
不勝至頌

與陳子楚

自奉丙子書及誦雄篇今幾時矣猶泠泠在耳  
也關吏風塵日事奔走由蜀而汴由汴而秦忽  
不知歲月久近白下一時知舊落星散足下  
持三尺竿釣新林浦何異渭川上人視抱關擊  
柝賤夫蓋不抵一笑矣又河上當孔道而乏知  
交索處經年即有一二同心若助甫本寧二使  
君皆相去數百里每援毫有所撰著若盲人尋  
索岐路倏倏無所之亦何足為故人道也社中  
續稿悔當日不早收之昨幸從黃以藩處索來  
僅僅得其一二又得足下所寄諸篇稍一整頓  
不能成集為作停雲小志今便以上記室知不

佞未敢忘鉅鹿也偶因便羽附此一申起居又  
近稿一冊請正大雅其幸而教之至荷

與姚原白

丙子冬僕夫還自青溪得足下手書循環覽諷  
聊當倚玉又念爾時知舊落落若晨星相望青  
溪之遠令桓生再起一弄之水雲間蓋不勝昔  
遊之感矣不佞戊寅之歲由蜀入梁又由梁入  
陝今於數千里外作關門堠吏碌碌無少建立  
昔時握筆之興十去六七間有所述更無復可  
就正者有一二同志遠在數百里不得朝夕評  
訂當若之何其欲以臻大雅也晨風有便幸不  
吝教之社中續稿向因冗冗未及盡收比領渝  
州符便擔簦西適僅從黃以藩錄得一二關門  
少暇稍一葺理不能成集因作小志一冊以志  
交遊謹以上典記又近稿一冊請正大雅幸以  
大江之水濯其塵滓乃見至愛引楮喋喋不悉  
不倫惟知已亮在

與金在衡



昨歲鄧王孫來奉足下書及柱史入關圖翩然  
紫氣自白下至也不勝大快春來附一楫為謝  
當已違之典記關吏碌碌塵土生計轉粗不復  
能唱渭城矣每對大華三峰便欲短氣足下道  
氣方隆起居康勝援毫擲藻著述日富當不止  
五千言何以示不佞開其茅塞也近稿一冊無  
足掛之齒牙蓋欲請正大方不敢藏拙耳足下  
幸批抹擲之何如其遂以付之醬人也南羽方  
便冗次草草附候興居不能悉惟道亮

朱東畧文集

卷之四

十

又

關門無事長日難消間取康王二公詞游覽以  
適旅况又得周憲王樂府數種頗覺技癢便欲  
效顰又羞溢而止悔曩時不得從門下細請教  
益乃今面墻耳白下近有新製可一示鄙人者  
耶三吳詞客如雲亦復有新刻否無人為致取  
倘可得一二相示否關中伶人有能作敬德不  
伏老者亦復有致弟有其詞而無其調欲一正  
之不可足下曾有舊本否倘可相示耶至懇至

懇

### 與盛文學

曩從尊公遊處刺燭賦詩一別七年遂成千古  
日鄧王孫來知尊公以昨歲棄人間世矣時欲  
作一章為奠又適直指按部倉皇奔走于今一  
年此衷竟莫伸也足下翩翩才藻紹其家學林  
夜為不孤矣弟不能憑几一哭為南州東蜀以  
真可奈何謹因人便附短歌一章韋告之尊公  
之靈知不佞未敢忘交誼也何如引筆氣結不  
知所云道照千萬

朱東畧文集

卷之四

十一

### 寄任少海司直

某竊承天幸猥以簿書之吏再入名邦所冀樞  
侍門墻祇承玄論蓋御李之私無日不往來嘉  
陵山水間也歲華荏苒兩見秋螢職事忤懃竟  
乖夙願門下猶然存其誠悃遠枉手書寵之華  
幣肅使登領感愧不勝金氣漸深玉體強勝良  
慰懇切玄亭撰著菊徑謳吟知盈蓬閣之儲足  
侈名山之藏矣儻亦出其餘緒以開示



乎至望

又

日星使入成都也三復來檄且感且媿兀兀附  
謝不成報章以門下氣味之末即疏節良甚必  
且燭而亮之矣維時菊徑風清蓉江露湛望遠  
紆情登高能賦是在門下第無從縮咫尺地一  
撰龍山之杖柰俗吏何謹勒短狀馳候併陳銘  
鏤之私外拙稿四冊附上台覽倘門下無忘遠  
人錫以一言即九鼎大呂不為重也然豈所敢

望

寄父和甫

叢在秦關足下日往來二華間而不得一握手  
入渝州足下已發矣而得信宿為杯酒歡足下  
忘某之庸劣而引為石交求我於形骸之外蓋  
平生傾蓋相投未有如足下者矣別後抵成都  
作時態向人良不自耐未一月則聞郎君之戚  
不佞某傷於虎者又况同心好我如足下所為  
足下悲痛何可言羣賢彙進世運一昌以足下

鴻碩即當柄樞握符益弘康濟聞足下欲暫駐  
荆南此豈有他意耶足下一出而社稷重輕係  
之不佞第日望足下於雲霄上矣

與郭相奎

夷荒寂寂每得足下一書便把翫彌日以當晤  
對日者箋箋讀上緣以蒙戴煩第循往例申  
布感戰不謂長者勤念再枉瑤函隻字千金承  
賜非細而又捐惠優渥垂情鄭重玦投木報已  
媿非宜而薄往厚來可勝慚荷讀蜀餘錄知足

朱東岩文集卷之五

主

下所以風士者不在馬揚詞藻間然蜀士固多  
奇試讀一卷便覺道勁古雅邃入理奧若傾三  
峽驚濤於分寸之管近來時製雖人握蛇珠第  
詞非不工理非不盡而往往讀之索然氣盡如  
諸子者言人人殊其調古而氣舒理到而趣溢  
若出一手即文園玄閣抽思摘藻奚以加此化  
工造物神異固若是哉敬服敬服義牒以六月  
抵任此君坦衷曠度淵識宏抱無所不令人心  
悅意足第與遊處談論不四五朝而投分若舊

交夙好足下謂意氣中人良非虛語恨遠在數  
百里不能時時促膝如何前者書儀已令吏人  
齎去當有報章也蓉城秋月影入貴陽千里相  
望寸衷莫罄惟足下加愛

又

成都東門之委巷有井焉相傳為武侯所鑿以  
通參井之氣者也有祠焉歲久且圯諸生肄業  
其中編竹為門僅蔽風雨堂之下蒿萊不剪鳥  
鼠糞壤無與掃除弟已受貴陽檄間往視之與

朱東昌文集

卷之四

十四

十

耿使君議欲稍為葺理使君慨然身任其事不  
佞捐俸二十金屬使君為異日圖計今茲事且  
竣使君書來欲得足下雄文以告來者俾無廢  
墜向未之敢請也日見成都諸記載皆出足下  
手筆故敢藉手武侯之靈懇之門下其賜之數  
語為斯舉重即武侯有餘艷焉異日參井之間  
隱隱作紫氣千丈是在足下惟足下實圖利之

答丁右武憲副

不佞弟於門下文章氣節竊願承下風顧在粉

榆風稱塞劣又萍跡東西靡定即欲執鞭左右  
無從也頃門下運籌紆策鞭笞五溪蠻獠湖以  
北帖然向化則稱雄略武陵桃源故神人窟宅  
門下褰帷行部嘯咏山水間則稱仙吏而不佞  
弟伏在夷荒蓬蒿中朝夕瘴霧目不得遠視薄  
牒鬬午神不得靜存益視門下雲壤不啻過之  
矣日遣一介奉書候典記甚愧不腆門下以鄉  
曲未諳存注鄙人履長之前重枉使翰寵以佳  
貺殊方物色恍忽皆春門下之賜我侈矣草率  
勒此申謝

朱東昌文集

卷之四

十五

海

與周國雍

弟某獲以開劣共事三巴四年以來承藉指誨  
感鏤在心媿無以報建越之役養患十年生靈  
膏血塗濡原野督府決災濟師而念無所任者  
乃獨倚臺下為重蓋啟詩悅禮緯武經文惟門  
下兼之自南郊一餞醜虜之魄已褫於枯酒間  
矣至委曲成功指麾決勝藉非門下其何所收  
破竹之效於俄頃哉遠在黔南未遑馳賀日走

一介裁謝而先枉存惠已媿之不勝茲者瑤箋再及不佞弟何以承負厚雅扇頭佳什輝映夷荒把劍長吟覺天風海濤起自據梧隱几當戎馬控矟而佳篇富麗若此采薇六月寧復多讓焉敬服敬服

答邢子愿

汾陽承藉眎感次心骨吳中荒啓聊以引處冉冉年光三易春風矣三南遠吏即連封荆楚而山川險塞雖有晨風之翼猶尚艱之安能肉飛以侍左右乃遙遙雲樹致勤翰使十行在捧光掩南金隻字為恩寵於華繡某也何德蒙戴若斯南樓夜月想像風儀敬因來信拜首陳謝臨楮戀戀不知所云

又

三峰萬竹藻賦如新晉水秦山楚雲巴雨奔走數千里瞬息三四春矣未見君子以日為年捧讀臧遺真如言侍鸚洲鶴渚異代稱才如門下者足可對壘爭雄於千古之上遠吏俚俗不能

左右鞭弭一供筆札藉門下不遐遠之其有以教我乎蜀箋近製日就粗惡不足以布揚仁風承命謹以數握上得在提携儻留懷袖則鄙人至幸也近稿一冊請正大雅其裁正而開示之重有望於門下

奉吳明卿

不佞某僻陋寡聞少遊鄉校則已知門下風槩文章剗冕宇內領介在湖濱麋鹿鷗鳬之與伍即欲擔簦躡屨從門下樞侍末由也既舉于鄉登石鍾山覽誦大篇擊節浩歌五老之雲忽停太湖之波欲立魚龍起舞猿鶴驚飛草木借輝天地改色乃信今代主盟風雅固自有人而未學局於聞見若河伯順流不觀滄海不知天地之大也濫瑟渝州曾一奉手教又以下吏不敢冒昧陳瀆十年來奔走南北益遠門牆俗吏面孔既自可憎下里謳吟更多俚鄙雖神馳景附時切衷懷而地杳人微無從攀附茲來貴陽夷微蠻歌日夕盈耳然昔山川人士曾經門下神

化每於所在仰誦詩板踟躕者久之通者友人傳觀甄新刻讀之繼日以夜山齋蕭索不覺神興飛動嗟乎河清難俟不佞某髣星星垂白矣不於此時求通門下將何所待乃敢齋沐陳布肝膈併所為詩若干卷以代羔鴈門下其與而進之不勝幸甚

又

今海內作者衆矣某所傾心厭服者則以門下天授既全人工復深才情兼擅識度兩高世驚雄健者多揚厲而露圭角門下氣格逾峻而涵蓄逾深工藻麗者多靡艷而傷萎弱門下色澤逾潤而風骨逾蒼高者釣奇詭而趨險僻卑者樂淺近而入鄙俚憲古者字摹而句擬趨時者和光而同塵門下匠意玄遠而屬思冲和取致開明而鑄詞精密師其意不泥其言汰其粗獨采其秀蓋凌薄風雅奴僕梁陳準則六經出入諸子羣才有獨造而門下無偏長百氏多瑕疵而門下為完璧在今之代超絕羣倫自古以來

朱東蓀文集

卷之四

六

七

原本初素至亮節清風雅懷逸韻其於一世所嚮風而企景者固不乏人而在門下則心悅而神馳不啻羹牆夢寐之矣日匆遽遣信實以縣慕有年才一興念便欲飛動又以生平未執羔鴈從弟子列倉皇一札唐突大雅恐門下鄙薄俚野將麾之門牆之外故回翔前却進止趨避隱約嚶嚶不敢剖悉所萬一得通姓名庶幾為異日圖分已足矣乃不自意門下不擇土壤惠然與而進之引下走於唐皇厭遠人以膏馥集字萬金千言連璧使巴歌俚曲增價陽春昔玄晏一敘千載而下知有太冲某非其人也則何以辱鴻筆夫孫陽不失頤於塞驚公般不失躬於社櫟無亦門下擴兼容之弘度大與善之公心施德於鄙人則誠侈矣不佞某何以仰答高厚願貽之世世子孫永以為寶輒用再馳原信陳布感私茵風拜疏不盡銜結

又

某伏跡湖濱少事佔俾癖性苦吟志高才下雖

朱東蓀文集

卷之四

七

稍得於庭訓終竟局於見聞中歲薄遊時從詞  
客商略風雅顧人私其見家擅厥長趣而叩之  
默無應者曾從都下頗事延訪而一時少年狂  
斐不揣分量高自標榜每有篇什輒肆雌黃顛  
倒是非溷淆黑白祇滋強聒無益切磋徐而窺  
其中直敗絮結鴉耳此不堪衙官郊島乃欲攘  
有大雅之壇俯視一代乎其時竊心莞之然秘  
之至今不以告人也宇宙寥廓河清幾時知者  
既自不言言者又復無當千古之業謂欲以寡  
聞淺識玩愒歲月遠追作者必不能矣嘗讀臨  
淄侯與楊德祖書至追嘆敬禮以為美談誠有  
味乎其旨今某之遇門下固千載一日哉蛙蟬  
鳴噪知不足以溷清聽儻獲微福大雅運郢匠  
之風惠然斷削俾知所嚮固所願也惟門下實  
圖利之

與劉士和

文江金水共派同流數十年來靈氣稍闕山川  
失色天啓斯文泰運復振大廷一對乃門下衰

然稱首茲豈惟鄰郡即庾嶺以東廬阜以南承  
藉華耀為艷不淺緣鮑繫汾晉又復浪跡蠶業  
徒抱懸馳未申踴躍惟門下以瑰瑋之才當邇  
隆之際回翔瀛館黼藻皇猷不佞延首錦江想  
望懿烈思飭執鞭奉轡以近光塵殊不可得謹  
勒短狀一布風私仰冀明慈俯垂鑒照

與陳明府

不佞往者受事渝州不得從足下聆大雅之譽  
於於郵亭僧舍竊一觀墨妙輒心艷焉丙子冬  
過邯鄲祠誦壁間大作令人神氣飛動因賦俚  
言繼之然不知洞衡先生即足下也癸未殊道  
貴郡甚幸得一晤因預走一力馳問典記真登  
龍攀塵為十日留乃不知足下以他事出與人  
云足下有名園郭外當得取跡徘徊亭榭間如  
子猷造竹下比其至而三使君有公會無論不  
得見芝眉即謝家山泉卉木未緣一寓目企想  
可知矣遠宦夷荒無復語翰墨事偶從胡司理  
談及之

知先勤速念陽春白雪忽忽從武陵仙境中來  
才一捧檄光恠輝燄良出意外不佞何修而驟  
得此感愧感愧武陵多佳山水足下攬其精華  
托之篇詠藉第令屈宋景唐交和對壘不知鹿  
死誰手矣如不佞者何敢望其下風因司理之  
便敬勒短箋陳其悃素蕪集四冊近稿二冊附  
以求正足下尚規策之幸甚

與袁茂文

犬馬之齒仰承台念寵以藻詞錫之珎貺頌無  
以當也嘉州一水相望盈盈不得捧卮酒以謝  
高誼良媿古人報瓊之意不腆聊代一觴上之  
典記韋鑒入不罪菲屑凌雲草木駸駸春色欲  
上衣袍安得與足下坐咏江門一快心目

又

弟以庸劣仰仗台植免於擯斥方感之衷曲足  
下實政實心聞望久崇當以卓異表著者奉尊  
教何冲度益下乃爾耶敬服敬服上川南印務  
借重雄才事事並迎乃而詳但按臺出稍迫未

免勞台慮耳歲終官評極荷指示感不可言凌  
雲佳茗惠及山齋不待七盞生風一啜便飄飄  
欲仙矣第媿非玉川子無能為賦柰何使旋冗  
冗附此申謝

又

直指駐印諸屬未到足下得無勞慮乎聞竣事  
在此月終不知尚駐嘉州否眉守大木銀分文  
不留作何銷算目今且入首夏起運之木盡作  
子虛烏有乎有司之誤事若此即有百口千文  
移正如風過耳無柰渠何足下何以處之犍為  
賢令尹為刁民告之新直指業行臬司矣川中  
民俗頑梗若此明旨欲處分一二誣者渠尚不  
之忌為人上者不亦難乎撫臺擬後月初三出  
茂州不知決意行否建昌事大可憂足下有何  
策處分便中賜教尤荷諸不悉惟台照

又

足下日從直指聞且有大峨之遊良快也弟不  
得追隨雲巒雪巘間意津津欲動矣督府以十

五出郾灌視師河東諸番已繫頸歸命今計取河西大約功成已有次第因齎文之便附此一陳聞閣諸不盡

寄胡文化

文酒西曹連鑣促膝斷金倚玉為快良多一賦金山便成睽隔今十年所矣昨歲於夔門訊任使君且知佳壘為誦陽臺雲雨之句即飄然飛動故人別後藻思益深乃不肖其猶復吳下蒙也魏郡太秦關不千里足下開府其間大任之

朱東畧文集卷之四

二十四

山若增而重某作關門散吏僕僕迎送抵任來以次兒天折麋鹿之性故在長林重之愁病益倦風塵之遊安得握手足下吐此鬱鬱也昔孔璋之檄能愈頭風子美之歌足驅瘴鬼足下鴻詞逸翰其有以起我乎遠道鄙人日延首俟之矣任使君歸曾具小詩三章并俚刻三冊上之請正不知曾達典記不茲敢再塵清覽倘為刪抹付之郵筒愈于面誨什百當知不吝

與貞吉宗侯

朱文學過黔傳足下書至併佳既之辱美人千里繡段南金不足為喻也佳集勅遊子虛大人之流亞不佞日置案頭時覺有凌雲氣願才謝子長何能作數語附王司寇諸名公之沒恐重負足下委任如何山城僻在荒徼而日有錢穀米鹽之後握管自覺慚縮因循至今屬吏事填委不敢輒汗佛頭且先以此報俟諸冗一洗然後嚙服精華湔滌腸胃勉強課上馬卿故腐毫不佞今捧心而效足下一咲亮之矣

朱東畧文集卷之四

二十五

與灌甫宗正

二十年湖上行吟則聞足下之聲于梁楚間矣昨歲奉命中州甚幸得執鞭珥以從左右乃張中丞亦津津為不佞口之竊意授簡兔園將有日矣不謂微福不終忽有潼關之命神馳汴水心折嵩雲即有嶽蓮十丈仙人掌千尋其誰與把臂馮風為作驚人語也足下主盟風雅某之不佞詎足為有無第嚮往之私不能自己敬鳴之典記假言三冊敢祈教正并以博玉持狹欲著



得無為咲惟足下亮而與其進幸甚

寄子厚宗尉

不佞某遊燕市從襲美得足下數行讀之一字一珠也比入賀復從襲美見足下白水卷遂拔瘥不勝為附二十字知足下延接天下士即不佞紹續繩附不忍以付醬人覆瓿必矣乃足下不遠晉陽數千里貽書助甫并及不佞足下豈魯朱家俠耶其得聲染楚間亦何異也春陵之氣自昔鬱鬱佳哉文林得之以啓中興之業今以其精英秀泚茲為異人昌大騷雅使屈宋馬班綫綫一脉絕而復振於我明文章稱千古獨步意在足下乎助甫向酒問道足下高誼謂過南陽日於朱邸卧中握手足下足下玉體時須藥物顧起色已在眉睫間瓊枝朗然照人左右應接不暇乃以詰朝相見舉白揮毫遂忘夜旦嗟乎恨不使不佞狂生參侍末坐耳然手足下書口足下詩爛然蜀錦琅然金石之奏也豈必接杯酒之餘歡而後為快乎王事驅馳久稽報

謝茲始得以寸楮并詩扇托助甫轉上記室足下倘以意氣許之

荅若訥宗侯

不佞家金川自總角時即恥為經生語稍帖帖取古人詩誦之顧自度才力不前又遠處山中無從叩大雅之門相與印可今所存一二蓋在南曹結社青溪之上操觚濡墨若此也今海內人握靈蛇乃兔園鴻寶之聲尤振起雲漢軼建安而上昨得五峰稿手之不能釋今執事者又投之瓊玖琅琅燁燁何異河上丈人語哉不佞第心惟口諷敬取前一篇和之使旋并以為謝不盡

與楊行可

二十年同門兄弟望若參辰乃於赤壁江頭傾心把酒抑何快也碩旅人無端大費兵厨供具又辱兼金之惠且台節初臨煩勞左右即足下愛弟之情無已如此中黥媿何感謝感謝赤壁勝遊別後尚懸夢寐憶蘓公名人遠宦茲土而



足下繼之千載固自有光而弟叨賓席備江東  
一鶴之列相與翩跹豈不甚幸長途顛頓作三  
日程始抵麻城久稽使者心殊未安謹草率勒  
此附謝外小詩書之扇頭奉博一咲幸便中教  
正萬荷

與黃州陶二守

十年夢寐乃以旅客從江上瞻拜台光已微福  
無量何意明公愛我呼酒徵歌為懼赤壁夜奉  
雅談能使壑蛟起舞江濤欲立即長公有靈雪  
朱東坡文集卷之四  
堂泥坂之神且翩翩愴悅為我輩擊節而喜矣  
不佞某果何脩而得此於臺下執別後顛頓山  
途如乘長風破巨浪播盪於一葉舟中心悸神  
喪抵麻城整息一二日懷明公高誼猶然若叅  
侍左右肩輿中續成小詩書之扇頭敬以請正  
且博一笑不知所云惟長者亮在

與呂督府

臺下清聲雅望騰播海宇某竊仰下風為日久  
矣乃茲三晉借重撫綏以某孱劣得先後為代

真覺糠粃在前矣而臺下念同事之誼特垂盼  
睐即接席交懼曾不幾時而春風和氣藹然四  
座某固有天幸矣別後南指以申刻抵盤陀想  
像丰儀可勝眷戀

又

某學植荒落少從家大人學為古詩詞時復濡  
毫揮楮不自知其不可竊不自意巴里之音謬  
承清覽又辱采葑菲虛懷下訊某即不敏其敢  
藏拙以負深知謹以俚言四冊文稿四冊蕪談  
朱東坡文集卷之四  
五冊因材官以上記室惟進而教之

又

某不敏微天之幸受事晉陽凡七閱月得請而  
南乃又獲借鴻碩如門下為之代自惟糠粃無  
所可用而生平所藉倚者有門下經營指畫裨  
三晉軍民安若衽席某年來注厝乖謬當獲免  
於罪愆則門下之有大造於孱人者蓋一承望  
顏色而心躍然私竊慶忭矣

與吳大參

別來爾許時矣擬歸道汝寧得圖便一晤乃不知相去五百里悵悵而行茲過息國因便附數字相訊前時所印諸書因託敕鄉藍別駕轉致門下山中人與朝市謝絕無復握手之期儻天與良緣門下開府豫章得以野服叩轅門固甚幸也

### 與王行甫

三年之別再奉教言良以為快頃病夫歸思匆迫不能遲信宿以罄所懷別後愴結殊不自任

朱東蓀文集卷之四 三十

月之十八幸抵里中麋鹿之性故在山林得遂所圖悠然適矣故人相望雲樹依依安得手一編與足下共究千古之業

### 與喻邦相

都城一別蓋已丑春三月也青陽啓令四轉條風弟碌碌奔馳未効分寸日以衰病得請而歸却掃閉門何足為道仁兄鴻冥鳳舉敕屣浮榮臨水登山賦詩樂志大為吾黨增色念同升兄弟升沉存歿如仁兄者究名抗節屈指幾人欣

羨欣羨姪子自洪都回稍聞兩院公祖網羅文獻諸藉仁兄采錄者敕郡可十數人念先人居鄉出仕即不得仰希鄉先達曾練金胡諸公然平生著述頗為名公所許至如教睢寧教武昌士子皆有公思而武昌祠之不已又為專祠寧麻陽捍禦逆苗焦勞以死邑人為立懷忠祠業已題請舉行而當事者不以聞之左右弟不佞碌碌不能顯揚先德死且有餘媿用是不慚自薦謹以楚中二紀及所撰著內石城先生所為墓銘敬上典記儻不違葑菲得借鴻筆立一傳文弟世世子孫拜仁兄之賜不啻九鼎大呂之重矣

朱東蓀文集卷之四 三十一

### 與蕭明府

日倉遽過郡中不及期一晤聞翁丈遊情山水寄興篇章心碩艷之卧病齋中閉門謝客乃辱念存遠勤使翰大篇隆貺光寵良多捧誦循環可勝感勒山城苦雨草徑沾濡比得晴明又當溽暑欲圖一晤未能也俟秋涼賤體小安相約

枉里中一話夙昔不盡布

與張公武

備乏晉中竊有天幸獲承教旨頌徵福未幾遂以衰病請告而門下又拜閩中新命矣上黨屬門相去千里未由握手一別至今為歎弟以二月七日得代南歸孟夏中旬始抵里舍廩廩之性故在山林雖夙疾未痊而中懷頗適閉門謝客隱几手書不復知有朝市事矣門下以雄才厚德鎮撫名藩甘雨和風八閩沾被儻不鄙舊遊伏鉞豫章草野故人不勝至願

朱東坡文集卷之四

三

與衛君大

別來不知歲月久近憶南都並馬同曹忽如昨日今二十年矣備員貴省亦已七朞流光冉冉朋舊參辰悵恍何任弟以去歲自晉請告至今春二月得代三月中旬始抵里舍山林之性故自疎散幸遂所安朝市之事不復置之懷抱齒牙間矣兄丈再為蒼生而起出典名邦生平經濟今且暫展非久當建牙秉鉞為同榜光榮况

辱知愛如弟視尋常百倍其為踴躍安能以筆舌罄之因劉山人之便草率附布

賀分守袁公

某不敏奔走風塵竊傾仰山斗久矣茲復徵天幸獲借名碩鉅蒞湖西聞命之日則已延領稱慶乃今旌旄所至父老子弟踴躍道周欣欣相告而某未能簞食壺漿一申迎迓又不能叩首臺階躬陳賀燕慚悚之謂何謹齋沐具勒短狀專力代上不腆篚篚極知塵瀆台重惟門下察其虔而麾入之某亦任祈懇感戴之至

朱東坡文集卷之四

三

奉潘憲副

恭惟門下攬轡龍沙飛旌鷺渚風清列郡澤被羣黎某夙荷眷知欣逢盛美分當肅叩臺階敬陳篚篚少將誠悃頌以犬馬微恙未遂振翅謹齋沐勒狀一布下私不任瞻邇

答陳明府

京都奉別不佞某旋有晉中之命又未幾何而以衰病請比得代則今春二月矣歸來卧疴山

城閉門謝客且一二家僮不給使令竟未能馳  
一械申候乃茲遠承垂念翰使重臨益以雅  
拜手發函寵光殊甚不佞疏節若此而臺下存  
注若此則又幸出望外將何為報哉佳刻程儀  
謹叩首登嘉矣諸附使完上敬以銘心

與張恒卿廣文

先人事重辱留神弟非木石能不銜感茲縣中  
已具文申呈兩院及所司矣中間維持成就惟  
元丈是賴知高誼殷殷不待弟喋瀆也二處志  
書曾已附上其生祠皆先人太後所立弟入官  
後諸公及相知者又廓而大之若睢寧人士去  
思尤切弟以遠不知其如何矣其詳具弟壙記  
中惟采納

奉馬督學

葉爾湖濱數十年來人文未振茲獲徵天幸特  
借大儒為之宗主蓋聞命之日十三郡人士固  
欣欣相慶矣茲喜台節已蒞洪都某不敏竊伏  
山城可勝踴躍頃束以近例不能叩謁臺端一

申燕賀謹齋沐具勒短狀專力代陳不腆篚篚  
聊申區區一念之虔仰祈台慈俯賜鑒納

又

某不肖叨承鴻庇竊附剡裳則以有先人之遺  
教在茲敕鄉人士念其居鄉頗脩身謹行欲為  
立傳併欲呈請臺下附入鄉賢不肖循省再三  
良出望外何敢瀆聞弟不肖未仕以前先人遊  
宦每有去思若武昌郡志麻陽縣志俱載在宦  
蹟今兩處生祠屢為脩葺愈久不忘想臺下微  
顯聞幽不遺葑菲萬一得附敕鄉俎豆之末豈  
惟不肖其竊有餘榮即世世子孫承戴恩光無  
有窮極矣輒復冒昧以聞

答何郡公

葉爾石龍二年以來沾被惠澤四邑士民銜戴  
深厚而某不敏叨承教愛尤出尋常正擬借寇  
期年晉入樞要乃倣福不終忽有閩中之命銓  
曹為地擇人不以鴻碩私一方而江城父老子  
弟延領之望竟無從遂如何卧病山居未能修

候遠承存念使翰飛臨浣手捧誦懷感增至

與鄧勝之

楊意白父母內台邑士大夫之章也昨諸父老以太思碑屬弟誼不敢辭第五年以來遊宦在外湛恩渥澤決于四境者未能一一知其詳計惟兄公習之敬以奉懇望不悉揮汗悉疏以示得不辱諸父老之請則仁兄之賜也敢不九頓以謝

答希斯宗侯

朱東陽文集卷之四

二十六

昨都門奉手書屬冗冗卒爾裁謝未悉所懷旋有晉陽之命無何奔走三關遂滋多口幸藉荏門下得請南歸倦鳥投林政恐不深且靜床頭有書數卷足可自娛少有所適便擊節酣歌不復知天地廣遠即有萬戶侯封吾不與易也酷暑閉門久絕聞問大君子不遺草野遠枉翰使存之寥落之鄉故人高誼有同金石感勒何任向承委纏壽詩序因前者倉卒北行家人檢之笥中比入京兆移銀臺又西入晉走三關候代

祁縣歸而索之竟作烏有先生矣茲欲勉撰數言以復雅命柰不悉纏壽之義得便中擲賜一冊更示以纏壽各義當不敢藏拙

與楊明府

敝邑五年以來蒙老父母深仁渥澤兩膏注固已淪浹心骨矣如其猥以庸劣辱臺下眇昧踰越常格茲聞內台恨不日登使君堂陞以識感勒乃晉歸東以近例不敢肅客又值今歲酷暑父老生平所未遭某日惟席地號呼邇又病痔五日延醫療治差覺少愈而尚妨行坐適辱枉台重不得出候又不得趨謝柰何樓記向未知有台命承諭茫然或病夫風塵奔走倏忽遺忘敬領命俟臺下省歸或可脫稿也據凡疏答不虔仰祈慈宥

朱東陽文集卷之四

二十七

與見甫乾甫

風雨北來道經新息辱玉昆金仲百里銜泥遠相慰勞幸接連日之懽殊快生平之願別來以三月十八抵舍曾附一書送役不知可達記室

否救鄉今歲旱澇相仍遊子歸來無復佳况閉  
門伏枕咄咄書空幸數日新涼謹勒小啓專力  
馳候外小稿餘談請正有大作併乞賜教

壙記

先考文林郎麻陽大尹墨泉府君妣吳孺  
人合葬壙記

先考諱瓚字堯獻姓朱氏別號墨泉臨江新淦  
人自唐宋來世居板埠暨我明革命傳至成憲  
公避人材舉居外家蕭氏遂為河埠始祖曾祖  
諱顯隆祖妣周氏祖諱朴字熙純妣蕭氏兄弟  
三人府君其仲子也初與伯堯民季堯夫同居  
孝友財利一無所私伯季早卒諸子依焉婚娶  
衣食皆資給之府君生而穎異六齡即善對八  
齡即能詩然若不瞻十六七始勵志業儒詣安  
成都御史弓岡周公洗馬東廓鄒公門授春秋  
迨冠益精舉子業尤邃於古文詞甲午遂魁西  
江乙未上春官不第以親老授睢寧教諭其俗  
野士皆任質而少文府君敦崇禮教雅尚文物  
雖士彬彬向學任四年大母蕭孺人卒府君奔  
哀事雖之士不忍捨去皆哭送於直河有相隨  
至南畿者提學御史午山馮公尋薦於朝服除

任武昌士沿江左餘習多尚文府君因返之以  
質士始歛華就實然自丙子至癸卯三十年科  
第鮮人府君喟曰此儒教疎闊非士之罪也請  
于有司建號舍處諸生親為講誦課以文評隲  
高下士皆激昂奮發人文煥然興矣又慮學宮  
風氣不足非培植不可乃捐俸為士民倡民惟  
趨之即菜傭擔夫爭出錢為助乃舉耆民之有  
德者司其出納而日與鄉士夫廉憲壽泉孟公  
輩董其課程築堤捍湖水堤長數十丈士民誌  
其績名曰朱公堤建石塔於左以象文筆建東  
皋祠祀文昌武安以敬西山於是川岳效靈是  
歲癸卯有熊君桴者領鄉薦丁未登進士第自  
後李君緒壽泉公之子倣以次彙進振作之功  
大矣任武昌二年教化益行當事者嘉其賢至  
有司之事皆命兼之府君不可則又僉以為廉  
癸卯夏教授應天武昌之士遠餞巴河之濱仍  
肖像文昌之側以永思慕至應天歲屬賓興居  
無何陝西以主考聘公得魁雷君桂所取七人

悉與監臨殷公合人脈其鑑十月陞山東城武  
尹公未歸迫歸而大父捐館矣府君一歲二遷  
人咸以為喜府君曰吾所以為升斗祿者為親  
也親歿矣吾茲何賴蒞喪而貧不能歸人咸以  
為憂府君曰貧者士之常也使吾積貲以為父  
母辱又焉用之於是居家讀禮日以問學程督  
不肖輩盛暑登樓著麟經義筆不輟也每與異  
孺人教之曰吾晚而成名二親不終吾養也吾  
為思慕懷矣汝輩可不早自奮勵免後日之悔  
乎服除授麻陽尹值逆苗構亂麻之民受荼毒  
無虛日比至未三月苗掠譚家寨府君督鄉兵  
禦之獲其醜一斬首二不越月苗攻小坡府君  
出兵援之小坡兵始有鬪志與戰殺傷無算苗  
乃遠遁先時苗出鄉邑更三四年官兵莫敢加  
一矢自府君至而苗勢屢蹙間遣奸細悉就我  
擒民於是始得休息督府右溪姜公即欲上其  
功未幾姜公被論去功格不賞居麻八年有欲  
遷府君一官者當道曰此地非此尹不可即此

尹去誰與守麻久兵夫馬餽餉不絕府君悉心力勉之五鼓輒放衙休衙夜二鼓矣竟坐是勞瘁求去不得壬子冬吳孺人卒府君哭之慟不肖往省于麻則頽色槁神氣耗矣癸丑四月疾官有稽查者至醫謂府君不可風府君奮曰彼不知吾病實至而主不迎是為慢也彼無所加我則必毒吾民吾寧惜吾身而毒吾民力疾具衣剝迎之拜揖既勞寒邪中虛歸即不可起矣先時總督竹墟屠公檄有司建策平苗府君上

朱東畧文集卷之四

四十二

四事其一以土兵打手利害非切身不若民自為戰以保其室家而捍其耕耘則其戰力而守固屠公可其議府君方欲斟酌其無病於民者而行之以疾不果矣將卒誦蘓子美蟬蛻楊花之詩指匣劍而顧不肖曰兒善佩之神色自若奄然長逝嗚呼痛哉府君德備孝友學貫天人試文而擢西江之魁奉親而極南北之養司教而士有餘思司牧而民有餘愛守土而盜有餘畏病而不忘乎民死而不亂其素建大策而不

終試人有餘悲才大而用不敷功高而賞不及人有餘憾孺人姓吳氏吳坊皆蓋翁之女翁二十而卒外母魯孺人鞠為長適府君婦事克脩府君貧授徒以養孺人竭力奉薪水先大母嘗患癰瘍醫藥弗效孺人調治吮洗夜不解帶者一月大母竟愈用是見稱於人人府君未仕孺人不色愠既仕不色喜隨宦雖寧大母卒孺人相府君扶櫬歸宦應天太父疾府君出典文衡孺人躬視湯藥不懈疾革無以飲出資粧命諸生經理之一如禮制縉紳來吊者莫不曰賢婦

朱東畧文集

卷之四

四十三

賢婦府君尹麻陽孺人亦同行時兵亂府君作與存樓為死守計而囑孺人曰吾奉命守此土即不幸吾當與斯城為存亡矣汝其可以先人之胤盡委鋒鏑乎強孺人挈諸子歸不得已從之歸三年而遘疾越七月而告終孺人既終府君惘然若失竟以憂卒后孺人甫十月嗚呼痛哉孺人讀書知大義讀列傳見古今賢婦必喟喟稱嘆欲效其為人每夜坐不肖輩侍立必詳



其平生勤苦嘗曰汝輩味肥甘而吾少不給一  
粥汝輩衣輕暖而吾少不給一衣吾盛夏無以  
沐則取水向日以代薪冬甚寒紡績則負暄然  
吾自甘之不欲使汝父聞之也而又苦無子今  
行年五十夫仕子成吾生幸矣嗚呼痛哉孺人  
生逸不償勞樂不稱苦壽不滿其德卒之日人  
莫不哀之府君生弘治乙卯六月二十四日卒  
嘉靖癸丑六月十四日孺人生弘治戊午閏十  
一月二十九日卒嘉靖壬子十月初二日有子  
三人長孟震娶金灘盧氏次仲震娶呂洲謝氏  
次季震聘西館王氏女二長淋惠適輞坊曾燦  
次身秀適西門陳廷烜男孫女孫府  
君享年五十有九孺人享年五十有五論齒未  
甚乘也有百歲者而府君孺人半之人有令  
子顯親揚名者而不肖輩尚滯儒服未展一日  
之養悠悠蒼天痛哭何及乎虹沙之陽龜筮襲  
言敬以今乙卯六月之吉奉柩即其地合葬焉  
首趾趾丙永為宅兆仍恐懿德幽行將後莫聞

謹述其槩納之玄局且紀歲月尚俟請于立言  
君子銘諸不朽云

### 行狀

#### 亡妻黃宜人行狀

嗚呼宜人之繼余室也于今十又六年矣孟震  
二年而與同貧賤十又四年而相從宦邸蓋至  
潼天二子女二年而憂思以疾疾而瘡甚痛楚  
動勦者幾一年展轉支吾窮日夕不寐強自調  
攝以冀一生而竟不起也又遠在三千里外卒  
三日後孟震復有汾州之命欲扶櫬以歸而又  
不得也嗚呼痛哉卒之前一月涕泣而握余手  
曰妾即不幸死諸無所異惟為我作一銘勒之  
地下死如有知其庶幾賴以不朽嗚呼痛哉余  
於文初無所解然竊有天幸今者得從大君子  
遊處輒敢憑恃末誼牧淚述其瑣細與所以可  
憐之狀惟大君子矜憫焉而賜之一言即孟震  
殞首亦且藉以不朽宜人姓黃氏父忠州公諱  
器重世為清江東里人娶陳氏故南司教靈齋

陳公嫡孫女也陳公清貞亮直功在邊鄙海內士大夫至今稱之有子十人困踣者居九乃門楣之盛獨優於其族若憲使徐君雲程侍御晏君士翹暨忠州公皆陳婿也人咸謂公報宜人

朱東蓀文集

卷之四

四十六

之生蓋出陳夫人陳夫人未舉宜人也大父父昌公年九十昔昔夢庭開紅白二花而紅最鮮澤陳夫人顯焉因為忠州公曰新婦且誕庶幾得佳兒耶比誕忠州公夢偉丈夫朱衣而冠立庭際因字之曰朱英云宜人生在兄弟中獨慧弱即喜為女紅諸有精而巧者見輒效之至忘寢食必似乃已少從女師讀頗了大義案常置一書女紅暇必就觀之不少輟也然不欲聞於人陳夫人壽有舉孟光事以祝者而誤其字宜人謂陳夫人曰是字德耀者豈其誤耶諸兄弟聞之始謂宜人學少與女兄居雖異母然友愛獨至比其適也為之涕泣不食者數日忠州公強起解之然猶時時遣女奴問候不絕忠州公採大木酉陽山中四年得脾疾夜四五起宜人

恒掖持之每有呼未嘗不應聲至也忠州公竟不起宜人哀毀骨立歲忌日輒仰天長號涕泗汎瀾不止陳夫人病瘡劇旦晚視湯藥拊摩吮洗身自為之不以委羣婢以故陳夫人尤愛憐之即一卧起一食飲非宜人在意不遑也忠州公存日每謂宜人類已思欲擇名士為婿時忠有善相人者二人咸白忠州公曰是閨秀也然無日者以繼室歸忠州公叱之去比忠州公卒陳夫人擇婿數年竟偃蹇無所就屬廬宜人卒

朱東蓀文集

卷之四

四十七

余託侍御同年朱君父卿往求婿焉時議婚者房午陳夫人獨舉孟震謂宜人曰是非而父所稱善人子耶蓋戊午賢書至忠州忠州公見孟震名謂陳夫人曰是必某子某善人也宜有後是子也將必為名公顯人時宜人侍立聞之故陳夫人舉以告意屬孟震也丙寅冬十月遂歸孟震宜人家故饒於財又陳夫人愛女孟震慮且驕貴心稍難之宜人顧婉順下氣愉色所以承奉者無不至恒恐不一當也余讀書至夜分

則篝燈為女紅以侍必余寢然後止居常取布  
衣服之即飯蔬糲未嘗不饜也余自外還則手  
杯茗以迎夜余寢床簣衾褥親拂拭之余顧余  
侍婢代焉不為止也歲丁卯當計偕省故事舉  
子歲給路費銀若干諸舉子每預領為行計屬  
余二弟乏挈以助之比行而橐中裝罄矣將謨  
貸之人宜人曰十年舉子仰面于人必無應者  
妾幸有簪珥在計足充道里費妾且忍數月飢  
捷書至當不至窮餓死矣比余行宜人與妾李

朱東坡文集卷之四

四十八

處一室蕭然自得即陳夫人處不以貧故干之  
兒應文尚幼保抱愛護踰於所生戊辰余事成  
進士是歲六月舉一子余授南比部尚書郎宜  
人乃就余官舍比部故稱冷曹然諸曹郎情誼  
視他曹碩獨厚每公事畢輒相與賦詩酌酒為  
歡甚洽也余旦而入晚而出暇則從騷墨之士  
評較文藝每苦不給宜人竭力營之嘗顧余笑  
曰郎今尚作博士弟子耶歲庚午又舉一子已  
何相繼天宜人慟甚感竒疾體浮腫如鰓至踵

矣醫謂不可為一日夜中體忽作熱良不可任  
比明瘳矣又病胃不食將一月計且殆余偶取  
一棗啖之自是食如故竟不知所從治也歲壬  
申舉一女不數日天宜人益傷為癸酉復舉一  
女然屢遭傷苦無乳余為呼乳媪至輒棄去適  
二婢子方有乳宜人整令乳之二婢子咸有後  
言至不可聞宜人故若弗聞者人各取衣一與  
之令且乳而檢方書通乳者百計服之竟得乳  
宜人外雖柔婉而中情甚剛然又能忍自初舉

朱東坡文集卷之四

四十九

子病也輒呼乳媪輒棄去即其人不安或索美  
衣食皆曲意應之初不使余聞即辭色不少露  
比聞二婢子言也自念曰若遂發之必將受楚  
撻是以兒故累彼也吾為吾兒隱之曹有大獄  
余當會勘乃杜門謝客每余出宜人戒飾諸僕  
門荷鑰數重俾不得與外接幾半年事竟諸曹  
郎俱以誑誤去余獨幸免宜人與有力焉甲戌  
余出守渝州渝大郡故繁不易治又方忤上官  
意悒悒不自得欲拂衣去宜人曰二十年牛衣

欲泣今至是乃以不忍棄之棄之何名彼跨  
下俛出者非夫耶余乃恬然久益習之矣歲丙  
子復舉一子戊寅余稍遷河南憲副已復調潼  
關地苦寒冬又大雪宜人携二稚子從泥塗走  
千里神益勞瘁比至潼兒岷病痘十日夫已士  
宜病痘又十日夫宜人泣而暈者數四余亦頭  
岑岑眩矣醫百方療之不愈恍惚間見婦而青  
衣者持盃水授之曰此木香湯而病緣氣必服  
此乃可宜人受之纔入口覺胃膈稍快比醒口  
猶作木香氣尋問醫取木香服之良愈然食飲  
漸損精力日衰愈不任勞已卯七月舉一子屬  
歲早余齋宿以禱宜人從余蔬食且半月偶病  
齒醫以涼劑投之脾愈弱不食又因兒生追念  
亡者氣轉迫自是恒苦脾弱歲庚辰四月亡女  
子誕日宜人哭之恟遂得彊項疾秘不以告至  
六月余項偶彊呼醫治之宜人始為余言醫投  
以藥尋覺胃背以上痰氣壅結如石痛不可過  
亡何項右生一瘻覺愈強不復能轉動八月胃

忽起一核十月又一核起堅如石而且痛醫以  
瘻治之至十一月一核潰初瘻之將潰也巡茶直  
指李公達至余送至蒲城宜人恐滯余行雖甚  
痛猶強忍治行比潰恐余且還秘不以報潰三  
日而暈家人乃飛書報余余寓蒲蓋十日矣余  
亟歸令醫省視猶強忍作無事狀余將上長安  
又強為余治行亡何再暈醫仍以涼劑投之時  
已內虛又兒方乳乳輒覺體寒又強忍必俟兒  
乳畢乃輟凡半月體亦不自任乃易醫治之投  
以補劑初覺稍可然久病羸又強起行坐如  
常醫不時至漸以疲耗頭項愈強遍體作痛夜  
展轉不能寐又恐余驚也強忍之不欲作呻吟  
聲比醫至愈益不任矣嗚呼痛哉宜人孝友慈  
愛蓋其天性自兒時聞忠州公事文昌公與母  
夫人心竊記之比為余言縷縷如見言輒哽咽  
不勝情陳夫人病目也遠不得一視有醫藥必  
多方求之每遣一信往揮涕送之家人來詢予  
安又復涕不止既歸余時從族諸老媪問先大

夫與先宜人時事嘗謂余曰舅性慈孝事大父母死生無間盧宜人初適郎為囑姑曰善視之渠父母止一女即有過姑善導喻毋遽笞詈為也姑又慈每為盧宜人掩覆常恐郎知妾今繼為新婦恨不及見之也又言大母蕭孺人中歲與大父異居飲食甚薄先宜人苦貧日不給一飧然於妯娌間得佳果餌必携歸以奉大母腹故枵然不自顧也又云大宜人賢孝天道果有知也當必得賢新婦乃今有不然者妾又不追

朱東陽文集

卷之四

五十二

事今即得佳飲食上几筵晚矣悲夫歲庚午余病瘵幾殆宜人割股肉投藥中余不知也已見手痕恠之從藥中得所投肉余持而泣余幸痊今十年矣嗟乎宜人顧先余而逝耶卒之前一日呼兒武至抱置膝上撫摩良久微笑付乳母去又呼乳母曰汝強為我保護數日我得愈必重報汝呼侍婢桂曰汝早晚為我辛勤我有某衣儻愈當給爾又問郎卧處有風不夜三鼓忽思粥食婢以粥進食之甚甘又問婢爾欲睡否

妣曰否復呼至前款語移時五鼓瘵嗽復作余從外入視急呼粥連進二甌瘵格格有聲兒應文入視猶呼婢取果啖兒又曰初七日兒生辰也須祭先祖語畢覺氣息稍微猶呼兒為我禱天地已目瞑矣嗚呼痛哉宜人生嘉靖戊申五月初七日辰時卒萬曆辛巳二月初四日辰時享年三十有四以

山

向子一應文娶本縣上蓋東陽縣

丞姚陟女妾李出宜人卒時遺所生孤武壽尚

乳哺意天果憐宜人耶幸兒稍成立能奉盃酒

灑丘墓間余頌畢矣迺余來汾州又以四月十

九日大嗚呼痛哉九地之魄筑然何依所待名

公一言輒再揮涕叩首以請伏祈裁擇孟震不

勝仰戴之至

朱東陽文集

卷之四

五十三

墓誌銘

明朗泉簡君傳孺人夫婦合葬誌銘

朗泉簡君卒葬之二十年朱子始識其季子定芳又四年季子館于朱子官舍蓋其配傳孺人

年八十有二矣季子歲冬一歸省比春復來以  
為常歲壬申季子忽心動祈歸甚切朱子贈之  
行明年萬曆癸酉正月五日則孺人逝矣先時  
季子間就朱子述君行誼輒悲不自勝風雨暑  
寒輒懷孺人不置每南向望白雲目不移睫也  
當壬申歸時孺人逾益健季子喜甚具甘旨上  
卮酒為壽幾二十日比歲朝孺人卧不受賀至  
四日疾疾一日而卒季子慟心殯首與二兄謨  
以是歲冬合葬于君之兆乃奉鄉進士高安傳  
君所為君狀并自為孺人狀來見朱子且泣且  
訴曰先人之卒不肖輩不能請銘于夫人君子  
茲先孺人卒不肖輩奉教門下惟是窵窵之事  
敢藉一語為世世重嗚呼孝哉季子朱子即不  
佞其寧已于言謹按狀君姓簡氏諱彥字尚通  
別號朗泉先世居筠之白沙後徙新喻排江里  
高祖紀南舉人材為浙龍泉丞曾祖仲淵祖顯  
衡父應異母習氏以弘治壬子正月廿日寔生  
君君生稟和夷負器宏遠自兒時已然里之人

多服賈或諷應異君令君就賈君請曰賈者富  
利儒者富義舍義而利是圖非兒額也應異君  
然之君益淬勵專心易學以其閒閑及諸子寒  
暑晝夜無有厭倦年二十游郡庠試輒高等一  
時與君同學者若兄州太守成齋公姪兵部侍  
郎一溪公皆先後陟華要乃君竟不遇然自視  
泊如應異君客死滇南君仰天號頓匍匐數千  
里奉柩還既襄事益刻勵向學以易授三子遠  
近學徒聞風來者履滿戶外年五十將以歲資  
入貢屬習孺人卒竟以氣毀搆心疾不克就逾  
十年以嘉靖壬子十二月十四日卒君雅尚儉  
素惡衣糲食澹如也至祭祀賓客必致腆潔與  
人交坦然無所忤尊卑少長一遇以禮其貧且  
弱者尤矜恤加之即有語相侵者置不校其言  
呐呐若不出諸口而宗族鄉黨咸孚無間云孺  
人姓傅氏清江二都高嶺傳某女母某氏生孺  
人於弘治己酉十月廿三日幼即寡言咲聞女  
紅履終歲未嘗一出外戶長益愉婉恭父母命

年十九歸君君補郡庠恒外出肄業又苦多病孺人侍姑習孺人相得懽甚君有疾夜不解衣帶應巽君將之滇也欲以商筭授一擲乃竭貲以行孺人悉奉奩中具佐之然竟不得志以殁君弱齡抱疴痛幾絕孺人內茹哀外為好言解喻君萬里迎柩習孺人乳然立日夕悲甚孺人復委曲勸慰習孺人得無他然家愈貧日夕躬紡織以養夜漏五鼓始就寢既舉諸子女習孺人年益邁家政益繁孺人優游暇裕若有餘力

朱東畧文集卷之四

五十六

生五昌祚郡庠生守愚生孫女一守範生嫁鵠山黃某曾孫五尚幼君以嘉靖癸丑正月十六日葬高安十五都矩塘山首丙趾壬孺人以萬曆癸酉十二月廿六日合葬蓋相去二十有一年矣而後同穴朱子曰以余觀朗泉君夫婦者豈不稱良士賢母哉夫士處環堵之室抱一經握寸管窮年自守然其究率能龍變鳳舉乘風雲之會聲光施一時功業照後世君其他厚德無論論其學邃矣同時業者固不紆紫垂青至

朱東畧文集卷之四

五十七



顯庸豈其嗇之俾後者豐矩塘之原玄局奕奕  
後有豐者視茲銘石

盧母曾孺人墓誌銘

隆慶庚午某月日盧母曾孺人卒萬曆癸酉卜  
葬有日先期嗣子思明奉其柩守齋文學狀走  
千里請銘盧故金灘望族族齒蕃甚余外父樸  
軒先生者年最高世次最後故盧之門即童子  
皆余丈人行也皆得登堂拜其母乃獨不得見  
孺人先宜人在室迨侍諸母為余言甚悉乃獨  
不得詳於孺人獨守齋君狀耳君有云木生于  
山採之者大匠知之者山人嗟乎余安敢望大  
匠哉碩信于守齋君之言則又感先宜人而重  
思明之請也乃為之銘按狀孺人姓曾氏諱泚  
媛同邑輞坊曾錫瑞女母傅氏孺人生甚慧知  
書史尤精女紅幼寡言咲善適父母意未嘗忤  
於人年十八歸楊菴君君自邑庠入甯監遠客  
維揚孺人寔左右相之每賓友往來履滿戶外  
孺人躬入中庖潔尊俎酒醬餽餼不豐不約下

朱東蓀集卷之四

五十八

逮奴馬芻飯咸得其宜即甚寒暑不慘楊菴君  
是以得盡交海內之士裴孺人在堂楊菴君念  
欲歸省孺人最以義為買妾邸舍以身歸事裴  
孺人婦姑歡然忘其子之出也裴孺人以壽終  
孺人始親內政家故饒食指恒滿百孺人率以  
儉戒飾內外家庭肅然鄉人以匱乏告恒調之  
不厭里閭德之楊菴君中歲失明疽發背危甚  
孺人問醫調藥日夕為好言慰解楊菴君以安  
又十餘年卒卒之日嘆曰微賢內吾不有今日  
矣吾以有今日也誰則致之賴天留賢內以主  
吾家性甚慈雖愛諸子甚然不以姑息替之學  
俾遠就外傳子以有成諸孫襁褓撫育周至下  
逮僮僕俱有恩云孺人生弘治甲子四月廿八  
日距隆慶庚午享年六十有七子二人長汝懋  
字思德娶工部正郎立齋曾公女繼萬石洲廖  
肇璽女繼姜黃李惟孝女次汝誠字思明邑庠  
生娶刑部正郎定軒錢公女繼城上曹勁女女  
二長懿順適易墟易尚賓次懿靜適萬石洲廖

朱東蓀集卷之四

五十九



煜孫男三長伯梧娶萬石洲廖克正女次伯桂娶珠溪劉格女次伯李幼孫女六長適輞坊曹薦本餘俱幼楊菴君先孺人八年卒葬新喻縣十六都八圖櫟湖之原首壬趾丙虛右以待孺人乃今萬曆癸酉十二月初二日始奉孺人合葬嗚呼若孺人者可不謂賢哉夫姑以婦養夫以內助子以母成三者蓋自昔美之然不可無得若守齋君所言則孺人者蓋悉兼之矣守齋君既以狀來則又諄諄焉以影圖欺罔為言曰

朱東書文集

卷之四

李

誤大匠之明非山人所自信也吁然哉宜思明輕千里而重予言也雖然余豈足為孺人重耶銘曰櫟湖之原有丘嶽嶽誰其宅之曰惟大學同穴之誼噫惟恭人惟賢惟德以返其真我惟銘之以告千世惟盧子孫永保無替

明封孺人胡母劉氏墓誌銘

故大理正卿練溪胡先生卒葬之明年配孺人劉氏卒先生弟仁發卜以某月某日合葬于先生之兆先時孺人弟興寧令謙夫狀先生行請

銘於方伯敬所王公至是仁發復持孺人狀謁余特銘之謹按狀孺人姓劉氏諱玉貞淦西灣頭劉寒松翁之女世與胡同里俱以積善聞初未通婚姻孺人幼端敏翁奇之曰是必作名公卿婦及邂逅練溪先生翁益奇之曰是必作名公卿於是許以孺人為先生婦年十六遂歸先生事遠山翁教孺人克盡婦道妯娌子姓下連滅獲比胡氏大小皆得其歡心先生丁酉領鄉薦戊戌登進士第由臨海令累遷大理正卿卓有令譽孺人實先後相之先生自入仕恒嚮意乞休教孺人服闋起南光祿卿孺人不為喜既獲請則色怡怡為先生理家政先生是以得放意山水日與親識燕遊聲所歡先生間婚聘其族之未室者禮儀豐腆悉惟孺人諸所酢問卒先意致之先生益恬無內顧憂先生久無嗣孺人屢為置側室竟不可得則襁褓其叔氏之子曰依伯者鞠之如所生依伯少病疹孺人不解帶者廿餘夕既又為聘都水郎立齋曾公女

朱東書文集

卷之四

又六十

依伯長亦忘其非所生體素不任勞然不以貴故自矜重自先生營室邑城恒夙夜躬婢僕事竟以是致瘁未幾何先生卒哭不絕聲者三月遂得疾瀕危前五日請于遠山翁曰兒不幸得疾醫弗效知不可為矣惟是送終之事不能代炸庶效萬一死且有遺恨呼妾瞿氏曰瞿善撫我孤語仁哉曰非吾一門夫婦繼歿今年大比萬無戰勝理惟是老親在堂諸少失學敢以煩又進諸弟曰弟我無子汝歲歲寒食其為我掃丘墓越五日卒先是遠山翁年且髦先生為具一棺費頗侈及先生病起倉卒諸無所措遺命棺無用遠山翁迨卒翁堅用之孺人不敢違吊客未罷則出所愛奩中金覓以償人以此益知孺人孝且賢孺人幼讀書一年輒能誦孝經小學曹大家論語劉向列傳房及稗官小說往往摘書中語論世事嘗於日中觀先生所曝交遊箋品其詞語藻謬情相與真偽驗之良然人謂孺人孝且賢亦或由識云孺人生正德戊寅十

朱東畬文集卷之四

空

月初七日某時歿嘉靖辛酉五月初一日戌時享年四十有四以今年某月日合葬本里陂頭之原先是九廟成覃恩以先生貴封孺人嗟乎余嘗讀史傳見古今賢婦輒嘆不容口孺人行若是固昔所嘆者不覩謙夫狀烏知世有孺人哉天下事有不偶者自練溪先生起北坑而淦之文物為之一振迺又以孺人配且同里豈山川靈秀萃是歟將先世積慶然歟孺人相先生以顯人人榮之矣貴其身不蕃其後豐其德不多其壽未半載而相繼以殞謂天道福善然歟然孝敬著于家人懿德昭于鄉里宗祀之托付之猶子嘔血以從夫君死不亂其素侃侃然烈丈夫若孺人者可無憾矣謙夫曰野饁之敬逮火之節微仲尼左氏誰則知之嗚呼孺人者真無媿二婦余小子敢竊附春秋之義哉銘曰綿綿西山鳳落于濤孕于泐媛作配胡公鸞聲雍雍光承帝封誰謂非壽之死從夫令聞不朽誰謂非嗣猶子停停爰續千祀陂頭之阡閔玉

朱東畬文集卷之四

六十三

掩荃於萬斯年

明處士九峰鄒先生墓誌銘

嗚呼余銘九峰先生墓蓋諾之十有四年矣頃先生之孫懋昭書來促之始得其壙中記讀焉嗚呼先生蓋古厚德君子余其忍負懋昭之請哉先生姓鄒諱深字維淵行字三別號九峰世居淦之塔峰里為宋銀青光祿大夫望龍之後五葉孫父照徙于塔傳十六葉曾祖雅正祖志周父廷偉母吳氏生先生于成化丙午四月十七先生生而穎異性剛直早治詩遊邑庠後之安成受春秋於趙司空窮探苦繹卒領其旨督學范公試士首列先生召之坐講經義且欲奪一生廩與之先生以義辭試五科不第遂杜門不復干仕進正德辛未流寇壓境先生侍廷偉公避山中賊得廷偉公乃加其頸先生負金入營求以身代賊服其義竟兩釋之督學崆峒李先生聞之大加賞嘆士大夫詩歌其事無慮數十百廷偉公卒事吳孺人益謹與仲維源共理

朱東畧文集卷之四

六十三

家政出納以公自壯至老愛敬不替先大夫與

吉水謝應嶽宋黻二公並於先生為莫逆交命

其子杲受春秋于先大夫遂以春秋名吾淦諸

孫長皆命之學諸孫感激亦爭奮勵云嘉靖戊

午五月十八日以疾卒距其生之年壽七十有

三娶傅氏為黃富傳可立之女繼傅氏大坡

之女子一杲黃富傳出娶紫蓋姚凌秀女女

二長適江墟邑掾江經次適佩貝庠生謝澄孫

二耿娶履湖張可昭女琰娶長輝廖三尹克昇

女卒之三年庚申歲臘月二十日葬峽江東二

都六七圖善竹墓首西趾卯嗚呼先生績學待

用竟不得一第命矣彼崔葦探丸之徒日殺不

辜非可以仁義說也廷偉公死間一髮乃先生

入虎穴竟完其親以歸并完其身抑其誠能動

天天默相之也壽七十在古曰希先生可無憾

矣為之銘曰善竹之岡有形如犀鍾靈表異負

山之西誰其穴之天俾吉士俾鄒之宗以永福

祉在昔庠校考惟慕親虎尾載履遑恤厥身子

朱東畧文集卷之四

六十四

往父歸求仁而得彼盜何知惟天佑德生佑其  
躬死完其穴恢恢彼天陽施陰設我銘斯章以  
告來世尚千萬年永永勿替

贈廣西道監察御史仕彥朱公配太孺人

張氏墓誌銘

太孺人姓張氏前廣西道監察御史朱璉母也  
初璉舉江西戊午鄉試孟震寔同升為始登堂  
拜母太孺人練裳肅容已乃入中庖具酒饌為  
款甚旨也隆慶辛未璉舉進士令崇安歲丁丑

朱秉堯文集

卷之四

六五

孟震以重慶守入計歸郡璉亦以令至又登堂  
拜母穎欣然渥也又十三年為萬曆己丑孟震  
以黔南左轄入計歸又登堂拜母太孺人色澤  
猶昔也而步履稍艱二侍女掖而出又五月則  
璉以訃來告矣歲庚寅十又二月璉卜葬于清  
江孔埠走書孟震謂孟震年家子習知太孺人  
宜有言孟震誼不得辭於是按璉所為狀則誌  
而銘之曰太孺人姓張氏諱妙乾生弘治乙丑  
八月十八日年二十一歸贈侍御仕彥公是歲

生子仁卿初侍御公父廷翰母劉孺人生二子  
長仕榮次即公乃二老人養太孺人佐侍御公  
獨任之廷翰公精禪理終歲不下牀簀太孺人  
日具滷髓為養衣服浣潔必以其時廷翰公甚  
適也年七十有七生平至日申則斷食是日申  
呼太孺人速具食飽坐而化劉孺人善病太  
孺人日以甘旨奉至年八十一卒蓋二老人襄  
事太孺人佐侍御公獨舉之不以煩伯氏姻族  
稱子婦孝者必曰侍御公劉孺人云侍御公商  
於素僑居彬江自太孺人歸紡績孳蓄皆以身  
任晨起督諸僕走村墟營什一利夜則計多寡  
盈縮鮮一刻之暇每客至酌等殺為豐儉客靡  
不厭饫侍御公第訓酢談笑不復問其他侍御  
公嘗患疾甚劇太孺人日夕走遠近求神問藥  
迄無所驗中夜掖侍御公坐公稍睡太孺人忽  
見金色蓮一朵光滿一室疑為祟急呼公告以  
狀公曰非祟也汝日叩拜觀音大士乃今感格  
耳汝試觀大士座乎太孺人往觀之果如所見

朱秉堯文集

卷之四

六六

但鮮舊不同耳乃叩拜大士許持長齋延公壽  
三日後遂瘳他日侍御公疽發於背醫以為殆  
太孺人日夜叩首佛前血出不已一夕夢行至  
市後見對溪一道人巾帶扶踈傍一人指云此  
張齋公也能愈汝夫往拜求之即起矣晨命僕  
人物色之至夜無所遇有鄉人來候疾夜延之  
宿乃談頭張木葉敷瘡立効惟市後對溪江上  
有之急令僕人往求即夢中所見張道人處也  
枝葉扶踈宛如巾帶之狀作膏敷之旬日果愈  
其善念通於神明類若此歲丁亥生女全秀乙  
未生璉太孺人以長齋無乳侍御公勸令斷齋  
繼以涕泣不允女全秀乃代齋太孺人始肉食  
然乳竟不足夜以餅棗繼之是時侍御公貲日  
起乃始置二庄太孺人春替耕秋視穫無有勸  
怠庚子歲饑太孺人勸侍御公煮粥以食饑者  
有死者買棺瘞之又施藥以救病所活不止千  
人甲辰歲又大饑鄉民艱食悉採蕨山中官司  
恐寇亂檄劉司理練鄉兵彬江市山中民還充

朱東山文集

卷之四

六十七

兵日練習無以為哺至行丐市中市民皆乏食  
無所得太孺人與侍御公發倉穀為十數竈煮  
粥設蓬以哺饑者民來食仍禮待溫慰之約每  
日三至饑者樂之率其儕輩來哺甚眾所活無  
算後數年侍御公携僕朱力至遠鄉中途力腹  
痛甚卧地不能歸公視之至二鼓不忍捨去有  
尋牛者至見公驚曰此彬江朱公也甲辰之歲  
哺食我九日非公吾死久矣與其弟邀公併扶  
力至其家夫婦羅拜獻食晨携盒送公至彬江  
拜公與太孺人為父母蓋自甲辰饑後施粥施  
棺施藥數歲無間每不足太孺人出箱布脫簪  
飾以助其所最難者有旅客病甚無依公與太  
孺人扶至舍粥而藥之病愈又資以路費不問  
姓名而去有廬陵庠生歐陽春者父貧館南源  
王氏歲臘罷歸彬江病作呻吟筆肆中公見之  
昇至家與之藥兩月愈太孺人又助以路費比  
歸日夕焚香祝天願公與太孺人生貴子以報  
後璉試場屋遇春為述其事歸問之太孺人云

朱東山文集

卷之四

六十八

旅客病者多藥而活者俱不問其姓名今不識其誰何矣新喻有廖明者為袁童子師俸入甚薄不足以給其妻將嫁之妻不忍欲自盡太孺人與公計曰此仁卿昔日師也令明攜其妻館以一室完聚十一年而歸有張才者家貧甚太孺人與公憐之為買一舟江上以渡不責其直其族人張自成者駕舟入港取魚遇風溺死才家責自成取其屍自成家貧甚願共投水死太孺人與公惻然乃募漁人取之不得夜夢才至哭告曰吾在黃土潭頭晨往其地果得屍葬之後侍御公病篤夢才捧其輿璉戊午鄉試八月朔夜夢才來報榜且云奉公遣蓋幽冥感恩不置云仕榮公晚年雙目俱盲太孺人與侍御公養之如父走二百餘為餽供養者三十餘年侍御公歿太孺人養之愈至病篤令璉為之襄事其他脩橋梁者十數脩路者五脩渡船脩佛寺道菴飯僧諸種種不能盡述侍御公歲已酉病篤太孺人侍湯藥求神佛竟不能起太孺人與

公永訣取諸券盡焚之不責其償復竭力營葬無所愛吝自是家日落有土豪蔣仁五者充鄉長虎噬鄉里見太孺人婆婦乃賄衛巡捕指揮假賊証云宿大塘舖朱濟家意欲謀公所置座時璉尚幼仁卿遠遊太孺人躬懃之官縣令鳳竹徐公察其冤白之而袁守某者貪人也駁問不已又行父原籍遷延三載及事得釋而家產蕩盡矣僅餘硯田十數畝太孺人督諸僕耕以轉食未幾諸僕婢逃去太孺人困日甚即硯田亦賤鬻去袁人共嘆曰世人往往談陰德果報今朱某散財積善肉未寒而家破善人何報哉太孺人雖甚困然百計經營有分銀斗穀之積悉以贍二子歲壬子仁卿璉皆補博士弟子員而學師責贄甚酷太孺人止存金鏤二衣二布數疋皆出以資之又不足貸之侍御公平昔交游蓋璉儒衣冠服皆出太孺人機杼又為璉娶婦李氏璉感激激向學中夜不寐且讀且泣日夕以不能遇太孺人通為恨次年縣令石峰黃公

試邑博士弟子璉居高等直指初泉吳公試一郡時吉水令西峰王公閱卷擢璉為五學首庶知璉孤貧俱分俸賜之黃公又薦之袁二府楊公邑譚二尹為館師得束脩數十金乃迎太孺人歸督學敬所王公試璉補廩生蓋所以奉太孺人甘旨愈益備矣太孺人泣謂璉曰汝父教子冀爾一遊庠校不可得乃今名藉藉著碩不及汝父見乎歲戊午璉舉鄉薦己未下第歸仍館于袁歲入束脩百餘金太孺人稍色喜乃置田築室其自奉布衣蔬食澹如也辛未璉成進士授崇安令太孺人往就養一女子二兒子侍太孺人猶紡織不倦璉數勸止之太孺人曰吾習勞而心樂吾自安之不吾病也每聞兒女紡績讀書聲則喜聞堂上敲朴聲則泣嘗誡璉曰吾與汝父以勤儉起家貲累千金父歿而汝不得以毫末用今汝齒染肉衣綺繡月俸之入校前日何如吾與汝父陰德濟人報如是耳且此孰非天恩與君恩哉今不以時平政愛民則何

朱東岩文集

卷之四

七十一

以報稱萬一璉服其訓益守法奉公嘗與上官抗置建陽弒父逆子於理又懼有他累為太孺人憂太孺人曰汝能執法去官吾與爾同甘貧澹猶不失故吾也復何所慮萬曆乙亥璉上三年考以部使者首薦推恩贈仕彥公為崇安縣知縣封母為太孺人歲丁丑選授廣西道監察御史壬申皇上覃恩宇內贈公監察御史太孺人封如舊太孺人雖兩受恩封然冠帔之服惟望闕謝恩即珍藏之常服補浣布衣月每半食素垂老髮長至地不落亦不盡白目炯炯暇則挈小僮幼婢衣補之時耳線度針不失也璉入京太孺人畏寒不能就養所得俸寄為殺果資太孺人一無所費見死者與之棺病者與之食璉巡鹽報命按湖廣便道歸省不能舍太孺人遠去欲國請告太孺人力勉之行且曰吾尚健爾但報國勿以吾老為念按楚歸又欲請告太孺人又勉之行乃入京督學止幾位漸通顯矣而仁卿子天祿能起家有孫且

朱東岩文集

卷之四

七十二



成立璉于天爵天民並入縣庠天民試必首多  
士壬午中鄉試太孺人惕然懼曰一家全盛吾  
何德以堪之益務佈施以答天貺未幾璉陞雲  
南按察司副使疏乞歸養得致仕歸太孺人相  
見怡怡且相慶曰自汝遠隔數千里吾無日不  
思汝也今骨肉完聚他無望矣無何有中璉以  
飛語并累天民璉恐傷太孺人心太孺人顧曰  
出處盛衰自有常數何以為念一無戚容歲已  
丑四月二十五日無疾而卒享年八十有五卒  
之前七日不飲食強之食則曰吾食八十有五  
年矣尚不足耶臨終問所欲言則曰吾家以善  
得力吾子孫惟積善耳吾兒愛父母他日焚楮  
焚香不知多少吾復何言又目璉曰吾欲看爾  
至七十歲奈何捨爾去云太孺人相夫則為賢  
內事姑則為孝婦育子則為慈母哀臨二府稱  
其賢至今雖三尺童子言無間也聞人有善則  
欣然喜有不善有不幸則戚然悲與人言則勸  
以濟人利物受人惠則汲汲圖報有仇怨則盡

忘之如春冰之釋也當璉為袁郡守周公所知  
且館于郡時蔣仁五者尚在太孺人恐璉報復  
乃誡曰仁五破我家誠可恨然前生業障彼之  
惡付天報之若兒與之校非汝父唾面自乾之  
意也及璉為御史又惻惻以此為誡乃後仁五  
疾苦死諸子皆喪家無一二存者太孺人每言  
及尚憐之其厚德蓋如此每旦日坐床默念佛  
數千聲人來見者無貴賤親疎咸呼為兒感恩  
受濟者拜之為母不下數十人太孺人亦真視  
之如子也卒之日親隣遠近靡不嗟嘆稱其賢  
不已云某年某月某日璉奉太孺人葬清江縣  
三十都孔埠觀山頭首壬趾丙永為吉兆先時  
璉為太孺人卜葬地厚費者屢矣迄不得佳者  
乃今得之近地人以為太孺人生子積善所致  
抑神有默相焉太孺人生女一擇河埠周朝選  
為贅婿子二長仁卿以字行為新淦邑庠生今  
以府牒給冠帶醫官娶新市李氏生子天祿娶  
河埠周朝選女又生男孫某聘本縣江陰典史



李仕女女孫二長適憲副劉雲岡汝順子霸州  
州同鉞次適某次璉娶姜璜李氏生女一適參  
政楊邇川標子府學廩生楊士讓再娶側室盧  
氏生子天爵今為淦羅附學生娶御史孫肖洲  
承南女生女孫求弟生男孫某側室徐氏生子  
天民由廩生中壬午鄉試娶槎溪大官署正王  
泗溪汝立女生女孫招弟又娶側室儀真周氏  
生女多弟孟震嘗見諸名公家譜行狀多誇富  
盛而恥言艱苦若璉所狀太孺人生平憂苦困

朱東器文集

卷之四

七十五

迫人所不忍聞而卒之子姓繩繩既貴而昌赫  
赫不可掩孰謂無天道哉夫天道遠人道邇孟  
震以太孺人之賢竊徵人道矣銘曰金灘之津  
碧水潏潏發祥毓瑞薦生善人厥配維張在袁  
之鄉維貞維淑令譽孔彰積仁累德靡有底極  
二十四年相夫固或救死全生扶危拯溺即有  
仇讐如冰斯釋胡替而興曰有天道子既歸來  
母烏是保八載北堂融融其樂何彼慈花忽焉  
瘁落嗟嗟孺人既壽且昌綿綿陰陽福祚遠長

孔埠之丘龜筮襲吉嗚呼孺人往即而室母身  
可殯母靈未已俾爾孫子百世彌康

朱東器文集

卷之四

七十六

朱東器文集卷之四終

朱秉器集八卷

浙江汪汝璥家藏本

明朱孟震撰孟震有河上楮談已著錄此集文四卷詩四卷爲張九一所選錄文不出當時習尙詩則音節諧暢而意境不深